



ZIMBABWE

MULAWU

Kugwisya akubikka limbi Kkata Lyamulawu waZimbabwe.

LYAKABAMBWA aPalyamenti antoomwe aMuzulwidi waNyika ya Zimbabwe.

1 Mutwe wamakani mufwiifwi

Malembe aaMulawu aaya akonzya kwaambwa kutegwa niMbambululo yaKkata Lyamulawu (No.20) ya 2013 (Constitution of Zimbabwe Amendment (No.20) Act, 2013).

2 Bupanduluzi

Mumulawu ooyu-

“Kkata Lyamulawu Lyachiindi” chaamba Kkata Lyamulawu lyaZimbabwe lyakatalika kubeleka mubuzuba bwa18 Mukubwekaangala 1980, antoomwe azimwi mbambululo zyakachitwa kuKkata Lyamulawu lyachiindi, chiindi achiindi ;

“Kkata Lyamulawu Pya” chaamba Kkata Lyamulawu mbuuli mbukwaambidwe muMpampikwa.

3 Kusweegwa kwaKkata Lyamulawu liliwo akubikka limbi Pya lyaZimbabwe

(1) Kwiinda muli zyaambidwe mukabeela (2), Kkata Lyamulawu liliwo lyasweegwa mpawo kwabikkwa Kkata Lyamulawu Pya eeli.

(2) Kuchitila kuti takubi kusiziika, kulokoompololwa kuti:—

- (a) Kkata Lyamulawu pya litaanguna mubuunsi bwakudindwa mbuuli mbukupandulwidwe muMpampikwa Yamusanu Akamwi yaKkata Lyamulaw eeli, kakwaambwa kuti buunsi mulawu ooyu mbuudindwa mupepa lyaGazeti kwiinda mbuuli zyaambidwe muchibela 51(5) chaKkata Lyamulawu wachiindi; kabiyo
- (b) kuzwa mubuunsi bwakatalika kubeleka kwaKkata Lyamulawu pya mbuuli mbukwaambidwe mufuka (a), Kkata Lyamulawu liliwo (lyachiindi) lichibeleka pesi kakweendelana azeezyo zipandulwidwe muMpampikwa Yamusanu Akamwi.

MPAMPIKWA (CHIBEELA 2)**KKATA LYAMULAWU LYAZIMBABWE**

BWIIME BWAZIBEELA

Ntalisyo

CHAANDAANO 1

BWAALO BWAMILAWU

Chibeela

1. Lipabbuliki.
2. Bupati-kampatila bwaKkata Lyamulawu.
3. Bwaalo Bwandemeko.
4. Ndembela Yachisi, Lwiimbo Lwachisi, Chidindo Chachisi (*Public Seal*) antoomwe aPande LyaChisi (*Coat of Arms*).
5. Zibeela zyafulumende kuzwa kujulu kuloosika aansi.
6. Milaka.
7. Kusungwaazya luundu kuti luzibe zili muKkata Lyamulawu .

CHAANDAANO 2

MPALAMO ZYACHISI

8. Mpalamo zizulwida fulumende antoomwe atoonse tubunga-bunga amitabi yafulumende.
9. Buzuluzi buzikitide.
10. Lukamantano lwachisi, Luumuno akunzinzama kwachisi.
11. Kusumpula zyeelelo zyaampandamunsaka antoomwe angwangunuko.
12. Bulidilano bwazisi.
13. Lusumpuko lwachisi.
14. Kusumpulwa kwabantu antoomwe akupangwa kwamilimu.
15. Kubawo kwachakulya.
16. Tunsiyansiya.
17. Kupana myeenya yeelene yabaalumi abanakazi.
18. Kwiimikililwa kweelene kwazilawu munyika.
19. Bana.
20. Bakubusi.
21. Bantu bakachembaala
22. Bantu balemene
23. Bakalwana nkondo yakulilela
24. Zyabubelesi akubelekelana
25. Kukwabililwa kwampuli
26. Lukwatano
27. Lwiiyo

Chibela

28. Chiyusilo
29. Zyabulondozi
30. Zyalugwasyo abukkale bwabantu
31. Lugwasyo lwakwiimikililwa munkuta asimulawu
32. Zyamisobaano akulisangalizya
33. Kubambwa kwaluzibo lwansiku
34. Kweetwa kwamilawu yamanyika aandeene mumilawu yanyika yaZimbabwe)

CHAANDAANO 3

BWENICHISI

Chibela

35. Bwenichisi bwaZimbabwe.
36. Bwenichisi mukuzyalwa.
37. Bwenichisi kwiinda mubuzukululu.
38. Bwenichisi kwiinda mukulembesya.
39. Kunyangwa bwenichisi.
40. Kutabunda kwabwenichisi kwiinda mulukwatano naakuti kulekana.
41. Bwenichisi aMbunga ilanga banjila akuzwa munchisi (Immigration Board).
42. Manguzu aPalyamenti aatala azyabwenichisi.
43. Kweendelela nembo abwenichisi antoomwe akuboozegwa kwabunichisi bwakali bwanyangwa.

CHAANDAANO 4

MOOMPOLOLO WAZYEELELO

CHIBAKA 1

MABELESEZYO ABUPANDULUZI BWACHAANDAANO 4

44. Mukuli wakulemeka zyeelelo zyabantu zyaampandamunsaka angwangunuko
45. Mabelesezyo aChaandaano 4
46. Mvvisisisy o abupanduluzi bwaChaandaano 4
47. Chaandaano 4 tachikasyi pe kuzuzikizigwa akubawo kwazimwi zyeelelo

CHIBAKA 2

ZYEELELO ZYABANTU ZYAAMPANDAMUNSAKA ANGWANGUNUKO

48. Cheelelo chakupona.
49. Cheelelo changwaangunuko yakwe mwini.
50. Zyelelo zyabaange abali muchitookesi.
51. Cheelelo chakujatwa aabulemu.
52. Cheelelo chakujana lukwabililo lwakwe muntu.
53. Ngwangunuko kuzwa mukusonsegwa, kusubulwa akujatwa bunkala munzila iigwisy a bulamu bwamuntu.
54. Ngwangunuko kuzwa kubuzike akujatwa bunkala.
55. Ngwangunuko kuzwa kukwaangilwa kubeleka mulimu kutayandi.

Chibeela

56. Kweelana antoomwe akutasaluulana.
57. Cheelo chakuba aansiswa.
58. Ngwanguuko yakuswaanana, kulyidilana akubungana kwabantu.
59. Ngwanguuko yamuntu kuti atongawuke antoomwe akulemba aapepa eezyo zyamuchima.
60. Ngwanguuko muli zyakulibeteka akulilya moyo.
61. Ngwanguuko yakulyaambwiida zilaamoyo angwangunuko mukubelesegwa kwazibelesyo. zyakumwaya milumbe/twaambo zisiyene.
62. Kujana luzibo antoomwe amilumbe.
63. Mulaka antoomwe atunsiyansiya.
64. Ngwanguuko yakulisalila milimu iyiilwa, zyamabbindawuko naa imwi biyo milimu.
65. Zyeelo zyababelesi ababelekelwa.
66. Ngwanguuko yakweendeenda akukkala munyika.
67. Zyeelo zyameendelezyo aanyika.
68. Cheelo chakwendelezegwa kwazyabululami.
69. Cheelo chakubetekwa chooma.
70. Zyeelo zyabantu batamizigwa milandu.
71. Zyeelo zyaatala alubono.
72. Cheelo chakujana nyika yakulima akuvuba mbono.
73. Zyeelo zyazituzyungulukide.
74. Ngwanguuko yakutayandogwisigwa mpubede achanguzu.
75. Cheelo chakujana lwiyo.
76. Cheelo chakujana kusilikwa muzibbadela.
77. Cheelo chakujana chakulya antoomwe ameenda.
78. Zyeelo zyaatala alukwatano.

CHIBAKA 3

BUPANDULUZI BUZWIDE BWAZIMWI ZYELELO

79. Mabeleseyo aachibeela 3.
80. Zyeelo zyabanakazi.
81. Zyeelo zyabana.
82. Zyeelo zyabantu bakachembaala.
83. Zyeelo zyabantu balemene.
84. Zyeelo zyabantu bakalwana nkondo yakulilela.

CHIBAKA 4

KUZUKIZIGWA KWAZYEELELO ZYABANTU ZYAAMPANDAMUNSAKA ANGWANGUNUKO

85. Kuzukizigwa kwazyeelelo zyaampandamunsaka angwangunuko.

CHIBAKA 5

MPUZYEELEDE KULEKWA KUZUKIZIGWA ZYELELO ZYAAMPANDAMUNSAKA

86. Mpuzigolela kulemekwa zyeelo zyaampandamunsaka angwangunuko.
87. Zyeelo mbuzilekwa kulemekwa muchiimo chalupyopyongano.

CHAANDAANO 5

BASILUTWE BAFULUMENDE

CHIBAKA 1

MANGUZU AABASILUTWE

Chibeela

88. Manguzu aabasilutwe.

CHIBAKA 2

MUZULWIDI WANYIKA ABAMUTOBELA

89. Muzulwidi waNyika.
 90. Milimu yaMuzulwidi waNyika.
 91. Nzyayelege kubaazyo kuti muntu asalwe kuba Muzulwidi waNyika akuba mutobeli waMuzulwidi waNyika.
 92. Kusalwa kwaMuzulwidi waNyika aBamutobela Muzulwidi waNyika.
 93. Kutondeezya kutakkutikana kumasalilo aMuzulwidi waNyika.
 94. Katalika mulimu kwaMuzulwidi waNyika aBamutobela.
 95. Bulamfu bwachiindi chakubeleka mulimu kwa Muzulwidi waNyika antoomwe aBamutobela.
 96. Kusiya mulimu kwa Muzulwidi waNyika naakuti Bamutobela.
 97. Kugwisigwa kwa Muzulwidi waNyika naakuti Bamutobela.
 98. Kukwabililwa kwa Muzulwidi waNyika kuli zyakwaangwa.
 99. Milimu yaBatobela Muzulwidi waNyika.
 100. Uujisilidi Muzulwidi waNyika.
 101. Kutolwa kwachuuno cha Muzulwidi waNyika aBamutobela kuti wafwa, wasiya mulimu naakuti katachikonzyi kubeleka.
 102. Mufolo wa Muzulwidi waNyika aBamutobela.
 103. Muzulwidi waNyika aBamutobela abamwi bakali bajata zyuuno eezi tabeelede kubeleka uumbi pe mulimu nibasiya zyuuno zyabo.

CHIBAKA 3

BASILUTWE BAMITABI YAFULUMENDE, BABATOBELA ANKAMU
YABASILUTWE BAMITABI YAFULUMENDE

104. Kugalwa kwaBasilutwe baMitabi yaFulumende aBamutobela.
 105. Nkamu yaBasilutwe bamitabi yafulumende.
 106. Mbubelede kubeleka akulijata Batobela Muzulwidi waNyika, Basilutwe baMitabi yaFulumende abaBatobela.
 107. Kufolomwa kwa Batobela Muzulwidi waNyika, Basilutwe baMitabi yaFulumende aba Batobela.
 108. Bulamfu bwachiindi chakubeleka mulimu kwaBasilutwe baMitabi yaFulumende abaBatobela.
 109. Vooti yakutondeezya kubula lusyomo muli Fulumende.

CHIBAKA 4

MILIMU YABASILUTWE BAFULUMENDE

Chibeela

110. Milimu ya Muzulwidi waNyika aNkamu yaBasilutwe baMitabi yaFulumende.
111. Nkondo aluumuno.
112. Nguzu zyakulekelela.
113. Chiimo chalupyopyongano lwaluundu.

CHIBAKA 5

LOYA MUPATI WAFULUMENDE

114. Loya Mupati waFulumende.
115. Kugwisigwa kwaLoya Mupati waFulumende.

CHAANDAANO 6

BASIKUPANGA MILAWU

CHIBAKA 1

NGUZU ZYAKUPANGA MILAWU

116. Basikupanga Milawu.
117. Bube abwiime bwanguzu zyakupanga milawu.

CHIBAKA 2

PALYAMENTI

118. Palyamenti.
119. Mulimu waPalyamenti.

CHIBAKA 3

NG'ANDA YAAJULU YAMILAWU

120. Bubumbwe bwa Ng'anda Yaajulu Yamilawu.
121. Ziyandikana kuti muntu asalwe antoomwe azinga zilapa kuti akakilwe kuba mwiimikili mung'anda yaajulu yamilawu.
122. Muzulwidi waNg'anda Yaajulu Yamilawu.
123. Mutobeli waMuzulwidi waNg'anda Yaajulu Yamilawu.

CHIBAKA 4

NG'ANDA YAANSI YAMILAWU

Chibeela

124. Bubumbwe bwaNg'anda Yaansi Yamilawu.
125. Ziyandikana kuti muntu asalwe antoomwe azinga zilapa kuti akakilwe kuba mwiiminini wabantu mu Ng'anda Yaansi Yamilawu.
126. Sichuuno waNg'anda Yaansi Yamilawu.
127. Mutobeli wa Silutwe/Sichuuno waNg'anda Yaansi Yamilawu.

CHIBAKA 5

**BULAMFU BWACHIINDI NCHIBEELEDE KUBA MUWOFESI BAYIMININA
MASENA ANSALUUZYO MUPALYAMENTI**

Chibela

128. Chikonke chaMwiiminini wabusena bwansaluuzyo muPalyamenti.
129. Bulamfu bwachiindi nchibeelede kuba mu-ofesi bayiminina masena mupalyamenti.

CHIBAKA 6

NGUZU ZYAKUPANGA MILAWU AZIMWI NGUZU

130. Manguzu antoomwe amilimu yamaanda obile aPalyamenti (Ng'anda Yaajulu aYaansi).
131. Milawu iPangwa aPalyamenti antoomwe anzila zitobelezegwa mukwiipanga.
132. Katalika kubeleka kwaMilawu ipangwa aPalyamenti.
133. Kunjizigwa kwamilawu ipangwa aaPalyamenti .
134. Imwi milawu iigwasizya.

CHIBAKA 7

MEENDELEZYO AAMILIMU MUPALYAMENTI

135. Silutwe waPalyamenti.
136. Bantu bazulwida mbandiko muPalyamenti).
137. Buvule bwabantu beelete katalika mbandiko muPalyamenti.
138. Kuvoota acheelelo chakumvwigwa muPalyamenti.
139. Nzila Zyameendelezyo aPalyamenti.
140. Milumbe izwa kuMuzulwidi waNyika kiiya kuPalyamenti.
141. Kubelekelaamwi kwaPalyamenti abulumbu bwaZimbabwe.
142. Butambulwe abukakwe bwambandiko zyaPalyamenti.

CHIBAKA 8

BULAMFU BWAKUKKALA, KUMWAYIGWA AKUBELEKA KWAPALYAMENTI

143. Bulamfu bwakukkala akumwayika kwaPalyamenti.
144. Nsaluuzyo zyakusala bazulwidi basiyenesiyene nikwamwayika Palyamenti.
145. Kuswaanana kutaanzi kwaPalyamenti nizyamana nsaluuzyo zyakusala bazulwidi basiyenesiyene.
146. Chiindi chakuswaanana akulyookezya kwaPalyamenti.
147. Kuyangala kwamaBills, mitwe yanjoomo azimwi mbandiko zyakali kuchitwa kitana mwayika Palyamenti.

CHIBAKA 9

ZIMWI BIYO ZYEENDELENE AAPALYAMENTI

148. Lukwabililo anzibeelede kuchitilwa bamuPalyamenti.
149. Cheelelo chakutongawukila Palyamenti kwiinda mumalembe.
150. Mpuyiswaananila Palyamenti.

Chibela

- 151. Kkomiti ya Nzila Zyameendelezyo aPalyamenti .
- 152. Kkomiti yakulangwalangwa kwaMilawu muPalyamenti (Parliamentary Legal Committee).
- 153. Mufolo waMuzulwidi wang'anda yaajulu yamulawu, Sichuuno waNg'anda Yaansi Yamilawu aBayiminini bamuPalyamenti.
- 154. Mulembi Mupati waPalyamenti abamwi baBelesi.

CHAANDAANO 7

NSALUUZYO

CHIBAKA 1

NZILA ZYAKWEENDELEZYA NSALUUZYO

- 155. Ndemeko zyanzila zyansaluuzyo.
- 156. Meedelezyo aansaluuzyo antoomwe amalefelendamu.
- 157. Mulawu waNsaluuzyo.

CHIBAKA 2

CHIINDI CHAKUCHITWA KWANSALUUZYO

- 158. Chiindi Chakuchitwa kwansaluuzyo.
- 159. Kuzuzikizigwa kwazyuuno kwiinda munsaluuzyo.

CHIBAKA 3

KWEENGWA KWAMIGAANO YAZYANSALUUZYO

- 160. Buvule bwamakkonsitichwensi amawaadi.
- 161. Kweengwa kwamigaano yazyansaluuzyo.

CHAANDAANO 8

BUBETESI BOONSE ANTOOMWE ANKUTA

CHIBAKA 1

BWIIME BWAZYANKUTA

- 162. Manguzu aaBubetesi.
- 163. Bubetesi Boonse.
- 164. Kulyiimkilila akulisanta kwaBubetesi Boonse.
- 165. Ndemeko zizulwida bubetesi.
- 166. Nkuta yazyakata Lyamulawu.
- 167. Nzyiibeleka Nkuta yazyakata Lyamulawu.
- 168. Nkuta Yaajulujuju.
- 169. Nzyiibeleka Nkuta Yaajulujuju.
- 170. Nkuta Yaajulu.
- 171. Nzyiibeleka Nkuta Yaajulu.
- 172. Nkuta Yambelekelano.
- 173. Nkuta Yanjendelezyo.

Chibela

174. Zimwi nkuta atubunga tubeteka.
175. Nguzu zyankuta kuzyaambo zilachakuchita azyaKkata Lyamulawu.
176. Nguzu zjiswi aaNkuta yazyakata Lyamulawu, Nkuta Yaajuluju aNkuta Yaajulu.

CHIBAKA 2

KUGALWA KWABABETESI AACHIINDI NCHIBEELEDE KUKKALA MUZYUUNO ZYABO

177. Nzibeelede kubaazyo bantu kuti bagalwe kuba maJaji baNkuta yazyakata Lyamulawu.
178. Nzibeelede kubaazyo bantu kuti bagalwe kuba maJaji baNkuta Yaajuluju.
179. Nzibeelede kubaazyo bantu kuti bagalwe kuba maJaji baNkuta Yaajulu, Nkuta Yambelekelano aNkuta yanjendelezyo.
180. Kugalwa kwamaJaji.
181. Kugalwa kwaBabesii bajisilidi zyuuno.
182. Kugalwa kwabaMejastiliti abamwi babeleka mububetesii.
183. Babelesi babubetesii tabeelede kugalwa kubekela nkuta zyiinda iimwi.
184. Kugalwa kwababelesi babubetesii kweelede kutondeezya bwiime bwachisi.
185. Chikonke chamulimu.
186. Chiindi nchibeelede kukkanla muzyuuno maJaji.
187. Kugwisigwa kwamaJaji amulimu.
188. Bwiime bwamulimu wabubetesii achiindi nchibeelede kukkanla muzyuuno zyabo.

CHIBAKA 3

KKOMISHINI YABUBETESI

189. Kubumbwa abwiime bwaKkomishini yaBubetesii.
190. Milimu yaKkomishini yaBubetesii.
191. Bubalangale mumabelekelo aKkomishini yaBubetesii.

CHIBAKA 4

ZYABIYOBIYO

192. Mulawu weelete kweendelezegwa.
193. Nkuta zyeede kubeteka milandu yachakuchita aatala abasimilandu.

CHAANDAANO 9

NDEMEKO ZYAKWEENDELEZYA BULUMBU ANTOOMWE ABUZULUZI

194. Ndemeko mpati zizulwida kweendelezegwa kwabulumbu.
195. Mabbindawuko aMakkapani afulumende.
196. Mikuli yababelesi bafulumende andemeko zyabuzuluzi.
197. Chiindi cheelede kukkalwa abasilutwe batutabi tusiyanesiylene twafulumende muzyuuno zyabo.
198. Mulawu weelete kuzuzikizya Chaandaano 9.

CHAANDAANO 10

BABELESI BAFULUMENDE

Chibeela

199. Babelesi Bafulumende.
200. Kulijata kwaBabelesi baFulumende.
201. Silutwe waMutabi waFulumende uubona zyaBabelesi baFulumende.
202. Kupangwa abubumbwe bwaKkomishini yaBabelesi baFulumende.
203. Milimu yaKkomishini yaBabelesi baFulumende.
204. Bayiminini baNyika yaZimbabwe kulaamwi maNyika (*Ambassadors*).
205. Beendelezi baMitabi yaFulumende (*Permanent Secretaries*).

CHAANDAANO 11

BAKWABILILA NYIKA

CHIBAKA 1

ZYABIYOBIOYO

206. Kukwabililwa Kwanyika.
207. Tubunga tukwabilila nyika.
208. Kulijata kwababelesi batubunga twakukwabilila nyika.
209. Kkansili yaKukwabililwa Kwanyika.
210. Nzila ilyimikilide yakutambula ntongawuko.

CHIBAKA 2

BASILUMAMBA

211. Basilumamba.
212. Milimu yaBasilumamba.
213. Kutumwa kwaBasilumamba kumulimu/kunkondo.
214. Beelede kuzibisigwa bazyameendelezyo aanyika nikwatumwa Basilumamba.
215. Silutwe waMutabi waFulumende uubona zyaBasilumamba.
216. Kuzulwidwa kwaBasilumamba.
217. Kupangwa abubumbwe bwaKkomishini yaBasilumamba.
218. Milimu yaKkomishini yaBasilumamba.

CHIBAKA 3

BAKAPOKOLA

219. Bakapokola amilimu yabo.
220. Silutwe waMutabi waFulumende uubona zyaBakapokola.
221. Nabbatule waBakapokola (Commissioner-General of Police).
222. Kupangwa abubumbwe bwaKkomishini yaBakapokola.
223. Milimu yaKkomishini yaBakapokola.

CHIBAKA 4

BUFUMFUUZYI

224. Kupangwa kwakabunga Bufumfuuzyi.
225. Silutwe waMutabi waFulumende ubona zyaBufumfuuzyi.
226. Kweendelezegwa kwakabunga kaBufumfuuzyi.

CHIBAKA 5

NTOLONGO/MAJELE AKUZYOTOLOLWA KWABAANGE

Chibeela

227. Milimu yakabunga kaNtolongo/Majele aKuzyotololwa Kwabaange.
228. Silutwe waMutabi waFulumende ubona zyaNtolongo/Majele aKuzyotololwa Kwabaange.
229. Nabbatule waNtolongo/Majele aKuzyotololwa Kwabaange.
230. Kupangwa abubumbwe bwaKkomishini yaNtolongo Majele aKuzyotololwa Kwabaange.
231. Milimu yaKkomishini yaNtolongo/Majele aKuzyotololwa Kwabaange.

CHAANDAANO 12

MAKKOMISHINI AALYIIMVWILIDI AASUMPULA JANDABANJI

CHIBAKA 1

ZYABIYOBIYO

232. Makkomishini Aalyiimvwilidi.
233. Mpalamo zyamaKkomishini Aalyiimvwilid.
234. Babelesi bamaKkomishini alyiimvwilidi.
235. Kulyiimkilila akulisanta kwamaKkomishini.
236. Bantu bajanika mumakkomishini alyiimkilide tabeelede kunjila mutubunga twakweendezya nyika.
237. Kunjila akugwisigwa mulimu kwabantu bali muMakkomishini alyiimvwilidi.

CHIBAKA 2

KKOMISHINI YANSALUUZO MUZIMBABWE

238. Kupangwa abubumbwe bwaKkomishini yaNsaluuzyo muZimbabwe.
239. Milimu yaKkomishini yaNsaluuzyo muZimbabwe.
240. Kusiigwa aanze kwabantu bayanda kunjila muKkomishini yaNsaluuzyo muZimbabwe.
241. Kkomishini yaNsaluuzyo muZimbabwe yeelede kupa lipoti/Ngambo yabweendelezi bwansaluuzyo amalefelendamu.

CHIBAKA 3

KKOMISHINI YAZYEELELO ZYABANTU MUZIMBABWE

242. Kupangwa abubumbwe bwa Kkomishini yaZyeelelo Zyabantu muZimbabwe.
243. Milimu yaKkomishini yaZyeelelo Zyabantu muZimbabwe.
244. Ngambo/Malipoti aaya kuKomishini antoomwe aalembwa aaKkomishini yaZyeelelo Zyabantu muZimbabwe.

CHIBAKA 4

KKOMISHINI YAKWEELANISIGWA KWAMYEEENYA YABANAKAZI ABAALUMI MUZIMBABWE

245. Kupangwa abwiime bwa Kkomishini yaKweelanisigwa kwaMyeenya yaBanakazi aBaalumi MuZimbabwe.

Chibela

- 246. Milimu yaKkomishini yaKweelanisigwa kwaMyeena yaBanakazi aBaalumi MuZimbabwe.
- 247. Ngambo/Malipoti aalembwa aaKkomishini yaKweelanisigwa kwaMyeena yaBanakazi aBaalumi MuZimbabwe.

CHIBAKA 5

KKOMISHINI YAZIMWAYA MILUMBE MUZIMBABWE

- 248. Kupangwa abubumbwe bwaKkomishini yaZimwaya Milumbe muZimbabwe.
- 249. Milimu yaKkomishini yaZimwaya Milumbe muZimbabwe.
- 250. Malipoti/Ngambo zilembwa aaKkomishini yaZimwaya Milumbe muZimbabwe.

CHIBAKA 6

KKOMISHINI YALUUMUNO ALULEKELELO MUNYIKA

- 251. Kupangwa abubumbwe bwaKkomishini yaLuumuno aLulekelelano Munyika.
- 252. Milimu yaKkomishini yaLuumuno aLulekelelano Munyika.
- 253. Ngambo/Malipoti aalembwa aaKkomishini yaLuumuno aLulekelelano Munyika.

CHAANDAANO 13

TUBUNGA TWAKULWANA BUBOLI ANTOOMWEAMILANDU

CHIBAKA 1

KKOMISHINI YANKAKA BUBOLI MUZIMBABWE

- 254. Kupangwa abwiime bwa Kkomishini yaNkaka Buboli muZimbabwe.
- 255. Milimu yaKkomishini yaNkaka Buboli muZimbabwe.
- 256. Kuchita zyaambidwe muChaandaano 12 kumulimu waKkomishini yaNkaka Buboli muZimbabwe.
- 257. Malipoti alembwa aKkomishini yaNkaka Buboli muZimbabwe.

CHIBAKA 2

NKAMU YABASIKUSOELA MILANDU MUNKUTA

- 258. Kupangwa amilimu yaNkamu yaBasikusosela Milandu Munkuta.
- 259. Nabbatule waBasikusosela Milandu Munkuta abamwi babelesi.
- 260. Kulyiimkilila akulisanta kwaNabbatule waBasikusosela Milandu.
- 261. Mbubeelede kulijata babelesi baNkamu yaBasikusosela Milandu Munkuta.
- 262. Nabbatule waBasikusosela Milandu Munkuta weeled kupa lipoti kuPalyamenti munyaka amunyaka.
- 263. Amwi manguzu akusosela milandu.

CHAANDAANO 14

FULUMENDE WACHILIKITI AWABBOOMA

Ntalisyo

CHIBAKA 1

NTALISYO

Chibeela

264. Kuselusigwa kwanguzu zyakulela nyika kuzwa kuli fulumende mupati kusika kuli fulumende waansi, nguzu zipedwe antoomwe amilimu yeelede kuchitwa.
265. Ndemeko zyelede kujanika muli fulumende wachilikiti, dolopo abbooma.
266. Kulijata kwababelesi bafulumende wachilikiti mumadolopo mapati amumabbooma.

CHIBAKA 2

ZILIKITI AMAKKANSILI AAZILIKITI AMADOLopo-MAPATI

267. Zilikiti amabbooma aamuZimbabwe.
268. Makkansili aamuZilikiti.
269. Makkansili aMadolopo Mapati.
270. Milimu yamaKkansili muzilikiti zyamadolopo mapati.
271. Makkomiti aamakkansili amuzilikiti.
272. Basichuuno bamakkansili amuzilikiti.
273. Zimwi zinga zilaambwa aatala amakkansili amuzilikiti amumadolopo mapti.

CHIBAKA 3

FULUMENDE WADOLOPO/WABBOOMA

274. Fulumende/kkansili yadolopo.
275. Kkansili yaBbooma lyamumuunzi.
276. Milimu yamakkansili amumaBbooma aaMumuunzi.
277. Kusalwa kuba kkansela.
278. Bulamfu bwachiindi nchibanga balakkala muzyuno makkansela.
279. Meendelezyo aKkansili yabbooma.

CHAANDAANO 15

BAZULUZI BABULONGO

280. Buzuluzi bwabulongo.
281. Ndemeko zyelede kulangisisigwa abazuluzi babulongo.
282. Milimu yabazuluzi babulongo.
283. Kunjizigwa akugwisigwa kwabazuluzi babulongo muzyuno.
284. Mifolo alumwi lugwasyo lupegwa bazuluzi babulongo.
285. Kkansili Yabaami Yanyika Yoonse aNkamu Yabaami Yamuchilikiti.
286. Milimu yaKkansili Yabaami Yanyika Yoonse aNkamu Yabaami Yamuchilikiti.
287. Kkomiti yazyabuntususu akulijata kwaBaami.

CHAANDAANO 16

NYIKA YAKULIMA

Chibeela

288. Bupanduluzi bwaChaandaano 16.
289. Ndemeko zitobelezegwa mumabeleseyo aanyika yakulima.
290. Kwiinkilila nembo kwazyeelolelo zyafulumedne kunyika yakulima.
291. Kwiinkilila nembo kwazyeelolelo zyabantu bakkede aanyika yakulima.
292. Kukwabililwa kwanzila njibakapegwaa aayo bantu bakkede aanyika yakulima.
293. Kupambula kwafulumedne nyika yakulima.
294. Kupambulwa kwanyika yakulima abeni nyika naakuti bakkede mpawo.
295. Kubbadalwa kwabantu bakanyangwa nyika yakulima afulumende muchiindi chakiinda.
296. Kupangwa antoomwe abwiime bwa Kkomishini yaNyika yakulima muZimbabwe.
297. Milimu yaKkomishini yaNyika yakulima muZimbabwe.

CHAANDAANO 17

ZYAMALI

CHIBAKA 1

MABELESESYO AAMALI

298. Ndemeko zilaatala amabeleseyo aamali yabulumbu.
299. Kubayila kwaPalyamenti kumabelesesyo akujanwa kwamali afulumende.
300. Aagolela mweelo waFulumende wakucheneka mali kubwezwa kwachikwelete chabulumbu akusyomezya nyika.
301. Kupegwa mali kwabafulumende bazilikiti abamabbooma.

CHIBAKA 2

NKOMO MPATI YAFULUMENDE

302. Nkomo Mpati Yafulumende.
303. Kugwisigwa kwamali kuzwa muNkomo Mpati yafulumende.
304. Kuliya kulangene aaNkomo Mpati yaFulumende.

CHIBAKA 3

KUZUMIZIGWA KWAMABELESESYO AAMALI IIZWA
MUNKOMO MPATI YAFULUMENDE

305. Kwaabanisa mali iizwa muNkomo Mpati yaFulumende.
306. Kuzumizigwa kubelesya mali kiitana kwaabanisigwa.
307. Kubelesegwa kwamali kutapedwe mvumo.

CHIBAKA 4

KUKWABILILWA KWAMALI ANTOOMWE AMBONO ZYABULUMB

Chibeela

- 308. Milimu yabantu bakwabilila mali ambono zyabulumbu.

CHIBAKA 5

MUPATI UULANGA MABELESEZYO AAMBO NO AMALI ZYALUUNDU

- 309. Mupati uulanga mabelesezyo aambono amali zyaluundu antoomwe amilimu yakwe.
- 310. Kunjizigwa mulimu kwaMupati uulanga mabelesezyo aambono amali zyaluundu.
- 311. Kulyiimikilila akulisanta kwaMupati uulanga mabelesezyo aambono amali zyaluundu.
- 312. Mufolo waMupati uulanga mabelesezyo aambono amali zyaluundu.
- 313. Kugwisigwa mulimu kwaMupati uulanga mabelesezyo aambono amali zyaluundu.
- 314. Babelesi mbabeleka aabo Mupati uulanga mabelesezyo aambono amali zyaluundu.

CHIBAKA 6

ZYABIYOBIYO

- 315. Mawulilo aazintu antoomwe azimwi zizuminano zyafulumende (*Procurement and other governmental contracts*).
- 316. Kweendelezegwa kwatubunga twakabumbwa kwiinda mumulawu.
- 317. Bbenki pati lyaNyika yaZimbabwe.

CHAANDAANO 18

ZYABIYOBIYO AZIMWI NJILIKIZYO

CHIBAKA 1

ZYABIYOBIYO ZILANGENE AMAKKOMISHINI

- 318. Mabelesezyo aaChibaka 1.
- 319. MaKkomishini tube tubunga tulyiimvwilidi atulikke.
- 320. Bajanika mumakkomishini amabelekelo aabo.
- 321. Milimu ameendelezezyo amakkomishini.
- 322. Kupegwa mali kwaKkomishini.
- 323. MaKkomishini ayelede kupa lipoti kuPalyamenti lumwi amunyaka.

CHIBAKA 2

ZYABIYOBIYO

- 324. Kubelekwa zizikitide kwamilimu yaambidwe muKkata Lyamulawu.
- 325. Kupegwa kwamali kwatubunga twakalengwa akwiinda muKkata Lyamulawu antoomwe atumwi Tubunga.
- 326. Mulawu wachintu wamanyika aandeene.
- 327. Zizuminano zyamanyika aandeene.

Chibela

328. Kubambululwa kwaKkata Lyamulawu.
 329. Kutaanguna kubelesegwa kwaKkata Lyamulawu azitobelwa mukuzubuka .

CHIBAKA 3

BUPANDULUZI

330. Mbeleseyo yaChibaka 3.
 331. Ndemeko zyabiyobiyo zyabupanduluzi bwaKkata Lyamulawu.
 332. Mpandululo.
 333. Aawo mpukwadomwa zyaandaano, zibela, azimwi.
 334. Mabala aali mubuche awamba bwiingi kabiyo aali mubwiingi awamba mubuche.
 335. Malembe aazili mukati antoomwe amitwe yamakan.
 336. Kudomwa kwachiindi.
 337. Kudomwa kwababelesi bamumawofesi.
 338. Kudomwa kwaPalyamenti.
 339. Kuyanduula akujana busongo.
 340. Kugalwa kwabantu kuti banjile muzyuuno zyamilimu.
 341. Kusiya mulimu.
 342. Kuchita milimu, azimwi.
 343. Aawo mutun mpategwa tachibelekeli luundu.
 344. Bwiingi bweenzya muswaangano azimanga zijanika mutubungabunga twakalengwa aKkata Lyamulawu.
 345. Kuteendelana kwazyambwa aamabala muKkata Lyamulawu.

MPAMPIKWA NTAANZI: Ndembela yachisi, Lwiimbo Lwachisi, Pande Lyachisi (National Coat of Arms) antoomwe achidindo chachisi (Public Seal).

MPAMPIKWA YABILI: Kutyolwa kwazyelelelo muchiindi champyopyongano.

MPAMPIKWA YATATU: Zikonke aNzumino.

MPAMPIKWA YANE: Nzibeelede kubaazyo kuti bantu balembesye kuvoota.

MPAMPIKWA YAMUSANU: Zitobelegwa mukuchita maBills azimwi zyaambo muPalyamenti.

MPAMPIKWA YAMUSANU AKAMWI: Katalika kubeleka kwaKkata Lyamulawu eeli akutambikizyania nguzu kwafulumende.

NTALISYO

Swebo tubantu bamuZimbabwe,

Katukamantanisigwa, mukusiyana kwesu , achiyandisyo chakwaangunuka, bululami akweelana kabiyo akukaka nkutwakaka budyaamizi, nsaluulakkanda antoomwe azyonse nzila zyabudyaamizi,

Katulumbayizya akukankayizya basichaamba babaalumi abanakazi bakapedekezya buumi bwabo muchiindi chankondo zyakulilela zyoonse,

Katulemeka bensiku bakabelekela nyika yesu changuzu kuti isumpuke kusika mpiibede sunu,

Katubona bubotu bwakusimatizya bulelo bwajandabanji, bulelo bubalangala kabuzikitide kabiyo bulemeka mulawu,

Katulipeda kabiyo kukusumpula akukwabilila zyelelo angwanganuko zyabantu zyaampandamunsaka,

Katuliyeezya buvule bwabuvubi bwazilengwaleza zyesu,

Katusekelela kupona kwatunsiyansiya twesu azimwi zyabasikale

Katulipeda kuzunda boonse buyumuyumu azimwi zijalila lusumpuko lwesu,

Katukomezya kwaangunuka, kweelana, luumuno, bululami, kulekelelana,

kusumpuka akuyandisyra nyika yesu katuyanduula kusumpuka kwanyika yesu mulukamantano,

Katuliyeezya bupati kampatila bwaSikabumba Leza, mumaanza aakwe lyajuunza lyesu mulibede,

Katulipeda kwiinda muli zeezyo zyaambidwe muKkata Lyamulawu eeli kuti tuyake nyika yesu ikamantene, yabilulami iyakidwe aajulu kwandemeko zyabulelo bwajandabanji,

Kabiyo, katuyanduula lugwasyo luzwa kuli Sikabumba Leza, tulaano twabumba Kkata Lyamulawu eeli katulipeda lwesu kuli ndilyo Kkata lyamulawu wanyika yesu iityandwa.

CHAANDAANO 1

BWAALO BWAMILAWU

1 ILipabbuliki

Nyika yaZimbabwe nimbulumbumbe yachisi, chilaabweendelezi bwajandabanji kabiyo yakalilela.

2 Bupati-kampatila bwaKkata Lyamulawu

(1) Kkata Lyamulawu eeli ngumulawu mupati-kampatila nkaako toonse tulawulawu, inchito zyabantu antoomwe aziyanza ziteendelani azeezyo zilembedwe muKkata Lyamulawu eeli, zilaanze kwamulawu nkabela tazikwe manguzu.

(2) Zyaambidwe muKkata Lyamulawu eeli zyeede kuchitwa tweede twazichita toonse tubantu atubunga kujatikizya fulumende antoomwe azibeela zyakwe zisiyenesiyene zibikkikizya basilutwe, bapanga milawu a Babetesu atumwi tutabitabi twafulumende kuzibeela zyoonse zyanyika kweede zyazukizizya mulawu ooyu mbuuli mbuwamba.

3 Bwaalo Bwandemeko

(1) Nyika yaZimbabwe yakabumbwa kwiinda mukulemeka ndemeko zitobela:

- (a) bupati-kampatila bwaKkata Lyamulawu eeli;
- (b) kulemekwa akutobelezegwa kwamilawu yaNyika;
- (c) zyeelo zyabantu zyaampandamunsaka antoomwe angwangunuko zyabo;
- (d) kusiyana kwatunsiyansiya twabantu baNyika yaZimbabwe antoomwe abuvule bwanzila nzyakombwa aazyo Leza amakkalilo abantu;
- (e) kulemekwa bulemu abuntususu bwawumwi awumwi muntu;
- (f) kulemekwa kweelana kwabantu boonse;
- (g) kweelanisa myeenya yabaalumi abanakazi mubukkale bwabuumi.
- (h) njendelezyo yanyika atubunga mbotu, kabiyo
- (i) akulemekwa kwankondo yakulilela.

(2) Ndemeko zyachisi anjendeleyo yamasena izikitide, ikamantanisa tubunga ambunga zyafulumende kumasena woonse antoomwe azibeela zisiyene-siyene kubikkikizya—

- (a) lulelo lwanyika lwajandabanji lusungwaazya kubumbwa kwatubunga twiingi twakweendelezya nyika.
- (b) mabambe ansaluuzyo zyabazulwidi ayeeme a—
 - (i) Cheelelo chamuntu woonse wakomena kuti asale bazulizi banyika antoomwe akweelana kwa nsaluulo/kwamavooti aabantu boonse;
 - (ii) kweendelezya zyamavooti muchiindi cheede munzila iwangunukide kabiyo kiibalangala; a
 - (iii) kwiimikilwa kuzwide kwabantu bavoota;
- (c) kutambikiziana zyuuno zyabuzulwidi kuzwa nizyachitwa nsaluuzyo zyanjizya bazulwidi muzyuuno;
- (d) kulemekwa zyeelo zyatubunga toonse twanjendeleyo yanyika;
- (e) kulemekwa kusiyana kwamanguzu aapedwe zibeela zyafulumende zisiyene-siyene;

- (f) kulemeka bulumbu bwaZimbabwe oobo bupa nguzu zyakweendelezya nyika eeyi;
- (g) kubeleka milimu munzila ilaantanganana, yabululami, ibalangala antoomwe akuswiilizya makanze aabantu mbibazulwida mumibeleko isiyene-siyene.
- (h) kusungwaazy aukamantana kwanyika, luumuno akuzikitila kwanyika kwiinda mukusumpula milaka isiyenesiyene, tunsiyansiya antoomwe abukkale busiyenesiyene bujanika munyika;
 - (i) kulemekwa kwazyeelo zya-tubunga tusiyenesiyene twabantu bamisyobo-misyobo, tunsiyansiya tusiyenesiyene, milaka isiyenesiyene antoomwe anzila zyakukomba Leza zisiyenesiyene;
 - (ii) bantu balemene munzila zisiyenesiyene;
 - (iii) banakazi, bantu bakachembaala, bakubusi abana;
 - (iv) bakalwana nkondo yakulilela;
- (g) kwaabana bweelene kwazilengwa-leza zyamuchisi kubikkikizya nyika yakulima;
- (h) kulemeka zyeelo zipati; kabiyo
- (i) kupa nguzu kumitabi yafulumende ili muzilikiti amumabbooma.

4 Ndembela Yachisi, Lwiimbo Lwachisi, Chidindo Chachisi antoomwe aPande Lyachisi

Chisi chaZimbabwe chijisi ndembela, Lwiimbo Iwachisi, Pande Lyachisi antoomwe aChidindo chaChisi zyonse eezi zili pandulwidwe muMpampikwa Ntaanzi.

5 Zibeela zyafulumende kuzwa kujulu kuloosika aansi

Zibeela zisiyenesiyene zyafulumende waZimbabwe kuzwa kujulu kuloosika aansi zyiimvwi boobu—

- (a) fulumende waChisi choonse mbizulwa;
- (b) fulumende wachilikiti amaKkansili amadolopo mapati;
- (c) fulumende wamaKkansili maniini awaMabbooma;
 - (i) fulumende weendelezya dolopo (kkansili yamudolopo) kabona zyabukkale bwabantu mudolopo eelyo; kabiyo
 - (ii) fulumende weendelezya bbooma (kkansili yakuluzeva) kabona bukkale bwabantu bamumyunzi

6 Milaka

(1) Milaka iitabela; Chewa, ChiBarwe, English, Kalanga, Koisan, Nambya, Nda, Ndebele, Shangani, Shona, Sign Language, Sotho, Tonga, Tswana, Venda, kabiyo Xhosa, njimilaka izibikene zili mumulawu waZimbabwe.

(2) Mulawu wakapangwa aPalyamenti ukonzya kusianisa milaka eeyi munzila zyobile; imwi ibe milaka itanoobelesegwe mumalembe ali mumulawu kakuli imwi milaka kiili milaka biyo izibikene kilemekwa zili mumulawu.

(3) Fulumende antoomwe amitabi yakwe yoonse atubunga twakwe toonse kuzibeela zyazilikiti akumabbooma woonee weelete—

- (a) kabona kuti yoonse milaka iizibikene zili mumulawu ibelesegwa akujatwa bweelene;

(b) kubona kuti bantu bamubusena bumwi abumwi babelesya mulaka ngubayanda mukwaambuanyia antoomwe amilumbe iiza kuli mbabo.

(4) Fulumende weelede kusungwaazya akusumpula kubelesegwa kwamilaka yoonse ibelesegwa munyika yaZimbabwe, kubikkizya Mulaka Ubelesya Zizo (*Sign Language*), mpawo weelede kubona kuti milaka yoonse ilookusumpulwa.

7 Kusungwaazya luundu kuti luzibe zili muKkata Lyamulawu

Fulumende weelede kusungwaazya luundu kuti luzibe zili muKkata Lyamulawu, kapati kwiinda—

- (a) mukutolekela Kkata Lyamulawu eeli mumilaka isiyenesiyene yoonse izibikene zili mumulawu kabiyo malembe aayo amwaywa mabantu kuti bajane luzibo aatala amulawu ooyu mumasena woone;
- (b) kubona kuti zili muKkata Lyamulawu eeli zilokuyiisigwa muzikolo, kabiyo kazilo kubikkwa muzyiiyo zyabasilumamba, bakapokola tuswiilizya bavviya antoomwe ababelesi bafulumende bajanika muzibela zyoonse zyafulumende; kabiyo
- (b) kusungwaazya bantu boonse, tubunga toonse kuti tumwaye milumbe munyika yoonse aatala azili muKkata Lyamulawu eeli.

CHAANDAANO 2

MPALAMO ZYACHISI

8 Mpalamo zizulwida fulumende antoomwe atoonse tubunga-bunga amitabi yafulumende

(1) Mpalamo ziyalidwe muChaandaano eechi zizulwida fulumende, tubunga twafulumende antoomwe atutabitabi twakwe toonse tujanika muzibela zyanyika zyoonse, mukubumba akweendelezya milawu igwasizya, kusumpula akusungwaazya kuyakwa kwachisi chiimvwi mubululami, chaangunukide kabiyo kachilaalulelo lwajandabanji, bantu mubaangunukide kababotelwa akupona buumi buzwide bujisi nzibayanda.

(2) Mukuyanda kumvvisisisy Mikuli yafulumende yakugwasizya luundu yaambilidwe muKkata Lyamulawu eeli ayimwi milawu, kweelede twalangisisya mpalamo ziyalidwe muChaandaano eechi.

9 Buzuluzi buzikitide

(1) Fulumende weelede kubumba antoomwe akweendelezya milawu isungwaazya bunkutwe, bubalangale mumabelekelo amilimu yaluundu, kusumpula bwime abuntususu bwamuntu antoomwe akusungwaazya kusyomeka kumabeleseyo aamali mumitabi yafulumende, mutubunga twafulumende tujanika muzibela zyoonse zyanyika kapati—

- (a) bantu banjizigwa mumilimu yafulumende kweelede kabajisi luzibo aatala amilimu njibapegwa peepe chinjizyenjizye.
- (b) ntaamo kweelede zyatolwa kuti kukwabililwe, kubbongononwe kabiyo kugwisigwe yoonse misyobo yabuboli antoomwe akubelesya bubi nguzu kwabazuluzi bajisi zyuuno zyakweendelezya nyika abaabo babelekela fulumende.

(2) Fulumende weelede kubona kuti tubunga twakwe, mitabi yakwe atutabitabi twakwe muzibela zyoonse zyanyika, kapati maKKomishini atumwi tubunga

twakaanzwa kwiinda muKkata Lyamulawu eeli, tweede twapegwa zibelesyo nkukuti tukonzye kubeleka milimu yato munzila iiluleme, ibalangala kilaabusichaamba.

10 Lukamantano Iwachisi, Luumuno akunzinzama

Fulumende antoomwe amuntu woonse, kubikkikizya tubunga twanzidwe kwiinda mumulawu, yoonse mitabi yafulumende muzibela zyoonse zyanyika, zyeede kusungwaazya lukamantano, luumuno akulyiiba kwachisi.

11 Kusumpula zyeelo zyaampandamunsaka antoomwe angwangunuko

Fulumende weelede kutola ntaamo zyoonse zyakukwabilila zyeelo zyaampandamunsaka antoomwe angwangunuko zyabantu mbuuli mbuziyalidwe muChaandaano 4, kabiyo asungwaazye kuzuzikizigwa kwazyeelo eezi mbuuli mbukwelede.

12 Bulidilano bwazisi

(1) Bulidilano bwanyika yaZimbabwe azimwi nyika kweelede kabuzulwidwa andemeko zitabela—

- (a) kusumpula akukwabilwa kwazintu antoomwe amizeeo igwasya nyika yaZimbabwe;)
- (b) kulemekwa kwamilawu iswaanizya akujatikizya manyika aandeene;
- (c) kukkala muluumuno azimwi zisi;
- (d) kuzyotololana akumana luzyokola akati kamanyika/kazisi munzila yaluumuno.

(2) Fulumende weelede kusungwaazya kusumpulwa kwabuntususu atunsiyansiya antoomwe akumvwanana kwanyika zyamuAfrica. Uleelede kabiyo kubelekela aamwi azimwi nyika antoomwe atumwi tubunga-bunga twamuchilawu twiimvwilidi zyaluumuno abukkale buboto muchilawu, muchisi chaAfrica choonse mbuchizulwa akubona zyakusumpuka kwabantu mbubazulwa.

13 Lusumpuko Iwachisi

(1) Fulumende antoomwe amitabi yakwe atubunga twakwe muzibela zyoonse zyachisi weelede wasungwaazya lusumpuko lweelene koonse, kapati weelede kubweza ntaamo kuchita zitabela—

- (a) kusungwaazya bantu kuti balipangile mizeeo yalusumpuko lwabo beni antoomwe akubelesya zibelesyo azilengwa-leza zili muluwa lwabo;
- (b) kusungwaazya kusumpuka kwazyalimi, zyamakwebo, (commercial) zyamandastili, zyabusyaabusongo(tekinloji), azyasayensi;
- (c) kusungwaazya kuzwidilila kwamandastili amakwebo kakuli ninzila yakbusilizya bana bachisi chaZimbabwe; kabiyo
- (d) kweeta lusumpuko lweelene mumasena aandeene muchisi, kapati kusumpulwa kwamumyuunzi amumadolopo munzila yeelene.

(2) Ntaamo amabambe alusumpuko zyaambidwe muchibela eechi kubota zyeendelezegwa antoomwe abantu bamuluwa nkukuti bagwasizye mukweeta lusumpuko lwabo beni.

(3) Ntaamo zyakweeta lusumpuko zyaambidwe muchibela eechi kweelede kazisumpula cheelo chabantu, kapati bamakayintu, kuti bapegwe myeenya yeelene abaalumi muli zyalusumpuko.

(4) Fulumende weelede wabona kuti bantu bamuluundu balookujana mpindu kuzwa muzilengwa-Leza zijanika mibusena bwabo.

14 Kusumpulwa kwabantu antoomwe akupangwa kwamilimu

(1) Fulumende, mitabi yakwe atutabitabi twakwe toonse muzibeela zyanyika zyoonse weelede watola ntaamo zyakusumpula bantu, kwiinda munzila zikonze ka mibusena oobo, munzila ibalangala, ilaantanganana, yabululami kabiyo igwasizya akuchebuka baabo bakadyaamikizidwe mumazuba aayinda munyika yaZimbabwe.

(2) Choonse chiindi, Fulumende, mitabi yakwe atutabitabi twakwe toonse muzibeela zyanyika zyoonse weelede wabona kuti zyoonse zikonzya kuchitwa zyachitwa kuti bana Zimbabwe bajane milimu yakubeleka, kapati bamakayintu abakubusi.

15 Kubawo kwachakulya

Fulumende weelede—

- (a) kusungwaazya bantu kuti balime akubamba chakulya chiingi;
- (b) kupanga zimumbwa zyanyika zyakubambilila chakulya chiingi chikonzya kusanina luundu lwanyika; kabiyo
- (c) kusungwaazya akusumpula malimino aachakulya chilaamunse kwiinda mukuiisya bantu azimwi nzila zyeede.

16 Tunsiyansiya

(1) Fulumende, mitabi yakwe atutabitabi twakwe toonse muzibeela zyanyika zyoonse weelede wasumpula akulondola/kubamba tunsiyansiya tuyaka buntususu, bukkale buboto bwabantu akusumpula kweelene kwabantu boonse muchisi.

(2) Fulumende, mitabi yakwe atutabitabi twakwe toonse muzibeela zyachisi zyoonse antoomwe abana Zimbabwe boonse kweelede basoleeka kubamba akukwabilila nzyakatupa Leza.

(3) Fulumende, mitabi yakwe atutabitabi twakwe toonse muzibeela zyanyika zyoonse weelede twatola ntaamo zyakubona kuti buzuluzi bwabulongo muluundu bwalemekwa.

17 Kupana myeenya yeelene yabaalumi abanakazi

(1) Fulumende weelede kusumpula kweelana kwabaalumi abanakazi mumyeenya yazyabukkale munyika yaZimbabwe kapati—

- (a) fulumende weelede wasumpula bamakayintu kuti banjile akubeleka muzibeela zyanyika zyoonse bweelene abaalumi;
- (b) fulumende weelede kutola ntaamo zyoonse, kubbikkikizya kupanga milawu, yeelede kubona kuti—
 - (i) banakazi abaalumi balajanika muli fulumende, mumitabi yakwe atutabitabi twakwe toonse muzibeela zyanyika zyoonse; kabiyo
 - (ii) banakazi mbiingi kusika muchisela chabantu bajanika mutubunga twamaKkomishini antoomwe atumwi tubunga twafulumende twaanqidwe kwiinda muKkata Lyamulawu eeli naakuti Mulawu wapangwa aPalyamenti;

kabiyo

- (c) Fulumende, mitabi yakwe atutabitabi twakwe toonse muzibeela zyanyika zyoonse weelede watola ntaamo zyoonse kubona kuti banakazi

bajana zibelesyo ziyandikana, kubikkizya nyika yakulima, bweelene abaalumi.

(2) Fulumende weelede watola ntaamo mbotu zyakuzyotolola musiyano wakujana myeena kwabaalumi abanakazi zyakali kupangwa aatunsiyansiya antoomwe amilawu yansiku yabudyamizi.

18 Kwiimikililwa kweelene kwazilawu munyika

(1) Fulumende weelede kusungwaazya kwimikililwa kweelene kwazilawu zyachisi zyaZimbabwe zyoonse mutubunga twakwe toonse atutabitabi twakwe toonse tujanika muzibeela zyachisi zyoonse kuzwa kujulu kuyoosika aansi.

(2) Fulumende, mitabi yakwe atutabitabi twakwe toonse muzibeela zyanyika zyoonse weelede zyatola ntaamo zyakubona kuti boonse bantu bakkala muluwa bajana zibelesyo zyakweendelezya lusumpuko muluundu lwabo.

19 Bana

(1) Fulumende weelede kupanga milawu atulawu-lawu kubona kuti kunkani zyabana, eeyo ziyandikana kuti bana bapone buumi buntuloko zyalemekwa akuchitwa.

(2) Fulumende weelede kupanga milawu atulawu-lawu, ikonzya kuzuzikizigwa kakulangwalangwa zibelesyo ziliwo, kuti bana—

- (a) bakomena kababambwa kabetu abazyali mumpuli naakuti kubambwa kabetu nibagwisigwa mumpuli zyabo;
 - (b) bajana chiyusilo achakulya chilomene azigwasizya bukkale bwamwana mbuuli zyalwiyo, kusilikwa azimwi zilangene azyabukkale;
 - (c) bakwabililwa kuzwa kukupenzegwa, kujatwa bubi naakuti kuli bumwi bubi bukonzya kupambanisa bukkale bwamwana); kabiyo
 - (d) bakonzya kujana lwiyo antoomwe akwiiya mulimu wamaboko /ikkoosi.
- (3) Fulumende weelede kupanga milawu akutola zimwi ntaamo—
- (a) kukwabilila bana kuzwa kukubelesegwa mbuuli bazike mumilimu; kabiyo
 - (b) kubona kuti bana tabazumizigwi pe kubeleka naakuti kuchita milimu:-
 - (i) iteendelani pe aminyaka yabana; naakuti
 - (ii) ibikka bana mubuyumuyumu, kabatachijani zintu zili mbuuli lwiyo, kukkalinkana muboongo amumuuya, antoomwe akukomena kwabo kwamubili.

20 Bakubusi

(1) Fulumende, mitabi yakwe atutabitabi twakwe toonse muzibeela zyanyika zyoonse weelede watola ntaamo, kubikkizya mabambe akusumpula bakadyaamikizidwe nsiku, zyeede kubona kuti bakubusi, bana balaaminyaka ilaakati kakkumi (10) kuyoosika kuminyaka iili makumi otatwe alaamusau yaminyaka (35)—

- (a) bajana lwiyo antoomwe amweenya wakuyisigwa mulimu;
- (b) bajana myeena yakuswaanana, kwiimikililwa antoomwe akubamo muzibeela zyabuumi zyoonse mbuuli zyakweendelezegwa kwanyika, zyabukkale azyabuvubi;
- (c) bapegwa myeena yakubeleka milimu ayimwi myeena iinga ilabasumpula muli zyabuvubi;

(d) bajana myeenya yakulisangaliza akujana myeenya yakusika kumasena aakulisangaliza; kabiyo

(e) bakwabililwa kuzwa kutunsiyansiya tukonzya kubanyonyoona, kubelesegwa buzike, azimwi nchito zikonzya kubanyongania buumi bwabo.

(2) Mulawu wapangwa aPalyamenti ukonzya kudoma akwaamba mabambe aanyika anga alagwasizya kusumpula bakubusi.

(3) Ntaamo amabambe zyaambwa muchibela (1) a (2) zyeede kugwasizya bakubusi boonse kakatalangwi tubunga bakubusi nkubajanika twakweendelezegwa kwanyika.

21 Bantu bakachembaala

(1) Fulumende, mitabi yakwe atutabitabi twakwe toonse muzibeela zyanyika zyoonse weeleda watola ntaamo, kubikkizya kupanga milawu, zyakubona cuti bantu bakachembaala balemekwa, bakwabililwa antoomwe akugwasigwa cuti bajatane abamwi mubuumi bwaluundu mubakkala.

(2) Fulumende, mitabi yakwe atutabitabi twakwe toonse muzibeela zyanyika zyoonse kweelede, kakulangwalangwa zibelesyo ziliwo—

(a) kusungwaazya bakachembaala cuti bajatane abamwi mubuumi bwaluundu mubajanika;

(b) kubajania zinga zilabagwasya mbuuli chakulya akubambwa kabetu kwabantu bakachembaala;

(c) kuchita mabambe agwasizya machembele abapa mweenya wakulyoolola kwiinda mukugwasizya mpubakonzya kumanguzu amuluzibo ndubalaalo antoomwe anzibayanda kuchita lwabo; kabiyo

(d) kusungwaazya tubungabunga tugwasizya kusumpula buumi abukkale bwabantu bakachembaala.

22 Bantu balemene

(1) Fulumende, mitabi yakwe atutabitabi twakwe toonse muzibeela zyanyika zyoonse kweelede walemeka zyeelo zyabantu balemene mibili naakuti muboongo, kapati cheelelo chabo chakujatwa aabulemu alulemeko.

(2) Fulumende, mitabi yakwe atutabitabi twakwe toonse muzibeela zyanyika zyoonse weeleda, kakulangwalangwa zibelesyo ziliwo, wagwasizya bantu balemene mibili naakuti muboongo cuti bajane lugwasyo lubapa myeenya yakubelesya zipo nzibalaazyo akuchesya budyaamizi mbubaswaanana aabo mubuumi bwabo.

(3) Kapati, fulumende, mitabi yakwe atutabitabi twakwe toonse muzibeela zyanyika zyoonse kweelede—

(a) wapanga mabambe agwasizya bantu balemene mibili aboongo, kapati mabambe akuti balibelete kakweendelana abulema mbabajisi antoomwe anzibalimvwa kabayanda kuchita lwabo beni;

(b) kulangisisya zintu ziyandwa abantu balemene munzila zyaandeene cuti zibe nzizyo zigwasizya mukuchita mabambe agwasya balemene;

(c) kusungwaazya misyobo yakwaambuuzyania iisiyene-siyene njibakonzya kubelesya kakweendelana abulema mbabajisi).

(d) kusungwaazya tubungabunga tugwasizya kusumpula buumi abukkale bwabantu balemene.

(4) Fulumende weelede kutola ntaamo kubona kuti mayake azimwi zyakulisangalizya kwaluundu zyayakwa munzila njibakonzya kubelesya balemene abalabo kabataswaanani abuyumuyumu pe.

23 Bakalwana nkondo yakulilela

(1) Fulumende, mitabi yakwe atutabitabi twakwe toonse muzibeela zyanyika zyoonse weelede kupa lulemeko kubantu bakalwana nkondo yakulilela, kakwaambwa kuti—

- (a) aabo bakalwana munkondo yakulilela;
- (b) aabo bakagwasizya basikulwana nkondo yakulilela; kabiyo
- (c) aabo bakaangidwe mumajele kabaangilwa zyanyika muchiindi kakulwanwa nkondo yakulilela.

(2) Fulumende weelede kutola ntaamo, kubikkikizya kupanga milawu, igwasizya bukkale akusumpulwa kwabantu bakalwana nkondo yakulilela muli zyabuvubi.

24 Zyabubelesi akubelekelana

(1) Fulumende, mitabi yakwe atutabitabi twakwe toonse muzibeela zyanyika zyoonse weelede wapanga milawu azimwi ntaamo, kakulangisigwa zibelesyo ziliwo, kuyanda kugwasizya wonse muntu kuti abelete mibusena bwaangunukide kabelekela mpuli yakwe munzila yabulemu.

(2) Fulumende, mitabi yakwe atutabitabi twakwe toonse muzibeela zyanyika zyoonse weelede wabona kuti—

- (a) kuli milimu yakubeleka;
- (b) wagwisya zintu zikonzya kukataazya bobelesi kuti batabeleki kabotu mumilimu yabo;
- (c) wagwasizya bantu kwiinda muysiyo zyamaboko kubikkikizya bantu balemene;
- (d) kweendelezya ntaamo zyakugwasizya mpuli kuchitila kuti bamakayintu bakonzya kujana chiindi chakubeleka kabotu kabaangunukide.

25 Kukwabililwa kwampuli

Fulumende, mitabi yakwe atutabitabi twakwe toonse muzibeela zyanyika zyoonse weelede wakwabilila akusungwaazy chiyanza champuli, kapati weelede kubona, kakulangisisigwa zibelesyo ziliwo, kuti kwatolwa ntaamo zyaku—

- (a) bikka mabambe akugwasizya bamamama, mataata abamwi bajanika mumpuli bakonzya kubamba bana;
- (b) kukasya kopenzyania kwabakwetene kwiinda mukulwana, kutukilana akwiimana zibelesyo azimwi nzibeelede kugwasanya mulukwatano.

26 Lukwatano

Fulumende weelede kutola ntaamo kubona kuti—

- (a) taakwe lukwatano luchitwa basikukwatana kabatayandi kukwatana pe lwabo;
- (b) bana tababelesegwi pe mukukwatizya naakuti kubbada zikwelete akubbada ngozi;

- (c) kuli kweelana kwazyelelo mulukwatano aakati kabasikukwatana muchiindi nibakwetene amuchiindi nibalekana;
- (d) kuti bakwetene balekana, kwiinda mukufwa kwawumwi naakuti balekana luzutu, mabambe kweelede achitwa akukwabilila bana naakuti aabo bakakwetene.

27 Lwiyo

- (1) Fulumende weelede kutola zyoonse ntaamo zikonzeka zyakusumpula—
 - (a) bana kuti baangilwe kujana lwiyo kabatabbadali pe, lwiyo lwakumatangunino; kabiyo
 - (b) lwiyo lwajulu antoomwe azyamaboko.
- (2) Fulumende weelede kutola ntaamo kubona kuti bana bachisimbi bapegwa myeenya ikozyania abalombe mukujana lwiyo muzibeela zyoonse zyalwiyo.

28 Chiyusilo

Fulumende, mitabi yakwe atutabitabi twakwe toonse muzibeela zyanyika zyoonse weelede kutola ntaamo zyakupanga milawu azimwi nzila, kakulangwalangwa zibelesyo ziliwo, kubona kuti woonse muntu wajana chiyusilo chilomene.

29 Zyabulondozi

- (1) Fulumende weelede kutola ntaamo zyoonse kubona kuti bantu balookujana kusilikwa muzibbadela amumakkilinika munyika yoonse yaZimbabwe.
- (2) Fulumende weelede kutola ntaamo kubona kuti taakwe muntu ukakilwa kusilikwa kuti waswaanana abuyumuyumu buyanda kusilikwa chakufwambaana nikuba kulichili achili chibbadela naakuti kkilinika.
- (3) Fulumende weelede kutola zyoonse ntaamo, kakulangwalangwa zibelesyo ziliwo, kukuyiisya luundu aatala akukwabilwa kwakutabukila kwamalwazi.

30 Zyalugwasyo abukkale bwabantu

Fulumende weelede kutola ntaamo, kakulangwalangwa zibelesyo ziliwo, kubona kuti aabo bayanda lugwasyo nibachembaala naakuti batachibelevi balujana lugwasyo oolo.

31 Lugwasyo lwakwiimikililwa munkuta asimulawu

Fulumende weelede kutola ntaamo, kakulangwalangwa zibelesyo ziliwo, zyakugwasizya bantu kwiinda mukupa basimulawu banga baliiminina bafwaba munkuta zyamulawu.

32 Zyamisobaano akulisangalizya

Fulumende weelede kutola ntaamo zyoonse zikonzeka kuti asungwaazyeyamaSpoti akulisangalizya kwabantu, kubikkizya kupangwa kwamasena akuchitila maspoti akulisangalizya kwabantu boonse bayanda.

33 Kubambwa kwaluzibo lwansiku

Fulumende weelede kutola ntaamo zyakubamba kabotu, kukwabilila akusungwaazyekubelesegwa kwaluzibo lwansiku (*Indigenous Knowledge Systems*) kubikkizya luzibo lwatala aminsamu yakusilika yansiku antoomwe aminsamu yamulusaka ibelesegwa aabantu basiyenesiyene.

34 Kweetwa kwamilawu yamanyika aandeene mumilawu yanyika yaZimbabwe

Fulumende weelete kubona kuti yoonse milawu ijatikizya manyika aandeene yakasayinwa aMuzulwidi waNyika kayimvwilidi Zimbabwe yabikkikizigwa mumilawu yaZimbabwe.

CHAANDAANO 3

BWENICHISI

35 Bwenichisi

(1) Bantu bajana bwenichisi kwiinda munzila eezi: kuzyalilwa munyika yaZimbabwe, kuzyalwa abazyali bajisi bwenichisi bwaZimbabwe (mubuzukululu), kujana bunanyika kwiinda mukulembesya kubupegwa.

(2) Boonse bantu bajisi bwenichisi beelete kujatwa bweelene akujana lugwasyo loonse lweelede, kabiyo balaamukuli wakuchita yoonse milimu yakusumpula nyika yabo.

(3) Boonse bajisi bwenichisi beelete kujana zyeelelo alugwasyo, ajulu kwazimwi zinga zilaambwa amilawu imwi—

- (a) kujana lukwabililo kuzwa kuli fulumende waZimbabwe fumbwa nkubabe;
- (b) kujana mapepa asiyenesiyene akweenzya kumanyika aandeene (mapasipoti awamwi);
- (c) kujana mapepa akuzyalwa antoomwe awamwi mapepa akuzibikana kwamuntu munyika aajanwa kuli fulumende.

(4) Bajisi bwenichisi balaamukuli wakuchita milimu eeyi, ajulu kwayimwi njibanga balapegwa ayimwi milawu—

- (a) kusyomeka akulipeda kunyika yaZimbabwe;
- (b) kuswiilila Kkata Lyamulawu eeli, kulemeka nzilyaamba antoomwe akulemeka tubunga twakabumbwa kwiinda mumulawu ooyu;
- (c) kulemeka ndembela yanyikai antoomwe alwiimbo lwanyika; kabiyo
- (d) kukwabilila kulilela kwanyika yaZimbabwe munzila nzibakonza zyoonse.

36 Bwenichisi mukuzyalwa

(1) Bantu bajana bwenichisi kwiinda mukuzyalilwa munyika yaZimbabwe, antoomwe akuti chiindi nibakazyalwa—

- (a) umwi wabazyali (baama naakuti ndeende) wakajisi bwenichisi; naakuti;
- (b) umwi wabamanyinakulu amasyanyinakulu wakajisi bwenichisi bwakuzyalilwa munyika yaZimbabwe naakuti bakabujana kwiinda mubuzukululu.

(2) Bantu bakazyalilwa aanze kwanyika yaZimbabwe bajana bwenichisi kwiinda mukuzyalwa kuti kakuli muchiindi chakuzyalwa kwabo umwi wabazyali wakajisi bwenichisi; kabiyo

- (a) wakkede munyika yaZimbabwe;
- (b) wakali kubelekela aanze kwanyika yaZimbabwe kabelekela fulumende waZimbabwe naakuti kabelekela mbungano ijanika mumanyika aandeene.

(3) Mwana wajanika muZimbabwe, ulaaminyaka ilaansi kwakkumi amusau utazibikene bwenichisi bwakwe, ngawabwezwa kuba bwenichisi kwiinda mukuzyalwa.

37 Bwenichisi kwiinda mubuzukululu

Kwiinda muli zeezyo zilembedwe muchibela 36(2), bantu bakazyalilwa aanze kwanyika yaZimbabwe bajana bwenichisi kwiinda mubuzukululu kuti kakuli muchiindi chakuzyalwa kwabo—

- (a) umwi wabazyali babo naakuti bayinakulu asyayinakulu wakajisi bwenichisi bwaZimbabwe kwiinda mukuzyalwa naakuti bazyali bakalaabunanyika bwaZimbabwe; naakuti
- (b) umwi wabazyali babo wakajisi bwenichisi bwaZimbabwe kwiinda mukulembesa, kabiyo kuzyalwa ooko kakulembesedwe muZimbabwe mumulawu wakulembesa zyakuzyalwa.

38 Bwenichisi kwiinda mukulembesa

(1) Fumbwa mutu uteensi munaZimbabwe pesi kakwetene amunaZimbabwe kwaminyaka iyinda musanu, kabiyo mutu ooyo kazuzikizya zyoonse ziyandikana amulawu uleelede kupegwa bunanyika bwaZimbabwe, kuti walembela kuli fulumende kakumbila kupegwa bwenichisi bwaZimbabwe.

(2) Fumba mutu uteensi munaZimbabwe pesi ukkede munyika yaZimbabwe zili mumulawu kwaminyaka iyinda kkumi, kabiyo mutu ooyo kazuzikizya zyoonse ziyandikana amulawu uleelede kupegwa bwenichisi, kuti walembela kuli fulumende kakumbila kupegwa bwenichisi.

(3) Mwana uteensi munaZimbabwe, pesi watolwa kuti alelwe amunaZimbabwe ulacheelero chakupegwa bwenichisi bwaZimbabwe kuti walembela kuli fulumende kakumbila kupegwa bwenichisi bwaZimbabwe.

39 Kunyangwa bwenichisi

- (1) Bwenichisi kwiinda mukulembesa bukonza kunyangwa kuti—
 - (a) mutu wakabupedwe wakabupegwa kwiinda munzila italuleme; naakuti
 - (b) muchiindi chankondo yakalwanwa anyika yaZimbabwe, mutu ooyo wakawuza nyika yaZimbabwe, munzila zisiyenesiyene, kuli basinkondoma bakali kulwana anyika yaZimbabwe.

(2) Bwenichisi bwakajanwa kwiinda mukuzyalwa bukonza kunyangwa kuti—

- (a) mutu wakabupegwa kwiinda munzila italuleme; naakuti,
 - (b) kumuntu uwambidwe muchibela 36(3), bunanyika bwakwe bwazibikana naakuti bazyali bakwe bazibikana kuti bakajisi bwenichisi bwayimbi nyika.

(3) Bwenichisi tabukonzi kunyangwa kuti kakuli sikunyangwa taakwe bumbi bwenichisi mbwanga ulasyala aabo nanyangwa bwenichisi.

40 Kutabunda kwabwenichisi kwiinda mulukwatano naakuti kulekana

Muntu takonzi kusweekelwa bwenichisi nkaambo kakunjila mulukwatano naakuti kufwa kwalukwatano.

41 Bwenichisi aMbunga ilanga bantu bazwa kumanyika aambi kabayanda kuzookkala muchisi (Immigration Board)

Mulawu upangwa aPalyamenti uyelede kupandulula zyakubumbwa kwa *Immigration Board* yazyia bwenichisi ijisi sichuuno antoomwe abamwi bantu babili basalwa aMuzulwidi waNyika, bbodi eeyi kilaamulimu wa:-

- (a) kupa akunyanga bwenichisi bujanwa kwiinda mukulembesa;
- (b) kuzumizya bantu, batajisi bwenichisi, kuti bakkale akubeleka munyika yaZimbabwe antoomwe akubapa malayilile ngibeelede kutobeleyza mumakkalilo aabo beenzu munyika yaZimbabwe; kabiyo
- (c) kuchita imwi milimu njibatanooli bapegwa aMulawu ubumbwa aPalyamenti.

42 Manguzu aPalyamenti aatala azyabwenichisi

Mulawu ubumbwa aPalyamenti ukonzya kupandulula zyiingi, pesi kawuyendelana azili muChaandaano eechi, aatala—

- (a) azyeelede kutobelezegwa kuti muntu ajane bwenichisi bwaZimbabwe kwiinda mukulembesa;
- (b) akuboozya bwenichisi bwaZimbabwe amuntu wakabupedwe kwiinda mukulembesa;
- (c) azyeelede kutobelezegwa mukunyanga muntu bwenichisi bwaZimbabwe mbwakali wapegwa kwiinda mukulembesa;
- (d) kupegwa bwenichisi bwaZimbabwe mbwakali wanyangwa muntu;
- (e) akukasigwa kwakuba abwenichisi bwamanyika obile kubantu balaabwenichisi bwakajanwa kwiinda mubuzukululu amukulembesa; kabiyo
- (f) akubona kuti zyaambidwe muChaandaano eechi zilookubeleka.

43 Kweendeleta nembo abwenichisi antoomwe akuboozegwa kwabwenichisi bwakali bwanyangwa

(1) Woonse muntu wakajisi bwenichisi bwaZimbabwe kuzwa buunsi nuwakadindwa mulawu ooyu, ulaya nembo kali munaZimbabwe.

(2) Woonse muntu wakazyalilwa munyika ya Zimbabwe kuutanadindwa mulawu ooyu wakaba munaZimbabwe kwiinda mukuzyalwa kuti kakuli—

- (a) umwi wabazyali naakuti bobile bazyali bakajisi bwenichisi bwanyika ili muMbunga ya Southern African Development Community yakabumbwa kwiinda muchizuminano chakasayinwa ku Windhoek munyika yaNamibia mubuunsi bwa 17 Itwi, 1992; naakuti
- (b) wakkede kali munyika yaZimbabwe kale buunsi nuwakadindwa mulawu ooyu.

CHAANDAANO 4

MOOMPOLOLO WAZYEELELO

CHIBAKA 1

MABELESEZYO ABUPANDULUZI BWACHAANDAANO 4

44 Mukuli wakulemeka zyelelo zyabantu zyaampandamunsaka angwangunuko

Fulumende amuntu wonse, kubikkilizya tubunga tuli mumulawu, antoomwe amitabi yafulumende ijanika muzibela zyoonse zyanyika kweelede kulemeka, kukwabilila, kusungwaazya akuzuzikizya zyelelo angwangunuko zyaambidwe muchaandaano eechi.

45 Mwisisisyo yaChaandaano 4

(1) Chaandaano eechi chaanga fulumende, bazuluzi bafulumende, basikubumba milawu yanyika, babetesi antoomwe azibela zyafulumende zjanika muzibaka zisiyenesiyene zyanyika, kuti boonse bantu aaba balemeke zyelelo zyaampandamunsaka.

(2) Chaandaano eechi chisungwaazya antoomwe akubangila muntu wonse mubuntu bwakwe antoomwe atubunga tuli mumulawu kuti kulemekwa akuzuzikizigwa zyelelo eezi munzila njizyeelede kulemekwa kakulangwa kuti nziizili zyelelo angwangunuko umwi awumwi nyeelede kuzuzikizya amilimu njeede kuchita mukuzuzikizya zyelelo eezi.

(3) Tubunga toonse tuli mumulawu antoomwe abantu beeleder kujana zyelelo angwangunuko zyaambidwe muchaandaano eechi munzila njizyeelede kuzuzikizigwa akuchitwa kubantu boonse antoomwe atubunga tuli mumulawu.

46 Imbelesezyo abupanduluzi bwaChaandaano 4

(1) Kuti nikupandululwa Chaandaano eechi, nkuta, imbeta abamwi babetesi beeleder—

- (a) kweezya kuzuzikizya akulemeka zyelelo angwangunuko zyaambidwe muChaandaano eechi;
- (b) kusungwaazya bwaalo bwabukkale bubumba bbambabbwe lyaluundu lweendelezegwa munzila yajandabanji, iilemeka lulelo lubalangala, bululami, bulemu bwamuntu, kweelanisigwa kwabantu akwaangunuka kwabo, kapati bwaalo bwazyandemeko azilemekwa mbuuli mbukupandulwidwe muChibela 3 chaKkata Lyamulawu.
- (c) kulemeka milawu yakazuminanwa aamanyika wonse alaansi aano kiili milawu eeyo yakatambulwa afulumende waZimbabwe;
- (d) kulemeka zibela zyoonse zyaKkata Lyamulawu wanyika (*national constitution*) kapati bwaalo bwamulawu antoomwe ampalamo zjanika muChaandaano 2 chaKkata Lyamulawu wanyika.
- (e) kulemeka milawu yaamwi manyika iiyendelana kabiyo kiinjililana amilawu yesu;

eezi zyoonse zichitwa aafulu kwakulangisisya zintu zinji zyelede kuchitwa mukubelesya akumvwisisisya Kkata Lyamulawu wanyika.

(2) Kuti nikubelesegwa umwi mulawu, anikupangwa milawu yalunji, milawu yabukkale bwabantu, inkuta zyoonse, tubunga tubeteka, abamwi babetesи beeledе kusungwaazya kabiyo balulamikwe aamuuya ampalamo zyaChaandaano eechi.

47 Chaandaano 4 tachikasyi pe kuzuzikizigwa akubawo kwazimwi zyelelo

Chaandaano eechi tachikasyi kuzuzikizigwa akulemekwa kwazimwi zyelelo pe angwangunuko zyelede kuzuzikizigwa akulemekwa kwiinda muliimwi milawu iiliwo, fumbwa milawu eeyo kayiyendelana aziyandwa aKkata Lyamulawu wanyika.

CHIBAKA 2

ZYEELELO ZYABANTU ZYAAMPANDAMUNSAKA ANGWANGUNUKO

48 Cheelelo chakupona

(1) Muntu woonse ulacheelelo chakupona.

(2) Mulawu ulaako kuzumizya kupa chisubulo chalufu kumuntu wajanika kalaamulandu wakujeya muntunyina achaali, kabiyo

- (a) mulawu weeledе kuzumizya nkuta kuti ipe chisubulo chakujeegwa kwamuntu naakuti pe kakusiyana aabwiime bwamulandu ulookubetekwa;
- (b) chisubulo chalufu chichitwa luzutu kuti kakuli nkuta yamumulawu yapa chisubo eecho;
- (c) inkuta tayikonzyi kupa chisubulo chalufu pe kubantu batobela:
 - (i) kumuntu woonse wasunda mulandu kajisi minyaka ilaansi kwamakumi obile awumwi (*21 years*).
 - (ii) kumuntu woonse ujisi minyaka iiyinda makumi musanu amakumi obili (*70 years*);
- (d) chisubulo chalufu tacheelede kupegwa kumuntu wachanakazi; kabiyo
- (e) muntu wapegwa chisubulo chalufu ulacheelelo chakukumbila lulekelelo kuzwa kuMuzulwidi waNyika.

(3) Mulawu wapangwa aPalyamenti weeledе kukwabilila bana batana tumbukwa nkaambo abalabo balijisi cheelelo chakupona Mulawu uzoobikkwa upandulula aawo mpukweelede kuti mwanakazi agwisye bula/ida zili mumulawu.

49 Cheelelo changwangunuko yakwe mwini

- (1) Woonse muntu ulacheelelo chakwaangunuka kwakwe. Eezi zibikkilizya;
 - (a) cheelelo chakutabikkwa mubwaange naakuti muchitookesi kutabetekedwe pe ankuta yamulawu.
 - (b) cheelelo chakutanyangwa ngwangunuko yako kakutakwe nchuwasunda.

(2) Taakwe muntu uunga ulasungwa nkaambo kakutyola chizuminano naakuti cheene pe.

50. Zyelelo zyabaange abali muchitookesi

- (1) Woonse muntu wasungwa—
 - (a) weeledе kwaambilwa mulandu ngwaasunda/ngwaawangilwa;
 - (b) weeledе kuzumizigwa, achakufwambaana—

(i) kuzibisya banakwe/mulumaakwe, naakuti nzubo zyakwe, simulawo/Loya unga ulamwiiminina naakuti nguni ngwaayanda kuzibisya aatala akusungwa kwakwe. Kufonena bantu aaba kweelede kwabbadalilwa afulumende/kakubelesegwa mfoni yafulumende.

(ii) kalibbadalila lwakwe, ulacheelolo chakubonana aSimulawu/Loya ngwayanda uunga ulamwiiminina munkuta naakuti kubona dokotela ngwayanda;

kabiyo weeblede wazibisigwa cheeblelo eechi achakufwambaana mbatasungwe biyo;

(c) weeblede kujatwa aabulemu bweelede;

(d) weeblede kugwisigwa muchitookesi kakutakwe zimwi nzyeelede kuchita naakuti kakuli zimwi zisyoonto nzyeelede kuchitwa, kachilinda kubetekwa kwamulandu wakwe. Ukonzya biyo kubambwa mubwaange/muchitookesi kuti kwaboneka zimwi ziyoowelwa kuti zilachitika kuti wagwisigwa abetekwe kalaanje; kabiyo

(e) weeblede kuzumizigwa kutongawuka aatala akwaangwa kwakwe kuti kakuli takaangwa zili mumulawu. Weelede wagwisigwa kuzwa muchitookesi kuti kwaboneka kuti wakaangwa zilaanje kwamulawu.

(2) Woonse muntu wasungwa/wajalilwa muchitookesi—

(a) kuchitila kuti abambilwe kweetwa kunkuta yalubenta; naakuti

(b) nkaambo kamulandu ngwaategwa wakasunda;

weelede kutolwa kunkuta yalubeta achakufwambaana mukati kachiindi chitiindi mawola aali makumi aane alaamusau atutatu (*48hrs*) kuzwa chiindi nchaasungwa aacho naakuti kuzwa aawo naajalilwa muchitookesi. Eezi tazikwe ndaba pe kuti muntu waangwa kumamanino aamviki kinjila muMugibelo, Nsondo naakuti mubuzuba bwakulyookezya kwabantu (*public holiday*).

(3) Muntu watetwa kunkuta yalubeta mukati kachiindi chamawola aasika makumi aane alaamusau atutatu (*48hrs*) weeblede wagwisigwa muchitookesi adomane kuti kubambwa kwakwe muchitookesi kwazumizigwa aankuta.

(4) Woonse muntu wasungwa naakuti wajalilwa nkaambo kakuyeyelwa kuti wasunda mulandu ulacheelolo—

(a) chakuumuna naasungwa;

(b) chakwaambilwa achakufwambaana —

(i) cheeblelo chakwe chakuumuna; kabiyo

(ii) zinga zilachitika kuli nguwe kuti wawumuna akuti taawumuna naasungwa;

(c) chakutaangilwa kuzumina mulandu; kabiyo

(d) natolwa kunkuta kwalutanzi, weeblede kuzibisigwa mulandu ngwaakasanda naakuti kwaambilwa chinga chilapa kuti abweedezege mubwaange naakuti agwisigwe mubwaange.

(5) Woonse muntu uuli mubwaangemuchitookesi, kakubikkilizigwa ooyo wakapegwale chisubulo, ulacheelolo—

(a) chakuzibisigwa cheecho chapa kuti abambwe mubwaange;

(b) kabelesya mali yakwe, kubonana mukavwindi asimulawu wakwe uunga ulamwiiminina munkuta yalubeta, kabiyo weeblede kwaambilwa achakufwambaana cheeblelo chakwe eechi;

- (c) kwambuuzyania akuswayigwa abantu batobela aaba:—
 - (i) mwanakazi wakwe/mulumi wakwe;
 - (ii) luzubo lwakwe;
 - (iii) mukambawusi ngwaalisalila lwakwe;
 - (iv) simulawu ngwaalisalila lwakwe
 - (v) dokotela ngwaalisalila lwakwe; kabiyo
 - (vi) abamwi bantu mbayanda kuti bamuswaya, pesi kazisiyana aakuti balatambulika na kubapati babona zyakubambwa kwabaange kuchitila kuti kubambwa kwabaange kweendelezegwe kabotu.
 - (d) kubambwa mibusena bukkalika, busalala kabiyo butondeezya bulemu bwamuntu, kupegwa mweenya wakulyoolola akuchita zeezyo zisimya mibili (*physical exercises*), kupegwa, kazibbadalilwa afulumende, malo aakulala azulide, zimbuzi, busanambi bweelede antoomwe akusilikwa malwazi; kabiyo.
 - (e) kutongawuka, kwiinda munkuta, aatala akubambwa kwakwe mubwaange kuti kabwene kuti kubambwa kwakwe mubwaange kulaanje kwamulawu, mpawo akugwisigwa mubwaange chakufwambaana kuti kwategwa agwisigwe;
- (6) Woonse mutu wabambwa mubwaange katabetekedwe pe mane kwiinda chiindi cheelede (48hrs) weelete kugwisigwa kuzwa mubwaangwe. Kugwisigwa ooku kulakonza kuchitwa kakutakwe zyaambwa pe zyeede kuchenjelwa naakuti kakuli zimwi zyaambwa zyeede kutobelezegwa amwaange kuchitila kuti naagwisigwa:-
- (a) azoosike kulubeta lwankuta;
 - (b) atazookolonganyi bukamboni bweelede kubelesegwa kunkuta buunsi bwalubeta; kabiyo
 - (c) teelete kusunda uumbi pe mulandu muchiindi kachilinda kubetekwa mulandu ngwalaawo kale.
- (7) Kuti kwaba aantanganana kuti mwaange ubambilwe muchitokesi zilaanje kwamulawu naakuti takuzibikani kuti mwaange ubambilwe kuchitokesi chili, nikuba nabani mutu ulakonza kwiinka kunkuta yaajulu (*High Court*) akakumbile pepa lyamvumo—
- (a) yakuti mwaange agwisigwe mubwaange bwakwe naakuti ayetwe kunkuta azoobetekwe kuchitila kuti bwaangwe bwakwe bupandululwe kabotu bubonwe kuti buli mumulawu na, naakuti mwaange adombolwe nkwasisisidwe nkwasaboneki; naakuti;
 - (b) yakwaamba kuti bwaange bwamuntu bulaanje kwamulawu nkaako mwaange ngagwisigwe muchitokesi achakufwambaana;
- Kabiyo Inkuta Yaajulu (*High Court*) ikonzya kupa mvumo eeyo kazyeedelana aakuti bwiime bwakwaangwa kwamwaange bweendede biyeni.
- (8) Bwaangwe bwamuntu buteendelani azeezi zyaambwa muchibeela eechi bunooli bulaanje kwamulawu.
- (9) Woonse mutu wakaangwa zitali mumulawu naakuti wakabikkwa mubwaange zitali mumulawu ulacheelol chakuliigwa/kubbadalwa amuntu ooyo wakamwaangide zitali mumulawu. Pesi mulawu ukonzya kukwabilila bantu batobela kuti bataanzigwi:
- (a) silubeta (*a judicial officer*) wakazichita katobeleyza mulimu wakwe mbuuli mbukuyandikana;

- (b) woonse mubelesi wafuluemnde (*a public officer*) utanooli wazichita katobeleyza ziyandwa aamulimu wakwe katachitide bubeya pe.

51 Cheelelo chakujatwa aabulemu

Muntu woonse uzyedwe kajisi bulemu mubuumi bwakwe boonse kabiyo cheelelo chakulemeka bulemu bwamuntu cheelede kukwabililwa akuzuzikizigwa.

52 Cheelelo chakujana lukwabililo lwakwe muntu

Muntu woonse ulacheelelo chakuchita mbabona kazimweelede aatala amubili wakwe antoomwe amayeyelo aakwe. Eezi zibikkilizya zitobela:

- (a) cheelelo chakutanjila mumpyompyongano antoomwe amulumamba;
- (b) cheelelo chakuchita mbayanda muntu aatala azyakuzyala bana bakwe;
- (c) cheelelo chakutabelesegwa muyyiiyo zyakufunuuka akuyanduula bwiime bwazintu zipya (*scientific or medical experimentation*), naakuti kugwisigwa kwazipanzi zyamubili muntu katazumide kuti zigwisigwe.

53 Ngwangunuko kuzwa mukusonsegwa, kusubulwa akujatwa bunkala munzila iigwisyu bulemu bwamuntu

Taakwe muntu uunga ulasonsegwa pe aamubili naakuti muboongo bwakwe. Taakwe muntu weelede kupegwa chisubulo chimugwisyu bulemu bwakwe pe.

54 Ngwangunuko kuzwa kubuzike akujatwa bunkala

Taakwe muntu weelede kujatwa buzike naakuti kujatwa bunkala.

55 Ngwangunuko kuzwa kukwaangilwa kubeleka mulimu kutayandi

Taakwe muntu weelede kwaangilwa kuchita mulimu katayandi pe/ ngwaatalisalila pe mwini.

56 Kweelana kwabantu antoomwe akutasaluulana

(1) Woonse muntu uleelene kunembo lyamulawu kabiyo woonse muntu weelede kukwabililwa amulawu.

(2) Boonse baalumi abanakazi bajisi myeenya iikozyania mubuumi kuzintu zyoonse zichtikana mubuumi; muli zyakweendelezegwa kwanyika, zyabuvubi, zyabukkale bwabantu azyatunsiyansiya.

(3) Woonse muntu ulacheelelo chakutasaluulwa pe abamwi kwiinda muzintu zisiyenesiyene mbuuli bunanyika bwakwe, mubala wachikumba chakwe, mulaka wakwe, musyobo wakwe, nkombyo yakwe, kabunga kazyanyika nkanjide, tunsiyansiya twakwe, nkwarzwa kubusena, bwanakazi/bwaalumi bwakwe, bulema bwakwe, minyaka yakwe, kuba aada kwakwe, mayeeyelo aakwe, nzila njaakazyalwa aayo, azimwi zintu zinga zilapa kuti muntu asaluulwe.

(4) Muntu nga ulati wasaluulwa mbuuli kwaambidwe mukabeela (3) aajulu kuti kakuli—

- (a) wajatwa muliimwi nzila naakuti wakasigwa chimwi chintu bamwi bantu nchibazumininwa, naakuti;
- (b) bamwi bantu bapegwa chimwi chintu naakuti bumwi bubotu mbwaatapegwa pe we;

(5) Lusaluulo lwaambidwe aajulu mukabeela (3) lunooli taluli mumulawu pe kuti teelwachitwa kwiinda munzila zibalangala mubukkale bwajandabanji bweendelezegwa munzila iibalangala, yabululami, yabulemu iiyelanisyा bantu boonse akulemeka ngwaangunuko zyabantu.

(6) Fulumende weelede kupanga milawu iiwamba kuti bantu kweelede bajatwe bweelene mubuumi. Weelede kuchita mabambe akukwabilila akusungwaazya bantu badyaamizidwe kwiinda mukusaluulwa; kabiyo—

- (a) eezi zyeede kuchitwa kuti kakuyanda kweelanisigwa bamwi bantu bakadyaamizidwe nsiku;
- (b) eezi kuti zyachitwa takunooli kwategwa nkusuula pe nkaambo nkuyanda kugwasya bantu bakadyaamizigwa kwiinda mukabeela (3).

57 Cheelelo chakuba aansiswa

Woonse muntu ulacheelelo chakuba aakavwindi/nsiswa, eezi zibikkilizya zitobela—

- (a) kutanjilwa kwalubuwa lwako, muunzi wako, ng'anda yako amuntu utakwe mvumo;
- (b) kutasechwa kwamubili wako, ng'anda yako, alubono lwako kakutakwe mvumo pe;
- (c) kutabezela lubono lwako pe;
- (d) kutanjililwa muzyaambo zyako nzuwambuula aaluwayile, aanjobolamakanii mumagwalo aako, awumwi muntu katakwe mvumo; naakuti
- (e) kubbulula bwiime bwamalwazi aamuntu we mwini katayandi kuti zibbululwe kubantu.

58 Ngwangunuko yakuswaanana, kulyidilana akubungana kwabantu

(1) Woonse muntu ulacheelelo chakubungana, kulyidilana akuswaanana abamwi bantu mbayanda. Kabiyo muntu ulacheelelo chakusala kutayanda kuswaanana, kulyidilana antoomwe akubungana abamwi bantu mbatayandi mwini.

(2) Muntu takweelede kuti waangilwa kunjila mukabunga nkatayandi naakuti kunjila mumiswaangano njatayandi.

59 Ngwangunuko kwamuntu kuti atongawuke antoomwe akulemba aapepa eezyo zyamuchima

Woonse muntu ulacheelelo chakutongawuka akung'ung'una aawo mpajatwa bubi akutondeezya kutabotelwa kwakwe kwiinda mukuzilemba aapepa eezyo nzyatayandi mpawo pepa walipa baabo bakonzya kuzizyotolola. Pesi kutongawuka akung'ung'una ooku kweelede kwachitwa muluumuno.

60 Ngwangunuko muli zyakulibeteka akulilya moyo

(1) Woonse muntu ulaangunukide kuti alilye moyo antoomwe akulibeteka mwini, eezi zijatikizya—

- (a) kwaangunuka kwamuntu kusala nzila yakukomba njayanda, kuba amayeyelo amaboneno aakwe; kabiyo
- (b) kukomba zintu nzyayanda/Leza ngwayanda aantanganana naakuti munisia alikke naakuti aamwi abenziina.

(2) Taakwe muntu uunga ulaangilwa kuchita chikonke chiteendelani anzila yakukomba Leza wakwe.

(3) Bazyali antoomwe abaabo balelede bana bateensi babo balacheelelo chakugwasizya mwana nzyeelede kukomba akuchita mubuumi. Pesi eezi tazyeelede kutyola cheelelo chamwana kuti ajane Iwiiyo, lukwabililo, zyakusilikwa abukkale bubotu.

(4) Basinkombyo balakonzya kuyaka mayake oomo mubatanoochitile nkombyo zyabo. Mayake aabo akonzya kujana lugwasyo Iwamali kuzwa kuli fulumende.

61 Ngwangunuko yakulyaambwida zilaamoyo a ngwangunuko mukubelesewa kwazibelesyo zyakumwaya milumbe /twaambo

(1) Woonse muntu ulacheelelo chakwaangunuka kuti ambuuzyanie abamwi nzyayanda, eezi zibikkiliza zeezi:

- (a) kwaangunuka kwamuntu kuti ayanduule, atambule antoomwe akumwaya mizeezo yakwe ayimwi milumbe;
- (b) kwaangunuka kupanga zikozyanisyo, kuchita mfukununo, antoomwe akubumba zintu; kabiyo
- (c) kujana kwaangunuka mulizyalwiiyo.

(2) Woonse muntu ulaangwangunuko yakubelesya zimwaya milumbe, ngwangunuko eeyi ibikkiliza kukwabililwa kwacheelelo chakutabbongonona bantu bapa basimusunzatwaambo makani.

(3) Maanda aasikapepele aamwaya milumbe alakonzya kupangwa kakutakwe chikachizya, pesi ayelede kutobeleya milawu yakujana mapepa aapa mvumo yakutalika kubeleka antoomwe—

- (a) akukwabilila mabeleseyo azyamuluwo ansimbi zigwasizya kweendelezya mayiwe aazyakumwaya milumbe/twaambo;
- (b) akubeleka kabataseyamide kuli fulumende pe naakuti kabataseyamide kutubunga twazyanyika pe naakuti kuli bazyamakwebo.

(4) Basikumwaya twaambo babelekela fulumende tabeelede pe—

- (a) kutola mabazu muli zyatubunga twazyakweendelezegwa kwanyika.
- (b) beeledge kuchita mulimu wabo mbuuli mbubawubona kakweelede nikuba kuti mayeeyelo aabo anooli kakazyania amizeezo yafulumende, tazikwe ndaba; kabiyo.
- (c) basungwaazye bamwi kuti bamwaye milumbe, maboneno amayeeyelo aabo asiyene antoomwe amaboneno abaabo bayeeya zisiyene azyabamwi.

(5) Ngwangunuko zyakwambuuzyania antoomwe akumwaya milumbe atwaambo takweelede pe kuti:

- (a) zyabanzila zyakusungwaazya lupyopyongano;
- (b) kumwaya majwi aalusulano;
- (c) kubisya chiimo abuntu bwamuntu antoomwe abulemu bwakwe; naakuti
- (d) kuwwanyanga cheelelo chamuntu chakuba anisia.

62 Kujana luzibo antoomwe amilumbe

(1) Woonse munaZimbabwe naakuti wakapegwaa mvumo yakuchita kakkalila muZimbabwe, ulacheelelo chakujana luzibo antoomwe amilumbe zibambidwe

afulumende kapati kuti luzibo oolo luyandilwa kugwasizya luundu kuti lubelesye luzibo oolo mukumvvisisya mabelekelo afulumende.

(2) Woonse muntu, kubikkilizya basimumwaya twaambo bamuZimbabwe, ulacheelelo chakujana luzibo loonse lubambidwe anikuba muntu uuli, kubikkilizya mitabi yafulumende fumbwa luzibo oolo kaluyanda kubelesegwa kuzuzikizya naakuti kukwabilila cheelelo chabantu.

(3) Woonse muntu ulacheelelo chakululamikilwa malembe/luzibo lwakwe naakuti kuziminwa malembe aataluleme alatala anguwe naakuti luzibo lwakubeja lujisiwi afulumende naakuti lujisiwi anikaba kali kabunga kalyiimikilide naakuti mutabi wafulumende muzibeela zyoonse zyanyika, malembe aayo ayeelede alulamikwa.

(4) Milawu yeelede kupangwa yakusimatizya cheelelo eechi. Milawu eeyi ilakonzya kukasya lumwi luzibo kuti lutapegwi bantu boonse pe nkaambo kakuti ninsiswa yafulumende yakukwabilila nyika mbiizulwa naakuti ninsiswa yazyamilimu. Kukasya ooku kweelede kwachitwa munzila iibalangala munyika yeendelezegwa munzila yajandabanji muli bubalangale, bululami bulemu bwamuntu, kweelanisigwa kwabantu alwaangunuko.

63 Mulaka antoomwe atunsiyansiya

Muntu woonse ulacheelelo—

- (a) chakubelesya mulaka ngwayanda;
- (b) chakutobeleyza tunsiyansiya ntwayanda.

pesi mukutobeleyza cheelelo eechi muntu tayeleded kutyola zyeelelo zyabamwi pe bantu mbuuli mbuzyaambidwe muChaandaano eechi.

64 Ngwangunuko yakulisalila milimu iyiilwa, zyamabbindawuko naa imwi biyo milimu.

Woonse muntu weelede kulusalila antoomwe akuchita mulimu ngwayanda mwini antoomwe akuchita zyakuuzizyania. Pesi mabelekelo aamulimu ooyo akuuzizyania kweelede kakutobeleyza milawu iiliwo.

65 Zyelelo zyababelesi ababelekelwa

(1) Woonse muntu ulacheelelo chakujatwa kabotu kakutobeleyzegwa milawu yakubelekelana aakati kabasikubelekelwa ababelesi antoomwe akubbadalwa mali ikiyeled mulimu ngwalookubeleka mubelesi.

(2) Woonse muntu, aanze kwabaabo babeleka milimu yakukwabilila nyika (basilumamba, tuswiilizyabavviya amapulisa), ulacheelelo chakupanga kabunga antoomwe akunjila mukabunga kakapangwa kale kalaatala akwiiminwa kwababelekelwa naakuti babelesi aamulimu yabo.

(3) Woonse muntu, aanze kwabaabo babeleka milimu yakukwabilila nyika (basilumamba, tuswiilizyabavviya amapulisa), ulacheelelo chakutongawuka aatala amabelekelo aakwe kuti taajatwa kabotu aamulimu. Eezi zjatakizya cheelelo chakutakata mulimu akutakata kwiindila mukukkalila mubelekelwa kabababeleki pe bantu. Pesi mulawu ulakonzya kukasya bamwi babelesi bachita iimwi milimu yakuvuna buumi bwabantu kuti tabatakati milimu yabo.

(4) Woonse mubelesi weelede kubeleka mulimu akujatwa aamulimu munzila iiyandikana amulawu.

(5) Aanze kwabaabo babeleka milimu yakukwabilila nyika, woonse mubelesi asikubebelkelwa, kabunga kayimina babelesi akabunga kayimina babelekelwa, ulacheelelo—

- (a) chakujatana abamwi mukukombeleya kutansikilwa mali yamufolo.
- (b) kweendeleya; antoomwe
- (c) akupanga naakuti kunjila mutubunga twiimina babelesi ababelekelwa.

(6) Banakazi abaalumi bajisi zyeelelo zikozyania kabiyo beeleded bafola mali iiyelene nibabeleka milimu iikozyania.

(7) Banakazi beeleded kupegwa mazuba akuya kukulyookezya nichasika chiindi chakuyanda kutumbuka kuli baabo banooli balaada. Bulamfu bwachiindi eechi nchibeeleded kupegwa busika kumyeezi iitatu.

66 Ngwangunuko yakweendeenda akukkala munyika

- (1) Woonse munaZimbabwe ula—
 - (a) cheelelo chakunjila munyika yaZimbabwe;
 - (b) cheelelo chakutagwisigwa pe kuzwa muZimbabwe; kabiyo
 - (c) cheelelo chakujana Pasipoti antoomwe awamwi mapepa akweenzya.
- (2) Woonse munaZimbabwe awoonse ooyo wakanjila munyika yaZimbabwe zili mumulawu ulacheelelo—
 - (a) chakweendeenda kaangunukide fumbwa nkwayanda kuya munyika yaZimbabwe;
 - (b) chakukkala fumbwa nkwaayanda munyika; antoomwe
 - (c) akubbuda munyika nichiba chili chiindi nchaayanda.

67 Zyeelelo zyameendeleyo aanyika

- (1) Woonse munaZimbabwe ulacheelelo:
 - (a) chakunjila munsaluuzyo zyakusala bazulwidi zichitwa munzila iibalangala kazichitwa chiindi cheelede kakuchitwa munzila iitobeleya mulawu wanyika;
 - (b) chakusalala zeezyo nzyayanda aatala ameendeleyo eenyika
- (2) Kwiinda muKkata Lyamulawu, bantu bamuZimbabwe balacheelelo:
 - (a) chakupanga akunjila mutubunga twakweendeleya nyika amutubunga tuliwo ntubayanda;
 - (b) chakukombeleya bantu muluumuno kuti bavootele kamwi kabunga;
 - (c) chakunjila mumabambe azyakweendeleya nyika aasiyenesiyene muluumuno.
 - (d) chakuswaanana aabantu antoomwe akunjila mutubunga kulaawulikke naakuti kamuli kabunga muzichitiko zyaluumuno zyakweendeleya kwanyika kamuyanda kutongawuka naakuti kusungwaazya mabelekelo afulumende naakuti kamwi kabunga kazyanyika nikuba chinzi nchimuyanda kuchita.
- (3) Kwiinda muKkata Lyamulawu wanyika eeli, woonse munaZimbabwe uujisi minyaka iiiska akwiinda kkumi lilamusau atutatu (*18 years*) ulacheelelo—
 - (a) chakuvoota munsaluuzyo zyoonse amalefelendamu woonse aayitilizigwa kwiinda mumilawu yanyika iiisiyenesiyene kabiyo kavoota munsiswa;

kabiyo

- (b) chakuyanda kuvootelwa kuti ajane chuuno chabuzulwidi nchayanda. Kuti wasalwa ulacheelo chakweendelezya chibaka nchaasalilwa abantu.

(4) Munzila yakusungwaazya kuvula kwatubunga twakweendelezya nyika, kweelede kwapangwa mulawu uuzumizya fulumenfe kuti ape mali kutubunga twazyakweendelezya nyika kusungwaazya kuti tuvule.

68 Cheelelo chakweendelezegwa kwazyabululami

(1) Woonse muntu ulacheelo chakweendelezegwa kwazyabululami munzila iili mumulawu amububalangale.

(2) Woonse muntu ulacheelo chakwaambilwa kufwambaana kwiinda mumalembe aatala akutyolwa antoomwe akunyorganisigwa kwameendelezyo aazyabululami.

(3) Mulawu wabumbwa aPalyamenti weelede kusimatizya zyeelelo eezi kabiyo uyelede;

- (a) kuchita ndangamusule yameendelezyo azyabululami mumabelekelo aankuta, eezi zyeelede kuchitwa ababesi balisantide;
- (b) kupa mulandu amukuli kuli fulumende kuti azuzikizye zyeelelo zyaambidwe mutubeela (1) a(2); kabiyo,
- (c) kusungwaazigwe kweendelezegwa kwazyabululami munzila ilaamunse.

69 Cheelelo chakubetekwa chooma

(1) Woonse muntu watamizigwa mulandu ulacheelo chakubetekwa chooma munzila iilaantanganana kabiyo kiibalangala muchiindi chifwiifwi munkunta yamulawu yabwini.

(2) Mukulangwalangwa kwazyeelo zyabukkale abulyidilane bwabantu, woonse muntu ulacheelo chakujana kubetekwa chakufwambaana kunembo lyankuta ilisantide iitakwe bbazu ndytola naakuti kubetekwa akabunga kamwi kali mumulawu.

(3) Woonse muntu ulacheelo chakwiinka kunkuta zyalubeta kabiyo alisalile lwakwe simulawu/loya utamwiiminine munkuta yamulawu.

(4) Woonse muntu ulacheelo, kalibbadalila, kusala simulawu/loya unga ulamwiimina munkuta naakuti kamwi kabunga kabeteka.

70 Zyeelelo zyabantu batamizigwa milandu

(1) Woonse muntu watamizigwa mulandu ulazyeelo zinji zimwi nzeezi:

- (a) kujatwa mbuuli muntu uutakwe mulandu domane nkuta yamujana kalaamulandu muntu kwiinda mulubeta;
- (b) kuzibisigwa achakufwambaana mulandu nguwasungilwa muntu, kabiyo kupegwa mweenya wakulisakwida kumulandu nguwasungulwa.
- (c) kupegwa chiindi chiingi chakuti muntu alibambile zyaambo zyakuloolisakwida munkuta yalubeta;
- (d) cheelelo chakuyanduula simulawu uunga ulamwiimkilila munkuta yamulawu kabiyo kamubbada lwakwe simulandu;
- (e) cheelelo chakuti fulumende ayandwiide sikutamizigwa mulandu, simulawu uunga ulamwiimkilila munkuta yalubeta kabbadalwa afulumende;

- (f) kuzibisigwa achakufwambaana zyeelelo nzyalaazyo muntu mbuuli mbuzyaambidwe muminchali (d) a (e) aafulu.
 - (g) mulandu wakwe weelete kubetekwa kaliwo lwakwe sikutamizigwa.
 - (h) kukaka antoomwe akuzumina bukamboni bweetwa munkuta yalubeta.
 - (i) kuumuna naakuti kutaangilwa pe kwaambuula zyaambo akutapa bukamboni bunga bulakusungilila kumalandu ngulaawo munkuta;
 - (j) cheelelo chakubetekwa mumulaka ngumvwa kabotu nusikutamizigwa mulandu;
 - (k) cheelelo chakutabete mulandu wakatali mulandu kutaanguna nichakachitwa
 - (l) cheelelo chakutabete mulandu wakali wasunsikwa kale naakuti nguvakali wajanika kutakwaawo.
 - (m) cheelelo chakutabete mulandu nguvakali walekelewa kale nsiku naakuti wakuuzwa kale naakuti wakapegwa chisubulo kale aatala anguwo;
 - (n) kupegwa chisubulo chilaansi kulicheecho chaambidwe amulawu kuti kakuli bwiime abulemu bwamulandu bwakasandulwa kuzwa mpuwakasundwa mulandu kuzoosika nuwapegwa chisubulo;
- (2) Aawo mpukweede kuti muntu apegwe luzibo—
- (a) luzibo oolo lweede kupegwa muntu mumulaka ngwamvwa; kabiyo
 - (b) kuti muntu ooyo katakonzi kulemba akubala, luzibo ndwapegwa lulaamalembe lweede kupandululwa kabotu munzila njamvvisisisya muntu uuyanda luzibo oolo.
- (3) Mukubetekwa kwamuntu, bukamboni bwakajanwa munzila iityola zyeelelo zyaambwa muChaandaano eechi tabweede kubelesegwa pe munkuta yalubeta nkaambo kuti bwabelesegwa bukamboni oobo lubeta loonse lunooli teelwenzegwa mumulawu pe.
- (4) Cheelelo chakupegwa mapepa ajisi malembe alaatala akweendelezegwa kwalubeta lwako muchiindi chifwiifwi nilwamana lubeta. Pesi kweede wabbadala kamali nikancheya kuti uwapegwe mapepa alaamalembe.
- (5) Fumbwa muntu wajanwa kalaamulandu ankuta yalubeta ulacheelelo, nikuba kuti ngakwalangwalangwa imwi milawu, kuti—
- (a) mulandu wakwe ulangwelangwe ankuta yaajulu;
 - (b) mulandu wakwe utansikwe kunkuta yaajulu kuti taakkutikana achisubulo nchapegwa ankuta yaansi;

71 Zyelelo zyaatala alubono

- (1) Muchibeela eechi—

“lulyo lwa pencheni” chaamba lulyo lwapegwa muntu kaluli lwapencheni, mali yakulumba muntu nuwamana mulimu naakuti mali zibbadalwa kuzuzikizya kulumba mubelesi wakali kubeleka mulumu, kiili mali eeyo ibbadalwa—

- (a) kumuntu naba uuli kiizwa muNkomo Mpati yafulumende iitegwa ni *Consolidated Revenue Fund*;
- (b) kulumbwa kwamubelesi asikubelekelwa nkaambo kakubeleka nkwaakachita;
- (c) nkaambo kakuti muntu wachisilwa naakuti kulichisila aamulimu;

- (d) nkaambo kakuti muntu wasika aakusiya mulimu nkaambo kakuchembaala, malwazi naakuti chimwi chapa kuti asiye mulimu; eezi zibikkilizya kuliigwa kwamali akupergwa mali nzyatanooli muntu wakali kubbada la kuponcheni yakwe azimwi mali zipegwa mubelesi naasiya mulimu;

“lubono” chaamba fumbwa chintu muntu nchalaacho nchati nchichakwe/ lubono muntu ndwajisi anzila njaluyanda lubono oolo.

(2) Kwiinda muli zeezyo zyaambidwe muchibeela (72), woonse muntu ulacheelo chakuula lubono ndwayanda, kubamba lubono, kuuzya lubono, kupa bamwi bantu lubono lwakwe akujatisya bamwi bantu lubono lwakwe. Zyoonse eezi zikonzya kuchitwa muntu kalaalikke naakuti kabali kabunga.

(3) Kwiinda muli zeezyo zili muchibeela eechi achibeela (72), taakwe muntu weeledе kunyangwa lubono lwakwe pe adomane kwiinda munzila zitobela:-

- (a) kunyangwa lubono lwakwe kwachitwa kakutobelwa mulawu;
- (b) kunyangwa lubono lwakwe kweelede kuchitwe nkaambo kachimwi chazintu zitobela—
 - (i) nkaambo kakuyanda kukwabilila luundu/bantu, kubamba luumuno lwaluundi, kubamba busanambi bwaluundi antoomwe akutobeleyza mabambe aalusumpuko abwiime bwadolopo.
 - (ii) nikuyanda kuti kuchitwe mabambe aalusumpuko naakuti kubelesya lubono oolo munzila iigwasizya luundi.
- (c) mulawu uwamba kuti aabo bayanda kutola lubono bachite zitobela—
 - (i) kwaambilizya akupa chizibisyoo chakuyanda kubweza lubono kakuchili chiindi kubantu balaachakuchita aatala alubono luyanda kutolwa, kuchitila kuti boonse bantu balaachakuchita alubono lutolwa bazibe;
 - (ii) kweelede basikutola lubono babbadale mali yakuliya kutola lubono oolo kabatana lutola naakuti nikwiinda chiindi chifwiifwi kabali balubweza lubono oolo; kabiyo
 - (iii) kuti kutolwa kwalubono oolo kulookukakwa abeni lubono, kweelede bayanda kutola lubono oolo balembela kunkuta yamulawu kabayanda kujana mvumo izwa kunkuta kabatana kulubweza/ kulutola pe lubono oolo, naakuti kuti kabali balutola kale kweelede kakutaniinda mazuba makumi otatwe (30) kabali balubweza lubono oolo balembela kunkuta yamulawu kutondeezya kuti bakabweza lubono,
- (d) mulawu upa mvumo kumuntu watolelwa lubono kuti alembele kunkuta yamulawu kayanda kuti lubono lwakwe luboozegwe kuti kakuli nkuta yakakasya kubvezegwa kwalubono lwakwe; kabiyo
- (e) mulawu upa mvumo kumuntu uuyanda kubbadalwa kuti alembele kunkuta yamulawu kayanda kuti zintu zitobela zilangwelangwe—
 - (i) kutondeezya kulyanda lubono antoomwe abwiime bwalyando ndwalaalo kwalubono oolo;
 - (ii) kutolwa kwalubono oolo kwachitwa mumulawu na; a
 - (iii) bwingi bwaliyiyo ndubeelede kubbadalwa;

Kabiyo kulembela kunkuta kuyanda mvumo yakubbadalwa kufwambaana luliyo lwalubono lulookutolegwa.

(4) Aawo muntu mpalaacheelo chakubbadalwa lugwasyo lwapencheni, mulawu ukasya kuti cheelelo eechi tachizuzikizigwi, nkaambo kakabeela (3) kalaajulu, unooli mulawu usungwaazyu kutolwa kwalubono achanguzu.

72 Cheelelo chakujana nyika yakulima akuvuba mbono

(1) Muchibeela eechi:—

“nyika yakulima” chaamba nyika yakulima naakuti iiyelede kubelesegwa kulima mbuuli zisyu, minsamu, kuvuba baswi, kuvuba banyama (lubono), kubikkilizya—

- (a) kuvuba banyama bamunzi, banyama bamusokwe, inkuku, antoomwe anzuki; naakuti
- (b) kuchezya banyama bamunzi naakuti banyama bamusokwe;

Pesi nyika yakulima iwambwa tiibikkilizyi nyika yamuluzeva mukkala luundu pe naakuti nyika iifyungulukide dolopo/kkansili, naakuti iijanika mukati katawundi mbuuli mbukwaambidwe mumulawu uubona zyakuyakwa kwamadolopo antoomwe akuchita mabambe aakusumpulwa kwamadolopo akubelesegwa kwanyika;

“nyika” chaamba choonse chijanika /chimena aanya naakuti chijanika aanya;

“chipanzi chanyika yakulima” chaamba chipanzi chanyika yakulima chilembesedwe aachilikke mumalembe aajanika *kuDeeds Registry*.

(2) Aawo nyika yakulima naakuti kwaterdeezegwa chiyandisyo chakujana nyika yakulima/bulongo kuchitila kuti kugwasigwe baluundu kubikkilizya—

- (a) kwaabanisa bantu nyika yakulima naakuti nyika yakuchita imwi milimu yazyakulima;
- (b) kubambululwa kwamabeleseyo aanya/bulongo, kukwabililwa kwaminsamu amasaka, kukwabililwa kwazituzyungulukide naakuti kubelesegwa kwabanyama bamusokwe antoomwe azimwi zyakalengwa aaSikabumba musokwe nzibanga balabelesya bantu; naakuti,
- (c) kulonzegwa kwabantu banyangwa nyika yabo yakulima nkaambo kakuti nyika yabo yayanda kubelesegwa zimbi zintu mbuuli mbukwaambidwe mufuka (a) naakuti (b);

nyika eeyo ikonzya kutolwa changuzu afulumende kabelesya nzila yakubikka chizibisyo mumapepatwaambo chakutondeezya kuyanda kutola nyika eeyo. Kuti kwachitwa boobo, yika eeyo inooli yaba yafuluemende kuzwa buzuba chizibisyo nichabikkwa/nichatondeezegwa mumapepatwaambo.

(3) Aawo nyika yakulima niyabwezwu changuzu kuchitila kuti ibeelesegwe zyaambwa mukabeela (2) kaambwa aajulu:-

- (a) kwiinda muchibeela 295(1) a (2), taakwe luliyo lubbadalwa pe mukubweza nyika eeyo pesi sikutolelwu nyika ulakonzya kupegwu luliyo lwakulumba lusumpuko ndwatanololi wakachita aanya eeyo kwiinda mukuyaka mayake azimwi. Kabiyo taakwe nkuta iinga ilaswiilizya kulila kwamuntu uuyanda kubbadalwa kubwezegwa kwanyika yakwe kiili yabwezwu aafulumende kakutobelwa nzila yapandululwa eeyi; kabiyo
- (b) taakwe muntu uunga ulalembela kunkuta yamulawu kayanda kujana zyaluliyo lwakutolwa kwanyika yakwe anooli kayanda kujana luliyo lwalusumpuko ndwaakachita aanya eeyo kwiinda mukuyaka mayake azimwi. Kabiyo taakwe nkuta iinga ilaswiilizya kulila kwamuntu uuyanda kubbadalwa kubwezegwa kwanyika yakwe kiili yabwezwu aafulumende kakutobelwa nzila yapandululwa eeyi; kabiyo

(c) kubwezwa kwanyika eeyi takunga kulategwa nkusaluula muntu wabwezelwa pe mbuuli zyaambidwe aatala akubinda kusaluulwa kwabantu muchibeeela 56.

(4) Yoonse nyika yakulima yaka—

- (a) lembwa mu Mpampikwa Yamusanu Tubili (7)(*Schedule 7*) muKkata Lyamulawu lyachiindi; naakuti
- (b) tondekwa kale kwiinda muchibeeela 16B(2)(a)(ii) naakuti (iii) chaKkata Lyamulawu wansiku, mulawu mupya ooyu kuutana talika kubeleka;

inooli ninyika yafulumende kabiyo taakwe luliyi lunga lulabbadalwa pe kuti yabwezwa aafulumende dobiyo kubbadala lusumpuko lwakachitwa aanyika eeyo kuitana bwezwa.

(5) Achakufwambaana, mbiitabwezwe biyo nyika kwiindila munzila yapanduluwa aajulu mukabeela (2), mubelesi, uubona zyakulembesegwa kwanyika akupewga mapepa atondeezya mweni nyika/bulongo, weelede kwiilembesy a bupya nyika eeyo katondeezya kuti eeyo nyika yaba nyika yafulumende tiichili nyika yamuntu watolelwa pe.

(6) Mulawu wapangwa aPalystmenti ukonzya kuchita kuti kubemulandu kumuntu uutanooli wayanda kutola naakuti kublesya, katapedwe mvumo, nyika yakabwezegwa afulumende kwiinda munzila yapandululwa muchibeeela eechi;

(7) Kuti kakuchitwa mabambe aakubwezwa kwanyika changuzu afulumende kakuyanda kukkazikwa bupya bantu kwiindila mumabambe afulumende aakkazika bupya bantu, zintu zitobela nzintu zipati loko zyeedele kulangisisigwa—

- (a) muchiindi chafulumende wamakuwa wabudyamizi, bantu bamuZimbabwe bakatolelwa nyika zyabo zyakulima azimwi zilengwa zyaLeza kabatabbadedwe pe luliyi;
- (b) nkaambo kakutolelwa nyika zyabo zyakulima, bantu bakabweza zilwanio kabayanda kulwana amakuwa kuchitila kuti batole nyika yabo yakali yabwezwa aafulumende wamakuwa antoomwe akuyanda kulyaanganuna kuzwa mubudyamizi bwakali bweetwa aafulumende wamakuwa. Nkondo eeyi yakazoojeta kulilela kwanyika yaZimbabwe mumunyaka wa1980;
- (c) nkako banaZimbabwe beeleder bazumizigwa kuti batole nyika yabo njibakali banyangwa; kabiyo—
 - (i) fulumende wanyika yamakuwa aakkede muZimbabwe (*Britain*) ulaamukuli wakuliya/kubbadala baabo bamakuwa bakatolelwa changuzu nyika yakulima afulumende wanyika yaZimbabwe kuchitila kuti nyika yakatolwa ikkalwe bupya abantu batakwe nyika yakukkala akulima, kwiinda munkomo yamali ilisantide yakaanzilwa zintu zili boobu; kabiyo,
 - (ii) kuti fulumende wamakuwa wakachilwa kubabbadala luliyi aabo bamakuwa bakatolelwa nyika yakulima, fulumende waZimbabwe takonzi kubabbadala pe luliyi lwabo aabo mbaakabwezelwa nyika yakulima kayanda kukkazika bupya bantu batakwe aakkala;

(8) Chibeeela eechi chisungwaazya fulumende wamakuwa kuti abbadale makuwa aayo aakatolelwa nyika yakulima kakuyanda kukkazikwa bupya bantu bakatalikwe nyika yakulima.

73 Zyeelelo zyazituzungulukide

- (1) Woonse muntu ulacheelo—
- (a) chakukkala mubusena butakwe malwazi akonzya kupambanisa bulondozi amubili wakwe;
 - (b) chakukwabilila zituzyungulukide kuchitila kuti mazyalane aalino awajuunza agwasikane kuzintu zituzyungulukide kwiinda mukubikka mulawu azimwi nchito—
 - (i) zipa kuti takubi kusofwaazikwa kwamaanzi, muuya antoomwe anyika munzila ipa kuti tazibeleseki;
 - (ii) zisungwaazya kukwabilila akuyobolola zituzyungulukide;
 - (iii) zisimatizya bwiime bwazituzungulukide antoomwe amabeleseyo mabotu aazintu zyakaanzwa aSikabumba kuchitila kuti bantu basumpuke mubukkale bwabo.

(2) Fulumende weelede kuchita mabambe, kuti kakuli zibelesyo, aanga alapa kuti zyeelelo eezi zitayolwi mbuuli mbuzyaambidwe muchibela eechi.

74 Ngwangunuko yakutayandogwisiga mpubede achanguzu

Taakwe muntu uunga ulalonzegwa aamuunzi wakwe naakuti amwayilwe muunzi wakwe kakutakwe mvumo iizwa kunkuta yamulawu itanooli yalangalanga bulingolingo boonse buyandikana kulangisisigwa kabatana kulonzegwa bantu.

75 Cheelelo chakujana lwiyo

- (1) Woonse munaZimbabwe abaabo bakapegwa mvumo yakuchita kakkalila muZimbabwe bajisi cheelelo—
- (a) chakujana lwiyo lwakumatalikilo kalubbadalilwa afulumende. Eezi zibikkikizya lwiyo lwabantu bakakomena.
 - (b) chakwiya kuya kunembo kwiinda mukugwasigwa afulumende kakubelesegwa milawu azimwi zinga zilachitwa. Fulumende weelede kuchita kuti kube kuuba kujana lwiyo munyika

(2) Woonse muntu ulacheelo chakupanga zikolo zilisantide pesi zikolo eezi tazyeelede kusaluula bantu pe kwiinda munzila zisiyenesiyene zyaambidwe muKkata Lyamulawu wanyika.

(3) Mulawu ulakonzya kwaamba nzila zyeelede kutobelezegwa kuti zikolo zilisantide zilembesegwe kumutabi wafulumende mbuuli mbukwaambidwe mukabeela (2) chilaajulu antoomwe akupandulula nzila njizinga zilajalwa aayo zikolo eezyo kuti teezyatobeleya mulawu wabikkwa wakuti zilembesye.

(4) Fulumende weelede kuchita mabambe, kuti kakuli zibelesyo, aanga alapa kuti zyeelelo eezi zitayolwi mbuuli mbuzyaambidwe mukabela (1).

76 Cheelelo chakujana kusilikwa muzibbadela

(1) Woonse munaZimbabwe antoomwe abaabo bakapegwa mvumo yakuchita kakkalila muZimbabwe, ujisi cheelelo chakujana mpanga ulasilikwa malwazi akulangwalangwa zyabwiime bwamibili yabo. Eezi zibikkikizya cheelelo chakugwasigwa muli zyakutumbukwa kwabana.

(2) Woonse muntu uupona kachiswa bulwazi butola chiindi kupona ulaacheelo chakujana lugwasyo lwakusilikwa zyabulwazi bwakwe.

(3) Taakwe muntu uunga ulakasigwa kusilikwa muchiindi naanjila muntenda nikuba kuli chili chibbadela.

(4) Fulumende weelete kuchita zyoonse nzyakonza kuti zyeelelo eezi zizuzikizigwe kuti kaziliwo zibelesyo.

77 Cheelelo chakujana chakulya antoomwe ameenda

Woonse muntu ulacheelelo—

- (a) chakujana maanzi aatakwe tombe; antoomwe
- (b) akujana chakulya chizulide.

Fulumende weelete kupanga milawu azimwi zintu zinga zilapa kuti cheelelo eechi chizuzikizigwe kuti kaziliwo zibelesyo.

78 Zyelelo zyatala alukwatano

(1) Woonse muntu ulaaminyaka ilaajulu kwakkumi amusanu aminyaka yotatwe (*18 years*) ulacheelelo chakukwata/kukwatwa mpawo atalike kuyaka muunzi wakwe.

(2) Taakwe muntu uunga ulaangilwa kukwatana aamuntu ngwatayandi pe lwakwe.

- (3) Baalumi/Banakazi tabakonzyi kukwatana aabalikke.

CHIBAKA 3

BUPANDULUZI BUZWIDE BWAZIMWI ZYEELELO

79 Mabeleseyo aachibeela 3

(1) Chibeela eechi muKkata Lyamulawu chipa bupanduluzi bwiindilide aatala azimwi zyelelo antoomwe angwangunuko kuchitila kuti bantu bazimvuwisisisye kabotu akuzitobeleyza.

(2) Mpingu eeyi tayeelede kuboneka aanga ikasya kuzuzikizigwa kwazyelelo angwangunuko zyaampandamunsaka zijanika muMpingu 2 ilaajulu.

80 Zyelelo zyabanakazi

(1) Woonse mwankazi ujisi bulemu bwachiimo chamuntu buzwide mbuuli mbwalaabo mwaalumi. Banakazi bajisi zyelelo zyeelene azyabaalumi kabiyo zyelelo eezyo zijatikizya cheelelo chakupegwa myeenya iiyelene ayabaalumi mubuumi, muzibeela zyakweendelezegwa kwanyika, mubuvubi bwanyika amubukkale bwabantu.

(2) Banakazi abalabo bajisi zyelelo, mbuuli baalumi, zyakulela antoomwe akukkala aabana. Ipalyamenti ilakonzya kupanga mulawu uupandulula bulingolingo bweelede kuchitwa kuti cheelelo eechi chizuzikizigwe kabotu.

(3) Yoonse milawu atunsiyansiya twabukkale bwabasikale tudyamizya akutyola zyelelo zyabanakazi zili muKkata Lyamulawu eeli, zyelede kusweegwa nkaambo zinooli zikazyania aamulawu mupati wanyika.

81 Zyelelo zyabana

(1) Woonse mwana (mulombe naakuti musimbi ulaaminyaka ilaansi kwakkumi lilaamusau atutatu (*18 years*) ulacheelelo—

- (a) chakujatwa bweelene abamwi bantu kunembo lyamulawu wanyika, antoomwe cheelelo chakuswiilizigwa;

- (b) chakupegwa zina amutupo naazyalwa;
- (c) kuli baabo bana—
 - (i) bakazyalilwa muZimbabwe; naakuti
 - (ii) bakazyalilwa aanze kwanyika yaZimbabwe pesi kalabunanyika bwaZimbabwe kwiinda mubuzukululu;

balacheelo chakujana pepa lyakuzyalwa achakufwambaana;
- (d) cheelelo chakujana lukwabililo akuvubwa abazyali naakuti abamwi bantu;
- (e) cheelelo chakukwabililwa kuzwa kukuchitwa muzike mbuuli kubelesya bana muli zyabusangu, kubelesegwa ziyumu, kusonsegwa, kutakatwa, azimwi nzila zyakujata bana bubi;
- (f) cheelelo chakujana lwiyo akusilikwa, kulya chakulya cheelede antoomwe akujana chiyusilo;
- (g) cheelelo chakutaangilwa kunjila mutubunga twabasilumamba akulwana nkondo kabachili bana;
- (h) cheelelo chakutanjizigwa mutubunga twazyameendelezyo aazyanyika;
- (i) cheelelo chakutabikkwa muchitokesi/mujele adomane kwabulika nzila zimbi zinga zilatobelwa;
 - (i) kuti wabikkwa muchitokesi/mujele, kweelede kaali mabambe aachiindi chifwifwi biyo,
 - (ii) kabiyo kabikkidwe aalikke muchitokesi katasweenene abantu bapati bali muchitokesi antoomwe akujatwa kweelede.
 - (iii) kubambwa akujatwa munzila amubusena bweendelene aaminyaka yakwe

(2) Muzintu zyonse zilaachakuchita amwana, eezyo nzyayanda mwana nzizyo zitobelwa.

(3) Bana beeledes kujana lukwabililo choonse chiindi ankuta zyamulawu kapati Nkuta Yaajulu (*High Court*).

82 Zyelelo zyabantu bakachembaala

Woonse muntu ulaaminyaka iisika kumakumi musanu awabili (*70 years*) ulacheelo chakujana:

- (a) lugwasyo nilucheya luzwa kuli fulumende antoomwe aluzwa kumpuli yakwe;
- (b) lugwasyo lwazyakusilikwa luzwa kuli fulumende; kabiyo
- (c) lugwasyo lwamali luzwa kuli fulumende lugwasizya mubukkale bwabo; kabiyo Fulumende weelede kuchita zyonse nzyakonzya kuti zyelelo eezi zizuzikizigwe kuti kaziliwo zibelesyo.

83 Zyelelo zyabantu balemene

Fulumende weelede kuchita nzyanga ulachita, kuti zibelesyo kaziliwo, kugwasya bantu balemene kuti bajane nzibayanda akubelesya luzibo ndubalaalo antoomwe azipego zyabo mubuumi bwabo. Nzyelede kuchita fulumende zijatikizya—

- (a) kubagwasizya kuti bakonzye kulibelekela milimu iibapa mpindu;
- (b) kubagwasizya kuti bakkale aampuli zyabo antoomwe akuti babe aachakuchita muzintu zyiingi zichitikana mubukkale bwampuli zyabo azyakulikondeleya kwabo;
- (c) kubakwabilila kuzwa kukusonsegwa akujatwa buzike abamwi bantu;

- (d) kubagwasya kuti bajane kusilikwa kumalwazi aamubili antoomwe akubachita kuti bakkalinkane mumiyeyo yabo;
- (e) kubagwasizya mayake azikolo akayakwa kagwasizya balemene nkukuti bajane lwiyo; kabiyo
- (f) kubagwasizya kuti bajane lugwasyo lwakuyiisigwa afulumende aawo mpukwelede.

84 Zyelelo zyabantu bakalwana nkondo yakulilela

- (1) Bantu bakalwana nkondo yalwaangunuko—
 - (a) mbaabo bakalwana munkondo yakulilela kwaangununa Zimbabwe kuzwa kumakuwa,
 - (b) bakagwasizya basikulwana nkondo yakulilela munzila zisiyenesiyene; kabiyo
 - (c) bakaangidwe kwachiindi chilamfu kabaangilwa zyanyika muchiindi niyakali kulwanwa nkondo yakulilela.

bantu aaba beelete kuzibikana kuti bakalwana nkondo yakulilela antoomwe akupegwa bulemu bwelede. Nkaako beelete kuchitilwa zintu zili mbuuli kupegwa mali yakubelesya yabantu bakaleka kubeleka akujana kusilikwa nibachiswa.

- (2) Ipalyamenti yeelede kupanga mulawu upandulula kuti banoozijana bijeni zyoonse eezi zyaambidwe mukabeela (1).

CHIBAKA 4

KUZUKIZIGWA KWAZYEELELO ZYABANTU ZYAAMPANDAMUNSAKA ANGWANGUNUKO

85 Kuzukizigwa kwazyeelelo zyabantu zyaampandamunsaka angwangunuko

- (1) Kufumbwa nabani wabantu aaba—
 - (a) uulyiimikilide kachita zigwasya nguwe alikke;
 - (b) uuyimikilila umwi mutu uutakonzyi kulyiimikilila;
 - (c) mutu wakabunga naakuti uyimikilila ziyandisyo zyakabunga naakuti musyobo wabantu;
 - (d) mutu uuyimikilila ziyandwa aluundu;
 - (e) kabunga kiimikilila ziyandwa aabantu bako;

ulacheelelo chakwiinka kunkuta, akuyomang'ala kuti cheelelo naa ngwangunuko yaampandamunsaka iiili mu Chaandaano eechino yakat yolwa, naakuti ilakonzya ku nyonyonganisiga alimwi nkuta ilakonzya kupa nzila nzyakugwasizya zili mbuuli zyelelo naakuti batyolelwya zyelelo babbadalwe.

- (2) Kutyola kwamuntu mulawu takumukachizyi pe kuyoomang'ala kunkuta kuti ajane lugwasyo mbuuli zyaambidwe mukabeela (1) aajulu.

(3) Tulawu-lawu twankuta zyoonse tweede kupa bweendelezi butobelezegwa muchiindi bantu nibayanduula lugwasyo mbuuli makanze ali mukabeela (1), tulawu ootu tweede kubona kuti:-

- (a) cheelelo chakumang'ala kunkuta mbuuli zyaambidwe mukabeela (1) cheelede kweendelezegwa kabotu;
- (b) kweendelezegwa kwalubeta lwankuta antoomwe akatalika kwalubeta, kwelede zyafwiinsiga muchiindi chifwifwi loko/chiniini.

- (c) inkuta, nikuba kuti yeelede kutobeleyza tulawu-lawu twakubeteka kabotu, tiiyelede kuchelezegwa aatulawu ootu twabweendelezi oobu; alimwi
- (d) muntu ulaaluzibo, kuti wazumizigwa ankuta, ulakonzya kunjila munkuta kagwasizya.

(4) Kubulika kwatulawu-lawu twaambidwe mukabeela (3) takukonzyi kukachizya cheelelo chakutalika bweendelezi bwaambidwe mukabeela (1) akuchita kuti mulandu ubetekwe munkuta.

CHIBAKA 5

MPUYEELEDE KULEKWA KUZUKIKIZIGWA ZYEELELO ZYAAMPANDAMUNSAKA

86 Mpuzigolela zyeelelo zyaampandamunsaka angwanguku

(1) Zyeelelo zyabantu zyaampandamunsaka angwanguku zijanika muChaandaano eechi zyeelede kuzukikizigwa akutobeleyza kabotu pesi kakulemekwa zyeelelo angwanguku zyabamwi bantu.

(2) Zyeelelo angwanguku zyaampandamunsaka zijanika muChaandaano eechi zilakonzya kudyaamizigwa biyo kwiinda mumulawu umwi wabelesegwa fumbwa mulawu ooyo kuboneka kuuyelete kudyaamizya zyeelelo zyaampandamunsaka alimwi acheecho chipa kuti zyeelelo angwanguku zidyaamizigwe kweelede kachili chintu chiboneka cheendelana abweendelezi bwachisi chajandabanji chitobeleyza bubalangale, bululami, kulemeka bulemu bwamuntu, kweelanisa bantu, kwaangunuka kwabantu, azimwi kubikkilizya—

- (a) bube bwacheelelo naakuti ngwanguku yadyaamizigwa;
- (b) mpalamo yakudyaamizya cheelelo eecho, akubona kuti kulelede na kudyaamizya cheelelo eecho nkaambo kakuyanda kukwabilila nyika, kukwabilila luundu, bukkale bwabantu muluumuno, kukwabilila zyabolondozi/busanambi bwabantu, mabambe akweendelezegwa kwamadolopo antoomwe aziyandwa abanabunji;
- (c) bube abuyumu bwakudyaamizigwa kwacheelelo;
- (d) chiyandisyo chakubona kutelegwa kunoneezegwa kwazyeelelo angwanguku abamwi bantu takudyaamizyi zyeelelo angwanguku zyabambi bantu;
- (e) bulidilane buliwo aakati kakudyaamizigwa kwazyeelelo ampalamo yakudyaamizya zyeelelo;
- (f) naakuti taakwe na zimwi nzila zitadyaamizyi loko zyeelelo zyabantu zinga zilabelesegwa pesi impalamo yakudyaamizya zyeelelo kiichizukizigwa anzila eezyo.

(3) Taakwe mulawu uukonzya kudyaamizya zyeelelo zitobela mbuuli mbuuyaambidwe muChaandaano eechi, alimwi taakwe muntu weelede kuzityola pe.

- (a) cheelelo chakupona, domane mbuuli mbukwaambidwe muchibeeela (48) muChaandaano eechi;
- (b) cheelelo chakulemeka bulemu bwamuntu;
- (c) cheelelo chakutasonsegwa naakuti kutajatwa bunkala, zitakwe bulemu naakuti zisubulo zisampula muntu;
- (d) cheelelo chakutajatwa buzike naakuti kujatwa bunkala;
- (e) cheelelo chakubetekwa munzila iiluleme kiibalangala;

- (f) cheelelo chakuya kunkuta kukujana mvumo iizumizya mwaange kuti agwisigwe muchitokesi, naakuti atolwe kunkuta kukabonwe kuti kujalilwa kwakwe kuli mumulawu na, naakuti kujana mvumo yakuziba kuti muntu ujalilidwe usisidwe kuli nkwataboneki, mbuuli mbukwaambidwe muchibela 50(7)(a).

87 Zyelelo mbuzilekwa kulemekwa muchiimo chalupyopyongano

(1) Aajulu kwanzila zizumizigwa kudyamizya zyelelo zyaampandamunsaka mbuuli mbukwaambidwe muchibela (86), zyelelo angwanganuko eezi zikonzya kudyamizigwa kabiyo kwiinda mumulawu wakalembwa antaamo zyelede kuchitwa muchiindi achiimo chalupyopyongano, pesi kudyamizigwa ooku kwelede kuchitwa munzila yakazumizigwa kwiinda muchibela eechi antoomwe amuMpampikwa Yabili (Second Schedule) ijanika muKkata Lyamulawu eeli.

(2) Mulawu uulembedwe waambwa mukabeela (1) kalaajulu antoomwe azimwi zili mumulawu zinga zilachitwa, zyelede kubikkwa mupepatwaambo lyaluundu lyafulumende litegwa ni*Gazette*.

(3). Kufumbwa kudyamizigwa kwachelelo kwaambidwe amulawu ulembedwe mukabeela (1) muchaandaano eechi, takwelede pe kwiindilizya eezyo zyelede kuchitwa kuti kakulangwa bwiime bwalupyopyongano buliwo.

(4) Taakwe mulawu uuzumizya koompololwa kwachiimo chalupyopyongano, kabiyo taakwe zimwi zili mumulawu zyelede kuchitwa nkaambo kakoompololwa kwachiimo chalupyopyongano zinga zila—

- (a) kwabilila, naakuti kuzumizya fulumende naakuti chibela chafulumende nikuba kuchibaka chili chanyika , naakuti naba uuli muntu, kuti achite zintu zitali mumulawu; naakuti
- (b) dyamizya nichiba chili chazyeelelo zyaambidwe muchibela 86(3) , naakuti kuzumizya kudyamizigwa akutyolwa kwazyelelo eezi.

CHAANDAANO 5

BASILUTWE BAFULUMENDE

CHIBAKA 1

MANGUZA ABASILUTWE BAFULUMENDE

(1) Manguzu a Basilutwe bafulumende azwa kubulumbu bwaZimbabwe kabiyo ayelede kubelesegwa kwiinda muKkata Lyamulawu eeli.

(2) Manguzu a basilutwe bafulumende munyika yaZimbabwe apedwe Muzulwidi waNyika uwabelesya, kwiinda muNkamu yaBasilutwe baMitabi yaFulumende (Kkabbineti), katobeleyza Kkata Lyamulawu eeli.

CHIBAKA 2

MUZULWIDI WANYIKA ABAMUTOBELA

89 Muzulwidi Wanyika

Muzulwidi waNyika ngusilutwe waNyika aFulumende kabiyo nguDuundumuntule waBasilumamba bakwabilila nyika.

90 Milimu yaMuzulwidi waNyika

(1) Muzulwidi waNyika weelede kusumpula, kukwabilila, kutobeleyza akulemeka Kkata Lyamulawu eeli mbuuli mulawu mupati-kampatila wachisi chaZimbabwe nkaako kweelede wabona kuti Kkata Lyamulawi eeli antoomwe amilawu imwi yanyika zyalemekwa akutobelezegwa mbuuli mbukweelede.

(2) Muzulwidi waNyika weelede—

- (a) kusungwaazy a lukamantano aluumuno muchisi kuchitila kuti boonse banaZimbabwe bakkale kabotu muluumuno;
- (b) kuziba akulemeka bulemu andemeko zyankondo yalwaangunuko;
- (c) kukwabilila zyeelo zyaampandamunsaka angwangunuko antoomwe akulemekwa kwamulawu munyika; kabiyo
- (d) kulemeka busiyane bwamisyobo yabantu ijanika muZimbabwe.

91 Nzyayelede kubaazyo kuti muntu asalwe kuba Muzulwidi waNyika akuba mutobelwa Muzulwidi waNyika

(1) Muntu uyelelwa kusalwa kuba Muzulwidi waNyika naakuti Uutobela Muzulwidi waNyika kuti kakuli—

- (a) ujisi bwenichisi bwaZimbabwe kwiinda mukuyalwa naakuti mubuzukululu;
- (b) ujisi minyaka isika naakuti kwiinda makumi aane;
- (c) ukkala munyika yaZimbabwe;
- (d) ulembesezye kuvoota.

(2) Muntu takonzyi kwiimikila kuti asalwe kuba Muzulwidi waNyika kuti kakuli wakali waba Muzulwidi waNyika kale tubili aansi kwaKkata Lyamulawu eeli, kazitobelana naakuti muzidyunkuzidzyunku zyaminyaka. Aansi kwaKkata Lyamulawu eeli kuti muntu wakali waba Muzulwidi waNyika kwaminyaka itatu kazianembo chaamba kuti unooli wakaba Muzulwidi waNyika kwamweenya uzwide.

92 Kusalwa kwaMuzulwidi waNyika aBamutobela

(1) Kusalwa kwaMuzulwidi waNyika naakuti Batobela Muzulwidi waNyika kweelede kwachitwa mukati kachiindi chaambidwe muchibeeela 158.

(2) Woonse muntu uyanda kwiimikila kuti asalwe kuba Muzulwidi waNyika uyelede kudoma bantu babili kabali Mbatobeli bakwe Muzulwidi waNyika kabiyo mbanga ulayimikila aabo mukusalwa chiindi chomwe. Umwi uyelede kudomwa kuba Mutobeli Mutaanzi waMuzulwidi waNyika uumbi kali Mutobeli waChibili waMuzulwidi waNyika.

(3) Muzulwidi waNyika antoomwe aBamutobela bakwe beeleder kusalwa aluundu IwaZimbabwe, bantu bakalembesa kuvoota, kabiyo nzila njibasalwa aayo ili pandulwidwe muMulawu waNsaluuzyo (*Electoral Law*).

(4) Ziyandikana kuti muntu alembesye kuyovoota mukusala Muzulwidi waNyika aBamutobela zili pandulwidwe muMpampikwa Yane (*Fourth Schedule*)

(5) Kusalwa kwaMuzulwidi waNyika antoomwe aBamutobela kweelede kuchitilwa aamwi ansaluuzyo zyabamwi bazulwidi bali mbuuli bayiminina bantu kung'anda yaPalyamenti (MP), bayimikilila bantu kuChilikiti (*Provincial Councils*) abayimikilila bantu kuBbooma (*Councilors*)

93 Kutondeezya kutakkutikana kunsaluuzyo zyakusala Muzulwidi waNyika

(1) Kwiinda muchibeele eechi, woonse muntu watakkutikana anzila njaasalwa aayo Muzulwidi waNyika antoomwe aBamutobela ukonzya kukazya zyazwa munsaluuzyo zyakusala bantu aaba kwiinda mukutola kutongawuka kwakwe kuNkuta yazyakata Lyamulawu (*Constitutional Court*) mukati kamazuba musanu awabili kakuli koompololwa zina lyamuntu wakazunda bamwi munsaluuzyo zyakachitwa.

(2) Kusalwa kwaUutobela Muzulwidi waNyika kukonzya kukazigwa biyo kuti kakuli taakalikwe zeezyo ziyandikana kuti anjile munsaluuzyo zyakachitwa.

(3) Nkuta yazyakata Lyamulawu yeelede kuswiilizya ntongawuko yeetwa kuli njiyo, atala akusalwa kwaMuzwilidi waNyika, antoomwe akumana/kugomena kaambo aaka mukati kamazuba kkumi amazuba aane (14) kuzwa buunsi mbukeetwa kaambo kakutongawuka kuNkuta. Eezyo zyazwa mulubeta lwaNkuta yazyakata Lyamulawu tazikazigwi pe.

(4) Mukulangisisya butongawusi bweetwa kuli njiyo Nkuta yazyakata Lyamulawu mbuuli kwaambwa mukabeela (1), inkuta eeyi ikonzya:-

- (a) koompolola wakazunda boonse munsaluuzyo yakachitwa;
- (b) kuzimaazya nsaluuzyo zyakachitidwe kuchitala kuti zichitwe bupya, aawo mpukwategwa ngazichitwe mupya kweelede zyachitwa mukati kamazuba atayindi makumi musanu akkumi limwi (60) kuzwa buunsi nkuta niyazimaazya nsaluuzyo zyakachitidwe.
- (c) kwaamba nzyikonzya kwaamba mbuuli maboneno aayo ayendelana azyakachitika.

(5) Kuti kakuli mubutongawusi bwakaambwa kwiinda mukabeela (1)—

- (a) iNkuta yazyakata Lyamulawu yazimaazya nsaluuzyo yakusalwa kwaMuzulwidi waNyika, chaamba kuti akusalwa kwaBatobela Muzulwidi waNyika akulako kwazimaazigwa.
- (b) iNkuta yazyakata Lyamulawu yazimaazya nsaluuzyo yakusalwa kwawumwi naakuti bobile Batobela Muzulwidi waNyika, Muzulwidi waNyika kweelede kuti katanonoki wagala uumbi muntu/bamwi bantu bajisi ziyandikana kuba Batobela Muzulwidi waNyika.

94 Katalika mulimu kwaMuzulwidi waNyika aBamutobela

(1) Bantu basalwa kuba Muzulwidi waNyika antoomwe aBamutobela batalika milimu yabo nibamana kuchita zikonke kunembo IyaDuundumuntule waBabtesi naakuti umwi mubetesu mupati umutobela mbuuli mbukwaambidwe muMpampikwa Yatatu (*Third Schedule*). Zikonke eezi kweelede bazichita—

- (a) mubuzuba bwamusau amazuba aane (9) kuzwa buunsi niboompololwa kuti bakasalwa; naakuti
- (b) kuti kakuli kwaba butongawusi atala ansaluuzyo bwakaakusika kunkuta, kweelede bachitisigwa zikonke mukati kamazuba obile naakuti mukati kama-awa ali makumi one alamusau awatatu (*48 hours*) kuzwa Nkuta yazyakata Lyamulawu niyoompolola zina lyawakazunda bamwi munsaluuzyo.

(2) Ooyo walaachuuno chaMuzulwidi waNyika ulaya nembo kakkede achuuno kusikila buunsi ooyo mupya Muzulwidi waNyika natalika mulimu kwiindila mukabeela (1).

(3) Mutobeli wa Muzulwidi waNyika wabweza chuuno chaMuzulwidi waNyika kuti wakaliwo wafwa, wasiya mulimu naakuti wagwisigwa, ukonzya katalika mulimu kuti kakuli wachita chikonke chachuuno chaMuzulwidi waNyika kunembo lyaDuundumuntule waBabetezi (*Chief Justice*) naakuti umwi mubetesu umutobela mbuuli mbukwaambidwe muMpampikwa Yatatu (*Third Schedule*). Chikonke eechi uyelede kuchichita kufwambaana mukati kama-awa ali makumi aane alaamusanu awatatu (48) kakuli chuuno chaMuzulwidi waNyika chasyala kachitachikwe mutu.

95 Bulamfu bwachiindi chakubeleka kwa Muzulwidi waNyika antoomwe aBamutobela

(1) Bulamfu bwachiindi chakubeleka kwaMuzulwidi waNyika antoomwe aBamutobela butalika buunsi nibachita chikonke mbuuli mbukwaambwa muchibeeela 94(1)(a) naakuti 94(3)

(2) Bulamfu bwachiindi chakubeleka kwaMuzulwidi waNyika naakuti Bamutobela butalika buunsi nibachita chikonke kuloosika:-

- (a) buunsi naasiya chuuno naakuti naagwisigwa achuuno; naakuti
- (b) nikwachitwa nsaluuzyo kakuli wasalwa lubo naakuti uumbi mutu wasalwa kuba Muzulwidi waNyika. Aanze kwazyaaambidwe muKkata Lyamulawu eeli bulamfu bwakukkala achuuno cha Muzulwidi waNyika kweelede kwaba minyaka musanu, eezi kweelede zyeendelana abulamfu bukkalwa abayiminini bamuPalyamenti.

96 Kusiya mulimu kwa Muzulwidi waNyika naakuti Bamutobela

(1) Muzulwidi waNyika ukonzya kusiya chuuno chakwe kwiinda mukulemba lugwalo kuli Sichuuno waNg'anda Yaansi Yamilawu (National Assembly- Speaker). Sichuuno waNational Assembly uyelede kumwaya mulumbe ooyo, kuluundu IwaZimbabwe, wakusiya mulimu kwaMuzulwi waNyika achakufwambaana mukati kazuba limwi /mukati kama- awa makumi abili atune (24) kali wajana lugwalo lwakusiya mulimu kwaMuzulwidi waNyika.

(2) Mutobeli wa Muzulwidi waNyika ukonzya kusiya mulimu kwiinda mukulemba lugwalo kuMupati waNyika uyelede kwaambila bulumbu bwaZimbabwe aatala akusiya mulimu kwawutobela Muzulwidi waNyika mukati kama –awa asika kumakumi abile atune (24).

97 Kugwisigwa kwa Muzulwidi waNyika naakuti Bamutobela

(1) INg'anda Yaansi Yamilawu (*National Assembly*) aNg'anda Yaajulu Yamilawu (*Senate*) kazili zyakkala aamwi zyavoota zikonzya kuzuminana kuti Muzulwidi waNyika naakuti Bamutobela bagwisigwe muzyuno zyabo kuti kakuli kwazuminana bwiingi bwabantu busika chisela chaboonse bajanika mumaanda amulawu wobilwe aaya. Muzulwidi waNyika naakuti Bamutobela bakonzya kugwisigwa kuti kakuli—

- (a) wachita mulandu mupati loko;
 - (b) wakachilwa kutobeleyza, kusumpula akukwabilila Kkata Lyamulawu eeli;
 - (c) watyola Kkata Lyamulawu eeli achaali; naakuti
 - (d) wakachilwa kuchita mulimu wakwe nkaambo kakuchembala, kulemana naakuti kusondoka;
- weelede kulangisisigwa kwiinda muchibeeela eechi.

(2) Kakuli bazuminana kwiinda mukabeela (1), iKkomiti yaNzila Zyameendelezyo aPalyamenti (*Committee on Standing Rules and Orders*) iyelede kugala kakkomiti kaswaanizya bantu bazwa muNg'anda Yaansi Yamilawu amuNg'anda Yaajulu Yamilawu basika kumusanu abane kabasweenene mbuuli mbutwiimvwi tubunga twakwendelezegwa kwanyika tuli muPalyamenti. Kkomiti eeyi iyelede kulangisisya kugwisigwa achuuno kwaMuzulwidi waNyika naakuti Uumutobela/ Bamutobela.

(3) Kuti—

- (a) kakuli ikkomiti yakasalwa kuti ilangisisye kugwisigwa kwaMuzulwidi waNyika, mbuuli zyambidwe mukabeela (2) kalaajulu, yaamba kuti ngagwisigwe achuuno chaMuzulwidi waNyika naakuti chawoyo uutobela Muzulwidi waNyika; kabiyo,
- (b) kakuli iseneti anational assembly, nizyaswaanana zyazuminana kugwisya Muzulwidi waNyika naakuti uMutobela achuuno;

Muzulwidi waNyika naakuti uMutobela ulasiya mulimu.

98 Kukwabililwa kwa Muzulwidi waNyika kuli zyakwaangwa

(1) Kuti kachili achuuno, Muzulwidi waNyika tayelede kwaangwa akutolwa kunkuta pe nkaambo kabulewusi mbwachita naakuti nzaaleka kuchita lwakwe.

(2) Ukonzya kwaangwa akutolwa kunkuta naasiya chuuno chakuba Muzulwidi waNyika kaangilwa nzyakachita anzyakaleka kuchita katanaba Muzulwidi waNyika naakuti naakali Muzulwidi waNyika.

(3) Zikwelete zyaMupati waNyika zyakazwa muchiindi katanaba Muzulwidi waNyika naakuti nakaba Muzulwidi waNyika ngazyachunzikwa kubbazu nachili achuuno.

(4) Mukubetekwa kwakwe naazwa achuuno wakali Muzulwidi waNyika kabetekelwa nikuba kabakali kaambo nkakachita ankakaleka kuchita kachili amulimu wakwe, ukonzya kulisakwida kaamba kuti wakazichita naakuti wakaleka kuzichita kachitila kukwabilila bukkale bwanyika.

99 Milimu yaBatobela Muzulwidi waNyika

Batobela Muzulwidi waNyika bagwasizya Muzulwidi waNyika kuchita milimu yakwe kabiyo balachita ayimwi milimu njibatumwa aMuzulwidi waNyika kazibikkilizya kweendelezya nikuba uuli Mutabi wafulumende naakuti Mulawu waPalyamenti ngubanooli bategwa bawuyendelezye.

100 Uujisilidi Muzulwidi waNyika

(1) Choonse chiindi kuti Muzulwidi waNyika katamo munyika naakuti katakonzyi kuchita milimu yakwe kwiinda mukuchiswa naakuti nkaambo kachimwi chintu, milimu yakwe yeelede kuchitwa—

- (a) aMutobeli mutaanzi waMuzulwidi waNyika;
- (b) aawo Mutobeli mutaanzi wa Muzulwidi waNyika mpatakonzyi kuchita milimu eeyo, Mutobeli wabili weelede kwiichita; naakuti
- (c) kuti kakuli takukwe Mutobeli waMuzulwidi waNyika ukonzya kuchita milimu yaMuzulwidi waNyika, umwi wabaSilutwe baMitabi yaFulumende—
 - (i) wagalwa aMuzulwidi waNyika kuti achite mulimu waMuzulwidi waNyika; naakuti

(ii) wasalwa aNkamu yabaSilutwe baMitabi yafulumende (kkabbineti), kuti kakuli taakwe mweendelezi wamutabi wafulumende wakasalwa aMuzulwidi waNyika kwiinda mufuka (i) lilaajulu.

(2) Aanze kwakuti zilokweendelana aachizuminano chakachitwa abanji baNkamu yabaSilutwe baMitabi yafulumende (kkabbineti), muntu ujisilidi chuuno cha Muzulwidi waNyika kwiinda mukabeela (i) tayelede kubelesya manguzu aMuzulwidi waNyika—

- (a) kutuma Basilumamba kunkondo kuti bakalwane;
- (b) kusayina chizuminano chanyika yaZimbabwe chijatikizya manyika manji;
- (c) kusala naakuti kugwisya achuuno Mutobeli wa Muzulwidi waNyika, Silutwe waMutabi waFulume (Minister) naakuti Uutobela Silutwe waMutabi waFulume (Deputy Minister); naakuti
- (d) kupa milimu naakuti kusandula milimu yaMutobeli wa Muzulwidi waNyika naakuti Silutwe waMutabi waFulume naakuti uMutobela kubikkikizya kweendelezegwa kwaMulawu waPalyamenti naakuti chipanzi chamutabi wafulumende naakuti kunyeya akuzimaazya milimu njakali kuchita umwi wabaaba bantu baambwa aajulu.

101 Kutolwa kwachuuno chaMuzulwidi waNyika aBamutobela kuti wafwa, wasiya mulimu naakuti katachikonzyi kubeleka

(1) Kuti Muzulwidi waNyika wafwa, wasiya mulimu naakuti wagwisigwa mulimu—

- (a) Mutaanzi Uutobela Muzulwidi waNyika nguutola chuuno cha Muzulwidi waNyika kusika chiindi chakusalwa uumbi Muzulwidi waNyika chasika;
- (b) Wabili Uutobela Muzulwidi waNyika utola chuuno cha Mutaanzi Uutobela Muzulwidi waNyika kusikila chiindi chakusalwa uumbi Muzulwidi waNyika chasika; kabiyo
- (c) Mutaanzi mutobeli wa Muzulwidi waNyika naatola chuuno chakuba Muzulwidi waNyika weeleda kusala uumbi Wachibili Uutobela Muzulwidi waNyika.

(2) Kuti Mutaanzi Uutobela Muzulwidi waNyika wafwa, wasiya mulimu naakuti wagwisigwa mulimu—

- (a) Wabili Uutobela Muzulwidi waNyika utola chuuno chaMutaanzi Uutobela Muzulwidi waNyika kusika chiindi chakusalwa bambi bazulwidi; kabiyo
- (b) Muzulwidi waNyika uyelede kufwambaana kugala umbi muntu kuti abe Wabili Uutobela Muzulwidi waNyika kusika chiindi chakusalwa bambi bazulwidi.

102 Mufolo wa Muzulwidi waNyika aBamutobela

(1) Muzulwidi waNyika aBamutobela beeleder kujana mifolo, lumwi lugwasyo lupegwa babelesi (*allowances*), mpencheni azimwi zyaambidwe muMulawu waPalyamenti.

(2) Mufolo amali zyakubelesya zya Muzulwidi waNyika abamutobela zyelede kuzwa kuNkomo Mpati yaFulume (Consolidated Revenue Fund)

(3) Muntu wakali Muzulwidi waNyika naakuti Uutobela Muzulwidi waNyika weeleder kujana—

- (a) Mpencheni iyelene amufolo ufolwa a Muzulwidi waNyika naakuti Uutobela Muzulwidi waNyika uchili aachuuno; kabiyo
- (b) lumwi lugwaso lupegwa babelesi amulimu (*allowances*) azimwi zijanwa mbuuli mbukwaambidwe muMulawu waPalyamenti

103 Muzulwidi waNyika aBamutobela abamwi bakali bajata zyuuno eezi tabeelede kubeleka uumbi pe mulimu nibasiya zyuuno zyabo

Muzulwidi waNyika aBamutobela abamwi bakali bajata zyuuno eezi tabeelede kubeleka uumbi pe mulimu wafulumende nibasiya zyuuno zyabo naakuti kuchita uumbi mulimu kuti kabachipegwu mpencheni izwa kuli fulumende yakuba wakali Muzulwidi waNyika naakuti uutobela Muzulwidi waNyika.

CHIBAKA 3

BASILUTWE BAMITABI YAFULUMENDE, BABATOBELA ANKAMU YABASILUTWE BAMITABI YAFULUMENDE

104 Kugalwa kwaBasilutwe baMitabi yaFulumende aBamutobela

(1) Muzulwidi waNyika nguwe ugala akupa milimu yaBasilutwe baMitabi yafulumende, kubikkilizya kweendelezegwa kwamilawu isiyene-siyene yakapangwa aPalyamenti. Pesi Muzulwidi waNyika ukonzya kulyeendelezya lwakwe imwi milawu njayanda kweendelezya lwakwe.

(2) Muzulwidi waNyika ukonzya kugala Batobeli baBasilutwe baMitabi yaFulumende batanoogwasizye kweendelezya mitabi yafulumende.

(3) Basilutwe baMitabi yaFulumende abaBatobela bagalwa kuzwa kubantu bakasalwa kuti bayiminine masena muNg'anda Yamilawu (Palyamenti) kabali maSenata antomwe abaaboo bajanika muNational Assembly. Pesi Muzulwidi waNyika ukonzya kubweza bantu, basika kumusanu, balaenze kwaPalyamenti kuti babe Basilutwe bamitabi yafulumende batanolli basalilwa luzibo ndubajisi.

(4) Mukugala Basilutwe baMitabi yaFulumende abaBatobela, Muzulwidi waNyika kweelede wabona kuti bantu bazwa kumasena asiyanesiyyene munyika bagalwa antoomwe akubona kuti banakazi abaalumi bagalwa bweelene.

(5) Basilutwe baMitabi yaFulumende abaBatobela batakatalwa kuba bayiminini babantu mung'anda yakupangwa kwamilawu (Palyamenti) bakonzya kukkala akuyooma mung'anda yakupangwa kwamilawu pesi tabakonzyi kuvoota muNg'anda Yaajulu Yamilawu (*Senate*) amuNg'anda Yaansi Yamilawu (*National Assembly*).

(6) Kabatana katalika mulimu bakagalwa kuba Basilutwe baMitabi yaFulumende abaBatobela kweelede bachita chikonke kunembo lya Muzulwidi waNyika, chikonke chaBasilutwe baMitabi yaFulumende mbuuli mbuchilembedwe muMpampikwa Yatatu (*Third Schedule*).

105 Nkamu Yabasilutwe Bamitabi Yafulumende

(1) Kuli Nkamu ya Basilutwe baMitabi yaFulumende ijatikizya; Muzulwidi waNyika, kali nguSilutwe waNkamu eeyi, Batobela Muzulwidi waNyika antoomwe aBasilutwe baMitabi yaFulumende boonse bakagalwa.

(2) Sichuuno wamiswaangano yaNkamu yaBasilutwe baMitabi yaFulumende Muzulwidi waNyika pesi kuti katawo umwi waBatobela baMuzulwidi waNyika ukonzya kuba sichuuno wankamu eeyi kuti kabatawo umwi waBasilutwe baMitabi yaFulumende ukonzya kuba sichuuno mbuuli mbukwaambidwe muchibela 100(1)(c).

106 Mbubelede kubeleka akulijata Batobela Muzulwidi waNyika, Basilutwe baMitabi yaFulumende abaBatobela

(1) Boonse Batobela Muzulwidi waNyika, Basilutwe baMitabi yaFulumende abaBatobela beeleded kuchita milimu yabo antoomwe akulijata munzila iyendelana aKkata Lyamulawu eeli.

(2) Muchiindi nibachili muzyuuno zyabo Batobela Muzulwidi waNyika, Basilutwe baMitabi yaFulumende abaBatobela tabakonzyi—

- (a) kubeleka uumbi mulimu wafulumende naakuti kubeleka uumbi mulimu ubapa mufolo;
- (b) kulijata munzila isiyene aziyandwa amilimu yabo naakuti kuliyanika kuzintu zinga zilabalwanisa ziyandwa aamilimu yabo azeezyo nzibayanda beni mubuumi, naakuti
- (c) kubelesya zyuuno zyabo naakuti luzibo ndubalaalo lweendelene azyamilimu yabo kuti balinotye lwabo naakuti bajane zimwi zintu munzila itali kabotu kababelesya zyuuno zyabo.

(3) Mulawu upangwa aPalyamenti weelede kupandulula kabotu mbubelede kulijata Batobela Muzulwidi waNyika, Basilutwe baMitabi yaFulumende abaBatobela.

107 Kufolomwa kwa Batobela Muzulwidi waNyika, Basilutwe baMitabi yaFulumende abaBatobela

(1) Kwiinda muKkata Lyamulawu eeli, boonse Batobela Muzulwidi waNyika, Basilutwe baMitabi yaFulumende abaBatobela bafolomwa aMuzulwidi waNyika ooyo ubona mabelekelo aabo,

(2) Boonse Batobela Muzulwidi waNyika, Basilutwe baMitabi yaFulumende abaBatobela beeleded kunjila mung'anda yakupangwa kwamilawu muPalyamenti antoomwe amumakkomiti aPalyamenti nkukuti kabagwasizya kusandula mibuzyo iyendelana amitabi njibazulwida.

108 Bulamfu bwachiindi chakubeleka mulimu waBasilutwe baMitabi yaFulumende abaBatobela

(1) Chuuno chaBusilutwe bwaMutabi waFulumende naakuti Uumutobela chikonzya kusyaala kachitakwe mutnu kuti—

- (a) Muzulwidi waNyika wagwisya ooyo wali Silutwe waMutabi waFulumende;
- (b) kuti wajisi chuuno chaBusilutwe bwaMutabi waFulumende wasiya mulimu akuyanda kwakwe kwiinda mukulemba chizibisyoo kuMuzulwidi waNyika chaamba kusiya mulimu kwakwe;
- (c) kwanjila Muzulwidi waNyika mupya.

(2) Kwiinda mukabeela (4), Silutwe waMutabi waFulumende naakuti Uumutobela wakali mwiiminini mung'anda yamulawu naakagalwa kuba Silutwe waMutabi waFulumende naakuti Uumutobela, usiya chuuno chakwe kuti waleka kuba mwiiminini wabantu mung'anda yakupanga milawu (Palyamenti).

(3) Kwiinda mukabeela (4) Silutwe waMutabi waFulumende naakuti Uumutobela wakatali mwiiminini mung'anda yamulawu naakadomwa kuba Silutwe waMutabi waFulumende naakuti Uumutobela, usiya chuuno chakwe kuti waba mwiiminini wabantu mung'anda yakupanga milawu (Palyamenti).

(4) Kwiinda muKkata Lyamulawu eeli, kuti Palyamenti yazimaazigwa/yamwayika, Basilutwe baMitabi yaFulumende abaBatobela beeletee kweendelela nembo kabachita milimu yabo kusikila Muzulwidi waNyika mupya wataanguna mulimu nikwiinda nsaluuzyo.

109 Vooti yakutondeezya kubula lusyomo muli Fulumende

(1) INg'anda Yaajulu Yamilawu aNg'anda Yaansi Yamilawu kazisweenene zikonzya kupanga chizuminano chazuminanwa abantu basika kuntompa-chaala (*two-thirds*) yabantu boonse bajanika mumaanda obile, bakonzya kutondeezya kubula lusyomo muli fulumende.

(2) Mutwe wanjoomo yakuyanda kutondeezya kubula lusyomo muli fulumende ikonzya kutalikwa kwaambuulwa kuti—

(a) kwapegwya chizibisyoy kuli Sichuuno waNg'anda Yaansi Yamilawu (*Speaker*) chakuyanda kuzoonjizya njoomo eeyo mumazuba musanu awabili aaza; kabiyo

(b) kakuli chizibisyoy chanjoomo chakasayinwa abantu bayinda chisela chabaabo bajanika muNg'anda Yaansi Yamilawu.

(3) Njoomo yakuyanda kutondeezya kubula lusyomo muli fulumende—

(a) iyelede kuyoomwa kazisweenene Ng'anda Yaajulu Yamilawu aNg'anda Yaansi Yamilawu mukati kamazuba makumi abili aazuba limwi (21) kali wakatambula chizibisyoy Sichuuno; kabiyo

(b) iyelede kuvoottwa akugomenwa/kumaninsigwa mukati kamiswaangano itayindi musanu ayibili pe kuzwa mpubakatalika kuswaanana kuyooma kaambo aaka, kuti teebachita boobo njoomo eeyi ilayangala.

(4) Kuti Palyamenti yazwa achizuminano chakubula lusyomo muli fulumende, Muzulwidi waNyika weeletee, mukati kamazuba kkumi awane kuzwa mpuchakapangwa chizuminano chaPalyamenti—

(a) wabagwisya azyuuno zyabo boonse Basilutwe baMitabi yaFulumende abaBatobela, kuti kakuli teebakali basiya kale abalikke milimu kuzwa buunsi chizuminano chaPalyamenti nichakachitwa; naakuti

(b) kutatuula Palyamenti mpawo akwiitilizya nsaluuzyo zimbi mukati kamazuba asika kumakumi ali musanu amakumi aane (90)

(5) Kuti Muzulwidi waNyika taachita zyaambidwe mukabeela (4) mukati kamazuba ali kkumi aamazuba aane (14) kakuli chizuminano chaPalyamenti chachitwa chakutondeezya kubula lusyomo muli fulumende, Palyamenti inooli yayangala kale zili mumulawu.

CHIBAKA 4

MILIMU YABASILUTWE BAFULUMENDE

110 Milimu yaMuzulwidi waNyika aNkamu yaBasilutwe baMitabi yaFulumende

(1) Muzulwidi waNyika ujisi manguzu ngapegwya aKkata Lyamulawu eeli antoomwe amulawu waPalyamenti naakuti imwi milawu kuti ayendelezye milimu yachuuno chaMuzulwidi waNyika.

(2) Kwiinda muKkata Lymulawu eeli, Muzulwidi waNyika ulaamukuli wakuchita milimu eeyi—

(a) kuzumina akusayina milawu;

- (b) kutola malembe amulawu kuNkuta yaKkata Lyamulawu kuti amvwe maboneno aankuta eeyi atala amalembe amulawu aayo;
- (c) kwiiita bayiminini bamuNg'anda Yaajulu Yamilawu abamuNg'anda Yaansi Yamilawu naakuti Palyamenti kuti baswaanane muchiindi nchibatayeled kuswaanana kuchitila kuti bachite mulimu ngubatanooli batumwa mung'anda yakupanga milawu;
- (d) kugala bantu kuti banjile muzyuuno zyaambidwe aKkata Lyamulawu aawo mpukuyandikana kuti Muzulwidi waNyika achite mbubo;
- (e) kwiiitala nsaluuzyo kwinda muKkata Lyamulawu eeli;
- (f) kwiiitala malefulandamu kuti achitwe aawo mpaayeleye kuchitwa kwinda mumulawu;
- (g) kutuma Basilumamba kunkondo/kumulimu;
- (h) kupa bantu zipo zyabulemu nkaambo kamilimu mipati njibakachitila nyika;
- (i) kugala bayiminini banyika kulaamwi manyika, abamwi bazyuuno zyeendelene akwiimikilila nyika kuli zimwi nyika; kabiyo
- (j) kutambula baabo bayimvwilidi nyika zimbi munyika yesu.

(3) Kwiinda muKkata Lyamulawu eeli, Nkamu yaBasilutwe baMitabi yaFulumende bajisi mukuli wa—

- (a) kweendelezya milimu yaMitabi yaFulumende;
- (b) kweendelezya milimu yafulumende muPalyamenti;
- (c) kubambilisa, kutalika akweendelezya milawu yanyika;
- (d) kupanga akweendelezya mapolisi anyika; kabiyo
- (e) kupa Muzulwidi waNyika busongo amizeezo atala azintu zinji.

(4) Kwiinda muKkata Lyamulawu eeli, Muzulwidi waNyika ukonzya kuchita zizuminano amanyika /bafulumende bamanyika aambi antoomwe atubunga tujatikizya manyika manji.

(5) Nzyawamba kuti zichitwe Muzulwidi waNyika kweelede zyabikkwa mumalembe nkukuti zitambulike.

(6) Mukuchita milimu yakwe Muzulwidi waNyika kweelede kapegwa mizeezo aNkamu yaBasilutwe baMitabi yaFulumende, aanze kwakuti ulokuchita milimu iyendelana azyaambidwe mukabeela (2) ajulu.

111 Nkondo aluumuno

(1) Muzulwidi waNyika ulaamanguzu akutalika nkondo akwiimikizya nkondo kabiyo weelede kwaambila Ng'anda Yaajulu Yamilawu aNg'anda Yaansi Yamilawu mukati kamazuba musanu awabili (7) kuti wabelesya manguzu aakwe kutalika nkondo akwiimikizya nkondo.

(2) INg'anda Yamilawu Yaajulu aNg'anda Yamilawu Yaansi kuti zyaswaanana zyachita chizuminano chabantu basika kuntompa-chaala (two thirds) yabantu bajanika mumaanda obile (Palyamenti), bakonzya kuzuminana kwiiimikizya nkondo yali yatalikwa a Muzulwidi waNyika.

(3) Aawo Palyamenti mpuyachita chizuminano chakwiimikizya nkondo, Muzulwidi waNyika uyelede kutola ntaamo zyakwiimikizya nkondo yali yatalika pesi kalokubona kabiyo kuti banaZimbabwe boonse antomwe alubono lwanyika zili kwabilidwe.

112 Nguzu zyakulekelela

(1) Muzulwidi waNyika, kwiinda mukuzuwa aNkamu yabaSilutwe baMitabi yaFulumende, ukonzya kubelesya nguzu zyakulekelela, eezi kazyamba:-

- (a) kulekelela naba uuli muntu wajanwa kajisi mulandu nikuba wawuli mulawu;
- (b) kulekelela kuti muntu tapegwi chisubulo chamulandu ngwali wajatwa kalaawo;
- (c) kusandula chisubulo chali chilemu chibe chuuba nchali wapegwa muntu wasunda; naakuti
- (d) kusowa yoonse naakuti chipanzi chachisubulo chali chapegwa muntu wajanwa kalaamulandu;

ukonzya kwaamba mbukweelede kweenzegwa kulekelela kwachitwa muntu ooyo.

(2) Kuti muntu wamu Zimbabwe wajanwa kalaamundu ankuta yakunyika iimbi nkwasundila mulandu kwiinda mumilawu yanyika eeyo, Muzulwidi waNyika yaZimbabwe ukonzya kwaamba kuti mulandu wakasundwa kunyika ooko teemulandu pe mumulawu wamuZimbabwe.

(3) Kulekelela kwachitwa aMuzulwidi waNyika naakuti kuubulwa akugwisigwa kwachisubulo kweelede kudindwa akumwaywa mupepa lyaluundu litegwa *Gazette*.

113 Chiimo chalupyopyongano Iwaluundu

(1) Muzulwidi waNyika ukonzya koompolola chiimo chalupyopyongano Iwaluundu munyika naakuti muli chimwi chibela chanyika yaZimbabwe.

(2) Koompololwa kwachiimo chalupyopyongano Iwaluundu kulayangala kuti kakuli taakwe chachitwa mukati kamazuba kkumi amazuba aane kuzwa buensi bwamoompololo, kudindwa akumwaywa chiimo chalupyopyongano. Pesi kuti katanayinda mazuba kkumi amazuba aane koompololwa kwachiimo chalupyopyongano kwasimatizigwa aPalyamenti kazisweenene Ng'anda Yaajulu Yamilawu aNg'anda Yaansi Yamilawu kwiinda mubwiingi bwabantu basika kuntompa-chaala (two-thirds) bwabayiminini bamasena bajanika mumaanda aPalyamenti.

(3) Kuti Palyamenti yazimaazigwa mukati kamazuba aayo ali kkumi amazuba aane kachili choompololwa chiimo chalupyopyongano, moompololo ooyo ulayangala nikwiinda mazuba asika makumi abili alazuba limwi (21) kubikkizya zuba lyakudindwa akumwaywa kwamoompololo, aanze kwakuti mukati kamazuba ngawaayo moompololo wasimatizigwa lubo abunji bwabayiminini bamuPalyamenti kazisweenene Ng'anda Yaajulu Yamilawu aNg'anda Yaansi Yamilawu.

(4) Moompololo wachiimo chalupyopyongano wachitwa kwiinda mutubeela (2) naakuti (3) unolaanguzu kusika kwiinda chiindi chamyeesi itatu kuzwa buensi moompololo nuwadindwa akumwaywa, aanze kwakuti wakakwa moompololo ooyo.

(5) Kuti kakuli moompololo wachiimo chalupyopyongano tewazumininwa aPalyamenti naakuti nkaambo kabumwi bupanduluzi tewazumininwa aPalyamenti mukati kamazuba awambidwe muchibela eechi, Muzulwizi waNyika weelede kuti mukati kamazuba musanu awabili wazimaazya moompololo ngwakali wachita.

(6) Kuti kakuli Palyamenti yazuminana, kazili zyaswaanana ng'anda zyakupangwa kwamilawu yaansi ayakujulu, kuti moompololo wachiimo chalupyopyongano—

- (a) weelede uyinkilile kunembo kwachiindi chitayindi myeezi yotatwe, Muzulwidi waNyika kweelede achakufwambaana walampya bulamfu bwachiindi chamoopololo kwiinda mukudinda mu*Gazette*;
- (b) weelede uzimaasigwe naakuti ubeleke mubusena buniini, Muzulwidi waNyika kweelede achakufwambaana wazimaazya moopololo ooyo naakuti wachita moopololo ulangene abusena buniini peepe nyika yoonse.

(7) I Nkuta yazyakkata Lyamulawu kuti yeetlwa kaambo awumwi muntu kalangene amoopololo, ikonzya kupa maboneno aayo aatala—

- (a) abwiime bwamoopololo wakachitwa wachiimo chalupyopyongano mumulawu;
- (b) kuyungizigwa kwachiindi chamoopololo wachiimo chalupyopyongano.

(8) Nikuba iili nkuta ikonzya kulangalanga bwiime bwamulawu wakapangwa naakuti zyakachitwa nuwakachitwa moopololo wachiimo chalupyopyongano.

CHIBAKA 5

LOYA MUPATI WAFULUMENDE

114 Loya Mupati waFulumende

(1) Kuli Loya Mupati waFulumende ugalwa aMuzulwidi waNyika

(2) Muntu wagalwa kuba Loya Mupati waFulumende utaanguna mulimu naamana kuchita chikonke chijanika muMpampikwa Yatatu (Third Schedule) kunembo lyaMuzulwidi waNyika naakuti umwi muntu wapegwa mvumo aMuzulwidi waNyika kuti amuchitisye chikonke.

(3) Muntu uyelela kugalwa kuba Loya Mupati waFulumende kuti kakuli ulaazyo ziyandikana kuti agalwe kuba Jaji wakuNkuta Yaajulu (High Court)

(4) Milimu yaLoya Mupati waFulumende njeyi—

- (a) kuba mupati–kampatila mukupa mizeeo aatala azyamilawu kuli fulumende;
- (b) kwiimikilila fulumende munkuta;
- (c) kulemba milawu kayimvwilidi fulumende;
- (d) kusumpula, kukwabilila akulemeka mulawu antoomwe akukwabilila zeezyo zigwasya luundu muli zyamilawu; kabiyo
- (e) kuchita niiba iili milimu njanga ulapegwa kwiinda mumulawu upangwa aPalyamenti;

Loya Mupati waFulumende ukonzya kuchita milimu yoonse eeyi lwakwe naakuti kwiinda mubabelesi balaansi lyakwe.

(5) Loya Mupati waFulumende ukonzya—

- (a) kukkanla mumiswaangano yaBasilutwe baMitabi yaFulumende (kkabbineti), pesi tajisi nguzu zyakuvoota;
- (b) kukkanla akwaambuula muNg’anda Yaajulu Yamilawu (Senete) amuNg’anda Yaansi Yamilawu (*National Assembly*), pesi tajisi nguzu zyakuvoota pe; kabiyo
- (c) kulidilana ankuta mumilandu itanjizyi fulumende pe.

115 Kugwisigwa kwaLoya Mupati waFulumende

Muzulwidi waNyika ukonzya kugwisya Loya Mupati waFulumende fumbwa chili chiindi nchaayanda.

CHAANDAANO 6

BASIKUPANGA MILAWU

CHIBAKA 1

NGUZU ZYAKUPANGA MILAWU

116 Basikupanga Milawu

Basikupanga milawu muZimbabwe babikkilizya Palyamenti antoomwe aMuzulwidi waNyika bachita mlimu yabo kwiinda muChaandaano eechi.

117 Bube abwiime bwanguzu zyakupanga milawu

(1) Nguzu zyakupanga milawu muZimbabwe zizwa kubulumbu bwanyika kabiyo zyeendelezegwa abasikupanga milawu kwiinda mumalayilile ajanika muKkata Lyamulawu eeli.

(2) Nguzu zyakupanga milawu zipergwa basikupanga milawu kwiinda mumanguzu:

- (a) akubambulula Kkata Laymulawu eeli kwiinda muchibeela 328;
- (b) akupanga milawu yakweeta luumuno akweendelezegwa kabotu kwanyika yaZimbabwe, kabiyo
- (c) akupa nguzu zyakupanga milawu kuli zimwi mbunga naakuti tubunga kwiinda muchibeela 134.

CHIBAKA 2

Palyamenti

118 Palyamenti

Palyamenti ijisi maanda obile:- Ng'anda Yaajulu Yamilawu (*Senate*) aNg'anda Yaansi Yamilawu (*National Assembly*).

119 Mulimu waPalyamenti

(1) Palyamenti iyelede kukwabilila Kkata Lyamulawu eeli antoomwe akusumpula bulelo bwajandabanji muZimbabwe.

(2) Palyamenti ijisi manguzu akubona kuti zyaambilwe muKkata Lyamulawu eeli zyasumpulwa kabiyo tubunga ambunga zyafulumende kuzibeela zyoonse zyanyika, kuzwida kujulu kuyoosika aansi, zyatobeleya Kkata Lyamulawu aziyandwa aachisi mbuchizulwa.

(3) Kwiinda mukabeela (2), Palyamenti ijisi manguzu akubona mabelekelo ambunga antomwe atubunga twafulumende toonse kuzibeela zyoonse zyanyika.

CHIBAKA 3

NG'ANDA YA AJULU YAMILAWU

120 Bubumbwe bwa Ng'anda Yaajulu Yamilawu

(1) Ng'anda Yaajulu Yamilawu (*Senate*) ijisi bantu basika kumakumi musanu alaamakumi otatwe (80), kakuli—

- (a) bali musanu awumwi ,6, basalwa kuzwa muZilikiti zyamuZimbabwe zyoonse kwiinda muchiimbo chakwiimikilana kakuya abwiingi bwabantu (*proportional representation*) mbuuli mbukwaambidwe mukabeela (2);
- (b) bali kkumi amusanu awumwi ,16, mbaSimwaami kakuli bobile basalwa aKkansili YaBaami yachimwi achimwi chilikiti aanze kwazilikiti zyamumadolopo mapati.
- (c) Muzulwidi waKkansili yaBaami Yanyika Yoonse antoomwe aWumutobela;
- (d) babili ,2, bayimvwilidi bantu balemene mbuuli mbuzyaambidwe muMulawu waNsaluzyo (*Electoral Law*);

(2) kusalwa kwamaSeneta kweelede kuchitwa kwiinda muMulawu waNsaluzyo (*Electoral Law*) zyakuti kweelede kwabonwa kuti kusalwa kwabo kuchitidwe munzila ibikkilizya tubunga twazyanyika antoomwe akwiimikilila kwabantu:-

- (a) zyeendelana amavooti akajanwa mukusalwa kwabayiminini batubunga twazyanyika muli chimwi achimwi chilikiti munsaluzyo zyakuyanduula bazulwidi bayiminina bantu muNg'anda Yaansi Yamilawu; kabiyo
- (b) zyakuti boonse banakazi abaalumi bayanda kwiiminina kusalwa kuba bazulwidi balembwa bweelene pesi zina taanzi mukulembwa kalili lyamwanakazi.

121 Ziyandikana kuti muntu asalwe antoomwe azinga zilapa kuti akakilwe kwiimikila bantu muNg'anda Yaajulu Yamilawu

(1) Muntu ukonzya kwiimikila kuti asalwe kuba Seneta mbuuli zyaambwa muchibeela 120(1)(a) naakuti (d) kuti kakul—

- (a) ulembesezye kuvoota;
 - (b) ujisi minyaka isika naakuti kwiinda makumi aane;
- aanze kwakuti wakasigwa kwiiminina bantu kwiinda mukabeela (4) naakuti (5).

(2) Muntu ukonzya kwiimikila kuti asalwe kuba Seneta Mwaami mbuuli zyaambwa muchibeela 120(1)(b) kuti kakuli:-

- (a) ujisi chuuno chabwaami muluundu;
 - (b) ulembesezye kuvoota;
- aanze kwakuti wakasigwa kwiiminina bantu kwiinda mukabeela (4) naakuti (5).

(3) Muntu ukonzya kwiimikila kuti asalwe kuba Seneta mbuuli zyaambwa muchibeela 120(1)(b) kuti kakuli muntu uulemene mbuuli mbukupandulwidwe muMulawu waNsaluzyo, aanze kwakuti ulakasigwa kwiinda mukabeela (4) naakuti (5).

(4) Muntu ukasigwa kwiimikila kuti asalwe kuba Seneta kuti kakuli —

- (a) ulakasigwa kwiinda muMpampikwa Yane kuti alembesye kuvoota;
- (b) mukati kaminyaka musanu kakutana kuchitwa nsaluzyo, wakasiya chuuno chabuSeneta naakuti chakwiimikilila bantu muNg'anda Yaansi

Yamilawu kwiinda muchibeela 129(1)(i) nkaambo kakuti wakajanika kalaamulandu ankuta.

(5) Muntu ukasigwa kwiimikila kuti anjile munsaluuzyo zyakusala mwiiminini wakazwa/wakafwa wakali Seneta kuti kakuli uyimvwilidi bumwi kale busena muPalyamenti.

122 Muzulwidi waNg'anda Yaajulu Yamilawu

(1) Buunsi butaanzi nibaswaanana, mung'anda yamilawu, bantu bakasalwa kuba maSeneta kweelede, kabatana chita chimwi chintu, basala umwi wabo kuti abe Muzulwidi waSeneti (*President of the Senate*) utabe sichuuno nibachita njoomo zyabo mung'anda yamilawu eeyi.

(2) Choonse chiindi chuuno chaMuzulwidi waSeneti nichasyala kachitakwe muntu kweelede kwasalwa uumbi muntu sikukkala achuuno eechi.

(3) Muntu ukonzya kusalwa kuba Muzulwidi waSeneti kuti kakuli wakali waba Seneta kale naakuti ulazyo zipa kuti asalwe kuba Seneta.

(4) Nsaluuzyo zyakusala Muzulwidi waSeneti zyeede kweendelezegwa aMulembi Mupati waPalyamenti (*Clerk of Parliament*) kagwasigwa aKkomishini yaNsaluuzyo muZimbabwe (*Zimbabwe Electoral Commission*). Nsaluuzyo yansiswa kweelede yabelesegwa nikusalwa Muzulwidi waSeneti kabiyo butebuzi bwansaluuzyo bwazibisigwa mpawaawo.

(5) Katana talisya mulimu wakwe Muzulwidi waSeneti kweelede wachita chikonke chamulimu wakwe kunembo lyaDuundumuntule waBabesi naakuti umwi mubetesi umutobela uliwo mbuuli mbukwaambidwe muMpampikwa Yatatu.

(6) Muntu wasalwa kuba Muzulwidi waSeneti ngampawo wasiya chuuno chakwe chabuSeneta nkaako kweelede kwachitwa nsaluuzyo mubusena mbwakali kwiimikilila kuti kusalwe umbi Seneta utayiminine busena oobo.

(7) Muzulwidi waSeneti ukonzya kusiya chuuno chakwe kuti wayanda, kwiinda mukuzibisa maSeneta lwakwe. Pesi kuti Ng'anda Yaajulu Yamilawu njazulwida kitalokubeleka chiindi nayanda kusiya chuuno chakwe, ukonzya kupa Mulembi Mupati waPalyamenti chizibisylo chakwe chilembedwe aatala akuyanda kusiya chuuno chakwe.

(8) Muzulwidi waSeneti weeledes kusiya chuuno chakwe kuti —

- (a) buunsi Ng'anda Yaajulu Yamilawu njazulwida niyaswaanana kwakutaanguna kuzwa nikwachitwa nsaluuzyo zyakusala bazulwidi basiyenesiyene banya naakuti maSeneta mapya;
- (b) naatambula chimbi chuuno chamulimu wafulumende naakuti kuti naanjila uumbi mulimu uteensi wafulumende;
- (c) naaba Mwiiminini wabantu mu Ng'anda Yaansi Yamilawu (*Member of Parliament*) naakuti kuba Sichuuno wa Ng'anda Yaansi Yamilawu (*National Assembly*);
- (d) naaba Mutobeli waMuzulwidi waNyika, Silutwe waMutabi waFulume naakuti Uutobela Silutwe waMutabi waFulume;
- (e) nikwaba zinga zilamwaangila kuti asiye chuuno chakwe kuti kakuli wakali Seneta; naakuti
- (f) kuti kakuli kwaba chizuminano akati kamaSeneta chakumugwisya achuuno chakwe, chizuminano eechi chachitwa amaSeneta asika kuntompa-chaala (*two-thirds*) yamaSeneta woonse ajanika mung'anda eeyi.

123 Mutobeli waMuzulwidi waNg'anda Yaajulu Yamilawu

(1) Mbubatamane biyo kusala Muzulwidi waSeneti, maSeneta ayelede kusala umwi wabo kuti abe Mutobeli waMuzulwidi waSeneti.

(2) Choонse chiindi kuti wazwa walaachuuno chaMutobeli waMuzulwidi waSeneti kweelede basala uumbi Seneta kuti abweze chuuno eechi.

(3) Nsaluuzyo zyakusala Mutobeli waMuzulwidi waSeneti zyeelede kweendelezegwa aMulembi Mupati waPalyamenti (Clerk of Parliament) kagwasigwa aKkomishini yaNsaluuzyo muZimbabwe (Zimbabwe Electoral Commission). Nsaluuzyo yansiswa kweelede yabelesegwa nikusalwa Muzulwidi waSeneti kabiyo butebuji bwansaluuzyo bwazibisigwa mpawaawo.

(4) Katana talisya mulimu wakwe Mutobeli waMuzulwidi waSeneti kweelede wachita chikonke chamulimu wakwe kunembo lya Duundumuntule waBabtesi naakuti umwi mubetesi umutobela uliwo mbuuli mbukwaambidwe muMpampikwa Yatatu.

(5) Mutobeli waMuzulwidi waSeneti ukonzya kusiya chuuno chakwe kuti wayanda kwiinda mukuzibisa Seneti lwakwe mwini. Pesi kuti Ng'anda Yaajulu Yamilawu njazulwida kitalokubeleka chiindi nayanda kusiya chuuno chakwe, ukonzya kupa Muzulwidi waSeneti chizibisyio chilembedwe. Pesi kuti katawo Muzulwidi waSeneti ukonzya kupa Mulembi Mupati waPalyamenti.

(6) Mutobeli waMuzulwidi waSeneti weelede kusiya chuuno chakwe kuti:-

- (a) nikwamana kuba Seneta kwakwe;
- (b) naaba Sichuuno wamu Ng'anda Yaansi Yamilawu;
- (c) naaba Mutobeli waMuzulwidi waNyika, Silutwe waMutabi waFulumende naakuti Uutobela Silutwe waMutabi waFulumende;
- (d) kuti kakuli kwaba chizuminano akati kamaSeneta chakumugwisya achuuno chakwe, chizuminano eechi chachitwa amaSeneta asika kuntompa-chaala yamaSeneta woonse ajanika mung'anda eeyi.

CHIBAKA 4

NG'ANDA YAANSI YAMILAWU

124 Bubumbwe bwaNg'anda Yaansi Yamilawu

(1) Ng'anda Yaansi Yamilawu iyimvvi boobu:-

- (a) bantu basika myaanda yobile ilaakkumi lyabantu mbaabo banga basalwa kwiinda munsaluuzyo kuzwa kumasena ngibayiminina mung'anda eeyi asika kumyaanda yobile ilaakkumi akagaanunwa munyika yaZimbabwe yoonse; kabiyo
- (b) muchiindi chansaluuzyo zyobile zitazoochitwe kazitobelana kuzwa buunsi Kkata Lyamulawu eeli nilyatalka kubeleka, kweelede kakusalwa banakazi basika kumakumi musanu alimwi (60). Musanu awumwi ,6, kabazwa muli chimwi achimwi chazilikiti zyaZimbabwe basalwa kwiinda mutubunga tweendelezya zyanyika kwiinda muchiimbo chakwiimikilana mubuvule kaziya amavooti ajanwa kamwi akamwi katubunga tweendelezya zyanyika muzilikiti.

(2) Nsaluuzyo zyabayiminini babantu bakkala mu Ng'anda Yaansi Yamilawu kweelede zyachitwa kakutobelezegwa Mulawu waNsaluuzyo.

(3) Nzyayelede kuba aazyo muntu kuti alembesye kuvoota kabiyo akuvootela ngwayanda munsaluuzyo yabayiminini bantu mu Ng'anda Yaansi Yamilawu, zilaambidwe muMpampikwa Yane.

125 Ziyandikana kuti muntu asalwe antoomwe azinga zilapa kuti akakilwe kuba mwiiminini wabantu mu Ng'anda Yaansi Yamilawu

(1) Muntu ulatambulwa kuti ayimine kusalwa kuba mwiiminini wabantu mu Ng'anda Yaansi Yamilawu kuti kakuli—

- (a) ulembesezye kuvoota;
- (b) ujisi minyaka isika naakuti iyinda makumi obile awumwi (21);

aanze kwakuti wakasigwa kwiiminina bantu kwiinda muli zyaambidwe mukabeela (2) naakuti (3).

(2) Muntu ulakasigwa kuti asalwe kuba mwiiminini wabantu mu Ng'anda Yaansi Yamilawu kuti kakuli—

- (a) wakasigwa kwiinda muMpampikwa Yane kuti alembesye kuvoota;
- (b) mukati kaminyaka musanu kakutana kuchitwa nsaluuzyo, wakasiya chuuno chabuSeneta/naakuti chakwiimkilila bantu muNg'anda Yaansi Yamilawu kwiinda muchibeela 129(1)(i) nkaambo kakuti wakajanika kalaamulandu ankuta.

(3) Muntu ukasigwa kwiimikila kuti anjile munsaluuzyo zyakusala mwiiminini wakazwa/wakafwa wakali MP kuti kakuli uyimvwilidi bumwi kale busena kali MP muPalyamenti

126 Sichuuno waNg'anda Yaansi Yamilawu

(1) Buunsi butaanzi nibaswaanana bantu bakasalwa kuba bayiminini bamu Ng'anda Yaansi Yamilawu kweelede, kabatana chita chimwi chintu, basala Sichuuno (*Speaker*) utanoobe sichuuno nibachita njoomo zyabo mung'anda yamilawu eeyi.

(2) Choonse chiindi naasiya chuuno chabu Sichuuno kweelede, achakufwambaana, kwasalwa uumbi sikukkala achuuno eechi.

(3) Muntu ukonzya kusalwa kuba Sichuuno wa Ng'anda Yaansi Yamilawu kuti kakuli wakali waba MP kale nsiku naakuti ulaazyo zipa kuti asalwe kuba MP.

(4) Nsaluuzyo zyakusala Sichuuno zyeede kweendelezegwa aMulembi Mupati waPalyamenti (*Clerk of Parliament*) kagwasigwa aKkomishini yaNsaluuzyo muZimbabwe. Nsaluuzyo yansiswa kweelede yatobelezegwa nikusalwa Sichuuno kabiyo butebuzi bwansaluuzyo bwazibisigwa mpawaawo.

(5) Katana talisya mulimu wakwe Sichuuno kweelede wachita chikonke kunembo lya Duundumuntule waBabetesu naakuti umwi mubetesi umutobelwa uliwo mbuuli mbukwaambidwe muMpampikwa Yatatu.

(6) Muntu wasalwa kuba Sichuuno ngampawo wasiya chuuno chakwe chabuMP nkaako kweelede kwachitwa nsaluuzyo mibusena mbwakali kwiimkilila kuti kusalwe uumbi MP/ mwiiminini wabusena oobo kakutobelezegwa Mulawu waNsaluuzyo.

(7) Sichuuno ukonzya kusiya chuuno chakwe kuti wayanda kwiinda mukuzibisya maMP lwakwe. Pesi kuti Ng'anda Yaansi Yamilawu njazulwida kitalokubeleka chiindi nayanda kusiya chuuno chakwe, ukonzya kulemba chizibisyo chakusiya mulimu wakwe wapa Mulembi Mupati waPalyamenti.

- (8) Sichuuno weelede kusiya chuuno chakwe kuti—
- buunsi Ng'anda Yaansi Yamilawu njazulwida niyasaanana kwakutaanguna kuzwa nikwachitwa nsaluuzyo zyakusala maMP aambi;
 - naatambula chimbi chuuno chamulimu wafulumende naakuti kuti waanjila uumbi mulimu utensi wafulumende;
 - naaba Mwiiminini wabantu mu Ng'anda Yaansi Yamilawu (Member of Parliament) naakuti kuba Muzulwidi waSeneti/waNg'anda Yaajulu Yamilawu;
 - naaba Mutobeli waMuzulwidi waNyika, Silutwe waMutabi waFulume naakuti Uutobela Silutwe waMutabi waFulume;
 - nikwaba zinga zilapa kuti asiye chuuno chakwe; kuti kakuli wakali mwiiminini wabusena muPalyamenti; naakuti
 - kuti kakuli kwaba chizuminano akati kamaMP chakumugwisya achuuno chakwe, chizuminano eechi chachitwa amaMP asika kuntompa-chaala yamaMP woonse ajanika mung'anda eeyi.

127 Mutobeli wa Sichuuno waNg'anda Yaansi Yamilawu

(1) Mbubatamane biyo kusala Sichuuno maMP ayelede kusala umwi MP kuti abe Mutobeli waSichuuno mu Ng'anda Yaansi Yamilawu.

(2) Choonse chiindi kuti wasiya chuuno Uutobela Sichuuno, kweelede basala uumbi muntu kuti abweze chuuno eechi.

(3) Nsaluuzyo zyakusala Mutobeli wa Sichuuno zyeede kweendelezegwa aMulembi Mupati waPalyamenti (*Clerk of Paliament*) kagwasigwa aKkomishini yaNsaluuzyo muZimbabwe. Nsaluuzyo yansiswa kweelede yabelesegwa nikusalwa Mutobeli waSichuuno kabiyo butebuzi bwansaluuzyo bwazibisigwa mpawaawo.

(4) Katana talisya mulimu wakwe Mutobeli wa Sichuuno kweelede wachita chikonke kunembo lya Duundumuntule waBabtesi naakuti umwi mubetesu umutobela uliwo mbuuli mbukwaambidwe muMpampikwa Yatatu.

(5) Mutobeli wa Sichuuno ukonzya kusiya chuuno chakwe kuti wayanda kwiinda mukuzibisya maMP lwakwe. Pesi kuti Ng'anda Yaansi Yamilawu njazulwida kitalokubeleka chiindi nayanda kusiya chuuno chakwe, ukonzya kulemba chizibisyo chakusya mulimu wakwe wapa Sichuuno. Pesi kuti katawo Sichuuno ukonzya kupa chizibisyo eecho kuMulembi Mupati waPalyimenti.

(6) Mutobeli waSichuuno weelede kusiya chuuno chakwe kuti—

- nikwamana kuba MP kwakwe;
- naaba Muzulwidi waSeneti/Ng'anda Yamilawu Yaajulu;
- naaba Mutobeli waMuzulwidi waNyika, Silutwe waMutabi waFulume naakuti Uutobela Silutwe waMutabi waFulume;
- kuti kakuli kwaba chizuminano akati kamaMP chakumugwisya achuuno chakwe, chizuminano eechi chachitwa amaMP asika kuntompa-chaala yamaMP woonse ajanika mung'anda eeyi.

CHIBAKA 5

BULAMFU BWACHIINDI NCHIBEELEDE KUBA MUWOFESI BAYIMININA
MASENA ANSALUUZYO MU PALYAMENTI

128 Chikonke chaMwiiminini Wabusena bwaNsaluuzyo muPalyamenti

(1) Katana talika mulimu wakwe Mwiiminini wabusena bwansaluuzyo muPalyamenti uyelede kukonka chikonke chabiiminini bamuPalyamenti chijanika muMpampikwa Yatatu.

(2) Chikonke eechi chaambidwe mukabeela (1) cheelede kukonkwa kunembo lyamulembi Mupati waPalyamenti.

**129 Bulamfu bwachiindi nchibeelede kuba mu-ofesi bayiminina masena
ansaluuzyo mupalyamenti**

(1) Chuuno chasikwiiminina busena bwansaluuzyo muPalyamenti nga chayanda uumbi mutnu kuti kakuli—

- (a) Palyamenti yamwaywa/yayangala;
- (b) kuti wali mwiiminini busena bwansaluuzyo muPalyamenti wasiya mulimu akuyanda kwakwe kwinda mukulemba lugwalo kuMuzulwidi waSeneti naakuti Sichuuno waNg'anda Yaansi Yamilawu;
- (c) wali mwiiminini waba Muzulwidi waNyika naakuti waba Mutobeli waMuzulwidi waNyika;
- (d) wali mwiiminini waba Muzulwidi waSeneti naakuti waba Sichuuno naakuti wanjila mulimbi Ng'anda Yamilawu wasiya njakasalilwa kubamo;
- (e) mwiiminini wagwisiga mumalembe abantu bakonzya kuvoota;
- (f) mwiiminini walova kumulimu, katakwe mvumo yazwa kuli Sichuuno naakuti kuMuzulwidi waSeneti, kwamazuba atobelana asika kumakumi obile azuba limwi (21) beenzinyina kabayinka kumulimu. Bayiminini bamung'anda yamulawu mwabede bakonzya kuvoota, abwiingi bwabazuminana busika kuchisela chabo, kabazuminana kuti chuuno chasikulova ngachipegwe uumbi;
- (g) kuti mwiiminini wamuPalyamenti watambula mulimu muli fulumende naakuti wachimwi chipanzi chafulumende, kukkanisili yachilikiti naakuti yalimwi dolopo naakuti bbooma;
- (h) kuti mwiiminini wamuPalyamenti wakajisi chuuno mulifulumende naakuti muli chimwi chipanzi chafulumende, mukkansili yachilikiti naakuti yalimwi dolopo/bbooma chiindi naakasalwa kuba mwiiminini mpawo wakachilwa kusiya chuuno chakwe mukati kamazuba asika makumi otatwe kuzwa buunsi naasalwa kuba mwiiminini wamu Palyamenti;
- (i) kuti mwiiminini wamuPalyamenti wajanika kalaamulandu ankuta—
 - (i) yamu Zimbabwe, mulandu umugwisya bulemu, kulemekwa, kusyomwa kwakwe abantu, walupyopyongano akulwana; naakuti,
 - (ii) yaanje kwanyika yaZimbabwe, wanchito iinga kuti yalangwalangwa amumilawu yaZimbabwe ipa mulandu ugwisya bulemu bwamuntu, kusyomwa kwakwe abantu, lupyopyongano akulwana, mpawo kali wakapegwa chisubulo chakukkala mujele kwamyeezi musanu awumwi naakuti kwiinda, katapedwe mweenya wakubbadala/kuliya

mali naakuti katapedwe chimwi chisubulo chiteensi chakujalilwa mujele, aanze kwakuti mwiiminini wakumbila kuti mulandu wakwe ulangwelangwe lubo ankuta (appeal) mpawo nuwa langwalangwa lubo kwajanika kuti chisubulo nchakapedwe chakali chipati loko mpawo wapegwa chisubulo chamyeesi ilaansi kwamusau awumwi naakuti kupegwa chisubulo chitamunjizyi mujele;

- (j) kuti mwiiminini wategwa tachikonzyi kutola zikwelete nkaambo kabuvule bwazikwelete nzyalaazyo mubuumi bwakwe kwiinda mumulawu wamuZimbabwe kabiyo katakwe nchachitwa kuti agwasigwe;
 - (k) kuti mwiiminini wazwa mukabunga kazyanyika nkakayiminide naakasalwa kuba mwiiminini kabiyo kabunga nkakayiminide kalembela kuli Sichuuno naakuti Muzulwidi waSeneti kwaamba kuti mwiiminini wakazwa mukabunga kabo kazyanyika;
 - (l) kuti mwiiminini taakali mukabunga kazyanyika naakasalwa pesi wazonjila muli kamwi kabunga kazyanyika kali wasalwa kuba mwiiminini;
 - (m) kuti mwiiminini wajanika kuti wasondoka zyakuti tachiyeeyi kabotu eezi kazili zyaba abukamboni kwiinda mumilawu yamuZimbabwe; naakuti
 - (n) kuti mwiiminini wajanika kajisi mulandu uyendelana amulawu wansaluuzyo kabiyo woopololwa aNkuta Yaajulu kuti wagwisigwa mumaleme abantu bavoota naakuti moompololo umukasya kuvoota kunsaluuzyo niziba zili.
- (2) mwiiminini uwambwa mukabeela (1)(i) ooyo wakumbila kuti kujanika kalaamulandu kwakwe kulangwelangwe lubo ankuta yaajulu, ukonzya kujana bukkala achuuno chakwe chabwiiminini nachilinda kuti kulangwalangwa kwamulandu wakwe kuchitwe ankuta yaajulu kusikila nkuta yapa maboneno aayo. Muchiindi eechi nachilinda kumvwa maboneno ankuta yaajulu, mwiiminini ukonzya kuchita milimu yakwe yoonse yalubbe antoomwe akutambula mali aanze kwakuti nkuta yati ngakalindile maboneno ankuta yaajulu kali mujele.
- (3) Mwiiminini wasalwa kuba Sichuuno cha Kkansili yaChilikiti ulasiya chuuno chakwe chamwiiminini nchaajisi katanaba Sichuuno waKkansili yachilikiti.

CHIBAKA 6

NGUZU ZYAKUPANGA MILAWU AZIMWI NGUZU

130 Manguzu antoomwe amilimu yaNg'anda Yaajulu Yamilawu a Ng'anda Yaansi yamilawu

(1) Aanze kwazeezyo zyaambidwe muMpampikwa Yamusau (*Fifth Schedule*), mukubelesya manguzu aazyo aakupanga milawu ng'anda zyaPalyamenti zyobile (yaajulu ayaansi) zilaamanguzu akutalika, kubambil, kulangalanga antoomwe akukaka fumbwa nuuba uuli mulawu.

(2) Aajulu kwamilimu yabo yaambidwe muKkata Lyamulawu eeli, Ng'anda Yaajulu aNg'anda Yaansi zikonzya kuchita imwi milimu njizyapegwa ayimbi milawu.

131 Milawu iPangwa aPalyamenti antoomwe anzila zitobelezegwa mukwiipanga

(1) Manguzu aPalyamenti akupanga milawu abeleka kwiinda mukupanga Milawu ipangwa aPalyamenti (*Acts of Parliament*).

(2) Mulawu waPalyamenti malembe amulawu (*Bill*) aka—

- (a) langwalangwa akutambulwa amaanda obile aPalyamenti; kabiyo
- (b) zuminwa mpawo asayinwa aMuzulwidi waNyika;

kakutobelezegwa zilembedwe muKkata Lyamulawu eeli.

(3) Mabala awamba kubumba mulawu waPalyamenti ngaya ‘Wakabumbwa aPalyamenti antoomwe aMuzulwidi waNyika yaZimbabwe’ naakuti amwi mabala awamba zikozyania azeezi.

(4) Nzila zitobelwa aNg’anda Yaansi aYaajulu mukupanga milawu ili pandulwidwe muMpampikwa Yamusanu (*Fifth Schedule*).

(5) Kuti malembe amulawu atambulwa akuzuminwa amaanda amilawu obile kakutobelezegwa zilembedwe muMpampikwa Yamusanu, Muzulwidi waSeneti antoomwe aSichuuno waNg’anda Yamilawu Yaansi, kweelede umwi wabo achakufwambaana—

- (a) watumizya malembe amulawu, akatambulwa akuzuminwa amaanda amilawu obile, kuMuzulwidi waNyika kuti akazuminwe akusayinwa antoomwe asetifiketi lyeelede kweenda aamwi amalembe amulawu (*Bill*); kabiyo
- (b) amwaye mulumbe mumapepa kwaambila luundu buunsi naakatumizya malembe amulawu kuMuzulwidi waNyika.

(6) Kuti malembe amulawu (*Bill*) atolwa ku Muzulwidi waNyika kuti akazuminwe akusayinwa kweelede kuti, mukati kamazuba makumi obile azuba limwi, wachita chimwi chazeezi zitabela:-

- (a) waazumina akwasayina malembe aayo mpawo awadinde akwamwaya mupepa lyaluundu (Gazeti) achakufwambaana; naakuti
- (b) kuti waabona kuti malembe ngaapegwaa taayendelani pe aKkata Lyamulawu naakuti ulaachimwi nchabona chitali kabotu aatala amalembe amulawu ngapegwaa ukonzya kwabweedezya kuPalyamenti, kwiinda kuMulembi Mupati waPalyamenti, antoomwe alugwalo lupandulula zizwide zyapa kuti aleke kuwazumina akuwasayina Muzulwidi waNyika malembe amulawu.

(7) Kuti malembe amulawu (*Bill*) akakwa aMuzulwidi waNyika mpawo abweedezegwa kuPalyamenti kwiinda mbuuli mbukaamba kabeela(6)(b), Sichuuno waNg’anda Yaansi Yamilawu uyelede kwiita maMP kuti aze kumulimu kuti:-

- (a) alangelange malembe amulawu akaboola kuzwa kuMuzulwidi waNyika akulangisisya zyakapa kuti aboozegwe; naakuti
- (b) kuzuminana kuti malembe amulawu aaya ali kabotu mbuuli mbaabede taayandi kubambilulwa pe. Chizuminano eechi kweelede chachitwa amaMP asika kuntompa-chaala (*two-thirds*) yamaMP akkala muNg’anda Yaansi Yamilawu.

nikuba kuti nziizili nzibachita maMP, Sichuuno waNg’anda Yaansi Yamilawu ulatumizya lubo malembe amulawu (*Bill*) kuMuzulwidi waNyika achakufwaambana kuchitila kuti akazuminwe akusayinwa malembe. Alubo Sichuuno ulamwaya mumapepa kuzibisya luundu buunsi mbwatumizya malembe kuMuzulwidi waNyika.

(8) Kuti malembe amulawu(*bill*) abwedelegwa kuMuzulwidi waNyika kwiinda mbuuli mbukwaambidwe mukabeela (7) kaali akabambilulwa kubikkikizya nzyakaambide Muzulwidi waNyika, Muzulwidi waNyika uyelede kwaazumina

akwasayina malembe aaya mukati kamazuba makumi obile azuba limwi mpawo awadinde akwamwaya mupepa lyaluundu (Gazeti) achakufwambaana. Pesi kuti Muzulwidi waNyika katana kkutikana abwiime bwamalembe amulawu aboozegwa kuli nguwe, uyelede kuti mukati kachiindi chikozyania, wachita chimwi chazeezi zyaambidwe aansi—

- (a) waazumina akwasayina malembe amulawu nikuba katakkutikene angawo; naakuti
- (b) kutola malembe amulawu aayo kuNkuta yazyakata Lyamulawu (*Constitutional Court*) kuti akalangwe bweedelene bwawo malembe aaya aKkata Lyamulawu.

(9) Kuti kakuli malembe amulawu (bill) akatolwa kuNkuta yaKkata Lyamulawu, kwiinda mukabeela (8), mpawo Nkuta yazyakata Lyamulawu yaamba kuti malembe amulawu aleendelana aKkata Lyamulawu, Muzulwidi waNyika uyelede kutola malembe amulawu awazumine antoomwe akwasayina achakufwambaana mpawo akwadinda akwamwaya mupepa lyaluundu (*Gazette*).

(10) Kuti malembe amulawu (bill) atumizigwa kuMuzulwidi waNyika kuti akazuminwe akusayinwa pesi katakwe setifiketi iyandikana kutumizigwa aamwi amalembe amulawu (bill) mbuuli mbulyaamba Kkata Lyamulawu eeli, Muzulwidi waNyika tayelede kuwazumina pe nikuba kwasayina malembe amulawu aayo kusikila setifiketi yeetwa. Pesi Muzulwidi waNyika weelete walembela Palyamenti, kwiinda kuMulembi Mupati waPalyemnti, kuti setifiketi teeyakatumizigwa aamwi pe amalembe amulawu nkaako iyanda kutumizigwa achakufwambaana.

132 Katalika kubeleka kwaMilawu ipangwa aPalyamenti

Mulawu wapangwa aPalyamenti utaanguna kubeleka kumatalikilo kwazuba nuwazibisigwa kuti wabeleka kwiinda mupepa lyaluundu (Gazeti) naakuti kumatalikilo kwazuba lyaambidwe mumulawu mupya naakuti buunsi bwakaambwa mulaamwi malembe.

133 Kunjizigwa kwamilawu ipangwa a Palyamenti

(1) Kuti Mulawu upangwa aPalyamenti wazuminwa akusayinwa aMuzulwidi waNyika, Mulembi Mupati waPalyamenti weelete kutumizya mulawu mupya ulaanzilingo yaMuzulwidi waNyika antoomwe aPublic Seal yanyika yaZimbabwe ku-ofesi yaRegistra waHigh Court, kuchitila kuti mulawu mupya ukabikkwe mu-ofesi eeyi. Nkaako malembe amulawu mupya ooyu mbubukamboni kategwa kwaanzwa mulawu mupya kusikila mulawu ooyu wabambululwa aPalyamenti kabiyo kwiinda mukabeela (2)

(2) Mulawu upangwa aPalyamenti ukonzya kuba mulawu wabwini naakuti chipanzi chawo, ukonzya kudindwa kakuli wabambululwa kabiyo ukonzya—

- (a) kuti chiindi nuwadindwa wabambululwa kuuli ulakozyania awooyo mutaanzi;
- (b) malembe akabambululwa ayelede kupegwa wofesi yaRegistra waHigh Court ukabambwe; kabiyo
- (c) mulawu wabikkwa muwofesi yaRegistra waHigh Court nguwo upa bukamboni bwakuti kwakaba mulawu mupya.

(3) Kutaanguna kubeleka kwaMulawu upangwa aPalyamenti naakuti wakabambululwa takulindi kuti mane ukabikkwe mu-ofesi yaRegistra of High Court pe.

134 Imwi milawu igwasilizya

Palyamenti ikonzya kuti, kwiinda muMulawu upangwa aPalyamenti, yapa manguzu aayo akupanga tulawu-lawu (Statutory Instruments) mbuuli mbukwaambidwe mumulawu utanooli wabikkwa, pesi—

- (a) mukuli waPalyamenti wakupanga milawu tuyelede kupegwa kambi pe kabunga/mbunga;
- (b) tulawu-lawu tatwelede kudyamizya zyeelelo angwangunuko zijanika muZyeelelo Zyampandamunsaka;
- (c) tulawu-lawu tweelede kweendelana aMulawu waPalyamenti ngutwakabumbwa kuti tugwasizye munsi lyawo;
- (d) Mulawu waPalyamenti uyelede kupandulula kabotu kujinka manguzu antoomwe azimwi zyeelede kujatwajatwa akalawulawu (*statutory instrument*) kapangwa kakweendelana andemeko zyeelede kutobelezegwa mukupanga kalawulawu.
- (e) tulawu-lawu tatkonzyi kuba aanguzu zyamulawu domane twadindwa mupepa lyaluundu (Gazeti); kabiyo.
- (f) tulawu-lawu tweelede kweetwa muNg'anda Yaansi Yamilawu mbuuli malayilile alivo kakutobelwa Nzila Zyameendelezyo aPalyamenti. Tweelede kulangwalangwa aKkomiti Yazyamilawu ijanika muNg'anda Yaansi Yamilawu.

CHIBAKA 7

MEENDELEZYO AAMILIMU MUPALYAMENTI

135 Silutwe waPalyamenti

(1) Sichuuno waNg'anda Yaansi Yamilawu nguSilutwe waPalyamenti pesi uyelede kubeleka katobeleya Nzila Zyameendelezyo aPalyamenti nzibati maStanding Orders.

(2) Kakutobelezegwa Nzila Zyameendelezyo aPalyamenti, Muzulwidi waNg'anda Yaajulu Yamilawu nguwe uutobela kuba Silutwe waPlayamenti kuti Sichuuno waNg'anda Yaansi Yamilawu katawo naakuti kakuli chimwi chachitika.

136 Bantu bazulwida njoomo muPalyamenti

(1) Muntu uzulwida njoomo fumbwa chiindi achiindi nikuyoomwa makani muNg'anda Yaajulu Yamilawu kweelede—

- (a) kali Muzulwidi waSeneti, kuti katawo ,kweelede umutobela wazulwida; naakuti
- (b) kuti katawo Muzulwidi waSeneti naakuti Umutobela, umwi Seneta wasalwa kuti achite mulimu ooyo ulakonzya kuzulwida njoomo fumbwa ooyo wasalwa katali Silutwe waMutabi waFulumende naakuti Uutobela Silutwe waMutabi waFulumende.

(2) Muntu uzulwida njoomo fumbwa chiindi achiindi nikuyoomwa makani muNg'anda Yaansi Yamilawu kweelede—

- (a) kali Sichuuno waNg'anda Yaansi Yamilawu, kuti katawo, kweelede umutobela wazulwida; naakuti

- (b) kuti katawo Sichuuno naakuti Umutobela, umwi wabiiminini baNg'anda Yaansi Yamilawu (MP) wasalwa kuti achite mulimu ooyo ulakonzya kuzulwida mbandiko fumbwa ooyo wasalwa katali Silutwe waMutabi waFulumende naakuti Uutobela Silutwe waMutabi waFulumende.
- (3) Sichuuno, naakuti katawo Sichuuno, Muzulwidi waSeneti, umwi wabo weeled e kuzulwida mbandiko ijatanisa maanda obile amilawu (Yaansi aYaajulu).

137 Buvule bwabantu beeletee kutilika njoomo muPalyamenti

Maanda obile amilawu ayelede kuzwa aNzila Zyameendelezyo aPalyamenti zipandulula buvule bwabantu beeletee kubawo mumaanda amilawu kuti njoomo zitalike antoomwe akweendelela nembo amulimu wamumaanda amilawu.

138 Kuvoota acehelelo chakumvwigwa muPalyamenti

- (1) Aanze kwawaawo Kkata Lyamulawu mpulyaamba busiyene—
 - (a) zyoonse zyaambo naakuti mibuzyo iyanda kuvootelwa mumaanda amilawu obile zimaninsigwa kwiinda mukutobela zeezyo zyazuminanwa aabantu banji baliwo chiindi chakuvoota;
 - (b) mutu uzulwida njoomo mumaanda amilawu obile takonzyi kuvoota nikwasika chiindi chakuvootelwa makani ayanda kugomenwa/kumaninsigwa;
 - (c) kuti mavooti atala amakan i alikuyoomwa mumaanda amilawu obile ayelana kumabazu obile, chaamba kuti kaambo kali kuvootelwa kayangala nkaambo taakwe bbazu lyazunda limwi pe.
- (2) Batobela Muzulwidi waNyika bakonzya kukkanaka akwaambuula munjoomo zyamuPalyamenti pesi tabakwe nguzu zyakuvoota pe mumaanda amilawu obile.
- (3) BaSilutwe baMitabi yaFulumende abaBatobela bakonzya kukkanaka akwaambuula munjoomo zyamuPalyamenti pesi tabakwe nguzu zyakuvoota pe muNg'anda Yamulawu mubateensi bayiminini.
- (4) Bayiminini bali muKkomiti Yazyakulangalanga Milawu muPalyamenti (Parliamentary Legal Committee) antoomwe awambi makkomiti ajanika muPalyamenti balachelelo chakukkala akwaambuula munjoomo zya muPalyamenti nikuba mulili ng'anda yamulawu, pesi tabakwe nguzu zyakuvoota pe muNg'anda Yamulawu mubateensi bayiminini.
- (5) Aawo mwiiminini wamuPalyamenti, utajisi chuuno chaSilutwe waMutabi waFulumende naakuti Uutobela Silutwe waMutabo waFulumende, wakonzya kunjizya Malembe aZyamulawu (bill) muliimwi yamaanda amilawu, ooyo wanjizya malembe aZyamulawu ulachelelo chakukkala akwaambuula munjoomo zyaatala aMalembe aZyamulawu alokubandikwa mung'anda yamulawu, pesi takwe nguzu zyakuvoota pe muNg'anda Yamulawu mwateensi mwiiminini.

139 Nzila Zyameendelezyo aPalyamenti

- (1) Meendelezyo aanjoomo amilimu yamuPalyamenti mung'anda zyobile zyamulawu azulwidwa amiteto itegwa Nzila Ziyalidwe Mumalembe aPalyamenti (*Standing Orders*). Miteto eeyi ibumbwa abayiminini bayimwi ayimwi ng'anda yamulawu naakuti kazisweenene ng'anda eezi kuswaanana kwazyo kakuli kwasungwaazigwa aKkomiti ibona zya Nzila Zyameendelezyo aPalyamenti (*Committee on Standing Rules and Orders*).

(2) Nzila Zyameendelezyo aPalyamenti zikonzya kuzulwida bupanduluzi bwamachitilo atobel—

- (a) kupangwa kwamilawu yanyika;
- (b) kupangwa amabelekelo amaKkomiti antoomwe akuwapa nguzu zyawo;
- (c) mbaabelesegwa manguzu ngibalaawo maMP antoomwe akukwabililwa kwamaMP nibachita njoomo zyabo mumaanda amilawu;
- (d) mbubelede kubuzigwa mibuzyo baSilutwe baMitabi yaFulumende ababatobela kababuzigwa abayiminini bamumaanda amilawu;
- (e) mbubelede kulijata maMPs/bayiminini kuti kabali muPalyamenti;
- (f) kubelisegwa kwamanguzu aluundu kuti batongawuke kuPalyamenti kuti kakuli zitalookubajata kaboutu; kabiyo
- (g) meendelezyo aamilimu yamuPalyamenti muliimwi ayimwi ng'anda yamulawu naakuti akati kamaanda amilawu.

(3) Kweendelezegwa kwamilimu yamuPalyamenti amumaKkomiti aPalyamenti, mbuuli mbukwaambidwe muNzila Zyameendelezyo aPalyamenti (*Standing Orders*), kweelede kusungwaazya bubalangale mumachitilo amilimu yaPalyamenti kabiyo kakubikkikizya boonse bayiminini bajanika muPalyamenti bamutubunga twazyanyika tusiyenesiyene toonse tuli muPalyamenti. Mabelekelo aPalyamenti aaya ayelede kusungwaazya luundu kuti lujane mweenya wakubikka mizeeo yalo mumilimu yaPalyamenti. Zyonse eezi zyelede kuchitwa munzila iyelanisa boonse bantu munzila yabululami.

(4) Woonse maKkomiti abumbwa kwiinda muNzila Zyameendelezyo aPalyamenti (*Standing Orders*) ayelede kutondeezya bwiime, bube abubumbwe bwaPalyamenti mutubunga twazyanyika tujanika muPalyamenti antoomwe abwiingi bwabanakazi abaalumi bajanika muPalyamenti naakuti mung'anda yamilawu muzibeleka Nzila Zyameendelezyo aPalyamenti.

140 Milumbe izwa kuMuzulwidi waNyika kiiya kuPalyamenti

(1) Muzulwidi waNyika ukonzya kwaambuula aPalyamenti nikuba iili ng'anda yamilawu naakuti kazisweenene ng'anda zyamilawu zyobile (yaansi ayakujulu).

(2) Muzulwidi waNyika ukonzya kutumizya milumbe nikuba kuliili ng'anda yamilawu, nkaako milumbe eeyo yatumizigwa yeelede kabalwa aMutobeli waMuzulwidi waNyika naakuti Silutwe waMutabi waFulumende naakuti umwi muntu uzulwida njoomo mung'anda yamilawu yatambula milumbe eeyo.

(3) Muzulwidi waNyika ukonzya kukkanja munjoomo zyaPalyamenti kuchitila kuti asandule mibuzyo yabuzigwa mbuuli mbukuyalidwe mu Nzila Zyameendelezyo aPalyamenti (*Standing Orders*).

(4) Muzulwidi waNyika kweelede wapa ngambo amilumbe kumaanda amilawu kasweenene bumwi naakuti twiingi amunyaka aatala abwiime bwachisi, nkaako Sichuuno aMuzulwidi waSeneti beelede kuchita mabambe akuti bayiminini bajanika mumaanda amilawu obile kuti bazimvwe ngambo amilumbe eezyo zyazwa kuMuzulwidi waNyika.

141 Kubelekelaamwi kwaPalyamenti abulumbu bwaZimbabwe

Palyamenti iyelede—

- (a) kuchita kuti kuube kuti bulumbu bukonzye kunjizya mizeeo yabo mukupangwa kwamilawu yanyika antoomwe amumabelekelo amakkomiti aPalyamenti;

- (b) kubona kuti bantu boonse bayanda kupa mizeezo atala milawu ilokupangwa muPalyamenti bapegwa mweenya wakupa mizeezo yabo aanze kwakuchiti kakuli buyumuyumu bupa kuti bantu tababikki mizeezo yabo mukupangwa kwamilawu muPalyamenti; kabiyo
- (c) kuchita milimu yayo munzila ilaantangana ibalangala, kiichita miswaangano yayo amiswaangano yamakkomiti amuPlayamenti mibusyu bwabantu, nikuba kuti ntaamo kwelede zyatolwa kuti—
 - (i) kubelekeke cube luumuno muPalyamenti;
 - (ii) kubona kuti luundu abasimusunza twaambo banjizingwa muPalyamenti achiindi cheelede;
 - (iii) kukasya bulumbu antoomwe abasikuzunza twaambo kunjila mumiswaangano yamakkomiti aPalyamenti; kabiyo
 - (iv) kusecha bantu banjila muPalyamenti naakuti kukasya bantu kuti tabanjili muPalyamenti batelede naakuti kugwisya bantu muPalyamenti;

pesi ntaamo eezi zyelede kuchitwa mububalangale kazitondeezya kuti ninyika ilaabulelo bwajandabanji busimpide mubululami, kulemekwa kwabantu abulemu bwamuntu, kweelanisigwa kwabantu antoomwe akulemekwa kwangwanguku zyabantu.

142 Butambulwe abukakwe bwanjoomo zyaPalyamenti

(1) Kutabawo kwawumwi naakuti kwaandwa kwawumwi mwiiminini mumaanda amilawu takwiimikizyi njoomo pe naakuti kwiimikizya milimu yaPalyamenti mumaanda amilawu obile.

(2) Kuti kwaba umwi muntu, mumaanda amilawu obile, wateelete kubamo munjoomo amukuvootela twaambo muPalyamenti, tazyaambi kuti njoomo eezyo antoomwe azyazuminanwa zyelede kuyangala pe, zyazuminanwa zinoochitambulika.

CHIBAKA 8

BULAMFU BWAKUKKALA, KUMWAYIKA AKUBELEKA KWA PALYAMENTI

143 Bulamfu bwakukkala akumwayikwa kwaPalyamenti

(1) Bayiminini bamuPalyamenti bavootelwa kuti babeleke kwachiindi chisika kuminyaka musanu kuzwa buensi Muzulwidi waNyika naatalika mulimu kakutobelegwa zilembedwe muchibeela 94(1)(a) chamulawu ooyu. Palyamenti nga yamwayigwa akati-kabo kwabuzuba nikucha kakuli nsaluuzyo/mavooti akusala bazulwidi bamuzibaka zisiyenesiyene mbuuli kusala umbi Muzulwidi waNyika, bambi bayiminini bamuPalyamenti abambi maKkansela mbuuli mbukwaambidwe muchibeela 144 chamulawu ooyu.

(2) Muzulwidi waNyika uyelede kuti, kwiinda mumooppolo, wamwaya Palyamenti kuti lwavo maanda amilawu obile akkala imwi ayimwi mpawo azuminana kuti Palyamenti imwayigwe. Mavooti aya ayelede kusika kuntompa-chaala (two-thirds) yabwingi bwabayiminini bajanika muliimwi ayimwi ng'anda yamulawu.

(3) Muzulwidi waNyika ukonzya kumwaya Palyamenti, kwiinda mumooppolo, kuti Ng'anda Yaansi Yamilawu yakaka kuzumina mulawu wa *Appropriation Bill* uwambidwe muchibeela 305 chamulawu ooyu.

(4) Kumwaywa kwaPalaymenti kwiinda muli zilembedwe mukabeela (3) zikonzya kuti, kwiinda mukulembela kwawumwi mwiiminini wamuPalyamenti,

kwabikkwa aabbazu kakuyanda kuti kulangwelangwe kabotu aNkuta yazyakata Lyamulawu (*Constitutional Court*).

(5) Malembe akuti muzeezo wakumwaywa kwaPalyamenti ulangwelangwe ayelede kutolwa ku Nkuta yazyakata Lyamulawu mukati kamazuba musanu aabili (7) kuzwa buunsi moompololo nuwachitwa wakumwaywa Palyamenti, kabiyo:-

- (a) iNkuta yazyakata Lyamulawu kweelede iyoome antoomwe akumaninsya kaambo keetwa kuli njiyo mukati kamazuba asika kukkumi amazuba aane (14) kuzwa buunsi kaambo nikeetwa kunkuta; kabiyo
- (b) nikuchilindwa mazembe azwa muNkuta yazyakata Lyamulawu, moompololo wakumwaywa kwaPalyamenti nga wajana bwiimikizigwa.

144 Nsaluuzyo zyakusala bazulwidi basiyenesiyene nikwamwaywa Palyamenti

(1) Aawo Palyamenti mpuyatazuminana akumwaywa kwayo mbuuli mbukulebedwe muchibeeela 143(2) chamulawu ooyu, Muzulwidi waNyika uyelede kuti, kwiinda mumoompololo, waamba mazuba akuzoochitwa kwansaluuzyo zyakusala bazulwidi basiyenesiyene mukati kachiindi chaambidwe muchibeeela 158 chamulawu ooyu.

(2) Aawo—

- (a) Palyamenti mpuyazuminana kuti imwaywe mbuuli mbukwaambidwe muchibeeela 143(2) chamulawu ooyu;
- (b) Muzulwidi waNyika naamwaya Palyamenti kwiinda muchibeeela 143(3) chamulawu ooyu;
- (c) Muzulwidi waNyika wamwaya Palyamenti kwiinda mukutondeezya kubula lusyomo kakutobelezegwa chibeeela 109(4); naakuti
- (d) Palyamenti yakkala kiimwayidwe nkaambo kakutondeezya kubula lusyomo kwiinda muchibeeela 109(5);

Muzulwidi waNyika weelede, kwiinda mumoompololo, waamba mazuba akuchitwa kwansaluuzyo yakusala bazulwidi basiyenesiyene zyelede kuchitwa mukati kamazuba asika mumakumi musanu amakumi aane (90) kuzwa buunsi Palyamenti niyamwaywa.

(3) Mazuba akuchita nsaluuzyo zyakusala bazulwidi basiyenesiyene kakutobelezegwa kabeela (1) naakuti (2) ayelede kwaambwa aMuzulwidi waNyika kabapana mizeeo aKkomishini yaNsaluuzyo muZimbabwe (*Zimbabwe Electoral Commission*).

145 Kuswaanana kutaanzi kwaPalyamenti nizyamana nsaluuzyo zyakusala bazulwidi basiyenesiyene

(1) Kuswaanana kwaPalyamenti nikwamana kuchitwa nsaluuzyo zyakusala bazulwidi basiyenesiyene kweelede kuchitwa mubuzuba bwaambwa aMuzulwidi waNyika pesi buzuba oobo bweelede kuba mukati kamazuba makumi otatwe kuzwa buunsi natalika kubeleka Muzulwidi waNyika wakasalwa kakutobelezegwa zyaambidwe muchibeeela 94 chamulawu ooyu.

(2) Kusikila kwasalwa Sichuuno waNg'anda Yaansi Yamilawu naakuti kusalwa kwaMuzulwidi waSeneti muNg'anda Yaajulu Yamilawu, Mulembi Mupati waPalyamenti nguwe uyendelezya kuswaanana kwamaanda aaya.

146 Chiindi chakuswaanana achakulyookezya

Imwi ayimwi ng'anda yaPalyamenti ilalibikkila zyiindi abulamfu bwakuswaanana kwabo mung'anda yamulawu antoomwe amazuba akulyookezya, pesi—

- (a) Muzulwidi waNyika ukonzya kwiita Palyamenti kuti iswaanane ibeleke mulimu nguyayitilwa fumbwa chiindi nikwayandikana;
- (b) takweelede pe kuti kwiinda mazuba asika kumwaanda omwe amazuba makumi musanu awatatu (180) kilyookezezye Palyamenti.

147 Kuyangala kwamaBills, mitwe yanjoomo azimwi mbandiko zyakali kuchitwa kitana mwayika Palyamenti

Aakumwayika kwaPalyamenti zyoonse njoomo , ngambo, amabills zyakali kubandikwa nga zyayangala.

CHIBAKA 9

Zimwi Biyo Zyeendelene Aapalyamenti

148 Lukwabililo anzibeelede kuchitilwa bayiminini bamuPalyamenti

(1) Muzulwidi waSeneti, Sichuuno waNg'anda Yaansi Yamilawu antoomwe abayiminini bamuPalyamenti bajisi ngwanganuko yakwaambuula nzibayanda kuti kabali muPalyamenti, amumakkomiti aPalyamenti. Nikuba kuti bayelede kutobeleyza tulawulawu twameendelezyo aPalyamenti, pesi tabeelede pe kwaangwa, kubikkwa mujele naakuti kutolwa kunkuta kuti bakaliye nkaambo kazyambo nzibaamba kabali muPalyamenti naakuti mumakkomiti aPalyamenti.

(2) Mulawu upangwa aPalyamenti ukonzya—

- (a) kupa zimwi nzibeelede kuchitilwa, lukwabililo awamwi manguzu aPalyamenti antoomwe abayiminini bamuPalyamenti;
- (b) kupandulula kabotu nchito zibonwa kazili zyakuubya akunyansya Palyamenti nikuba kazili zyachitwa abayiminini bamuPalyamenti naakuti bamwi bantu luzutu;
- (c) kupa cheelelo chakusandulwa, kwiinda muli Sichuuno naakuti Muzulwidi waSeneti, kuli baabo batanooli bamvwa machise nkaambo kazeezyo zyaambwa atala ambabo muchiindi chambandiko zyaPalyamenti

pesi ooyo mulawu waPalyamenti tukonzyi kupa manguzu akuti Palyamenti naakuti bayiminini bamuPalyamenti bape chisubulo cheelene achakutolana kunkuta yamulawu pesi wasunda uyelede kubbardalisigwa biyo nkaambo kakutyola zyeelelo zyabantu bamuPalyamenti naakuti kuubya akunyansya Palyamenti.

149 Cheelelo chakutongawukila Palyamenti kwiinda mumalembe

(1) Woonse munaZimbabwe amuntu ulaamvumo yakuchita kakkalila muZimbabwe ulaacheelelo chakutongawukila Palyamenti kwiinda mumalembe aatala anikaba kali kaambo kamukataazya kuzintu nzyikonzya kuzyotolola Palyamenti, mbuuli kupanga mulawu, kuzyotolola mulawu akukaka mulawu.

(2) Nzila njizyeelede kusika aazyo kuPalyamenti ntongawuko zilembedwe zizwa kubantu kweelede zyapandululwa kabotu kwiinda mu Nzila Zyameendelezyo aPalyamenti (*Standing Orders*).

150 Mpuyiswaananila Palyamenti

Palyamenti ikonzya kuswaanana kubusena buteensi bwamazuba woonse pe, pesi kakulangisigwa ziyandwa abulumbu, lukwabililo akusikika kwabusena oobo.

151 Kkomiti ya Nzila Zyameendelezyo aPalyamenti

(1) Palyamenti iyelede kudoma Kkomiti izibikene kuti niKkomiti ya Nzila Zyameendelezyo aPalyamenti kuchitila kuti—

- (a) kibona kweendelezegwa kwamilimu yaPalyamenti;
- (b) kupanga Nzila Zyameendelezyo aPalyamenti;
- (c) kulangalanga zyoonse zyaatala abwiime bwaPalyamenti; kabiyi
- (d) kuchita nuuba uuli mulimu nguyapegwa Kkomiti eeyi aKkata Lyamulawu naakuti a Nzila Zyameendelezyo aPalyamenti naakuti uuli mulawu.

(2) Kkomiti ya Nzila Zyameendelezyo aPalyamenti iyelede kubumbwa abantu batobela; Sichuuno waNg'anda Yaansi Yamilawu, Muzulwidi waSeneti antoomwe abayiminini bamuPalyamenti batobela—

- (a) Uutobela Sichuuno waNg'anda Yaansi Yamilawu;
- (b) Uutobela Muzulwidi waSeneti;
- (c) Silutwe waMutabi waFulumende ubona Zyamali antoomwe abamwi baSilutwe baMitabi yaFulumende babili bagalwa aMuzulwidi waNyika;
- (d) Muzulwidi waZyaambo zyaFulumende muliimwi ayimwi ng'anda yamilawu;
- (e) Muzulwidi watubunga twazyanyika tuli muPalyamenti pesi tutali muli fulumende (leader of the opposition) muliimwi ayimwi ng'anda yamilawu;
- (f) maChief Whip batubunga twazyanyika tuli muPalyamenti;
- (g) Muzulwidi waKkansili yaBaami Yanyika Yoonse;
- (h) babili bayiminini bamuPalyamenti bateensi baSilutwe baMitabi yaFulumende naakuti babatobela, umwi kali wakuNg'anda Yaajulu Yamilawu wakagalwa aMuzulwidi waSeneti, uumbi kali wakuNg'anda Yaansi Yamilawu wagalwa aSichuuno wang'anda eeyi;
- (i) bayiminini bamuPalyamenti bali musanu abatatu bateensi baSilutwe baMitabi yaFulumende naakuti babatobela, bane basalwa aSeneti kwali kuti bambi bane basalwa aNg'anda Yaansi Yamilawu.

(3) Bantu beeledge kugalwa naakuti basalwa kunjila muKkomiti yaNzila Zyameendelezyo aPalyamenti achakufwambaana kuzwa niyatalka kuswaanana Palyamenti. Beeledge kusalwa nkukuti balangisisye bwiime abubumbwe bwaPalyamenti muli zyakweendelezegwa kwanyika antoomwe abwiingi bwabanakazi abaalumi kuti zyobile ng'anda zyamilawu zyaswanana.

(4) Kkomiti ya Nzila Zyameendelezyo aPalyamenti isalwa kubeleka kwabuumi bwaPalyamenti eeyo boonse.

(5) Kkomiti ya Nzila Zyameendelezyo aPalyamenti izulwidwa aSichuuno waNg'anda Yaansi Yamilawu, pesi kuti katawo Muzulwidi waSeneti nguyizulwida.

(6) Meendelezyo amilimu yaKkomiti ya Nzila Zyameendelezyo aPalyamenti ayelede kupandululwa muNzila Zyameendelezyo aPalyamenti.

(7) Kuti kwaba mweenya muKkomiti yaNzila Zyameendelezyo aPalyamenti kakuyanda kubikkwa umbi/ bambi bantu kweelede muntu/bantu aabo bagalwa/basalwa achakufwambaana kusinka mweenya wabawo.

152 Kkomiti yakulangwalangwa kwaMilawu muPalyamenti (Parliamentary Legal Committee)

(1) Achakufwambaana kuzwa nibakkala kwalutaanzi muPalyamenti, iKkomiti yaNzila Zyameendelezyo aPalyamenti iyelede kusala kkomiti itegwa Kkomiti yakulangwalangwa kwaMilawu muPalyamenti, ilaabantu batali aansi kwabatatu bateensi baSilutwe baMitabi yaFulumende naakuti baBatobela.

(2) Banji babantu basalwa kunjila muKkomiti yakulangwalangwa kwaMilawu muPalyamenti kweelede kabali bantu bazi zyamilawu muZimbabwe aanze kwakuti kwajanika kuti muPalyamenti bakayiya zyamulawu mbache.

(3) Kkomiti yakulangwalangwa kwaMilawu muPalyamenti iyelede kulangisisya—

- (a) woonse malembe amilawu (bills), aanze kwaConstitution Bill, kaatanasika achibaka chakuvootelwa malembe amulawu aaya mumaanda obile amilawu;
- (b) fumbwa malembe amilawu (bills) abambululwa kuzwa naakalangisisiga lutaanzi akkomiti eeyi kaatana vootelwa lubo pe mumaanda obile aPalyamenti;
- (c) toonse tulawulawu (statutory instruments) tunga twadindwa mupepa lyaluundu (Gazeti);
- (d) woonse malembe amilawu (bills) ayetwa kukkomiti aMutobeli waMuzulwidi waNyika naakuti Silutwe waMutabi waFulumende; kabiyo
- (e) tulawulawu (statutory instruments) tweetwa kukkomiti anikuba uuli ulaamanguzu akupanga tulawulawu ootu;

Kkomiti eeyi iyelede kwaambila, Palyamenti, Mutobeli waMuzulwidi waNyika, Silutwe waMutabi waFulumende naakuti naba uuli wakiipede malambe amulawu kuti ilangisisye, nziyajana mukulangalanga kwayo bwiime bwamalembe amulawu wayetwa kuli njiyo. Ikkomiti nga ilangalanga bwiime bwamalembe mapya amulawu kuti aleendelene na aKkata Lyamulawu wanyika.

(4) Niyamana kulangalanga bube bwamalembe amulawu naakuti bwamalembe atanazuminanwa ngiyapegwa Kkomiti yeelede kwaambila, Palyamenti, Mutobeli waMuzulwidi waNyika, Silutwe waMutabi waFulumende naakuti naba uuli wakiipede malambe amulawu kuti ilangisisye, nziyajana mukulangalanga kwayo bwiime bwamalembe amulawu wayetwa kuli njiyo. Ikkomiti nga ilangalanga bwiime bwamalembe mapya amulawu kubona kuti taakwe na zikazyania aKkata Lyamulawu wanyika mumalembe mapya ayanda kuba mulawu.

(5) Mulawu wapangwa aPalyamenti naakuti Nzila Zyameendelezyo aPalyamenti zikonzya kupa Kkomiti yakulangwalangwa kwamulawu imwi milimu yakuchita.

153 Mifolo waMuzulwidi wang'anda yaajulu yamulawu, Sichuuno waNg'anda Yaansi Yamilawu aBayiminini bamuPalyamenti

- (1) Mifolo ya Sichuuno waNg'anda Yaansi Yamilawu aMuzulwidi waSeneti—
 - (a) yeelede kupandululwa muMulawu upangwa aPalyamenti kabiyo izwa Munkomo Mpati yaFulumende (*Consolidated Revenue Fund*);

- (b) tiyelede kuselusiga pe kuti kabachili muzyuuno zyabo; kabiyo
 - (c) yeelede kubbadalwa nikuba Palyamenti yamwayika kusikila bazwa azyuuno zyabo.
- (2) Mifolo ibbadalwa kubayiminini bamuPalyamenti yeelede kupandululwa muMulawu upangwa aPalyamenti.

154 Mulembi Mupati waPalyamenti abamwi babelesi

(1) IKkomiti ya Nzila Zyameendelezyo aPalyamenti, kiili yazuminana aNg'anda Yaansi Yamilawu, yeelede kunjizya mulimu muntu achuuno chaMulembi Mupati waPalyamenti utanooyendelezye maanda aPalyamenti kabiyo muntu ooyo kali munsi IyaSichuuno waNg'anda Yaansi Yamilawu.

(2) Mulembi Mupati waPalyamenti unjizigwa mulimu kwachiindi chisika minyaka musanu awumwi pesi ukonzya kubweedezegwa achuuno kwaminyaka ikozyenie.

- (3) Mulembi Mupati waPalyamenti uyelede kusiya chuuno chakwe—
 - (a) kwiinda muchikumbizyo chazwa kuKKomiti yaNzila Zyameendelezyo aPalyamenti, bayiminini bamuNg'anda Yaansi Yamilawu biinda chisela chabaabo bajanika mung'anda mbiizulwa bazuminana kuti nchobeni Mulembi Mupati waPalyamenti agwisigwe achuuno;
 - (b) Mulembi Mupati uyandikana kuti azwe achuuno chakwe aawo kuti kali wakali umwi wabayiminini bamuPalyamenti; naakuti
 - (c) naamaninsya minyaka isika kkumi atubili (12) kali achuuno chaMulembi Mupati waPalyamenti.

(4) IKkomiti ya Nzila Zyameendelezyo aPalyamenti yeelede yasala uumbi Mulembi Mupati waPalyamenti kuzwa mubabelesi mbuuli mbiikubona kakweelela.

- (5) Mulembi Mupati waPalyamenti abamwi babelesi bamuPalyamenti—
 - (a) banjizigwa milimu aKKomiti ya Nzila Zyameendelezyo aPalyamenti eeyo kabiyo ibapa malayilile ambubeede kubeeleka anzibeede kujana mukubeleka kwabo; kabiyo
 - (b) mbabelesi baluundu pesi teeBabelesi baFulumende pe.

CHAANDAANO 7

NSALUUZYO

CHIBAKA 1

NZILA ZYAKWEENDELEZYA NSALUUZYO

155 Ndemeko zyanzila zyansaluuzyo

(1) Nsaluuzyo, zyelede kuchitwa chiindi achiindi, antoomwe amalefulandamu zyaambidwe muKkata Lyamulawu eeli zyelede kuchitwa—

- (a) kabaangunukide bantu munzila ilaantanganana;
- (b) kuchitwa munzila yansiswa;
- (c) boonse bapati bakonzya kuvoota beelee bavoota bweelene; kabiyo
- (d) kakutakwe lupyopyongano abumwi bubi buchitwa chiindi chansaluuzyo;

(2) Fulumende weelede kuchita zyoonse ntaamo kubikkilizya kupanga mulawu, kubona kuti ndemeko zyaambwa mukabeela (1), kapati, weelede—

- (a) kubona kuti boonse bantu basika achiimo chakuvoota banaZimbabwe bakonzya kuvoota mbuuli mbukwaambidwe muMpampikwa Yane , balembesya kuvoota;
- (b) kubona kuti woonse munaZimbabwe ukonzya kuvoota munsaluuzyo naakuti mulefelendamu wajana mweenya wakuvoota, kabiyo agwasizye kuchita kuti kuvoota kwabantu balemene kwabawubila;
- (c) kubona kuti toonse tubunga twazyanyika antoomwe abayiminini bayanda kusalwa bakonzya kuchita zyoonse nzibayanda kuchita zilaatala akulisambala kabayanduula mavooti antoomwe akuvootelwa;
- (d) kubona kuti toonse tubunga twazyanyika antoomwe abayiminini bayanda kusalwa bakonzya kusikila zimwaya milumbe nkukuti bakonzye kulisambala kabotu kabantu; kabiyo
- (e) kubona kuti kukazyania akutamvwanana kwameendelezyo ansaluuzyo zyazyotololwa muchiindi chifwiifwi.

156 Meendelezyo aansaluuzyo antoomwe amalefelendamu

Kunsaluuzyo amalefelendamu woonse, iKkomishini yaNsaluuzyo yeelede kubona kuti—

- (a) fumbwa nzila yabelesegwa mukuchita nsaluuzyo iluleme, tikataazyi pe, ilibalangele kabiyo ibikka aantanganana bweendelezegwe bwansaluuzyo;
- (b) butebuzi bwazwa munsaluuzyo naakuti mulefelendamu bwazibisigwa bantu achakufwambaana niyamana biyo nsaluuzyo; kabiyo
- (c) nzila zyakweendelezya milimu zyeelede zyabawo—
 - (i) kuchitila kugwisya akukaka zyalupyopyongano lunga lwabawo chiindi chansaluuzyo abumwi bubeya bweendelene akuchitwa kwansaluuzyo;
 - (ii) kubona kuti zibelesyo zibelesegwa mukuchita nsaluuzyo zibambilidwe kabotu;

157 Mulawu waNsaluuzyo

(1) Mulawu upangwa aPalyamenti weelede kupandulula kabotu meendelezyo ansaluuzyo antoomwe amalefelendamu zyaambidwe muKkata Lyamulawu eeli, kapati zintu zitobela—

- (a) kweengwa kwamigaanu yamakkonsitwensi antoomwe amawaadi mbuuli mbukwaambidwe muchibeela 161;
- (b) kulembwa kwabantu bakonzya kuvoota, antoomwe azeezyo ziyandikana kuti muntu elembesye kuvoota mumalembe abasikuvoota;
- (c) bayiminina kusalwa munsaluuzyo abamwi bantu balaachakuhcita mukweendelezegwa kwansaluuzyo amalefelendamu;
- (d) kuba amabambe akwiimininwa kwabantu kwiinda mukubona bwiingi bwabo kabantu basalwa kwiiminina masena muNg'anda Yaajulu Yamulawu mbuuli mbukwaambidwe muchibeela 120(1)(a) azyuuno zibambilidwe banakazi muNg'anda Yaansi Yamilawu mbuuli mbukwaambidwe muchibeela 124(1) (b), nzila zyeelede kutobelezegwa mukusalwa kwabantu banjila muzimanga zyabawo. Zimanga eezyo zyeelede kuzuzikizigwa aabantu—

- (i) bazwa kutubunga twazyanyika twakajisi zyuuno zyasyala kazitakwe bayiminini; kabiyo
 - (ii) bakozyenie awakaliwo kale, kuti wakali mwaalumi ngakunjile mwaalumi kuti wakali mwanakazi ngakunjile mwanakazi;
 - (e) kusalwa kwabayiminini babantu balemene mbuuli mbukwaambidwe muchibeeela 120(1)(d);
 - (f) kuchitwa kwansaluuzyo zyamaKkansili amuzilikiti, mumadolopo antoomwe amumabbooma;
 - (g) kweendelezegwa kwantongawuko yaatala abutebuzi bwansaluuzyo;
- (2) Chiindo chakwiimininwa kwabantu kwiinda mukubona bwiingi bwabo mbuuli mbukwaambidwe mukabeela (1)(d) kweelede kwabona kuti kuli kwiimikilila kwabanakazi mumaSeneta mbuuli mbukwaambidwe muchibeeela 120(1)(a).
- (3) Mulawu aNsaluuzyo weelete kupa malayilile aatala ambukweelede kusalwa bantu bayanda kwiiminina bantu munsaluuzyo. Eezi zyeede kuchitwa mukati kamazuba asika kukkumi amazuba aane (14) kuzwa buunsi nikoompololwa zuba lyansaluuzyo. Nsaluuzyo zyeede kuchitwa mukati kamazuba asika makumi otatwe (30) kuzwa buzuba nibatambulwa bantu bayanda kwiiminina bantu munsaluuzyo.
- (4) Taakwe kubambululwa kwaMulawu waNsaluuzyo, naakuti nuba uuli mulawu ulachakuchita ansaluuzyo kweelede kuchitwa pe domane Kkomishini yaNsaluuzyo yapa mizeezo yayo mumbandiko eeyo kabiyo mizeezo njiyapa yatambulwa;
- (5) Kuti nsaluuzyo zyoompololwa kuti zizoobawo lili, taakwe masandu aachitwa pe kuMulawu waNsaluuzyo naakuti kuluuli mulawu ulaachakuchita azyansaluuzyo ayelede kuchitwa nkaambo akonzya kusandula mpalamo zyansaluuzyo eezyo.

CHIBAKA 2

CHINDI CHAKUCHITWA KWANSALUUZYO

158 Chiindi Chakuchitwa kwansaluuzyo

- (1) Nsaluuzyo zyakusala bazulwidi basiyenesiyene zyeede kuchitwa zyakuti takweelede kwiinda mazuba ayinda—
- (a) makumi otatwe kakutanasika buzuba nibazwa azyuuno aabo bakasalidwe munsaluuzyo zyakiinda minyaka musanu yayinda mbuuli mbukwaambidwe muchibeeela 143;
 - (b) aawo Palyamenti mpuyazuminana kuti imwayike kwiinda muchibeeela 143(2), mazuba aasika kumakumi musanu alaamakumi aane kakuli kwazuminanwa kumwayika kwaPalyamenti; naakuti
 - (c) aawo Palyamenti mbuyamwayika kwiinda muchibeeela 109(4) naakuti (5) kakutobela kutondeezya kubula lusyomo kwabantu muli fulumende, mazuba aasika kumakumi musanu alaamakumi aane kakuli kwazuminanwa kumwaywa kwaPlayamenti
- (2) Nsaluuzyo zyakusala makkansela kweelede zyachitilwa aamwi azyakusala Muzulwidi waNyika abayiminini bamuPalyamenti.
- (3) Nsaluuzyo zyakuzuzikizya chuuno chakasiigwa awumwi mwiiminini muPalyamenti naakuti mumabbooma zyeede kuchitwa mukati kamazuba makumi musanu amakumi aane (90) kuzwa buunsi nichasyala kachitachikwe mutu chuuno, aanze kwakuti chuuno chasiigwa kakuli kwasyala myeezi musanu ayine (9) kakuya kunsaluuzyo zyakusalwa kwabantu banji yakumana kwaminyaka musanu. Mpukwaba

boobo nsaluuzyo zyakuzuzikizya chuuno zilalekwa kulindwe nsaluuzyo zyakusalwa kwabazulwidi basiyenesiyene.

159 Kuzuzikizigwa kwazyuuno kwiinda munsaluuzyo

Aawo mpukweelede kuchitwa nsaluuzyo zyakuzuzikizya zyuuno, fumbwa kuli chili chuuno chasyala kachitachikwe muzulwidi kachili chuuno eecho cheelede kuzuzikizigwa kwiinda mbuuli zyaambidwe muKkata Lyamulawu eeli, aabo balangene akubambilisa nsaluuzyo zyakuzuzikizya zyuuno beeletee bachita mabambe ayelede achakufwambaana aanze kwansaluuzyo zyazyuuno zyaambidwe muchibeela 158.

CHIBAKA 3

KWEENGWA KWAMIGAANO YAZYANSALUUZYO

160 Buvule bwamakkonsitichwensi amawaadi

(1) Kuchitila kuti kusalwe bantu batakayiminine bamwi muPalyamenti, iKkomishini yaNsaluuzyo yeelede kweenga migaano ipanga makkonsitichwensi asika kumyaanda yobile akkumi limwi (210) munyika yaZimbabwe yoonse.

(2) Kuchitila kuti kusalwe bantu batakayiminine bamwi kuKkansili yaMudolopo amuBbooma, iKkomishini yaNsaluuzyo yeelede kweenga migaano ipanga mawaadi ayendelana abuvule bwabantu bayanda kwiimikilila bamwi mudolopo naakuti mubbooma.

161 Kweengwa kwamigaano yazyansaluuzyo

(1) Choosse chiindi nikwiinda minyaka kkumi, bumwi buzuba bwaagalwa aKkomishini yaNsaluuzyo bweelede kuba afwiifwi anikuzwa butebuzi bwakubalwa buvule bwabantu munyika (*Census*), iKkomishini yaNsaluuzyo yeelede kweenga migaano yazyansaluuzyo itondeezya migaano mipya yama kkonsitichwensi amawaadi.

(2) Kut kweengwa kwamigaano kwachitwa kakuli kwasyala myeezi itasiki musanu awumwi kakuli kwasika mazuba ansaluuzyo zyakusala bazulwidi basiyenesiyene (general elections), migaano eeyo mipya tikonzyi kubelesegwa pe kunsaluzzyo zitanooli ziyanda kuchitwa, pesi kulabeleka migaano yansiku/ yakaliwo kale kunsaluuzyo ziyanda kuchitwa.

(3) Migaano yansaluuzyo (ma kkonsitichwensi) yeelede kuti muchiindi chakwiiyenga kwaabanwa kwabantu bakavoota mumakkonsitichwensi woonse kuleelene nyika yoonse yaZimbabwe.

(4) Migaano yansaluuzyo yamawaadi yeelede kuti muchiindi chakwiiyenga kwaabanisigwa kwabantu bakavoota mumawaadi woonse kweelana mubbooma lyoonse.

(5) Mukweenga migaano yazyansaluuzyo:-

- (a) migaano yamawaadi, iKkomishini yaNsaluuzyo, yeelede kuti yabona kuti taakwe waadi pe yapegwa migaano iyibikka mumabbooma aabili naakuti kwiinda;
- (b) migaano yama kkonsitichwensi, iKkomishini yaNsaluuzyo, yeelede kuti yabona kuti taakwe waadi pe yapegwa migaano iyibikka muma kkonsitichwensi aabili naakuti kwiinda;

(6) Mukweenga migaano yansaluuzyo, iKkomishini yaNsaluuzyo, mubusena abusena kweelede ilangisisye zintu zitobela—

- (a) zilengwa-leza zili mbuuli milonga, zilundu, mimpata azimwi;
- (b) nzila zyakwaambuuzyania mubusena oobo;
- (c) buyalwe bwambubakkede basikuvoota mubusena oobo;
- (d) fumbwa zintu ziyandwa abantu basikuvoota mubusena oobo;
- (e) aawo mpukweengwa migaano mipya, kweelede kwalangwa yansiku kuti yakayimvwi biyeni; kabiyo
- (f) bantu bakkala mubusena oobo;

Mpawo balangisisye akubona kuti zintu eezi bazilangisisya mukweenga migaano yabo. IKkomishini yaNsaluuzyo ikonzya kusianisya bwiingi bwabantu bajanika muwaadi naakuti mu kkonsitichwensi pesi yeelede yabona kuti woonse mawaadi ama kkonsitichwensi alakonzyania. Kuti kaasiyene, asiyene munzila itayindi makumi aabili kuzwa mumwaanda (20%) bwiingi naakuti buche bwabantu.

(7) Niyamana kweenga migaano yamawaadi ama kkonsitichwensi, iKKomishini yaNsaluuzyo iyelede kupa Muzulwidi waNyika Ngambo/lipoti ijisi—

- (a) mazina amawaadi amakkonsitichwensi woonse antoomwe abupanduluzi bwamigaano bwachimwi achimwi;
- (b) mepu naakuti mamepu atondeezya mawaadi amakkonsitichwensi; kabiyo
- (c) fumbwa luzibo iKKomishini nzyiibona kazyeelede kuti azibe Muzulwidi waNyika.

Muzulwidi waNyika uyelede kutola ngambo/lipoti eeyo kuPalyamenti mukati kamazuba asika musanu aabili kuzwa buunsi nayitambula.

(8) Mukati kamazuba asika kukkumi amazuba aane kuzwa lipoti yamigaano niyakeetwa muPalyamenti—

- (a) Muzulwidi waNyika ukonzya kwiibweedezya lipoti kuKKomishini yaNsaluuzyo kuti ikalangelange zimwi nzyitanooli yalyiba kuzilangisisya;
- (b) fumbwa ng'anda yamulawu akati kazyo zyobilwe ikonzya kubweedezya lipoti kuKKomishini yaNsaluuzyo kuti ikalangisisye zimwi nzyiitalangisisysis mulipoti eeyo. Kuti kwaboobo, Muzulwidi waNyika uyelede kubweedezya lipoti kuKKomishini yaNsaluuzyo.

(9) Aawo lipoti yakweengwa kwamigaano mpuyabweedezegwa kuKKomishini, kwiinda mukabeeela (8), iKKomishini yaNsaluuzyo yeelede kubona kuti yatola mizeeo njiyapegw Kutiyilangelange lubo pesi nziyazuminana Kkomishini eeyo nzizyo tazisanduki.

(10) Achakufwambaana kuzwa akutobelezza zyaambidwe mutubeela (7) a (9), iKKomishini yaNsaluuzyo yeelede kweeta lipoti lyakumaninsizya kuMuzulwidi waNyika.

(11) Mukati kamazuba asika mukkumi aane kali watambula lipoti yaKKomishini yaNsaluuzyo, Muzulwidi waNyika uyelede kudinda mupepa lyaluundu (Gazeti) koompolola mazina amigaano yamawaadi ama kkonsitichwensi mapya.

(12) Aawo mpukuli musiyano akati kabupanduluzi bwamugaano wawaadi naakuti kkonsitichwensi amepu/amamepu akabambwa aKKomishini, zili mubupanduluzi nzizitobelwa.

CHAANDAANO 8

BUBETESI BOONSE ANTOOMWE ANKUTA

CHIBAKA 1

BWIIME BWAZYANKUTA

162 Manguzu aBubetesи

Bubetesи boonse bujana nguzu kuzwa kuluundu lwaZimbabwe kabiyo nguzu eezi zibikkidwe munkuta zisiyenesiyene zibikkilizya—

- (a) Nkuta yazyakata Lyamulawu (*Constitutional Court*)
- (b) Nkuta Yaajulujulu (*Supreme Court*)
- (c) Nkuta Yaajulu (*High Court*)
- (d) Nkuta Yambelekelano (*Labour Court*)
- (e) Nkuta Yanjendelezyo (*Administrative Court*)
- (f) Nkuta yaMejastiliti (*Magistrates Courts*)
- (g) and Nkuta Zyabaami aBasibbuku (*Customary law courts*)
- (h) zimwi nkuta zipangwa aMulawu upangwa aPalyamenti

163 Bubetesи Boonse

(1) Bubetesи boonse bwamuZimbabwe bujisi bantu batobela—

- (a) Duundumuntule waBubetesи, Mutobeli waDuundumuntule waBubetesи, abamwi Majaji aNkuta yazyakata Lyamulawu;
- (b) Majaji aNkuta Yaajulujulu;
- (c) Muzulwidi waBubetesи baNkuta Yaajulu abamwi Majaji aNkuta Yaajulu;
- (d) Muzulwidi waBubetesи baNkuta Yambelekelano abamwi Majaji aNkuta Yambelekelano;
- (e) Muzulwidi waBubetesи baNkuta Yanjendelezyo abamwi Majaji aNkuta Yanjendelezyo; kabiyo
- (f) bantu babeteka milandu muNkuta zyamaMejastiliti, amunkuta zyabaami abasibbuku azimwi nkuta zitanooli zyabumbwa kwiinda Mulawu upangwa aPalyamenti.

(2) Duundumuntule waBubetesи nguwe silutwe wabubetesи boonse kabiyo nguuzulwida Nkuta yazyakata Lyamulawu aNkuta Yaajulujulu.

- (3) Muzulwidi waNkuta Yaajulu ngusilutwe wankuta eeyo.
- (4) Muzulwidi waNkuta Yambelekelano ngusilutwe wankuta eeyo.
- (5) Muzulwidi waNkuta Yanjendelezyo ngusilutwe wankuta eeyo.

164 Kulyiimikilila akulisanta kwaBubetesи Boonse

(1) Nkuta zyoonse zililyiimikilide akulisanta mukuchita milimu yazyo nkaako zyeedelede kulemeka akutobeleya Kkata Lyamulawu luzutu antoomwe amilawu yoonse yamunyika. Zyeedelede kubona kuti batyla milawu bapegwa zisubulo zyeendelene aakutyolwa kwamilawu kakutakwe muntu uyoowegwa naakuti ufwidwa luse.

(2) Bulyiimikilile, kulisanta akubeleka nchobeni kwankuta nkuko kusimatizya kulemekwa kwamulawu akusimya bulelo bwajandabanji munyika nkaako—

- (a) taakwe fulumende naakuti mutabi wafulumende muzibeela zyoonse zisiyenesiyene munyika, kuzwa kujulu kuyoosika aansi, naakuti umwi biyo muntu, uyelede kunjilila mumabelekelo ankuta;
- (b) Fulumende, kwiinda mukupanga milawu akutola zimwi ntaamo, uyelede kuti wagwasizya akukwabilila nkuta zyoonse kuchitila kuti kulisanta akulyiimikilila kwazyo, bulemu bwazyo, kusikika kwazyo akubeleka nchobeni kwazyo kuchitike, nkukuti nkuta zikonzye kuzuzikizya ndemeko zyaambidwe muchibeela 165 chaKkata Lyamulawu eeli.

(3) Zyaambo zyaambwa ankuta antoomwe azisubulo zyapegwa ankuta zyelede kulemekwa akuchitwa amuntu woonse munyika kubikkilizya fulumende, atubungabunga toonse tujanika munyika.

(4) Taakwe chaambidwe pe muchibeela eechi chinga chilabonwa aanga chikasya Mulawu upangwa aPalyamenti kuti upe nguzu antomwe amilimu iimbi yakuchita kububetesi aajulu kwayeeyo yakubeteka milandu, fumbwa kuti milimu iimbi njibwapewa bubetesi tayichiti kuti buleke kulyiimikilila akulisanta mukuchita mulimu wakubeteka milandu.

165 Ndemeko zizulwida bubetesi

(1) Mukuchita mulimu wabo bubetesi, basikubeteka beeletee kuzulwidwa aandemeko zitabela—

- (a) bululami bweelede kuchitilwa kumuntu woonse nikuba abe muntu ulibiyeni muchisi;
- (b) bululami tabweelede kunonokelwa pe nkaako babetesi beeletee kuchita milimu yabo zyanchobeni akufwambaana kweelede;
- (c) milimu yankuta mipati loko mukukwabilila zyelelo angwangunuko zyabantu antoomwe akubona kuti milawu yanyika yoonse yalemekwa akutobelezegwa.

(2) Babetesi, kalaalikke naakuti kabali banji, beeletee kulemekwa zyuuno zyabo zyabubetesi antoomwe kusyomwa nkubasyomwa aluundu. Beeletee kubona kuti balyiimkilide akulisanta munzila njibachita milimu yabo nkukuti luundu lwiinkilile nembo kalusyoma akulemekwa bubetesi boonse.

(3) Kuti kabaamba nzibayeeya aatala atwaambo tweetwa kunkuta, babetesi bayelede kwaamba nzibayeeya kabaangunukide kakutakwe banjilila mumabelekelo aabo naakuti kabatakwe ubasungilizya kuti bachite mulimu wabo muliimbi nzila njibatayandi.

(4) Basikubeteka tabeelede pe—

- (a) kunjila muli zyakweendelezegwa kwanyika (politikisi);
- (b) kuba achiuno naakuti kuba umwi watubunga twakweendelezegwa kwanyika;
- (c) kugwasizya mukulanguula mali yakupa tubunga twazyanyika naakuti kupa mali kukabunga kakweendelezegwa kwanyika; naakuti
- (d) kwiinka kumiswaangano yatubunga twazyanyika.

(5) Bubetesi tabweelede pe kukumbila zipo kuzwa nikuba kulini zinga zilachita kuti kulyiimikilila akulisanta kwabo kunyonyongane.

(6) Bubetesи bweelede kutunza nembo mulimu wabo wakubeteka milandu kabiyo tabweelede kuchita zimwi pe zinga zilanyonyongania kulyiimkilila akulisanta kwabo.

(7) Bubetesи bweelede kutola ntaamo zyakujana antoomwe akuyungizya luzibo Iwamilimu yabo, kapati bweelede kubona kuti bulookujana luzibo aatala azilookuchitika kumilawu yanyika naakuti milawu yakunze kwanyika.

166 Nkuta yazyakata Lyamulawu

(1) Nkuta yazyakata Lyamulawu njiinkuta yakumamanino kuzyaambo zilaachakuchita azyakkata lyamulawu kabiyo ijisi babetesи batobela—

- (a) Duundumuntule waBabeteи awutobela Duundumuntule waBabeteи; kabiyo
- (b) amajaji aali musanu aNkuta yazyakata Lyamulawu;

(2) Kuti kwayandikana kuti kube Jaji wabujana bugwasizya kuNkuta yazyakata Lyamulawu kwachiindi chisyoonto, Duundumuntule waBabeteи ukonzya kugala umwi Jaji naakuti Jaji wakasiya mulimu kuti agwasizye muNkuta yazyakata Lyamulawu kwachiindi chiyandikana.

(3) Milandu naakuti twaambo tweetwa kuNkuta yazyakata Lyamulawu: -

- (a) tulaatala akutyolwa kwazyeelo angwangunuko zyaampandamunsaka zyaambidwe muChaandaano 4 naakuti zyaambo zilaatala akusalwa kwaMuzulwidi waNyika naakuti uMutobela, zyeede kubetekwa kaaliwo woosse majaji aNkuta yaZyaakata Lyamulawu.
- (b) Tumwi twaambo naakuti imwi milandu iteensi yeeyo yaambwa mufuka (a) lilaajulu, tweede kubetekwa amajaji asika batatu naakuti biingi kwiinda batatu baNkuta yazyakata Lyamulawu. Pesi Mulawu upangwa aPalyamenti naakuti imwi miteto yaNkuta ikonzya kuzumizya kuti tumwi twaambo/milandu ibetekwe aJaji womwe naakuti banji baNkuta yazyakata Lyamulawu.

(4) MaJaji aachibeleka naakuti maJaji akasiya mulimu banga bagalwa kuti bagwasizye kuNkuta yazyakata Lyamulawu, mbuuli zyaambwa mukabeela (2) bakonzya kwiinkilila nembo kabagwasizya muNkuta yazyakata Lyamulawu naanka chasika chiindi chabo chakuti bayimikile nkukuti bakonzya kumaninsizya imwi milimu njibakatalika naakuti yakatalikwa kabatana galwa kuti bagwasizye.

167 Nziibeleva Nkuta yazyakata Lyamulawu

(1) Nkuta yazyakata Lyamulawu

- (a) njiinkuta yakumamanino kumilandu yoonse ilaachakuchita azyakata Lyamulawu, nkaako nziyaamba atala atwaambo tweetwa kulinjiyo nkuta eeyi tazikazigwi pe kabiyo boonse bantu beelee kuzitobeleya akuzichita zyaambwa ankuta eeyi;
- (b) ilangana atwaambo twazyaakata Lyamulawu luzutu antoomwe atumwi twaambo tulaachakuchita azyakata Lyamulawu, kapati eezyo zyaambidwe muchibeela 131(8)(b) afuka 9(2) lyaMpampikwa Yasanu ijanika kumamanino kwaKkata Lyamulawu eeli; kabiyo
- (c) nziyaamba ataala azyambo zyaakata Lyamulawu naakuti zimwi zyaambo zyeendelana aKkata Lyamulawu tazikazigwi pe.

(2) Kwiinda muKkata Lyamulawu eeli, niNkuta yaZyaKkata Lyamulawu luzutu iinga—

- (a) ilaamba atala akweendelana naakuti kuteendelana kwamulawu mupya aKkata Lyamulawu eeli, pesi nkuta eeyi ikonzya kupa muzeezo wayo luzutu kuti kaambo aaka keetwa kuli njiyo kwiinda munzila zyaambidwe muKkata Lyamulawu eeli;
- (b) ilabeteka kaambo keendelene akukazyania kulaatala akusalwa kwaMuzulwidi waNyika munsaluuzyo zyachitwa;
- (c) ilabeteka kaambo keendelene akukazyania kulaatala akusalwa kwaMutobeli waMuzulwidi waNyika munsaluuzyo; naakuti
- (d) ilaamba kuti Palyamenti naakuti Muzulwidi waNyika wakachilwa kuchita milimu yakwe mbuuli mbukwaambidwe muKkata Lyamulawu.

(3) INkuta yazyakata Lyamulawu nziyaamba atala akweendelana naakuti kuteendelana kwaMulawu upangwa aPalyamenti, nchito zyaMuzulwidi waNyika naakuti Palyamenti zileendelana azyaambidwe muKkata Lyamulawu, tazikazigwi pe. Ikonzya kusimatizya kuteendelana kwamulawu aKkata Lyamulawu kutanooli kwaambwa ankuta imwi yaansi. Zyakaambwa ankuta yaansi atala akuteendelana kwamulawu aKkata Lyamulawu zikonzya kutilika kulemekwa luzutu kuti Nkuta yazyakata Lyamulawu yatzisimatizya ayilayo.

(4) Mulawu upangwa aPalyamenti ukonzya kwaamba zimwi nzyiyelede kuchita Nkuta yazyakata Lyamulawu, nkaambo kaboobo mulawu ooyo ukonzya kupa manguzu akuti Nkuta yazyakata Lyamulawu ipange miteto itobelezegwa munkuta.

(5) Miteto yaNkuta yazyakata Lyamulawu yeelede kuzumizya muntu, kuti kakuli kuchita boobo kuzuzikizya kuti muntu ajane bululami:-

- (a) kuti muntu ayete kuNkuta yazyakata Lyamulawu kaambo kalaazyakuchita azyakata Lyamulawu;
- (b) kukumbila kuti mulandu wakwe ukabekwe aNkuta yazyakata Lyamulawu kuzwa kuliimwi nkuta nkuwali kubetekwa;
- (c) kuboneka mbuuli mweenzinyina waNkuta yazyakata Lyamulawu.

168 Nkuta Yaajulujuju

(1) Nkuta Yaajulujuju ninkuta mpati ijisi babetesи batobela—

- (a) Duundumuntule waBabtesи awutobela Duundumuntule waBabtesи;
- (b) majaji abili naakuti ayinda bibili baNkuta Yaajulujuju
- (c) fumbwa majaji bagalwa kwiinda mukabeela (2)

(2) Kuti kwayandikana kuti kube Jaji wakujana bugwasizya Nkuta Yaajulujuju kwachiindi chisyonto, Duundumuntule waBabtesи ukonzya kugala umwi Jaji uchibeleka naakuti Jaji wakasiya mulimu kuti agwasizye mu Nkuta Yaajulujuju kwachiindi chiyandikana.

(3) MaJaji bachibeleka naakuti maJaji bakasiya mulimu banga bagalwa kuti bagwasizye kuNkuta Yaajulujuju, mbuuli zyaambwa mukabeela (2) bakonzya kwiinkilila nembo kabagwasizya mu Nkuta Yaajulujuju naanka chasika chiindi chabo chakuti bayimikile nkukuti bakonzye kumaninsizya imwi milimu njibakatalika naakuti yakatalikwa kabatana galwa kuti bagwasizye.

169 Nzyiibeleva Nkuta Yaajulujuju

(1) Nkuta Yaajulujuju njiinkuta yakumamanino kuliimwi milandu yoonse atumwi twaambo tutalangene azyaKkata Lyamulawu.

(2) Pesi kwiinda mukabeela (1), Mulawu upangwa aPalyamenti ukonzya kupa Nkuta Yaajulujuju iimbi milimu yakuchita antoomwe awambi manguzu.

(3) Mulawu upangwa aPalyamenti ukonzya kupa iimbi milimu Nkuta Yaajulujuju kubikkilizya manguzu akuchita miteto itobelezegwa muNkuta Yaajulujuju.

(4) Miteto yamunkuta ikonzya kupa nguzu kuli Mulembi Mupati waNkuta Yaajulujuju (Registra of Supreme Court) antoomwe ankuta lwayo kuti niilangalanga milandu yakubbadalisyania kwabantu (*civil cases*)—

- (a) ipe mizeeo yamaboneno aayo kumilandu itendebete pesi kumilandu naakuti twaambo tulaachakuchita akubambwa kwabana nibakakana bazyali;
- (b) ipe maboneno aayo atala atwaambo tumwi biyo pesi peepe kumilandu ilaachakuchita akwaangunuka kwamuntu;

Pesi miteto eeyo iyelede kupa nguzu, mutnu wajatwajatwa bubi azyaambwa a Mulembi Mupati waNkuta Yaajulujuju, zyakukumbila kuti Jaji waNkuta Yaajulujuju alangelange kaambo kakwe. Ooyu Jaji wakumbilwa ukonzya kusimatizya zyakaambwa aMulembi Mupati waNkuta Yaajulujuju naakuti kuzisandula zyakambidwe, naakuti kuzikaka zyoonse zyakaambidwe mpawo ape maboneno aakwe aasiyene mbuuli mbazibona zyaambo.

170 Nkuta Yaajulu

Nkuta Yaajulu ninkuta mpati ijisi babetesи batobelа—

- (a) Duundumuntule waBabtesi, Mutobeli waDuundumuntule waBabtesi antoomwe aMuzulwidi waBabtesi baNkuta Yaajulu; kabiyo
- (b) abamwi majaji baNkuta Yaajulu batanoogalwe muchiindi achiindi mbuuli mbukwelede.

171 Nzyiibeleva Nkuta Yaajulu

(1) Nkuta Yaajulu—

- (a) njiyo ilangalanga yoonse milandu ya civil acriminal yeetwa kunkuta kuzwa munyika yoonse yaZimbabwe;
- (b) ilaamukuli wakulangalanga mabelekelo ankuta zyabaMejasitiliti azimwi nkuta zilaansi antoomwe akulangalanga zisubulo zyakapegwа kumilandu yakabetekwa ankuta zyabaMejasitiliti.
- (c) ikonzya kulanga zyaambo zilaachakuchita azyaKkata Lyamulawu aanze kwazeezyo zyelede kulangwalangwa aNkuta yazyakata Lyamulawu;
- (d) ikonzya kuchita zimwi mbuuli mbukutanooli kwaambwa aMulawu upangwa aPalyamenti.

(2) Mulawu upangwa aPalyamenti ukonzya kupa iimbi milimu Nkuta Yaajulu kubikkilizya manguzu akuchita miteto itobelezegwa muNkuta Yaajulu.

(3) Mulawu upangwa aPalyamenti ukonzya kupa manguzu kuNkuta Yaajulu kuti ipandulwe muzipanzi-panzi zilangisisya zintu zisiyenesiyene pesi chimwi achimwi chipanzi cheelede kukonzya kuchita mulimu ukonzya kuchitwa aNkuta Yaajulu yoonse kiijisini nikuba muli kali akali kaambo/mulandu weetwa kunembo lyabo.

(4) Miteto yamunkuta ikonzya kupa nguzu kuli Mulembi Mupati waNkuta Yaajulu (Registra of High Court) kuti niilangalanga milandu yakubbadalisyania kwabantu (*civil cases*)—

- (a) ipe mizeeo yamaboneno aayo kumilandu itendebete pesi kumilandu naakuti twaambo tulaachakuchita akubambwa kwabana nibalakana bazyali
- (b) ipe maboneno aayo atala atwaambo tumwi biyo pesi peepe kumilandu ilaachakuchita akwaangunuka kwamuntu

Pesi miteto eeyo iyelede kupa nguzu, mutu wajatwatjatwa bubi azyaambwa aMulembi Mupati waNkuta Yaajulu, zyakukumbila kuti Jaji waNkuta Yaajulu alangelange kaambo kakwe. Ooyu Jaji wakumbilwa ukonzya kusimatizya zyakaambwa aMulembi Mupati waNkuta Yaajulu naakuti kuzisandula zyakaambidwe, naakuti kuzikaka zyoonse zyakaambidwe mpawo ape maboneno aakwe asiyene mbuuli mbazibona zyaambo.

172 Nkuta Yambelekelano

- (1) Nkuta Yambelekelano ijisi babetesi batobela—
 - (a) Jaji Mukulumpale; kabiyo
 - (b) abamwi majaji ba Nkuta Yambelekelano batanoogalwe muchiindi achiindi.

[Kabeela kakabambululwa akabeela 3 ka Mulawu 10 wa2017]

(2) Nkuta Yambelekelano ijatajata zyaambo amilandu yazyakubelekelana kwabantu (babelesi ababelekelwa) mbuuli mbukunga kuli pandulwidwe muMulawu upangwa aPalyamenti.

(3) Mulawu upangwa aPalyamenti ukonzya kupa nguzu kuNkuta Yambelekelano kuti ilangelange zimwi zyaambo antoomwe akupanga miteto yamuNkuta Yambelekelano.

173 Nkuta Yanjendeleyzo

- (1) Nkuta Yanjendeleyzo ninkuta yamalembe ijisi babetesi batobela—
 - (a) Jaji Mukulumpale; kabiyo
 - (b) abamwi majaji baNkuta Yanjendeleyzo batanoogalwe muchiindi achiindi.

[Kabeela kakabambululwa akabeela 4 ka Mulawu 10 wa2017]

(2) Nkuta Yanjendeleyzo ijatajata zyaambo zyakweendelezegwa kwazintu (*administrative matters*) mbuuli mbukunga kuli pandulwidwe muMulawu upangwa aPalyamenti.

(3) Mulawu upangwa aPalyamenti ukonzya kupa nguzu kuNkuta Yanjendeleyzo kuti ilangelange zimwi zyaambo antoomwe akupanga miteto yamuNkuta Yanjendeleyzo.

174 Zimwi nkuta atubunga tubeteka

Mulawu upangwa aPalyamenti ukonzya kwaamba aatala akupangwa, bubumbwe bwazyo, antoomwe atwaambo/milandu tubetekwa ankuta zya:-

- (a) maMejastiliti, kuti balangelange misyobo yamilandu yoonse (*civil and criminal cases*);
- (b) nkuta zyabaami abasimabbuku zilangalanga miteto yazyatunsiyanisa ayachintu;
- (c) zimwi nkuta zilaansi kwaNkuta Yaajulu; kabiyo
- (d) atubunga tubumbwa kuti tulangelange mpyompyongano zyeetwa kuli ntuto.

(2) Kuti zyeendelane achibeela 188(4) chaKkata Lyamulawu, mifolo alugwasyo lwaamulimu lusiyenesiyene lwamaJaji baNkuta Yambelekelano aNkuta Yanjendelezyo, aabo bajisi zyuuno naakuti bajisilidi zyuuno, taziiloochesegwa pe muchiindi nikutalika kubeleka kwamulawu ooyu.

[Kabeela kakasekkewa akabeela 5 ka Mulawu 10 wa2017]

175 Nguzu zyankuta kuzyaambo zilachakuchita azyaKkata Lyamulawu

(1) Aawo nkuta mpuyapa muzeezo wayo kuti mulawu tuuyendelani pe aKkata Lyamulawu, naakuti aatala anchito zyaMuzulwidi waNyika naakuti nchito zyaPalyamenti, muzeezo ooyo tukonzyi kubelesegwa kusikila wazuminwa aNkuta yazyakata Lyamulawu.

(2) Nkuta yapa muzeezo aatala akuteendelana kwamulawu aKkata Lyamulawu mbuuli kwaambidwe mukabeela (1) aajulu, ikonzya kujana buumuzya machise luzutu naakuti kwiimikizya meendelezyo azyaambo kusikila Nkuta yazyakata Lyamulawu yapa maboneno aayo aatala azyaambo naakuti nchito eezyo.

(3) Fumbwa muntu ukonzya kukumbila kuti zyaambo zyakwe zitolwe kuNkuta yazyakata Lyamulawu, naakuti kwiinka kuNkuta yazyakata Lyamulawu kuti muzeezo wakapegwa ankuta yaansi , mbuuli mbukwaambidwe mukabeela (1) aatala azyaambo zilachakuchita azyakata Lyamulawu, ukasimatizingwe, ukasandulwe naakuti kukakwa.

(4) Kuti zyaambo zilaachakuchita azyakata Lyamulawu zyeetwa mukubetekwa kwamulandu umwi, mubetesu wankuta eeyo weelete kutola zyaambo eeyo kuNkuta yazyakata Lyamulawu, aanze kwakuti unooli wabona kuti chikumbizyo nchamayabwe.

(5) Mulawu upangwa aPalyamenti naakuti miteto yankuta yeelete kubikka antanganana kuti muzeezo wapegwa ankuta yaansi aatala akweendelana naakuti kuteendelana kwamulawu/nchito aKkata Lyamulawu, zyeetwa kutolwa kuNkuta yazyakata Lyamulawu.

(6) Kuti kiilangisisya zyaambo zilaachakuchita aatala azyakata Lyamulawu, inkuta yaansi ikonzya—

- (a) kupa muzeezo wakuti mulawu/nchito tazyendelani pe aKkata Lyamulawu;
- (b) Kupa muzeezo wabwini, kubikkizya kuzyotolola zintu zyakali zyabija kale nkaambo kazyambo zyeetwa munkuta zyaambo nizichitolwa kuNkuta yazyakata Lyamulawu kuti zikazyotololwe.

176 Nguzu ziji swi aNkuta yazyakata Lyamulawu, Nkuta Yaajulujuju aNkuta Yaajulu

Nkuta yazyakata Lyamulawu, Nkuta Yaajulujuju aNkuta Yaajulu ziji nguzu zyakukwabilila akweendelezya milimu yazyo akusumpula mulawu wanyika amulawu wachintu, kakulangisisigwa mbukweelede kusumpula zyabululami antoomwe azili muKkata Lyamulawu.

CHIBAKA 2

KUGALWA KWABABETESI ACHIINDI NCHIBEELEDE KUKKALA MUZYUUNO ZYABO

177 Nzibeelede kubaazyo bantu kuti basalwe/bagalwe kuba majaji aNkuta yaKkata Lyamulawu

(1) Muntu ukonzya kugalwa kuba Jaji waNkuta yazyakata Lyamulawu kuti kakuli munaZimbabwe, ujisi minyaka isika naakuti iyinda makumi aane kabiyo ujisi luzibo lunji aatala amulawu wazyaKkata Lyamulawu, kabiyo kajisi chimwi chazeezi zitobela—

- (a) wakali waba Jaji kale wankuta ilangalanga milandu azyaambo zyiingi ku civil acriminal cases munyika ibelesya mulawu waRoman Dutch naakuti mulawu waChikuwa (*English common law*), kabiyo nyika eeyo kiibelesya mulaka wachikuwa mukweendelezya nkuta amilimu yafulumende; naakuti
 - (b) kwaminyaka isika naakuti iyinda kkumi atubili, kayijisini naakuti kayitajisini minyaka eeyi, wakali kubeleka zyabusimulawu—
 - (i) muZimbabwe; naakuti
 - (ii) munyika ibelesya mulawu waRoman Dutch naakuti mulawu waChikuwa (*English common law*), Chikuwa kakuli ngumulaka ubelesegwa munkuta amukweendelezya mulimu wafulumende
- kabiyo achiindi eecho ukonzya kuchita mulimu wasimulawu.

(2) Kuti ugalwe kuba Jaji waNkuta yazyakata Lyamulawu, muntu kweelede kakonzya kuchita mulimu wabuJaji.

178 Nzibeelede kubaazyo bantu kuti basalwe/bagalwe kuba majaji aNkuta Yaajulujuju

(1) Muntu ukonzya kugalwa kuba Jaji waNkuta Yaajulujuju kuti kakuli munaZimbabwe, ujisi minyaka isika naakuti iyinda makumi aane, kabiyo kajisi zeezi zitobela—

- (a) wakali waba Jaji kale wankuta ilangalanga milandu azyaambo zyiingi ku civil acriminal cases munyika ibelesya mulawu waRoman Dutch law naakuti mulawu waChikuwa (*English common law*), kabiyo nyika eeyo kiibelesya mulaka wachikuwa mukweendelezya nkuta amilimu yafulumende; naakuti
 - (b) kwaminyaka isika naakuti iyinda kkumi, kayijisini naakuti kayitajisini minyaka eeyi, wakali kubeleka zyabusimulawu—
 - (i) muZimbabwe; naakuti
 - (ii) munyika ibelesya mulawu waRoman Dutch naakuti mulawu waChikuwa (*English common law*), (iii) Chikuwa kakuli ngumulaka ubelesegwa munkuta amukweendelezya mulimu wafulumende;
- kabiyo achiindi eecho ukonzya kuchita mulimu wasimulawu.

(2) Kuti ugalwe kuba Jaji waNkuta Yaajulujuju, muntu kweelede kakonzya kuchita mulimu wabubetesi/wabuJaji.

179 Nzibeelede kubaazyo bantu kuti babe majaji aNkuta Yaajulu, Nkuta Yambelekelano aNkuta Yanjendelezyo

(1) Muntu ukonzya kugalwa kuba Jaji waNkuta Yaajulu, Nkuta Yambelekelano aNkuta Yanjendelezyo kuti kakuli, ujisi minyaka isika naakuti iyinda makumi aane, kabiyo kajisi zeezi zitobela—

- (a) wakali waba Jaji kale wankuta ilangalanga milandu azyaambo zyiingi ku civil acriminal cases munyika ibelesya mulawu waRoman Dutch naakuti mulawu wachikuwa (English), kabiyo nyika eeyo kiibelesya mulaka wachikuwa mukweendelezya nkuta amilimu yafulumende; naakuti
- (b) kwaminyaka isika naakuti iyinda musanu atubili, kayijisini naakuti kayitajisini minyaka eeyi, wakali kubeleka zyabusimulawu—
 - (i) muZimbabwe;
 - (ii) munyika ibelesya mulawu waRoman Dutch, Chikuwa kakuli ngumulaka ubelesegwa munkuta amukweendelezya mulimu wafulumende; naakuti
 - (iii) kuti kali munaZimbabwe, munyika kubelesegwa muawu waChikuwa (*common law is English*) kabiyo Chikuwa kakuli ngumulaka ubelesegwa munkuta amukweendelezya mulimu wafulumende

kabiyo achiindi eecho ukonzya kuchita mulimu wasimulawu.

(2) Kuti ugalwe kuba Jaji waNkuta Yaajulu, Nkuta Yambelekelano aNkuta Yanjendelezyo, muntu kweelede kakonzya kuchita mulimu wabuJaji.

180 Kugalwa kwamaJaji

(1) Duundumuntule waBabesesi, Uutobela Duundumuntule waBabesesi, Muzulwidi waBabesesi kuNkuta Yaajulu aboonse maJaji bagalwa aMuzulwidi waNyika kwiinda muchibeeela eechi.

(2) Duundumuntule waBabesesi, Uutobela Duundumuntule waBabesesi, Muzulwidi waBabesesi kuNkuta Yaajulu bagalwa aMuzulwidi waNyika naamana kugowana aKkomishini yaBabesesi.

(3) Kuti kugalwa kwa Duundumuntule waBabesesi, Uutobela Duundumuntule waBabesesi, Muzulwidi waBabesesi kuNkuta Yaajulu teekweendelana azyaambwa abeKkomishini yaBabesesi kwiinda muchibeeela (2), Muzulwidi waNyika uyelede kwaambilila Seneti achakufwambaana.

(4) Aawo nikwayandikana kuti kunjizigwe uumbi Jaji utali Duundumuntule waBabesesi, Uutobela Duundumuntule waBabesesi, Muzulwidi waBabesesi kuNkuta Yaajulu, iKkomishini yaBabesesi yeelede—

- (a) yasambala chibaka kiiwamba kuyandikana kwaJaji; kabiyo
- (b) yiitilizya Muzulwidi waNyika antoomwe aluundu kuti badome mazina abantu mbibabona kuti bakonzya kuuchita mulimu wabuJaji;
- (c) yachita mbuzisisyo kunembo kwabantu boonse bakategwa babuzisisigwe;
- (d) yalemba munyololo wamazina abantu batatu bakazwidilila mumbuzisisyo yakachitwa kuti umwi wabo ukonzya kubweza chuuno chabuJaji; kabiyo
- (e) itole munyololo wamazina aayo kuMuzulwidi waNyika; aawo Muzulwidi waNyika kwiinda muchibeeela uyelede kugala umwi wabaabo balaamazina ngaapegwaa kuti abeJaji.

(5) Aawo kuti Muzulwidi waNyika wabona kuti aakati kamunyololo wamazina ngwakapegwaa kwiinda mukabeela (4)(e) taakwe muntu ukonzya kuba Jaji, uyelede

kwaambila Kkomishini yaBubetesи kuti imupe aambi mazina otatwe aabantu bajisi lwiyo luyandwa achuuno chabuJaji kuchitila kuti agale umwi wabo abe Jaji.

(6) Muzulwidi waNyika welede kuzibisya luundu kugalwa kwaJaji kakutobelwa chibela eechi, kugalwa ooko kuzibisigwe mupepa lyaluundu (*Gazette*).

(7) Zyuuno zyabuJaji Mukulumpale waNkuta Yambelekelano awaNkuta Yanjendelezyo zyeede kujatwa abamwi maJaji naakuti basikujatilila zyuuno maJaji munkuta eezi, kabiyo maJaji aaya bagalwa aDuundumuntule waBabeteи naamana kugowana aKkomishini yaBubeteи.

[Kabeela kakabambilulwa akabeela 7 ka Mulawu 10 wa2017]

181 Kugalwa kwaBabeteи bajisilidi zyuuno

(1) Kuti chuuno chaDuundumuntule waBabeteи chasyala kachitakwe mutu naakuti uliwo katachikonzyi kuchita milimu yachuuno eechi, Uumutobela ukonzya kunjila ajatile chuuno eechi. Pesi kuti zyuuno zyobilwe duundumuntule amutobeli wakwe kabatawo naakuti kabatachikonzyi kuchita milimu yabo, umwi Jaji ulachiindi chilamfu kabeleka muNkuta yazyakkata Lyamulawu, ukonzya kujatila kubaDuundumuntule waBabeteи.

(2) Kuti wofesi ya—

- (a) Muzulwidi waBabeteи baNkuta Yaajulu;
- (b) Jaji Mukulumpale waNkuta Yambelekelano; naakuti kabiyo
- (c) Jaji Mukulumpale waNkuta Yanjendelezyo;

[Kabeela kakabambilulwa akabeela 7 ka Mulawu 10 ya2017]

yasyala kiitachikwe mutu naakuti uuliwo katachikonzyi kuchita milimu yakwe, umwi Jaji, ulachiindi chilamfu kabeleka, munkuta eeyo ukonzya kujana bujatila kuba Muzulwidi waBabeteи bankuta eeyo.

(3) Kuti kwayandikana lugwasyo lwawumbi Jaji kwachiindi chifwiifwi, aajulu kwabaabo baliwo muNkuta Yaajulu, Nkuta Yambelekelano, aNkuta Yanjendelezyo, Muzulwidi waNyika ukonzya kugala umwi wamaJaji akasiya mulimu. Mukugala kwakwe Muzulwidi waNyika upegwa mizeeo aKkomishini yaBubeteи. Ooyo Jaji wagalwa kuti ajane bujatilila ukonzya kabeleka kwachiindi chisika kumyeezi kkumi ayibili, nikuba kuti ukonzya kupegwa iimbi myeezi kkumi ayibili niyamana yakutaanguna.

(4) Bantu bagalwa kuti bajane bujatilila, kwiinda mukabeela (3), bakonzya kwiinkilila nembo kabagwasizya kubamaJaji naanka chasika chiindi chabo chakuti bayimikile kabeleka, nkukuti bakonzye kumaninsizya imwi milimu njibakatalika naakuti yakatalikwa kabatana galwa kuti bagwasizye.

182 Kugalwa kwabaMejasiliti abamwi babeleka mububetesи

Mulawu upangwa aPalyamenti kweelede waamba mbukweelede kugalwa baMejasiliti antoomwe abamwi babelesi babubetesи bateensi maJaji, pesi—

- (a) Mejasiliti ueyelede kugalwa aKkomishini yaBubeteи;
- (b) babelesi babubetesи bateensi baMejasiliti amaJaji kweelede bagalwa kwiinda mukuzumina kwaKkomishini yaBubeteи
- (c) kugalwa kwababelesi ooku kweelede kuchitwa munzila ibalangala ilaantanganana kakutakwe kuyoosegwa akuchitilana luse.

183 Babelesi babubetesи tabeelede kugalwa kubelekela nkuta zyiinda iimwi

Aanze kwazeezyo zyaambidwe muKkata Lyamulawu eeli, muntu tayeledе kugalwa kuba mubelesi wabubetesи wankuta zyiinda iimwi pe.

184 Kugalwa kwababelesi babubetesи kweelede kutondeezya bwiime bwachisi

Kugalwa kwababelesi babubetesи kweelede kutondeezya bwiime abube bwachisi kabiyo kakutondeezya buvule abuche bwabaalumi abanakazi muZimbabwe.

185 Chikonke chamulimu

(1) Katana talika mulimu Duundumuntule waBabetezi naakuti Uutobela Duundumuntule waBabetezi, kweelede wakonkezya kunembo lyaMuzulwidi waNyika naakuti kunembo lyawumwi muntu wazumizigwa aMuzulwidi waNyika. Bwiime bwachikonke nchibeelede kukonka mpuchili muMpampikwa Yatatu kumamanino kwaKkata Lyamulawu eeli.

(2) Katana talika mulimu Jaji, uteensi Duundumuntule waBabetezi naakuti Uutobela Duundumuntule waBabetezi, kweelede wakonkezya kunembo lyaDuundumuntule waBabetezi naakuti kunembo lyawumwi Jaji ulachiindi chilamfu kabeleka. Bwiime bwachikonke nchibeelede kukonka mpuchili muMpampikwa Yatatu kumamanino kwaKkata Lyamulawu eeli.

(3) Mulawu upangwa aPalyamenti ubelesegwa mukunjizya milimu maMejstiliti abamwi babelesi babubetesи, bateensi maJaji, uyelede kupandulula bwiime bwachikonke nchibeelede kukonkezya babelesi babubetesи aaba.

186 Chiindi nchibeelede kukkala muzyuuno maJaji

(1) MaJaji aNkuta yaZyaKkata Lyamulawu bagalwa kubeleka kwachiindi chisika kuminyaka kkumi lilaamusau (15) kabiyo tabakonzyi kugalwa kachibili, pesi:-

- (a) beeledge kufwambaana kusiya mulimu kuti minyaka yabo yakukomena yasika kumakumi musanu alamakumi obile (70); kabiyo
- (b) niyamana minyaka kkumi lilaamusau kababeleka, maJaji bakonzya kugalwa kuba maJaji aNkuta Yaajulujulu naakuti Nkuta Yaajulu fumbwa njibayanda kuti kabachikonzya kubeleka.

(2) MaJaji baNkuta Yaajulujulu, abaNkuta Yaajulu abamwi maJaji bakkala achuuno kuzwa buunsi nibatalika kusika basisya minyaka yakukomena, isika kumakumi musanu amakumi aabili (70) aawo mpubanga basiya mulimu.

(3) Muntu ukonzya kugalwa kuba Jaji waNkuta Yaajulujulu naakuti Nkuta Yaajulu antoomwe azimwi nkuta kwachiindi chitayungiziki. Pesi kuti muntu wagalwa katalokujatila biya pe, ulamana mulimu naasisya minyaka yakukomena, makumi musanu amakumi aabili, nikuba kuti minyaka yakwe njayeledge kubeleka kali Jaji teeyayina mana pe.

(4) Nikuba kuti Jaji wasiya mulimu mukuyanda kwakwe naakuti wakomena wasiya minyaka yakwe yamakumi musanu amakumi obile (70), kapati Jaji waNkuta yaZyaKkata Lyamulawu naakuti umwi Jaji uwambidwe mukabeela (3) ajulu, ulaya nembo kabeleka kali Jaji kuchitila kuti amaninsizye milimu yoonse yakatalina kumana nakachili Jaji.

(5) Jaji ukonzya kusiya mulimu akuyanda kwakwe fumbwa chiindi mpayandila pesi weelede kupa Muzulwidi waNyika chizibisyо chilembedwe kwiinda muKkomishini yaBabetezi.

(6) Chuuno chaJaji tacheelede kumwayigwa naakuti kujeegwa pe kuti kachilookubeleka ulimo mubuJaji.

187 Kugwisigwa kwamaJaji amulimu

(1) Jaji ukonzya kugwisigwa aamulimu luzutu kuti:-

- (a) tachikonzyi kuchita milimu yakwe nkaambo kakuchembaala naakuti kusondoka/kupenga;
- (b) watondeezya kutaziba mulimu wakwe munzila iiyindilide; naakuti
- (c) wasunda mulandu mupati loko;

nkaako Jaji takonzyi kugwisigwa amulimu, aanze kwakuti kwtobelezegwa zilemedwe muchibeeela eechi.

(2) Kuti Muzulwidi waNyika wayeeya kugwisya Duundumuntule waBabesi kuzwa amulimu, uyelede kugala kabunga (tribunal) kanga kalalangisisya kabotu kaambo aako.

(3) Kuti Kkomishini yaBabesi yapa Muzulwidi waNyika muzeezo wakuti kugwisigwe Jaji amulimu, kubikkilizya Duundumuntule waBabesi, Muzulwidi waNyika uyelede kugala (tribunal) kabunga kanga kalalangisisya kabotu kaambo aako.

(4) Kabunga kagalwa kuti kalangelange zyakugwisigwa kwaJaji, kakutobelezegwa zyaambidwe muchibeeela eechi, keelede kuba aabantu batatu naakuti bayinda batatu kabagalwa aMuzulwidi waNyika, kakuli—

- (a) umwi wabo mukabunga kagalwa kali muntu—
 - (i) wakabeleka kuba Jaji muNkuta Yaajuluju naakuti muNkuta Yaajulu muZimbabwe; naakuti
 - (ii) nguJaji naakuti wakali Jaji wankuta ilanga yoonse misyobo yamilandu (civil acriminal cases) munyika ibelesya mulawu waRoman Dutch Law naakuti mulawu waChikuwa (English common law) kabiyo Chikuwa kachili ngumulaka ubelesegwa mukweendelezya milimu yafulumende munyika eeyo;
- (b) Umwi naakuti bamwi babo beeledes kusalwa kuzwa kuli baabo basimulawu bakabeleka kwaminyaka musanu ayibili naakuti kwiinda, kabali bakasangwa akabunga kayiminina basimulawu (*Law Society*) kaambidwe muMulawu upangwa aPalyamenti.

(5) Kabunga kayiminina basimulawu (*Law Society*) kaambidwe mukabeela (4)(b) keelede kuzwa amundanda wamazina uwambidwe mukabeela nkakaako kuti mundanda wamazina ooyo wayandwa aMuzulwidi waNyika.

(6) Muzulwidi waNyika kweelede wagala umwi wabantu aaba kuti abe sichuuno wakabunga kagalwa (*tribunal*).

(7) Kabunga kagalwa kwiinda mukabeela (2) naakuti (3) keelede kulangisisya kuti agwisigwe na Jaji amulimu. Nibalangalanga kweelede balemba lipoti/ngambo bayipa Muzulwidi waNyika mpawo baamba maboneno aatala akuti agwisigwe naakuti tagwisigwi Jaji amulimu wakwe.

(8) Muzulwidi waNyika uyelede kuchita mbuuli zyaambwa akabunga kakali kulangisisya kaambo kakugwisigwa kwaJaji kwiinda mbukwaambidwe mukabeela (7).

(9) Kabunga kagalidwe kwiinda mukabeela aaka, kajisi zyeelelo anguzu mbuuli makkomishina kakutobelezegwa Mulawu wa Commissioners of Inquiry Act [Chaandaano 10:07].

(10) Kuti kaambo kaJaji kakatolwa kukabunga (tribunal) mbuuli mbukwaambidwe muchibeeela eechi, Jaji ooyo kweelede wajana busosoloka kuzwa amulimu wakwe kusikila Muzulwidi waNyika wamuboozya lubo naakuti wamugwisya achiuno kazyendelana azeezyo zyaambwa akabunga kakagalidwe kuti kalangelange mabelekelo aJaji.

(11) Mulawu upangwa aPalyamenti ukonzya kupa nguzu Kkomishini yaBubetesi naakuti kabunga kagalwa kwiinda muchibeeela eechi kuti kakumbile fumbwa naba uli Jaji kuti ayete malembe atondeezya bwiime bwabulondozi bwakwe (medical examination report) kuzwa ku Medical Examination Board yabumbwa nkaambo kakuyanda kuti kuchitwe mulimu ooyo, nkukuti kubonwe kuti nchobeni Jaji uyimvwi biyeni mubulondozi (health) bwakwe mumubili amuboongo.

188 Bwiime bwamulimu wabubetesi achiindi nchibeelede kukkala muzyuuno zyabo

(1) MaJaji beeblede kujana mifolo alumwi lugwasyo lwaamulimu lusiyenesiyene zitanooobikkwe chiindi achiindi, zyoonse eezi zilangwalangwa aKkomishini yaBubetesi kazizuminwa aMuzulwidi waNyika uyelede kutanguna kupooma aSilutwe waMutabi waFulumende Wazyabululami akujana mizeezo kuli Silutwe waMutabi waFulumende waZyamali.

(2) Mulawu upangwa aPalyamenti weeblede kupandulula mifolo anzibeelede kujana bamwi babelesi babubetesi bateensi maJaji. Mulawu ooyo uyelede kubona kuti kusumpulwa kwababelesi mumilimu yabo, kulonzegwa kuzwa kuli bumwi busena kuya kuli bumbi akwaandwa kwababelesi mulimu antoomwe antaamo zyelede kutolwa mukubeteka babelesi basunda, zyelede kuchitwa—

- (a) kwiinda mukuzuminana aKkomishini yaBubetesi; kabiyo
- (b) munzila ibalangala, itakwe lusaluulo, kuyoowa akufwidilana luse.

(3) Mifolo alumwi lugwasyo lwaamulimu lusiyenesiyene zyelede kupegwa babelesi babubetesi zyelede kuzwa kuNkomo Mpati yaFulumende (*Consolidated Revenue Fund*).

(4) Mifolo alugwasyo lwaamulimu lusiyenesiyene lupegwa babelesi babubetesi talweelede kuchesegwa pe kuti kabachili muzyuuno zyabo.

CHIBAKA 3
KKOMISHINI YABUBETESI

189 Kubumbwa abwiime bwaKkomishini yaBubetesi

- (1) Kuli Kkomishini yaBubetesi ilaabantu batobela:-
- (a) Duundumuntule waBabetesi;
- (b) Mutobeli waDuundumuntule waBabetesi;
- (c) Muzulwidi waBabetesi baNkuta Yaajulu;
- (d) womwe Jaji wagalwa amaJaji akuNkuta yazyakata Lyamulawu, kuNkuta Yaajulu, kuNkuta Yaajulu, kuNkuta Yambelelano akuNkuta Yanjendelezyo;
- (e) Simulawu/Loya Mupati waFulumende;
- (f) Mupati wabaMejastiliti;
- (g) Sichuuno waKkomishini yaBabelesi Bafulumende;

- (h) botatwe basimulawu bakabeleka kwachiindi chaminyaka musanu ayibili naakuti kwiinda basangwa akabunga kayiminina basimulawu mbuuli mbukwaambidwe aMulawu upangwa aPalyamenti kuti kweelede kuba kabunga kali boobo;
 - (i) womwe muiisi wazyamulawu (Siangwilima kuli zyamulawu) wagalwa akabunga kayiminina bayiisi bazyamulawu mumayunivesiti amuZimbabwe, naakuti kakatawo kabunga kali boobo, Muzulwidi waNyika ukonzya kugala muiisi wazyamulawu;
 - (j) womwe muttu ulaluzibo lwazyakulangalanga mabeleseyo amali utanooli wakabeleka kwachiindi chaminyaka musanu ayibili naakuti kwiinda utanooli wasangwa akabunga kabayiminina, mbuuli mbukwaambidwe muMulawu upangwa aPalyamenti kuti kubo kabunga kali boobo; kabiyo
 - (k) womwe ujisi minyaka yakubeleka ili musanu ayibili naakuti kwiinda, muli zyakubamba bantu (*human resources management*) ugalwa aMuzulwidi waNyika.
- (2) Duundumuntule waBabetesi naakuti Uumutobela kuti katawo, mbabo beeleder kuba Sichuuno bamiswaangano yaKkomishini yaBabetesi, pesi kuti kabatawo bobile chiindi chimwi, aabo baliwo bakonzya kusala umwi wabo kuti abe sichuuno wamuswaangano.
- (3) Bantu bali muKkomishini yaBabetesi baambwa mumafuka (d),(h),(i),(j) a (k) mukabeela (1) aajulu bagalwa kuti bakkale mukkomishini kwamweenya womwe lutzutu ulaaminyaka musanu awumwi.

190 Milimu yaKkomishini yaBabetesi

(1) IKkomishini yaBabetesi ikonzya kupa mizeeo kuli fulumende aatala azyabubetesii naakuti kweendelezegwa kwabululami munyika kabiyo fulumende weeleder kuswiilizya mizeeo izwa ku Kkomishini yaBabetesi.

(2) IKkomishini yaBabetesi yeelede kusumpula akugwasizya kuti kubo kulyimikila akulisanta kwabubetesii antoomwe akubona kuti babetesi bulokubeleka changuzu, kabotu munzila ibalangala mukweendelezya bululami muZimbabwe kabiyo ijisi nguzu zyoonse kuti ichite zyoonse eezi.

(3) IKkomishini yaBabetesi, kwiinda mukuzuminana aSilutwe waZyabululami, ikonzya kubumba miteto izulwida kuchitwa kwafumbwa nchinzi mukweendelezegwa kwabululami.

(4) Mulawu upangwa aPalyamenti ukonzya kupa Kkomishini yaBabetesi milimu iyendelana akubona zyakunjizigwa milimu, kubetekwa kwababelesi amifolo yababelesi alumwi lugwaso Iwaamulimu ndubajana babelesi babeleka muNkuta yazyakata Lyamulawu, muNkuta Yaajulu, muNkuta Yaajulu, muNkuta Yambelekelano amuNkuta Yanjendelezyo azimwi nkuta.

191 Bubalangale mumabelekelo aKkomishini yaBabetesi

IKkomishini yaBabetesi yeelede kuchita milimu yayo munzila yabululami, itakwe lusuulo yabalangale kabiyo ilaantanganana.

CHIBAKA 4
ZYABIYOBIA

192 Mulawu uyelede kweendelezegwa

Mulawu uyelede kweendelezegwa akubelesegwa munkuta zyaZimbabwe ngooyo wakali kubeleka chiindi nilyakatalika kubeleka Kkata Lyamulawu antoomwe ayeeyo itanoobambululwe milawu mukuya kwachiindi.

193 Nkuta zyeelede kubeteka milandu yachakuchita aatala abasimilandu

Nkuta zitobela luzutu nzizyo zyelede kubeteka milandu yatala abasimilandu:-

- (a) Nkuta yaZyaKkata Lyamulawu, Nkuta Yaajulujuju, Nkuta Yaajulu aNkuta yaMejasilititi;

(b) nkuta naakuti kabunga kabeteka aako kabeteka kakabelesya mulawu wazyakubeteka babelesi babisya (*disciplinary law*) nzizikonzya kubeteka milandu yamacriminal cases kakuya akweelela kwamilandu kuliwo kuchitila kuti kube kulijata kabotu kwababelesi bali muli zyakukwabililwa kwanyika (mapulisa, basilumamba ababamba baange abamwi).

CHAANDAANO 9

NDEMEKO ZYAKWEENDELEZYA BULUMBU ANTOOMWE ABUZULUZI

194 Ndemeko mpati zizulwida kweendelezegwa kwabulumbu

(1) Kweendelezegwa kwabulumbu muzibela zyafulumende zyoonse, kubikkiliza mbunga atubunga twafulumende, mitabi yafulumende azimwi zipanzi zyafulumende, kweelede kwazulwidwa aandemeko zyabulelo bwajandabanji mbuuli mbuzyaambidwe muKkata Lyamulawu eeli, kubikkiliza ndemeko zitobel:-

- (a) kulijata kwababelesi munzila itondeezya kuziba zyelede kuchitwa mumulimu wabo kweelede kwasungwaazigwa akuchitwa choonse chiindi;
 - (b) kubelesya zibelesyo munzila yabunonoozi kweelede kwasungwaazigwa;
 - (c) kweendelezegwa kwabulumbu kweelede kwalemeka lusumpuko;
 - (d) lugwasyo lupegwa bulumbu kweelede lwachitwa kakutakwe lusaluulo, munzila ibalangala kabiyo itasumpuli bbazu limwi luzutu;
 - (e) mapenziaabantu ayelede kwiingulwa muchiindi chisyoonto loko, kabiyo bulumbu ngabunjilingane mukupangwa kwamizeezo atulawulawu aawo mpukweelede;
 - (f) bweendelezi bwabulumbu bweelede kakulangwalangwa chiindi achiindi aPalyamenti antoomwe abantu lwabo;
 - (g) ntabi, mbunga atubunga twafulumende muzibela zyoonse zyanyika kweelede zyabelekela aamwi;
 - (h) bubalangale mumachitilo amilimu kweelede kusungwaazigwa kwiinda mukupa bulumbu lugwasyo lwaluzibo lulaamunse kabiyo lubagwasizya muchiindi eecho;
 - (i) kugwasya babelesi munzila zisiyenesiyene zibagwasizya kusumpula mabelekelo aluzibo lwabo kweelede kwasungwazigwa kuchitila kuti babelesi babelesye zipo antoomwe aluzibo lwabo zizwide;

- (j) kweendelezegwa kwabulumbu kweelede kwachitwa abantu bazwa mumisyobo bantu isiyenesiyene bachisi chaZimbabwe;
- (k) kunjizya milimu, kuiisigwa makkosi aamilimu akusumpulwa kwabantu muzyiiyo zyabo kweelede kwachitwa munzila ilangisisya kuziba akukonzya kwabantu, kakutakwe lusalulo, bweelene akati kabaalumi abanakazi akubikkilizya bantu balemene;

kabiyo fulumende uyelede kutola ntaamo, kubikkilizya kupanga milawu, mukusungwaazya kutobelezegwa akuzuzikizigwa kwandemeko eezi.

(2) Kunjizya milimu mumawofesi ajanika muzibela zisiyenesiyene zyafulumende, kubikkilizya mbunga atubunga twafulumende, mitabi yafulumende azimwi zipanzi zyafulumende, kweelede kwachitwa munzila ilangisisya kuziba akukonzya kwabantu;

195 Mabbizinesi antoomwe aMakkapani afulumende

(1) Makkapani awamwi mabbizinesi afulumende ayelede kuti aajulu kwakutobeleyza antoomwe akuchita ndemeko zyaambidwe muchibela 194(1), ngaachite milimu yawo munzila iyeta mpindu nkukuti ayendelele nembo kaachiliwo kabiyo akutobeleyza buzuluzi buzikitide mukweendelezya mabbizinesi aawo.

(2) Makkapani awamwi mabbizinesi afulumende awambwa mukabeela (1) ayelede kubikka nzila zitondeezya kabalangala akusungwaazya bantu/mabbizinesi amwi manji kuti ajatikane mukuula zintu zyawo.

196 Mikuli yababelesi bafulumende andemeko zyabuzuluzi

(1) Nguzu zipedwe babelesi bafulumende zijanwa mulusyomo bulumbu ndulupede fulumende nkaako kweelede nguzu eezyo zyabelesegwa kabotu munzila—

- (a) iyendelana ampalamo zyaKkata Lyamulawu eeli;
- (b) itondeezya kulemeka bulumbu achiyandisyo chakugwasizya kutatondeezyi kuti mubelesi wafulumende nguwe ujatwa mbuuli mwaami biya abulumbu mbwayelede kubelekela; kabiyo
- (c) isungwaazya kuti bulumbu bube alusyomo kubabelesi bafulumende.

(2) Babelesi bafulumende beeleder kulijata, aamulimu akunze kwamulimu, munzila ibapa bulemu alulemeko antoomwe akutatondeezya kusumpula nzibayanda beni babelesi pesi kusumpula ziyandikana aamulimu. Kabiyo beeleder kusiyana anchito zyuubula chiimo chamawofesi aabo achiimo chafulumende.

(3) Babelesi bafulumende bajisi zyuuno zyabuzuluzi beeleder kutobeleyza ndemeko zyabuzuluzi zitobela—

- (a) kuchita milimu munzila itakwe lusalulo;
- (b) kusyomeka mukuchita mulimu wabulumbu;
- (c) kutondeezya kulemeka bulumbu akuchita zintu zyelede aziyandwa aabulumbu; kabiyo
- (d) kulijata akutondeezya kulipeda kumulimu nikugwasigwa bulumbu.

197 Chiindi cheelede kukkalwa abasilutwe batutabi tusiyene-siyene twafulumende muzyuuno zyabo

Mulawu upangwa aPalyamenti ukonzya kufwiinsya chiindi cheelede kukkalwa ababelesi bafulumende muzyuuno zyabo, babelesi bafulumende bamumitabi yafulumende amumabbizinesi afulumende.

198 Mulawu weelede kubona kuzuzikizigwa Chaandaano 9

Mulawu upangwa aPalyamenti uyelede kupandulula ntaamo zyeelede kutolwa kuti eezi zyaambidwe muchaandaano eechi zyatobelezegwa antoomwe akuchitwa, kubikkilizya ntaamo zya—

- (a) kuchita kuti babelesi bafulumende kabazibisa bulumbu chiindi achiindi lubono lwabo;
- (b) kubumba zizuminano zyakulijata kwababelesi zyeelede kutobelezegwa ababelesi bafulumende;
- (c) kubikka antanganana zyeelede kuchitwa mukutobeleyza buzuluzi buzikitide mukweendelezya mabbizinesi afulumende;
- (d) kuzwa antaamo zyeelede kutobelezegwa mukubeteka bantu batyla zyaambwa muChaandaano eechi naakuti fumbwa zizuminano zyakulijata kwababelesi zyaambidwe mufuka (b) lilaajulu.

CHAANDAANO 10

BABELESI BAFULUMENDE

199 Babelesi Bafulumende

(1) Babelesi bafulumende mbabo bapedwe mukuli wakweendelezya nyika yaZimbabwe.

- (2) Babelesi bafulumende mbantu babelekela fulumende aanze kw—
 - (a) babelesi banjide mutubunga twakukwabilila nyika naakuti fumbwa kabunga kanga kalabumbwa kakukwabilila nyika;
 - (b) maJaji, maMejasitiliti abamwi babelesi bamunkuta zisiyenesiyene;
 - (c) bantu bajanika mumakkomishini aabumbwa kwiinda muKkata Lyamulawu eeli;
 - (d) babelesi bamuPalyamenti; kabiyo
 - (e) fumbwa muntu ulaachuuno chaambidwe, muKkata Lyamilawu eeli naakuti aMulawu upangwa aPalyamenti, kuti tayelede kubalilwa kubabelesi bafulumende.

(3) Mulawu upangwa aPalyamenti uyelede kupandulula bwiime, bubumbwe, kweendelezegwa, kulijata kwababelesi anzibeelede kujana mukubeleka kwabo babelesi bafulumende, kakulangwa zilembedwe muchibbeela 203.

200 Kulijata kwaBabelesi baFulumende

(1) Babelesi baFulumende beelete kulijata munzila zyaambidwe muKkata Lyamulawu eeli ayimwi milawu;

(2) Taakwe Mubelesi waFulumende uyelede kuswiilizya akutobeleyza malayilile atali mumulawu pe.

- (3) Mukuchita milimu yabo taakwe Babelesi baFulumende beelete—
 - (a) kuchita milimu yakabunga kakweendelezegwa kwanyika;
 - (b) kuzuzikizya mpalamo zyakabunga kakweendelezya nyika;
 - (c) kudyaamizya ziyanda kuchitwa akabunga kazyanyika zili mumulawu;
 - (d) kutyola akutalemeka zyeelelo angwangunuko zyaampandamunsaka zyanikuba uuli muntu.

(4) Babelesi baFulumende tabeelede pe kunjila muzyuuno zyatubunga twakweendelezegwa kwanyika.

(5) Mulawu upangwa aPalyamenti weelete kutola ntaamo zyakubona kuti Babelesi baFulumende taakwe kabunga kakweendelezegwa kwanyika nkibadundiizya pe.

201 Silutwe waMutabi waFulumende uubona zyaBabelesi baFulumende

Muzulwidi waNyika weelete kugala Silutwe waMutabi waFulumende ubona zyaBabelesi baFulumende.

202 Kupangwa abubumbwe bwaKkomishini yaBabelesi baFulumende

(1) Kuli Kkomishini yaBabelesi baFulumende ilaabantu batobela—

- (a) Sichuuno antoomwe awutobela Sichuuno; kabiyo
- (b) bambi bantu bayinda babili pesi kabatayindi musanu; bagalwa aMuzulwidi waNyika.

(2) Bantu bagalwa kunjila muKkomishini yaBabelesi baFulumende kweelede kabali bantu bajisi luzibo Iwamulimu wakweendelezya bulumbu.

203 Milimu yaKkomishini yaBabelesi baFulumende

(1) Kkomishini yaBabelesi baFulumende ijisi milimu itobela—

- (a) kunjizya bantu bazi milimu mububelesi bwaFulumende;
- (b) kwiinda muchibela 65(5), kuchita mabambe aamifolo alugwasyo lwaamulimu ndubeelede kujana Babelesi baFulumende;
- (c) kuzyotolola akubeteka Babelesi baFulumende babisya mumilimu;
- (d) kulangisisya ntongawuko akuyanduula nsandulo zyantongawuko zizwa kuBabelesi baFulumende;
- (e) kutola ntaamo zinga zilagwasizya akusungwaazya Babelesi baFulumende mukuchita milimu yabo changuzu;
- (f) kubona kuti Babelesi baFulumende balookubeleka kabotu milimu yabo mbuuli mbukweelede kakutakwe lusaluulo;
- (g) kupa Muzulwidi waNyika antoomwe aSilutwe waMutabi waFulumende mizeeo abusongo aatala azintu zisiyenesiyene zyaatala aBabelesi baFulumende;
- (h) kusumpula akusungwaazya kulemekwa kwa ndemeko akati kaBabelesi baFulumende mbuuli mbuyaambidwe muKkata Lyamulawu eeli; kabiyo
- (i) kuchita niiba iili milimu mbuuli mbitanooli yapegwa manguzu aakuchita milimu eeyo aKkata Lyamulawu naakuti aMulawu upangwa aPalyamenti.

(2) Kkomishini yaBabelesi baFulumende ikonzya kupanga miteto, kwiinda mukuzuminana aSilutwe waMutabi waFulumende, igwasizya kuzuzikizigwa kwampalamo zyamilimu yabo mbuuli mbukwaambidwe mukabeela (1).

(3) Kkomishini yaBabelesi baFulumende yeelede kuchita milimu yayo kwiinda mumalembe aamalayilile aazwa kuli Silutwe waMutabi waFulumende chiindi achiindi.

(4) Mukuzwa amabambe amifolo alumwi lugwasyo lwaamulimu lupegwa Babelesi baFulumende, iKkomishini yaBabelesi baFulumende iyelede kuchita milimu

yayo kwiinda mukuzuminana aMuzulwidi waNyika kali alakwe wapegwa mizeezo abaSilutwe baMitabi yaFulumende babona zyaMali aBabelesi baFulumende.

204 Bayiminini baNyika yaZimbabwe kulaamwi maNyika (*Ambassadors*)

Muzulwidi waNyika ukonzya kugala bantu kuti bakayiminine nyika yaZimbabwe kulaamwi maNyika, naakuti kuli tumwi tubunga twamanyika andeene kabiyo Muzulwidi waNyika ujisi nguzu zyakubagwisya nichiba chili chiindi bayiminini aabo bagalwa.

205 Beendelezi baMitabi yaFulumende (*Permanent Secretaries*)

(1) Beendelezi baMitabi yaFulumende bagalwa aMuzulwidi waNyika kajana mizeezo kuzwa kuKkomishini yaBabelesi baFulumende.

(2) Bulamfu bwachiindi cheelede kukkalwa muchuuno aMweendelezi waMutabi waFulumende minyaka isika kumusanu, kabiyo ukonzya kupegwa uumbi mweenya wakukkala muchuuno eecho kwachiindi chaminyaka musanu pesi kakulangisisigwa kuti ubeleka zidodonkene na milimu yakwe.

CHANDAANO 11

BAKWABILILA NYIKA

CHIBAKA 1

ZYABIYOBYO

206 Kukwabililwa Kwanyika

(1) Impalamo zyakukwabililwa kwanyika zyeedelede kutondeezya chiyandisyo chabana baZimbabwe chakupona bweelene, mulwaangunuko, muluumuno, mukutayoowa kabiyo mulusumpuko.

(2) Kukwabililwa kwaNyika yaZimbabwe kweelede kwachitwa kwiinda muKkata Lyamulawu eeli antoomwe ayimwi milawu.

(3) Kapati, kukwabililwa kwanyika yaZimbabwe kweelede kuchitwa kakulemekwa eezi zintu zitobela:-

- (a) zyeelo angwangunuko zyaampandamunsaka antoomwe andemeko zyabulelo bwajandabanji bwaambidwe muKkata Lyamulawu eeli; kabiyo
- (b) kulemeka akutobeleyza mulawu.

207 Tubunga tukwabilila nyika

(1) Tubunga tukwabilila nyika yaZimbabwe ntootu:-

- (a) Basilumamba
- (b) Bakapokola
- (c) Bufumfuzyi
- (d) BaMajele aKuzyotololwa Kwabaange; kabiyo
- (e) fumbwa kabunga kakukwabililwa kwanyika kabumbwa kwiinda muMulawu upangwa aPalyamenti.

(2) Tubunga tukwabilila nyika tuchita milimu yato katutobeleyza Kkata Lyamulawu eeli, zyaambwa aMuzulwidi waNyika kabiyo mabelekelo aato alangisisigwa aPalyamenti.

(3) Bubumbwe abube bwatubunga twakukwabililwa kwanyika kweelede kutondeezya busiyane bwamisyobo yabantu bamuZimbabwe.

208 Kulijata kwababelesi batubunga twakukwabilila nyika

(1) Babelesi batubunga tukwabilila nyika beelete kulijata kwiinda muli zyaambidwe muKkata Lyamulawu eeli antoomwe ayimwi milawu.

(2) Taakwe kabunga naakuti mubelesi wakabunga kakukwabililwa kwanyika unga mukuchita mulimu wakwe—

- (a) wachita katobelezya zyakweendelezegwa kwanyika;
- (b) kuzuzikizya mpalamo zyakabunga kakweendelezegwa kwanyika;
- (c) kudyamizya ziyanda kuchitwa akabunga kazyanyika zili mumulawu;
- (d) Kutyola akutalemeka zyelelo angwangunuko zyaampandamunsaka zyanikuba uuli muntu.

(3) Babelesi batubunga tukwabilila nyika tabeelede pe kunjila muzyuno zyatubunga twakeendelezegwa kwanyika naakuti imwi mbungano biyo.

(4) Babelesi batubunga tukwabilila nyika tabeelede pe kunjizigwa milimu mutubunga twabanasinakoma aanze kwaziindi nizyayimikila luzeya zintu.

209 Kkansili yaKukwabililwa Kwanyika

(1) Kuli Kkansili yaKukwabililwa Kwanyika ilaabantu batabela: Muzulwidi waNyika kali nguSichuuno, Mutobelis waMuzulwidi waNyika antoomwe abaSilutwe baMitabi yaFulumende ababelesi batubunga tukwabilila nyika abamwi bantu banga balaambwa muMulawu upangwa aPalyamenti.

(2) Milimu yaKkansiliyaKukwabililwa Kwanyika njeyi—

- (a) kubumba mabambe ambiinga ilakwabililwa nyika yaZimbabwe;
- (b) kuzibisya akupa mizeeo kuMuzulwidi waNyika aatala akukwabililwa kwanyika; kabiyo
- (c) kuchita imwi milimu inga ilaambwa aMulawu upangwa aPalyamenti.

(3) Makkomanda aatubunga tukwabilila nyika ayelete kupa Kkansili yaKukwabililwa Kwanyika luzibo aatala abwiime bwakukwabililwa kwanyika chiindi achiindi mbuuli mpiyayandila Kkansili yaKukwabililwa Kwanyika.

210 Nzila ilyiimkilide yakutambula ntongawuko

Mulawu upangwa aPalyamenti weelete kupandulula nzila ilomene kabiyo ilyiimkilide akulisanta yakutambula akuzilangisisya ntongawuko zizwa kubulumbu zilaatala akutalijata kabotu kwababelesi batubunga tukwabilila nyika. Nzila eeyi yeelete kuzyotolola kubisa kutanooli kwachitwa.

CHIBAKA 2

BASILUMAMBA

211 Basilumamba

(1) Basilumamba baZimbabwe bajatikizya bali mutubunga tutabela: Balwanina Aansi (Army) antoomwe aBalwanina kujulu (Airforce) atumwi tubunga twabasilumba tunga tulabumbwa aMulawu upangwa aPalyamenti.

(2) Basilumamba baZimbabwe mbabo luzutu basilumamba bali mumulawu munyika.

(3) Basilumamba beeleda kulemeka zyeelelo angwangunuko zyabantu boonse kabiyo tabeelede kunjila muli zyakweendelezegwa kwanyika, pesi bapalame kukwabilila akulemeka nyika mbiizulwa, bayandisisye nyika yabo, bachite mulimu wabo munzila iyelede kabiyo kabaswiilila buzuluzi bwenyika buteensi basilumamba mbuuli mbukwaambidwe muKkata Lyamulawu eeli.

(4) Basilumamba beeleda kukkanala kabali babelesi bakwizi kulijata kabotu munchito zyabo.

(5) Mulawu upangwa aPalyamenti uyelede kupandulula bwiime, bubumbwe, kweendelezegwa, kulijata kwababelesi anzibeelede kujana mukubeleka kwabo babelesi batubunga twabasilumamba, kakulangwa zilembedwe muchibela 218.

212 Milimu yaBasilumamba

Milimu yaBasilumamba nkukwabilila nyika yaZimbabwe, bulumbu bwayo, lukwabililo lwachisi anzyiyanda nyika amigaano yayo antoomwe akusumpula Kkata Lyamulawu.

213 Kutumwa kwaBasilumamba kumulimu/kunkondo

(1) Kwiinda muKkata Lyamulawu eeli, Muzulwidi waNyika kali nguDuundumuntule waBasilumamba, nguwe luzutu uujisi nguzu:-

- (a) zyakutuma Basilumamba kunkondo; naakuti
- (b) ulaanguzu zyakwaamba mbubelede kuyoochita nkubatumwa kunkondo Basilumamba.

(2) Kwiinda mumvumo yaMuzulwidi waNyika, Basilumamba bakonzya kutumwa kumulimu mukati kanyika yaZimbabwe kuti;

- (a) kabakwabilila nyika yaZimbabwe;
- (b) kabagwasizya Bakapokola mukubamba luumuno Iwabulumbu;
- (c) kabagwasizya Bakapokola atumwi tubunga twabantu biyo muchiindi zintu nizyiimikila luzeya naakuti nikwaba chachitika chibi.

(3) Kwiinda mumvumo yaMuzulwidi waNyika, Basilumamba bakonzya kutumwa kumulimu aanze kwanyika yaZimbabwe;

- (a) kukubamba luumuno kabalaansi kwaMbungano yaKujatana kwaManyika Woonse (*United Nations Organisation*) naakuti kamwi biyo kabunga kamuluwa kamanyikamanyika pesi nyika yaZimbabwe nkiilyidilana aankako.
- (b) kukukwabilila migaano yayimwi nyika itali Zimbabwe;
- (c) kukuzuzikizya mulimu wamanyikamanyika aandeene;
- (d) kukukwabilila ziyandwa akugwasya nyika yaZimbabwe

(4) Kwiinda mukuzuminana kwabayiminini bamuPalyamenti basika kubwiingi bwantompachaala (two-thirds majority) mumuswaangano uswaanizya maanda amilawu obile (yaansi ayaajulu), Palyamenti ikonzya kuzuminana kwaamba kuti kutumwa kwaBasilumamba aanze kwanyika nkubakatumwa ngababoozegwe.

(5) Aawo Palyamenti mpuyazuminana kuti Basilumamba bakatumwa aanze kwanyika baboozegwe, Muzulwidi waNyika weeleda kubweza ntaamo zyoonse zyakuboozya Basilumamba, pesi kalangisisya kukwabilila kwabantu bamuZimbabwe azibelesyo zyabo.

214 Beelede kuzibisigwa nikwatumwa kwaBasilumamba

Aawo Basilumamba nibatumwa kumulimu wabo—

- (a) mukati kenyika yaZimbabwe kuyoogwasizya Bakapokola mukubamba luumuno lwabulumbu; naakuti
- (b) aanze kwanyika yaZimbabwe;

Muzulwidi waNyika weelede kuzibisya Palyamenti kufwambaana eezyo zyapa kuti atume Basilumamba kabiyo—

- (i) kwaamba busena nkwaabatuma muZimbabwe;
- (ii) kwaamba busena nkwbabatuma aanze kwaZimbabwe;

215 Silutwe waMutabi waFulumende ubona zyaBasilumamba

Muzulwidi waNyika ukonzya kugala Silutwe waMutabi waFulumende ubona zyaBasilumamba.

216 Kuzulwidwa kwaBasilumamba

(1) Mulawu upangwa aPalyamenti ukonzya kupandulula kuti—

- (a) Basilumamba beelete kuba aansi kwaMupati waBasilumamba (*Commander*) womwe; naakuti
- (b) Yoonse milimu yabo Basilumamba naakuti yobile naakuti kwiinda mpubabelekela aamwi beelete kuba aansi kwaBapati baBasilumamba basiyene.

(2) Woonse Mupati waBasilumamba awoonse Mupati wakapanzi kaBasilumamba ugalwa aMuzulwidi waNyika kajana mizeeo kuzwa kuli Silutwe waMutabi waFulumende waBasilumamba.

(3) Bapati baBasilumamba aBapati batupanzi twaBasilumamba bagalwa kuti babe muzyuno zyabo kwabulamfu bwachiindi chisika kuminyaka musanu kabiyo muntu takonzyi kupegwa myeenza iyinda tubili kali muchuuno chomwe.

(4) Muntu wagalwa kuti abe Mupati waBasilumamba naakuti kapanzi kaBasilumamba ukonzya kugalwa kuba Mupati waBasilumamba, pesi muntu wakali Mupati waBasilumamba naakuti kapanzi kaBasilumamba takonzyi kugalwa kuba Mupati waBasilumamba naakuti Mupati wakapanzi kaBasilumamba naakuti kuba Mupati wakamwi kapanzi kakukwabililwa kwanyika.

(5) Woonse Mupati waBasilumamba awoonse Mupati wakapanzi kaBasilumamba weelede kubeleka mulimu wakwe katobeleyza malayilile ngaapegwa aSilutwe waMutabi waFulumende ubona zyaBasilumamba kali alakwe uchita nzyachita kajana mvumo kuzwa kuMuzulwidi waNyika.

217 Kupangwa abubumbwe bwaKkomishini yaBasilumamba

(1) Kuli Kkomishini yaBasilumamba ilaabantu batobela; Sichuuno weelede kuba kali nguSichuuno waKkomishini yaBabelesi baFulumende, antoomwe abamwi bantu bayinda babili pesi kabatayindi musanu awumwi bagalwa aMuzulwidi waNyika.

(2) Bajanika muKkomishini yaBasilumamba beelete kusalwa kwiinda muluzibo lwabo lwakweendelezya milimu, zyankondo, alwiyo ndubalaalo naakuti kuba kwabo kupa kuti babe lugwasyo kuKkomishini; kabiyo:-

- (a) basika kuchisela chabantu bajanika muKkomishini kabali mbantu batana beleka mulimu waBasilumamba;

- (b) uumwi naakuti kwiinda uumwi kali wakali waba umwi waBapati mumulimu waBasilumamba kwamweenya womwe naakuti yobile isisya minyaka musanu kaziya nembo.

218 Milimu yaKkomishini yaBasilumamba

- (1) Kkomishini yaBasilumamba ijisi milimu itobela—
- (a) kunjizya bantu bazi milimu kuti babweze zyuuno naakuti bapegwe nyembe mumulimu waBasilumamba;
 - (b) kubamba mabambe aamabelekelo aabasilumamba kakulangwa mifolo ampindu zyaandeene
 - (c) kubona kuti balookupona buumi buli kabotu akweendelezegwa kabotu mumilimu yabo Basilumamba;
 - (d) kubona kuti Basilumamba bazuzikizya ziyandwa achibela 208;
 - (e) kusungwaazya luumuno akumvwanana akati kaBasilumamba abulumbu bwaZimbabwe;
 - (f) kupa Muzulwidi waNyika antoomwe aSilutwe waMutabi waFulumende mizeezo abusongo aatala azintu zisiyenesiyene zyaatala aBasilumamba; kabiyo
 - (g) kuchita niiba iili milimu mbuuli mbitanooli yapegwa manguzu akuchita milimu eeyo aKkata Lyamulawu antoomwe aMulawu upangwa aPalyamenti.
- (2) Kkomishini yaBasilumamba ikonzya kupanga miteto, kwiinda mukuzuminana aSilutwe waMutabi waFulumende ubona Basilumamba, igwasizya kuzuzikizigwa kwampalamo zyamilimu yabo mbuuli mbukwaambidwe mukabeela (1).

(3) Mukuzwa amabambe amifolo alumwi lugwasyo lwaamulimu lupegwa yaBasilumamba, iKkomishini yaBasilumamba yeelede kuchita milimu yayo kwiinda mukuzuminana aMuzulwidi waNyika kali alakwe wapegwa mizeezo abaSilutwe baMitabi yaFulumende babona zyaMali aBasilumamba.

CHIBAKA 3

BAKAPOKOLA

219 Bakapokola amilimu yabo

- (1) Kuli Bakapokola bajisi milimu iitobela—
- (a) kubbutula, kupokoola akukwabilila kuchitika kwamilandu;
 - (b) kubamba luumuno lwabulumbu munyika yaZimbabwe;
 - (c) kukwabilila lubono abuumi bwabulumbu;
 - (d) kubona kuti mulawu ulokutobelezegwa akulemekwa; kabiyo
 - (e) kusumpula Kkata Lyamulawu akubona kuti mulawu ulokutobelezegwa kakutakwe kuyoowa naakuti lusaluulo.
- (2) Bakapokola beeledge kuchita milimu yabo kabaalamwi a—
- (a) tubunga twatuswiilizya bavwiya tubumbwa kwiinda mumulawu;
 - (b) fumbwa mutnu wabikkwa amulawu kuti agwasizye mukubbutula, kupokoola akukwabilila kuchitika kwayimwi misyobo yamilandu;

(c) tubunga twamuluwa atwamanyika aandeene alwana kusundwa kwamilandu.

(3) Bakapokola tabeelede kunjila mutubunga twazyakweendelezegwa kwanyika, pesi bapalame kulemeka nyika mbiizulwa, bayandisisye nyika yabo, bachite mulimu wabo munzila yeelede kabiyo kabaswiilila buzuluzi bwenyika butali bakapokola mbuuli mbukwaambidwe muKkata Lyamulawu eeli.

(4) Mulawu upangwa aPalyamenti weelete kupandulula bwiime, bubumbwe, kweendelezegwa, kulijata kwababelesi anzibeelede kujana mukubeleka kwabo babelesi baBakapokola, kakulangwa zilemedwe muchibeela 223.

220 Silutwe waMutabi waFulumende ubona zyaBakapokola

Muzulwidi waNyika weelete kugala Silutwe waMutabi waFulumende ubona zyaBakapokola.

221 Nabbatule waBakapokola (*Commissioner-General of Police*)

(1) Bakapokola balaansi kwabweendelezi bwaNabbatule waBakapokola ugalwa aMuzulwidi waNyika kagwasigwa aSilutwe waFulumende ubona zyaBakapokola.

(2) Nabbatule waBakapokola ugalwa kuti abe achuuno kwaminyaka musanu pesi ukonzya kupegwa uumwi biyo uumbi mweenyaka waminyaka musanu lubo.

(3) Muntu wakali wabeleka mulimu wabuNabbatule waBakapokola takonzyi kugalwa kuti akabe Nabbatule kuli kambi kabunga kakukwabililwa kwanyika.

(4) Nabbatule waBakapokola weelete kubeleka mulimu wakwe katobeleyza malayilile ngaapegwa aSilutwe waMutabi waFulumende ubona zyaBakapokola kali alakwe uchita nzyachita kajana mvumo kuzwa kuMuzulwidi waNyika.

222 Kupangwa abubumbwe bwaKkomishini yaBakapokola

(1) Kuli Kkomishini yaBakapokola ilaabantu batobela; Sichuno uyelede kuba kali nguSichuuno waKkomishini yaBabelesi baFulumende, antoomwe abamwi bantu bayinda babili pesi kabatayindi musanu awumwi bagalwa aMuzulwidi waNyika.

(2) Bajanika muKkomishini yaBakapokola beelete kusalwa kwiinda muluzibo lwabo lwakweendelezya milimu, zyankondo, alwiyo ndubalaalo naakuti kuba kwabo kupa kuti babe lugwasyo kuKkomishini; kabiyo—

- (a) basika kuchisela chabantu bajanika muKkomishini kabali mbantu batana beleka mulimu waBakapokola;
- (b) uumwi naakuti kwiinda uumwi kali wakali waba umwi waBapati mumulimu waBakapokola kwamweenya womwe naakuti yobile isisyu minyaka musanu kaziya nembo.

223 Milimu yaKkomishini yaBakapokola

(1) Kkomishini yaBakapokola ijisi milimu itobela—

- (a) kunjizya bantu bazi milimu kuti babweze zyuuno naakuti nyembe mumulimu waBakapokola;
- (b) kuchita mabambe aamifolo alugwasyo ndubeelede kujana lwaamulimu Bakapokola;
- (c) kubona kuti balookupona buumi buli kabotu akweendelezegwa kabotu mumulimu yabo Bakapokola;

- (d) kubona kuti Bakapokola bazuzikizya ziyandwa achibeela 208;
- (e) kusungwaazyaa luumuno akumvwanana akati kaBakapokola abulumbu bwaZimbabwe bateensi Bakapokola;
- (f) kupa Muzulwidi waNyika antoomwe aSilutwe waMutabi waFulumende mizeezo abusongo aatala azintu zisiyenesiyene zyaatala aBakapokola; kabiyo
- (g) kuchita niiba iili milimu mbuuli mbitanooli yapegwa manguzu akuchita milimu eeyo aKkata Lyamulawu antoomwe aMulawu upangwa aPalyamenti.

(2) Kkomishini yaBakapokola ikonzya kupanga milawu, kwiinda mukuzuminana aSilutwe waMutabi waFulumende ubona Bakapokola, igwasizya kuzuzikizigwa kwampalamo zyamilimu yabo mbuuli mbukwaambidwe mukabeela (1).

(3) Mukuzwa amabambe amifolo alumwi lugwasyo lwaamulimu lupegwa yaBakapokola, iKkomishini yaBakapokola yeelede kuchita milimu yayo kwiinda mukuzuminana aMuzulwidi waNyika kali alakwe wapegwa mizeezo abaSilutwe baMitabi yaFulumende babona zyaMali azyaBakapokola.

CHIBAKA 4

BUFUMFUUZYI

224 Kupangwa kwakabunga Kabufumfuuzyi

(1) Fumbwa kabunga kaFulumende kaBufumfuuzyi, katali kabunga kabufumfuuzyi kajanika muli Basilumamba amuli Bakapokola, keelede kubumbwa kwiinda mumulawu naakuti malayilile azwa kuMuzulwidi waNyika naakuti kuNkamu yabaSilutwe baMitabi yaFulumende (kkabbineti).

(2) Bafumfuuzyi tabeelede pe kunjila mukweendelezegwa kwanyika, pesi bapalame kuleme ka nyika mbiizulwa, bayandisisye nyika yabo, bachite milimu yabo munzila yeelede kabiyo kabaswiilila buzuluzi bwenyika butali bwa bufumfuuzyi pe mbuuli mbukwaambidwe muKkata Lyamulawu eeli.

225 Silutwe waMutabi waFulumende ubona zyaBufumfuuzyi

Muzulwidi waNyika weelede kugala Silutwe waMutabi waFulumende ubona zyaBufumfuuzyi.

226 Kweendelezegwa kwakabunga kaBufumfuuzyi

(1) Kabunga kaBufumfuuzyi keelede kweendelezegwa aNabbatule waBufumfuuzyi (*Director-General of Intelligence Services*) weelede kugalwa aMuzulwidi waNyika kwaminyaka musanu, kakonzya kupegwa uumbi lubo mweenya waminyaka ikozyania bwiingi bwayo.

(2) Nabbatule waBufumfuuzyi weelede kubeleka mulimu wakwe katobeleyza malayilile ngaapegwa aSilutwe waMutabi waFulumende ubona zya Bufumfuuzyi kali alakwe uchita nzyachita kajana mvumo kuzwa kuMuzulwidi waNyika.

(3) Muntu wakali wabeleka mulimu wakuba Nabbatule waBufumfuuzyi takonzyi kugalwa kuti akabe Nabbatule kuli kambi kabunga kakukwabililwa kwanyika.

CHIBAKA 5

NTOLONGO/MAJELE AKUZYOTOLOLWA KWABAANGE

227 Milimu yakabunga kaNtolongo/Majele aKuzyotololwa Kwabaange

- (1) Kuli kabunga kaMajele aKuzyotololwa Kwabaange kalaamilimu iitobela:-
- (a) kukwabilila luundu kuzwa kubantu basunda kwiinda mukubajilila mumajele akuzyotolola bantu bajanwa kabaalamilandu munkuta kabeelede kujalilwa akuzoogwisigwa lubo kuti babweede muluundu nikwiinda chiindi chaambwa aankuta; kabiyo
 - (b) kweendelezegwa kwamajele amasenaakuzyotolola baange.
- (2) Babelesi bakabunga kaNtolongo/Majele aKuzyotololwa Kwabaange tabebolede pe kunjila mukweendelezegwa kwanyika, ngabapalame kulemeka nyika mbiizulwa, bayandisisye nyika yabo, bachite mulimu wabo munzila iyelede kabiyo kabaswiilila buzuluzi bwenyika butali bwatuswilizya bavwiya mbuuli mbukwaambidwe muKkata Lyamulawu eeli.
- (3) Mulawu upangwa aPalyamenti uyelede kupandulula bwiime, bubumbwe, kweendelezegwa, kulijata kwababelesi anzibelede kujana mukubeleka kwabo babelesi bakabunga kaNtolongo/Majele aKuzyotololwa Kwabaange, kakulangwa zilembedwe muchibbeela 231.

228 Silutwe waMutabi waFulumende ubona zyaNtolongo/Majele aKuzyotololwa Kwabaange

Muzulwidi waNyika weelete kugala Silutwe waMutabi waFulumende ubona zyaNtolongo/Majele aKuzyotololwa Kwabaange.

229 Nabbatule waNtolongo/Majele aKuzyotololwa Kwabaange

- (1) Babelesi bakabunga ka Ntolongo/Majele aKuzyotololwa Kwabaange balaansi kwabweendelezi bwa Nabbatule wa Ntolongo/Majele aKuzyotololwa Kwabaange ugalwa aMuzulwidi waNyika kagwasigwa aSilutwe waFulumende ubona zya Ntolongo/Majele aKuzyotololwa Kwabaange.
- (2) Nabbatule wa Ntolongo/Majele aKuzyotololwa Kwabaange ugalwa kuti abe achiuno kwaminyaka musanu pesi ukonzya kupegwa uumbi mweenya waminyaka musanu lubo.
- (3) Muntu wakali wabeleka mulimu wabuNabbatule wa Ntolongo/Majele aKuzyotololwa Kwabaange takonzyi kugalwa kuti akabe Nabbatule kuli kambi kabunga kakukwabililwa kwanyika.
- (4) Nabbatule wa Ntolongo/Majele aKuzyotololwa Kwabaange weelete kubeleka mulimu wakwe katobeleyza malayilile ngaapegwa aSilutwe waMutabi waFulumende ubona zya Ntolongo/Majele aKuzyotololwa Kwabaange kali alakwe uchita nzyachita kajana mvumo kuzwa kuMuzulwidi waNyika.

230 Kupangwa abubumbwe bwaKkomishini yaNtolongo/Majele aKuzyotololwa Kwabaange

- (1) Kuli Kkomishini ya Ntolongo/Majele aKuzyotololwa Kwabaange ilaabantu batabela; Sichuuno uyelede kuba kali nguSichuuno waKkomishini yaBabelesi baFulumende, antoomwe abamwi bantu bayinda bibili pesi kabatayindi musanu awumwi bagalwa aMuzulwidi waNyika.

(2) Bajanika muKkomishini ya Ntolongo/Majele aKuzyotololwa Kwabaange beeledi kusalwa kwiinda muluzibo lwabo lwakweendelezya milimu, zyankondo, alwiyo ndubalaalo naakuti kuba kwabo kupa kuti babe lugwasyo kuKkomishini; kabiyo—

- (a) basika kuchisela chabantu bajanika muKkomishini kabali mbantu batana beleka mukabunga kaMajele aKuzyotololwa Kwabaange;
- (b) uumwi naakuti kwiinda uumwi kali wakali waba umwi waBapati mumulimu wa Ntolongo/Majele aKuzyotololwa Kwabaange kwamweenya womwe naakuti yobile isisyu minyaka musanu kaziyu nembo.

231 Milimu yaKkomishini yaNtolongo/Majele aKuzyotololwa Kwabaange

- (1) Kkomishini yaMajele aKuzyotololwa Kwabaange ijisi milimu itobela:-
- (a) kunjizya bantu bazi milimu kuti babweze zyuuno naakuti nyembe mumulimu wamu Majele aKuzyotololwa Kwabaange;
- (b) kuchita mabambe aamifolo alugwasyo ndubeede kujana lwaamulimu wamuNtolongo/Majele aKuzyotololwa Kwabaange;
- (c) kubona kuti balookupona buumi buli kabotu akweendelezegwa kabotu mumulimu yabo babelesi bamuNtolongo/Majele aKuzyotololwa Kwabaange;
- (d) kubona kuti babelesi bamuNtolongo/Majele aKuzyotololwa Kwabaange bazuzikizya ziyandwa achibela 208;
- (e) kusungwaazyu luumuno akumvwanana akati kaBakapokola abulumbu bwaZimbabwe;
- (f) kupa Muzulwidi waNyika antoomwe aSilutwe waMutabi waFulumende mizeezo abusongo aatala azintu zisiyenesiyene zyaatala ababelesi bamuNtolongo/Majele aKuzyotololwa Kwabaange; kabiyo
- (g) kuchita niiba iili milimu mbuuli mbuyitanooli yapegwa manguzu akuchita milimu eeyo aKkata Lyamulawu antoomwe aMulawu upangwa aPalyamenti.

(2) Kkomishini yaNtolongo/Majele aKuzyotololwa Kwabaange ikonzya kupanga miteto, kwiinda mukuzuminana aSilutwe waMutabi waFulumende ubona zyaNtolongo/Majele aKuzyotololwa Kwabaange, igwasizya kuzuzikizigwa kwampalamo zyamilimu yabo mbuuli mbukwaambidwe mukabeela (1).

(3) Mukuzwa amabambe amifolo alumwi lugwasyo lwaamulimu lupegwa babelesi bamuMajele aKuzyotololwa Kwabaange, iKkomishini yaMajele aKuzyotololwa Kwabaange iyelede kuchita milimu yayo kwiinda mukuzuminana aMuzulwidi waNyika kali alakwe wapegwa mizeezo abaSilutwe baMitabi yaFulumende babona zyaMali azyaNtolongo/Majele aKuzyotololwa Kwabaange.

CHAANDAANO 12

MAKKOMISHINI ALYIIMIKILIDE ASUMPULA BULELO BWAJANDABANJI

CHIBAKA 1

BWIIME BWACHIBAKA 1

232 Makkomishini Alyiimikilide

MaKkomishini alyiimikilide aswaanizya aaya aatobela;

- (a) Kkomishini yaNsaluuzyo muZimbabwe;
- (b) Kkomishini yaZyeelelo Zyabantu muZimbabwe;
- (c) Kkomishini yaKweelanisigwa kwaMyeenya yaBanakazi aBaalumi MuZimbabwe;
- (d) Kkomishini yaZimwaya Milumbe muZimbabwe; kabiyo
- (e) Kkomishini yaLuumuno aLulekelelano Munyika.

233 Mpalamo zyamaKkomishini Alyiimikilide

MaKkomishini ajisi mpalamo zijanika kuliwoonse alaaajulu kwazeezyo ziluleme aayimwi ayimwi kkomishini:-

- (a) kusungwaazy akusukutizya zyeelelo zyabantu mubulelo bwajandabanji;
- (b) kukwabilila kulilela antoomwe aziyandwa abantu;
- (c) kusungwaazy kutobelezegwa akulemekwa kwaKkata Lyamulawu;
- (d) kusungwaazy bubalangale mumachitilo atubunga twafulumende;
- (e) kusimatizya kulemekwa kwabulelo andemeko zyajandabanji muli fulumende amutubunga twafulumende; kabiyo
- (f) kubona kuti kudyamizigwa kwabantu kwazyotololwa.

234 Babelesi bamaKkomishini alyiimikilide

Makkomishini alyiimikilide ajisi nguzu zyakunjizya bantu milimu antoomwe akubapa mifolo alumwi lugwasyo lupegwa babelesi, zyoonse eezi kazichitwa kwiinda mumulawu.

235 Kulyiimikilila akulisanta kwamaKkomishini

(1) Makkomishini alyiimikilide—

- (a) aliliyiimikilide akulisanta kabiyo mabelekelo aawo taayeled e kunjililwa awumwi muntu;
- (b) ayelede kubeleka kaatobeleya Kkata Lyamulawu eeli; kabiyo
- (c) ayelede kuchita milimu yawo katayoowi akutasaluula;

nikuba kuti kubeleka kwawo kweelede kulangisisigwa chiindi achiindi aPalyamenti.

(2) Fulumende antoomwe atoonse tubunga amitabi yakwe zijanika kuzibela zisiyenesiyene zyanyika, kwiinda mumilawu azimwi ntaamo, weelede kugwasizya maKkomishini alyiimikilide akukwabilila kulisanta akulyiimikilila kwawo, kubeleka kaatasaluuli, bulemu bwawo akubeleka zizikitide;

(3) Taakwe muntu uyelede kunjilila mumabelekelo amaKkomishini alyiimikililide pe.

236 Bantu bajanika mumakkomishini alyiimikilide tabeelede kunjila pe mutubunga twakweendezya nyika

(1) Mumabelekelo aabo bantu bajanika mumakkomishini tabeelede pe:-

- (a) kunjila zyatubunga twakweendeleya nyika;
- (b) kuzuzikizya mpalamo zyakabunga kakweendelezegwa kwanyika;
- (c) kudyaamizya ziyanda kuchitwa akabunga kazyanyika zili mumulawu;
- (d) kutyola akutalemeka zyeelelo angwangunuko zyaampandamunsaka zyanaba uuli muntu.

(2) Bantu bajanika mutubunga twakweendelezya nyika nibagalwa kuti banjile mulimu mumaKkomishini alyiimvwilidi beeledge kusiya zyuuno zyabo mutubunga twakweendelezegwa kwanyika achakufwambaana mukati kamazuba makumi otatwe kuzwa buunsi nibapegwa mulimu mukkomishini ilyiimkilide.

(3) Kuti umwi muntu ujanika muKkomishini ilyiimkilide—

- (a) wapegwa chuuno mukabunga kakweendelezya nyika; naakuti
- (b) wakali umwi wakabunga kakweendelezya nyika chiindi naapegwa mulimu akkomishini ilyiimkilide, mpawo wakachilwa kusiya chuuno chakwe kukabunga kazyanyika mukati kamazuba makumi otatwe;

unooli wagwisigwa mukuba umwi waKkomishini eeyo yamupede mulimu.

237 Kunjila akugwisigwa mulimu kwabantu bali muMakkomishini alyiimkilide

(1) Kuchitala kuti kuube kuzwa amazina abantu banga balanjizigwa mumaKkomishini alyiimkilide, iKkomiti ya Nzila Zyameendelezyo aPalyamenti yeelede—

- (a) kusambala zibaka ziliwo;
- (b) yiitila bulumbu kuti bwaambe mazina aabantu mbibabona kuti ngabalakonza kunjila mumakkomishini;
- (c) chita mbuzisisyo antanganana kunembo lyabulumbu kakubuzisisigwa baabo bayanda kunjila mumakkomishini;
- (d) lemba mazina abaabo beeleta kugalwa kunjila mumakkomishini; kabiyo
- (e) tola mazina aayo kuMuzulwidi waNyika.

(2) Muntu uli mukkomishini ilyiimkilide ukonzya kugwisigwa amulimu kuti kakuli muntu ooyo—

- (a) tachikonzyi kuchita mulimu nkaambo kakulemana naakuti kusondoka muboongo;
- (b) wakachilwa loko kuchita mulimu wakwe;
- (c) wajanika kalaamulandu wakusunda kampatila; naakuti
- (d) takonzyi kusalwa kuba umwi wamakkomishini alyiimkilide.

(3) Nzila yakugwisya Jaji njiyo ibelesegwa mukugwisya bantu bali mumakkomishini alyiimkilide.

CHIBAKA 2

KKOMISHINI YANSALUUZYO MUZIMBABWE

238 Kupangwa abubumbwe bwaKkomishini yaNsaluuzyo muZimbabwe

(1) Kuli Kkomishini itanootegwa Kkomishini yaNsaluuzyo muZimbabwe ilaabantu batobel—a

- (a) sichuuno ugalwa aMuzulwidi waNyika kagwasyania aKkomishini yaBubetesi aKkomiti yaNzila Zyameendelezyo aPalyamenti; kabiyo
- (b) bamwi bantu bali musanu abatatu bagalwa aMuzulwidi waNyika kuzwa kumazina alikkumi awabili naa kwiinda aazwa kuKkomiti yaNzila Zyameendelezyo aPalyamenti.

(2) Sichuuno waKkomishini yaNsaluuzyo muZimbabwe uyelede kuba Jaji naakuti wakali Jaji naakuti muntu ukonzya kunjizigwa mulimu wabuJaji.

(3) Kuti kugalwa kwasichuuno waKkomishini yaNsaluuzyo muZimbabwe kakuteendelani amizeeo yakazwa kuKkomishini yaBubetes, Muzulwidi waNyika uyelede kwaambila Kkomiti yaNzila Zyameendeleyzo aPalyamenti achakufwambaana.

(4) Bantu banjila muKkomishini yaNsaluuzyo muZimbabwe beeledes kuba banaZimbabwe basalwa kwiinda mubulemu mbabajisi aluzibo lwamulimu ndubalaalo lwakubeleka abulumbu, mumakkapani antoomwe amutubunga tuteensi twafulumende.

(5) Bantu banjizigwa muKkomishini yaNsaluuzyo muZimbabwe bapegwa mweenya wakubeleka mukkomishini kwachiindi chisika minyaka musanu awumwi kabiyo bakonzya kupega uumbi mweenya waminyaka ikozyania. Pesi taakwe muntu unga ulagalwa lubo pe kuti anjile mamaKkomishini kuti wakali wabelekela iimwi Kkomishini kale kwaminyaka kkumi ayibili kiitungene mulongo naakuti kitatungene mulongo minyaka.

239 Milimu yaKkomishini yaNsaluuzyo muZimbabwe

IKkomishini yaNsaluuzyo muZimbabwe ilaamilimu itobela—

- (a) kubambila, kweendelezya akubona kuti ulookuchitwa kabotu mulimu—
 - (i) kunsaluuzyo zyakusala Muzulwidi waNyika abayiminini bamuPalyamenti;
 - (ii) kunsaluuzyo zyamumaKkansili aamuzilikiti awamumadolopo mapati antoomwe amaKkansili amabbooma;
 - (iii) kunsaluuzyo zyabantu banjila muKkansili yaBaami Yanyika Mbiizulwa mbuuli mbukwaambidwe muchibeela 285; kabiyo
 - (iv) kweendelezya malefelendamu;

akubona kuti nsaluuzyo eezi amalefelendamu zyachitwa kabotu ,kabaangunukide bantu, kakutakwe lusaluulo, mububalangale kabiyo kakutobelezegwa mulawu;

- (b) kweendelezya nsaluuzyo zyakusala Muzulwidi waSeneti/Ng'anda Yaajulu Yamilawu antoomwe akusala Nabbatule waNg'anda Yaansi Yamilawu, kubona kuti zyachitwa kabotu kakutobelezegwa mulawu;
- (c) kulembesya bayanda kuvoota;
- (d) kubumba malembe abasikuvoota;
- (e) kubamba akubambilula malembe abasikuvoota;
- (f) kweenga migano yamakkonsitichwensi, mawaadi ayimwi migano yazyakuvoota;
- (g) kupanga, kudinda akutola kumasena aandeene mapepa akuvootesya (*ballot papers*), kuzumina misyobo yamabbokesi mubavootela bantu, kuzwa aamasena akuvootela akuvootesya bantu;
- (h) kweendelezya akubona machitilo alwiiyo lwakuvoota;
- (i) kutambula akupa mvumo kubantu bayanda kubona mbuzyeendelezegwa nsaluuzyo amalefelendamu (*observers*);
- (j) kupa malayilile kubabelesi bafulumende naakuti babelesi bakkansili yabbooma/dolopo kuchitila kuti bagwasizye mukweendelezya nsaluuzyo/ malefelendamu munzila iwanganukide, itakwe lusaluulo kabiyo ibalangala akutandabala; kabiyo
- (k) kutambula akulangisisya ntongawuko zizwa kubulumbu zyaatala ambuzyakachitwa nsaluuzyo antoomwe akuchita zyelede kuchitwa kakweendelana antongawuko zyeetwa abantu kuKkomishini.

240 Kusiigwa aanze kwabantu bayanda kunjila muKkomishini yaNsaluuzyo muZimbabwe

Aajulu kwabantu baambidwe muchibela 320(3), bantu batobela tabakonzyi kugalwa kuti banjile muKkomishini yaNsaluuzyo muZimbabwe:-

- (a) babelesi bafulumende, aanze kwamaJaji;
- (b) babelesi bamakkansili azilikiti amadolopo mapati antoomwe ababelesi bamumabbooma;
- (c) babelesi batubunga ambunga zisiyenesiyene zizulwidwa afulumende;

241 Kkomishini yaNsaluuzyo muZimbabwe yeelede kupa ngambo (lipoti) yabweendelezi bwansaluuzyo amalefelendamu

Aajulu kwangambo (lipoti) njiyelede kutola kuPalyamenti, mbuuli mbukwaambidwe muchibela 323, iKkomishini yaNsaluuzyo muZimbabwe yeelede kuti achakufwambaana yatola lipoti kuPalyamenti, kwinda kuli Silutwe waMutabi waFulume, aatala abweendelezi bwansaluuzyo zyonse amalefelendamu aakachitwa.

CHIBAKA 3

KKOMISHINI YAZYEELELO ZYABANTU MUZIMBABWE

242 Kupangwa abwiime bwa Kkomishini yaZyeelelo Zyabantu muZimbabwe

(1) Kuli Kkomishini itanootegwa niKkomishini yaZyeelelo Zyabantu muZimbabwe ilaabantu batobela—

- (a) sichuuno ugalwa aMuzulwidi waNyika kagwasyania aKkomishini yaBubetesi aKkomiti yaNzila Zyameendelezyo aPalyamenti; kabiyo
- (b) bamwi bantu bali musanu abatatu bagalwa aMuzulwidi waNyika kuzwa kumazina ali kkumi awabili naa kwiinda aazwa kuKkomiti yaNzila Zyameendelezyo aPalyamenti.

(2) Sichuuno wa Kkomishini yaZyeelelo Zyabantu muZimbabwe uyelede kuba muntu wakabeleka muli zyamulawu kwachiindi chisika naakuti kwiinda minyaka musanu ayibili muZimbabwe.

(3) Kuti kugalwa kwasichuuno wa Kkomishini yaZyeelelo Zyabantu muZimbabwe kakuteendelani amizeezo yakazwa kuKkomishini yaBubetesi, Muzulwidi waNyika uyelede kwaambila Kkomiti yaNzila Zyameendelezyo aPalyamenti achakufwambaana.

(4) Bantu banjila muKkomishini yaZyeelelo Zyabantu muZimbabwe beeleder basalwa kwiinda mubulemu mbubajisi aluzibo Iwamulimu ndubalaalo muli zyakusumpula zyeelelo zyabantu.

243 Milimu yaKkomishini yaZyeelelo Zyabantu muZimbabwe

(1) IKkomishini yaZyeelelo Zyabantu muZimbabwe ijisi milimu itobela:-

- (a) kusungwaazya kumwaywa kwaluzibo aatala akulemekwa kwazyelelo angwangunuko zyabantu muzibeela zyonse zyachisi;
- (b) kusungwaazya kukwabililwa, kusumpulwa akuzuzikizigwa kwazyelelo angwangunuko zyabantu;

- (c) kulangisisya kulemekwa akuzuzikizigwa kwazyelelo angwanganuko zyabantu;
- (d) kutambula akulangisisya ntongawuko/nyontooko zizwa kubulumbu akutola ntaamo zyakuzyotolola bulewusi kakweendelana abulewusi bwakachitwa mbuuli mbiizibona Kkomishini;
- (e) kukwabililwa kwabulumbu kuzwa kubazuluzi ababelesi bafulumende babelesya zyuuno zyabo munzila italuleme mukudyaamizya bulumbu;
- (f) kupokoola aatala anchito zyabantu bamang' alilwa naakuti kabunga/ tubunga twamang' alilwa nkaambo kakutyola zyeelelo angwanganuko zilembedwe muZyeelelo Zyaampandamunsaka;
- (g) kugwasizya bantu batyolelwa zyeelelo zyabo kuti bajane bululami, kubikkilizya kutola basikutyola zyeelelo kunkuta aawo zyeelelo angwanganuko zyabantu mpuzyatyolwa;
- (h) kwaambila Nabbatule waBakapokola kuti apokoole milandu yakutylwa kwazyelelo angwanganuko mpawo ape butebuzi bwabupokoozi kuKkomishini yaZyeelelo Zyabantu;
- (i) kupa mizeeo kuPalyamenti aatala antaamo anzila zinga zilatobelezegwa kusungwaazyaa kulemekwa kwazyelelo angwanganuko zyabantu;
- (j) kuchita mfukununo aatala azintu zyeendelene akulemekwa kwazyelelo angwanganuko zyabantu antoomwe abukkale bwabantu; kabiyo
- (k) kuswaya akulangalanga bwiime—
 - (i) bwamajele, masena abambilwa baange, masena kukkala basikuchija lumamba (refugee camps) awamwi masena ayendelana awaaya;
 - (ii) masena kubambwa bantu bakasondoka muboongo;

kuchitila kuti kuzibikane bube abwiime bwamasena aaya mukkala bantu mpawo Kkomishini ipe maboneno aayo atala abwiime bwamasena aaya kuli Silutwe waMutabi waFulume nde ubona zyakweendelezegwa kwamulawu ulangene aamasena aayo.

(2) Nabbatule waBakapokola weeled e kulemeka akutobeleya malayilile ngaapegwa aKkomishini yaZyeelelo Zyabantu muZimbabwe mbuuli mbukwaambidwe mukabeela (1)(h).

244 Ngambo/Malipoti aaya kuKkomishini antoomwe awalembwa aKkomishini yaZyeelelo Zyabantu muZimbabwe

(1) IKkomishini yaZyeelelo Zyabantu muZimbabwe ikonzya kuyanda muntu, kabunga, tubunga, twafulumede naakuti tuteensi twafulumende kuti—

- (a) aambile Kkomishini ntaamo zyakatolwa kukusungwaazyaa akusumpula kuzuzikizigwa kwazyelelo angwanganuko zyabantu mbuuli mbuziyalidwe muZyeelelo Zyaampandamunsaka;
- (b) kupa Kkomishini luzibo njiluyanda mukubambil aulembwa malipoti/ ngambo zitolwa nikuba kuli mbuuli kutubunga twamanyika aandeene twamuluwa (*regional*) naakuti tubunga twamanyika aandeene aansi lyoonse (*international*) tubona zyazyelelo zyabantu.

(2) Aajulu kwalipoti/ngambo njiyelede kupa Palyamenti, mbuuli mbukwaambidwe muchibela 323, iKkomishini yaZyeelelo Zyabantu muZimbabwe yeelede kuti achakufwambaana yatola lipoti kuPalyamenti, kwiinda kuli Silutwe waMutabi waFulume nde wayo, aatala azimwi zyakachitikana zyazyelelo angwanganuko zyabantu nzyibona lwayo Kkomishini kuti zyeelede kuzibisigwa Palyamenti.

CHIBAKA 4

KKOMISHINI YAKWEELANISIGWA KWAMYEENYA YABANAKAZI ABAALUMI MUZIMBABWE

245 Kupangwa abwiime bwa Kkomishini yaKweelanisigwa kwaMyeenya yaBanakazi aBaalumi MuZimbabwe

(1) Kuli Kkomishini itanootegwa Kkomishini yaKweelanisigwa kwaMyeenya yaBanakazi aBaalumi muZimbabwe ilaabantu batobela—

- (a) sichuuno ugalwa aMuzulwidi waNyika kagwasyania aKkomiti yaNzila Zyameendelezyo aPalyamenti; kabiyo
- (b) bamwi bali musanu abatatu, kakuli—
 - (i) bali musanu ababili bagalwa aMuzulwidi waNyika kuzwa kumazina abantu aali kkumi awabili ngapegwa aKkomiti yaNzila Zyameendelezyo aPalyamenti; kabiyo
 - (ii) uumwi ugalwa aKkansili Yabaami Yanyika Yoonse, ugalwa aMuzulwidi waNyika.

(2) Bantu banjila muKkomishini yaKweelanisigwa kwaMyeenya yaBanakazi aBaalumi muZimbabwe beeleder basalwa kwiinda mubulemu mbubajisi aluzibo lwamulimu ndubalaalo muli zyabukkale, tunsiyansiya, zyabuvubi, azvakweendelezegwa kwanyika antoomwe azvakusiyana kwamyeenya yabanakazi abaalumi mubuumi. Buvule bwabaalumi abanakazi bweelede kweelana muKkomishini eeyi.

246 Milimu yaKkomishini yaKweelanisigwa kwaMyeenya yaBanakazi aBaalumi MuZimbabwe

Ikkomishini yaKweelanisigwa kwaMyeenya yaBanakazi aBaalumi muZimbabwe ijisi milimu itobela—

- (a) kulangisisya zyaambo zyeendelene akweelanisigwa kwamyeenya yabanakazi abaalumi mubuumi mbuuli mbukwaambidwe muKkata Lyamulawu;
- (b) kulangisisya kutyolwa kwazyelelo zyabantu kubbazu lyakweelansigwa kwamyeenya yabanakazi abaalumi mubuumi;
- (c) kutambula akulangisisya ntongawuko/nyontooko zizwa kubulumbu akutola ntaamo zyakuzyotolola bulewusi kakweendelana abuleswusi bwakachitwa mbuuli mbiizibona Kkomishini;
- (d) kuchita mfukununo aatala azintu zyeendelene akweelana kwabanakazi abaalumi mumyeenya yabo mubuumi antoomwe akupa mizeezo atala amasandu anga alachitwa amilawu amachitilo abantu zinga zilachesya lusalulo lwabantu aatala akweelana kwabanakazi abaalumi mubuumi;
- (e) kupa mizeezo kutubunga twafulumende atuteensi twafulumende aatala antaamo zinga zilatolwa kuti kube kweelana kwamyeenya akati kabaalumi abanakazi mubuumi;
- (f) kupa mizeezo atala amabambe agwasizya kweelanisigwa kwamyeenya yabanakazi abaalumi mubuumi;
- (g) kupa mizeezo aatala akubetekwa kwabantu batyola zyelelo zigwasizya kweelanisigwa kwamyeenya yabanakazi abaalumi mubuumi;
- (h) kugwasizya bantu batyolelwa zyelelo zyabo zyeendelene akweelanisigwa kwamyeenya yabanakazi abaalumi mubuumi; kabiyo

- (i) kuchita nichiba chili chigwasizya kuti kuzuzikizigwe kweelana kwamyeenya yabanakazi abaalumi mubuumi.

247 Ngambo/Malipoti alembwa aKkomishini yaKweelanisigwa kwaMyeenya yaBanakazi aBaalumi MuZimbabwe

Aajulu kwalipoti/ngambo njiyelede kupa Palyamenti, mbuuli mbukwaambidwe muchibeeda 323, Kkomishini yaKweelanisigwa kwaMyeenya yaBanakazi aBaalumi muZimbabwe yeelede kuti achakufwambaana yatola lipoti kuPalyamenti, kwiinda kuli Silutwe waMutabi waFulumende wayo, aatala azimwi zyakachitikana mukweelanisigwa kwamyeenya yabanakazi abaalumi nzyibona lwayo Kkomishini kuti zyeelede kuzibisigwa Palyamenti.

CHIBAKA 5

KKOMISHINI YAZIMWAYA MILUMBE MUZIMBABWE

248 Kupangwa abwiime bwaKkomishini yaZimwaya Milumbe muZimbabwe

(1) Kuli Kkomishini itanootegwa Kkomishini yaZimwaya Milumbe muZimbabwe

- (a) sicheuno ugalwa aMuzulwidi waNyika kagwasyania aKkomiti yaNzila Zyameendelezyo aPalyamenti; kabiyo
- (b) bali musanu abatatu bagalwa aMuzulwidi waNyika kuzwa kumazina abantu aali kkumi awabili ngaapegwa aKkomiti yaNzila Zyameendelezyo aPalyamenti.

(2) Bantu banjila muKkomishini yaZimwaya Milumbe muZimbabwe beeledes basalwa kwiinda mubulemu mbubajisi aluzibo lwamulimu ndubalaalo muli zyazyeelo zyabantu, amachitilo mabotu muli zyakumwaywa kwamilumbe.

249 Milimu yaKkomishini yaZimwaya Milumbe muZimbabwe

(1) IKkomishini yaZimwaya Milumbe muZimbabwe ijisi milimu itobela—

- (a) kusungwaazya akusumpula kwaangunuka kwazimwaya milumbe munyika;
- (b) kusungwaazya akubona kuti zilookuchitwa zigwasizya kubeleka kabotu kwazimwaya milumbe;
- (c) kulangisisya mabelekelo anzila njimwaywa aayo milumbe kakutobelezegwa zintu zigwasya bulumbu , kapati kubona kuti takukwe lusalulano akutambula kusiyana kwamizeezo yaluundu lwaZimbabwe;
- (d) kusungwaazya kupangwa kwazyeede kutobelezegwa ababelesi bali mumilimu yakumwaywa kwamilumbe. Aawo mpuzitawo zyeelede kuchitwa Kkomishini yeelede kuzipanga akubona kuti zilookulemekwa;
- (e) kutambula akulangisisya ntongawuko zizwa kubulumbu akutola ntaamo zyakuzyotolola basimutola twaambo bachita bulewusi mukuchita milimu yabo naakuti batyola milawu/zyeelede kuchitwa ambabo;
- (f) kubona kuti bantu bamuZimbabwe bajana luzibo amilumbe minji munzila itakwe lusalulano;
- (g) kusungwaazya kubelesegwa akusumpulwa kwayoonse milaka izibikene zili mumulawu muZimbabwe;

- (h) kusungwaazya kubelesegwa kwazyabusongo bwamazuba aano (technology) mukumwaywa kwamilumbe aluzibo;
 - (i) kuzumizya aksusungwaazya mbunga/ng'anda zyandeene zimwaya milumbe; kabiyo
 - (j) kuchita mfukununo aatala azintu zyeendelene akwaangunuka kwazimwaya milumbe akwaangunuka kwanzila zyakwaambuula ,kabiyo akusungwaazya kubambululwa kwamilawu iyanda kubambululwa kuti kumwaywa kwamilumbe kuchitwe kabotu.
- (2) Mulawu upangwa aPalyamenti ukonzya kupa nguzu ku Kkomishini yaZimwaya Milumbe muZimbabwe kuti—
- (a) ipokoole akulangalanga—
 - (i) fumbwa nchito abube bwazintu bukachizya kwaangunuka kwazimwaya milumbe; kabiyo
 - (ii) machitilo azimwaya milumbe; kabiyo
 - (b) kutola ntaamo naakuti kupa mizeeo atala azinga zilachitwa mukuzyotolola basimutola twaambo abamwi babelesi bajanika muzimwaya milumbe batanooli batyola milawu naakuti kutalemeka zyeede kuchitwa ababeleka muzimwaya milumbe.
- (3) Mulawu upangwa aPalyamenti ukonzya kubikka nzila zyeede kutobelezewa ababeleka muzimwaya milumbe.

250 Malipoti/Ngambo zilembwa aKkomishini yaZimwaya Milumbe muZimbabwe

Aajulu kwalipoti/ngambo njiyeede kupa Palyamenti, mbuuli mbukwaambidwe muchibela 323, Kkomishini yaZimwaya Milumbe muZimbabwe yeede kuti achakufwambaana yatola lipoti kuPalyamenti, kwiinda kuli Silutwe waMutabi waFulumende wayo, aatala azimwi zyakachitikana zyakumwaywa kwamilumbe nzyibona lwayo Kkomishini kuti zyeede kuzibisigwa Palyamenti.

CHIBAKA 6

KKOMISHINI YALUUMUNO ALULEKELELANO MUNYIKA

251 Kupangwa abubumbwe bwaKkomishini yaLuumuno aLulekelelano Munyika

(1) Kwachiindi chaminyaka ili kkumi kuzwa buunsi nilitalika kubeleka Kkata Lyamulawu eeli, kunooli kkomishini itegwa niKkomishini yaLuumuno aLulekelelano Munyika ijisi bantu batobela—

- (a) sichuuno ugalwa aMuzulwidi waNyika kagwasyania aKkomishini yaBubetesi antoomwe aKkomiti yaNzila Zyameendelezyo aPalyamenti; kabiyo
- (b) bali musanu abatatu bagalwa aMuzulwidi waNyika kuzwa kumazina abantu aali kkumi awabili ngapegwaa aKkomiti yaNzila Zyameendelezyo aPalyamenti.

(2) Sichuuno wa Kkomishini yaLuumuno aLulekelelano Munyika uyeede kuba mutu wakabeleka muli zyamulawu kwachiindi chisika naakuti kwiinda minyaka musanu ayibili muZimbabwe.

(3) Kuti kugalwa kwasichuuno waKkomishini yaLuumuno aLulekelelano Munyika kakuteendelani amizeeo yakazwa kuKkomishini yaBubetes, Muzulwidi waNyika uyelede kwaambila Kkomiti yaNzila Zyameendeleyo aPalyamenti achakufwambaana.

(4) Bantu banjila mu Kkomishini yaLuumuno aLulekelelano Munyika beelederbasalwa kwiinda mubulemu mbubajisi aluzibo lwamulimu ndubalaalo akumvvisisisya zyakulekelelana, koomboozania, kumana mpyopyongano, kulekelelana kwabantu nilwamana luzyokola antoomwe anzila zyakubumba luumuno.

252 Milimu yaKkomishini yaLuumuno aLulekelelano Munyika

IKKomishini yaLuumuno aLulekelelano Munyika ijisi milimu itobela—

- (a) kubona kuti kwaba bululami nilwamana lupyopyongano/luzyokola, koomboozania/kumuzya aachisa akulekelelana kwabantu;
- (b) kuchita mabambe asumpula kumuzya aachisa kwanyika, kumvwanana lukamantano muZimbabwe akubelesya nzila zyalumuno mukumana mpyopyongano zyabawo;
- (c) kweeta lulekelelano munyika kwiinda mukusungwaazya bantu kuti baambe nchobeni aatala azyakachitikana nkukuti bagwasigwe mukujana lulekelelano abululami;
- (d) kupanga nzila atubunga twanyika yoонсе tusungwaazya kwaambuuzyania akati katubunga twazyakweendelezya nyika, luundu, mbungano antoomwe atumwi tubunga, nkukuti kuchesegwe kubawo kwampyopyongano muchiindi chiza;
- (e) kupanga mabambe akubona kuti bantu bakasonsegwa mubuumi, bajatwa buzike akukoloonsegwa bajana lugwasyo Iwakubusilisigwa, kusilikwa alugwasyo mubuumi;
- (f) kutambula akulangisisya ntongawuko/nyontooko zizwa kubulumbu akutola ntaamo zyakuzyotolola butongawusi abulewusi munzila iyelede;
- (g) kupanga nzila zyakubbutula mpyopyongano chakufwambaana kuchitila kuti luzyokola taluyaluuki mbuuli mulilo mpawo akutola ntaamo zyakuchesyka kubawo kwampyopyongano;
- (h) kuchita zyoонсе zikonzeka kuchitwa kukwabilila mpyopyongano akusungwaazya luumuno;
- (i) kumana mpyopyongano kwiinda mukwaambuzyania kwabantu muluundu, mumbungano, mutubunga antoomwe amulumwi awumwi wabantu; kabiyo
- (j) kupa mizeeo atala amilawu iyelede kubikkwa kuchitila kuti lugwasyo, kubikkiliza zilembwa, Iwapegwa kubantu bakaswaanana ampyopyongano, luzyokola abumwi buyumuyumu.

253 Ngambo/Malipoti alembwa aKkomishini yaLuumuno aLulekelelano Munyika

Aajulu kwalipoti/ngambo njiyelede kupa Palyamenti, mbuuli mbukwaambidwe muchibela 323, Kkomishini yaLuumuno aLulekelelano Munyika yelede kuti achakufwambaana yatola lipoti kuPalyamenti, kwiinda kuli Silutwe waMutabi waFulume wayo, aatala azimwi zyakachitikana zyalumuno alulekelelano munyika nzyibona Iwayo Kkomishini kuti zyeede kuzibisigwa Palyamenti.

CHAANDAANO 13

TUBUNGA TWAKULWANA BUBOLI ANTOOMWE AMILANDU

CHIBAKA 1

KKOMISHINI YANKAKA BUBOLI MUZIMBABWE

254 Kupangwa abwiime bwa Kkomishini yaNkaka Buboli muZimbabwe

- (1) Kuli Kkomishini itanootegewa Kkomishini yaNkaka Buboli muZimbabwe—
- (a) sichuuno ugalwa aMuzulwidi waNyika kajana mizeeo kuzwa kuKkomiti yaNzila Zyameendelezyo aPalyamenti; kabiyo
 - (b) musanu abatatu bagalwa aMuzulwidi waNyika kuzwa kumundanda wamazina usika kukkumi awabili naakuti kwiinda, mazina aayo kaali ayetwa aKkomiti yaNzila Zyameendelezyo aPalyamenti kuMuzulwidi waNyika.
- (2) Bantu beelete kujanika muKkomishini yaNkaka Buboli muZimbabwe beelete kusalwa nkaambo kabulemu mbabajisi, luzibo lwabo azyamulimu abuumi mukweendelezya akupokoolwa kwamilandu naakuti kulangika kwabo kabelela kugalwa; kabiyo
- (a) uumwi naakuti banji babo kwelede kabali bakayiila mulimu wazyabusimulawu kabiyo ukonzya kubeleka zyabusimulawu muZimbabwe, kali wakali kubeleka zyabusimulawu kwaminyaka isika musanu ayibili naakuti kwiinda;
 - (b) uumwi naakuti banji babo beelete kuti kabali bantu bakayiila mulimu wazyakulangalanga mabeleseyo amali naakuti kufunkulula mabeleseyo amali (public accountant /public auditor), kabiyo wakali kubeleka muZimbabwe zyakulangalanga/kufunkulula mabeleseyo amali kwachiindi chisika naakuti chiinda minyaka musanu ayibili; kabiyo
 - (c) uumwi naakuti banji babantu kabali bajisi minyaka isika naakuti kwiinda kkumi muli zyakupokoola akuyanduulilisywa bwiime bwamilandu.

255 Milimu yaKkomishini yaNkaka Buboli muZimbabwe

- (1) IKkomishini yaNkaka Buboli muZimbabwe ijisi milimu itobela:-
- (a) kupokoola akulangisisya bwiime bwamilandu yazyabuboli mumitabi atubunga twafulumende antoomwe amumakkampani alyiimikilide;
 - (b) kulwana buboli, bubbii, kubbigwa kwamali azintu, kutabelesegwa kabotu manguzu kwabazuluzi muzyuuno zyabo mumitabi yafulumende amutubunga /makkampani alyiimikilide;
 - (c) kusungwaazyaa busichaamba, mabeleseyo mabotu amali, bubalangale mumitabi atubunga twafulumende antoomwe amutubunga tulyiimikilide;
 - (d) kutambula, kulangisisya ntongawuko/nyontooko zizwa kubulumbu akutola ntaamo zyakuzyotolola ntongawuko mbuuli mbukwelede;
 - (e) kwaambila Nabbatule waBakapokola kuti apokoole akulangisisya milandu ilaatala abuboli mpawo akwaambila Kkomishini butebuzi butanooli bwazwa mubupokoozi bwachitwa;
 - (f) kutola zyaambo amilandu kuNkamu yaZyakusosela Milandu kuti milandu itolwe kunkuta;

(g) kujana lugwasyo kuzwa kuli Bakapokola ayimwi mitabi yafulumedne ipokoola milandu; kabiyo

(h) kupa mizeezo kuli fulumende abamwi bantu aatala akusungwaazya kulijata kuli kabotu kwatubunga amitabi yaFulumende antoomwe amutubunga tulyiimikilide;

(2) Nabbatule waBakapokola weelete kuswiilizya malayilile aazwa ku Kkomishini yaNkaka Buboli muZimbabwe mbuuli mbukwaambidwe mukabeela (1) (e).

(3) Fulumende weelete kubona kuti, kwiinda mukupanga mulawu azimwi ntaamo, Kkomishini yaNkaka Buboli muZimbabwe ilaamanguzu aakupa kuti muntu asungwe antoomwe akubetekwa ooyo wayeeyelwa kuti wakachita zyabuboli, watabelesya kabotu manguzu achuuno chakwe naakuti kutiljata kabotu kwamuntu munzila ichita mulandu mumeso aKkomishini yaNkaka Buboli muZimbabwe.

256 Kuchita zyaambidwe muChaandaano 12 kumulimu waKkomishini yaNkaka Buboli muZimbabwe.

Zyaambidwe muzibeela 234, 235, 236 a 237 zyeede kuchitwa kuKkomishini yaNkaka Buboli muZimbabwe antoomwe abantu bajanika mukkomishini eeyi mbukunga nikkomishini ilyiimikilide ipangwa kwiinda muChaandaano 12.

257 Malipoti alembwa aKkomishini yaNkaka Buboli muZimbabwe

Aajulu kwalipoti njiyelede kupa Palyamenti, mbuuli mbukwaambidwe muchibeela 323, iKkomishini yaNkaka Buboli muZimbabwe yeelede kuti, kwiinda kuli Silutwe waMutabi waFulumende, yatola lipoti kuPalyamenti, aatala akulijata kwababelesi mumitabi atubunga twafulumende amumakkampani alyiimkilide nzyibona kazyeelede kwaambilwa Palyamenti.

CHIBAKA 2

NKAMU YABASIKUSOSEL A MILANDU MUNKUTA

258 Kupangwa amilimu yaNkamu yaBasikusosela Milandu Munkuta

Kuli Nkamu yaBasikusosela Milandu Munkuta ilaamulimu wakutalika akwendelezya kusosela milandu munkuta kayiimikilila fulumende mumilandu yacriminal cases antoomwe akuchita imwi milimu iyelede nikusoselwa milandu munkuta eeyo itanooli yasundwa.

259 Nabbatule waBasikusosela Milandu Munkuta (Prosecutor-General) abamwi babelesi

(1) Kuli Nabbatule waBasikusosela Milandu Munkuta kakuli ngusilutwe waNkamu yaBasikusosela Milandu Munkuta (Prosecutor-General).

(2) Chuuno chabuNabbatule waBasikusosela Milandu Munkuta nchuuno chababelesi baluundu pesi teensi bamwi abaBabelesi baFulumende.

(3) Nabbatule waBasikusosela Milandu Munkuta ugalwa aMuzulwidi waNyika kapegwa mizeezo aKkomishini yaBubetes i kakutobelegwa nzila zyakugalwa kwamaJaji kuti anjile mulimu.

(4) Nabbatule waBasikusosela Milandu Munkuta uyelede kuba muntu ukonzya kupegwa mulimu wabuJaji bwaNkuta Yaajulujulu.

(5) Bulamfu bwakukkala muwofesi bwa Nabbatule waBasikusosela Milandu minyaka musanu awumwi pesi ukonzya kupegwa uumbi mweenya wabulamfu bwaminyaka bweelene abwakutaanguna.

(6) Katana talika kubeleka Nabbatule waBasikusosela Milandu Munkuta weelede kukonka chikonke kunembo IyaMuzulwidi waNyika naakuti kunembo kwawumwi muntu wapegwa mvumo aMuzulwidi waNyika, bwiime bwachikonke buli muMpampikwa Yatatu.

(7) Zitobelezegwa mukugwisya Jaji mulimu nzizyo zitobelezegwa mukugwisya Nabbatule waBasikusosela Milandu Munkuta kuzwa amulimu.

(8) Mifolo alumwi lugwasyo lupegwa babelesi amulimu lweendelene a Nabbatule waBasikusosela Milandu Munkuta, zyeede kupandululwa kabotu aMulawu upangwa aPalyamenti. Pesi mufolo wakwe tuyelede kuselusigwa pe Nabbatule waBasikusosela Milandu Munkuta kachili achuuno.

(9) Mufolo wa Nabbatule waBasikusosela Milandu Munkuta uzwa kuNkomo Mpati yaFulumende (Consolidated Revenue Fund).

(10) Mulawu upangwa aPalyamenti uyelede kwaamba aatala akupangwa kwaBboodi lyeeede kupandulula kunjiziga milimu kwababelesi bagwasizya Nabbatule waBasikusosela Milandu Munkuta—

- (a) nzibeeede kubaazyo kuti banjile milimu;
- (b) mifolo yabo ambubeeede kulijata amulimu;
- (c) akuti nibachita milimu yabo kweelede babelesi aabo kabalyimkilide akulisanta kabatobeleyza mulawu luzutu, kuswiilizya malayilile anzyotololo zizwa kuli Nabbatule waBasikusosela Milandu Munkuta;
- (d) zyabwiime abubumbwe bwaNkamu yaBasikusosela Milandu Munkuta; kabiyo
- (e) kugwasizya mumabelekelo aabo bamuNkamu yaBasikusosela Milandu Munkuta.

(11) Nabbatule waBasikusosela Milandu Munkuta ukonzya kwaambila Nabbatule waBakapokola kuti apokoole akulangisisya mulandu. Butebuzi mbwatanooli wajana mukupokoola kwakwe aambil Nabbatule waBasikusosela Milandu Munkuta. Kabiyo Nabbatule waBakapokola uyelede kutobeleyza malayilile aazwa kuli Nabbatule waBasikusosela Milandu Munkuta.

260 Kulyiimkilila akulisanta kwa Nabbatule waBasikusosela Milandu

(1) Kwiinda muKkata Lyamulawu eeli, Nabbatule waBasikusosela Milandu Munkuta—

- (a) uli lyiimkilide kabiyo tayelede kuchelezegwa pe mukubeleka kwakwe awumwi muntu; kabiyo
- (b) weelede kuchita milimu yakwe kalyiimvwilidi akulisanta katayoowi akufwida bamwi bantu luse.

(2) Nabbatule waBasikusosela Milandu Munkuta uyelede kuchita akumwaya kuluundu ndemeko nzyatobeleyza mukulangisisya aakupokoolwa kwamilandu yabantu.

261 Mbubelede kulijata babelesi baNkamu yaBasikusosela Milandu Munkuta

(1) Nabbatule waBasikusosela Milandu Munkuta ababelesi bamuNkamu yaBasikusosela Milandu Munkuta beelede kulijata munzila yaambidwe muKkata Lyamulawu eeli ayimwi milawu.

(2) Taakwe mubelesi waNkamu yaBasikusosela Milandu Munkuta uyelede kuti nachita milimu yakwe—

- (a) kachita zyakabunga kakweendelezya nyika;
- (b) kuzuzikizya mpalamo zyakabunga kakweendelezya nyika;
- (c) kudyaamizya ziyanda kuchitwa akabunga kazyakweendelezya nyika zili mumulawu;
- (d) Kutyola akutalemeka zyeelelo angwangunuko zyaampandamunsaka zyanaba uuli muntu.

(3) Babelesi baNkamu yaBasikusosela Milandu Munkuta tabeelede pe kunjila muzyuuno zyatubunga twazyakweendelezya nyika naakuti imwi mbungano biyo.

(4) Mulawu upangwa aPalyamenti ukonzya kwaamba zimwi zinga zilagwasizya mukuchita kuti babelesi baNkamu yaBasikusosela Milandu Munkuta tabanoonjili munchito amilimu yazyatubunga twazyakweendelezya nyika.

262 Nabbatule waBasikusosela Milandu Munkuta weeleded kupa lipoti kuPalyamenti munyaka amunyaka.

Nabbatule waBasikusosela Milandu Munkuta weeleded kupa Palyamenti lipoti lyazyakachitika mumunyaka wonse, kwiinda muli Silutwe waMutabi waFulumende wakwe. Lipoti eeli lyamunyaka wayinda lyeelede kupegwa Palyamenti mukati kamyeesi musanu awumwi kuzwa nuwatalika munyaka mupya.

263 Amwi manguzu aakusosela milandu.

Mulawu upangwa aPalyamenti ukonzya kupa manguzu aakusosela milandu kuli bamwi bantu batajaniki muNkamu yaBasikusosela Milandu Munkuta pesi nguzu eezyo tazyeelede kwiimpana pe anguzu zipedwe Nkamu yaBasikusosela Milandi Munkuta mbuuli mbukwaambidwe muChibaka eechi.

CHAANDAANO 14

FULUMENDE WACHILIKITI AWABBOOMA

NTALISYO

Nikuba kuti kulayandikana kubona kuti:

- (a) kwakwabililwa lukamantano lwanyika yaZimbabwe akulwana zyonse nzila zinga zilapa kutamvwanana kwabantu akupambuka kwachimwi chipanzi chanyika;
- (b) kugwasizya akunjilingana kwabenichisi mubulelo bwajandabanji munyika yabo yaZimbabwe; kabiyo
- (c) kwaabilwa kweelene kwazibelesyo azilengwa-leza zijanika munyika antoomwe akunjilingana kwabulumbu mumabambe alusumpuko lwabusena;

kweelede kwaba kuselusigwa kwanguzu zyakulela nyika kuzwa kuli fulumende mupati wakujulu kwachisi kuza kuli fulumende waansi kuchilikiti akubbooma munyika yaZimbabwe.

PART 1 CHIBAKA 1

NTALISYO

264 Kwaabwa kwanguzu zyakulela nyika kuzwa kuli fulumende mupati kusika kuli fulumende waansi, nguzu zipedwe antoomwe amilimu yeelede kuchitwa

(1) Aawo mpukwabonwa kakweelede, nguzu antoomwe amilimu yafulumende, zyaabwa akuselusigwa kumakkansili azilikiti, madolopo mapati antoomwe amabbooma kuti eezi zibela kazikonzya kubalesya nguzu akuchita milimu iyelede kuchitwa munzila iidodonkene.

(2) Impalamo zyakwaabwa akuselusigwa kwanguzu zyafulumende kuzwa kujulu kusika kumakkansili azilikiti, madolopo mapati amabbooma nzezi:-

- (a) kupa nguzu kubantu zyakweendelezya bukkale bwabo muzibeela zyazilikiti, madolopo mapati amabbooma kabiyo kabanjilingana mukweendelezegwa kwamasena aabo akupa mizeeo mulusumpuko lwamasena aabo;
- (b) kusungwaazy aulelo bwajandabanji, bulelo budodonkene, bubalangala, bukamantene munyika yaZimbabwe mbiizulwa;
- (c) kutilizya akusungwaazy luuumno, lukamantano lwachisi abugodobiime bwanyika yaZimbabwe;
- (d) kubona kuti kweelede bulumbu bwajana cheelelo chakulyeendelezya mubulelo bwabo akusumpula chisi munzila njibayanda;
- (e) kubona kuti kuli kwaabana kweelene kwazilengwa-leza zijanika munyika mbiizulwa amumasena aamuluwa; kabiyo
- (f) kutola zibelesyo antoomwe amikuli iyelede kuchitwa kuzwa kuli fulumende waajulu kuya kuli fulumende wazibeela zilaansi kuchitila kuti kupangwe mabeleseyo azyamali muli chimwi achimwi chilikiti , dolopo pati abbooma.

265 Ndemeko zyeelede kujanika muli fulumende wachilikiti, dolopo abbooma

(1) Makkansili azilikiti, madolopo mapati amabbooma ayelede kuti mukati kanguzu nzyaapegwa-

- (a) babona kuti kuli bweendelezi buzikitide mumasena aabo kwiinda mukudodonkania machitilo abweendelezi bwabo munzila iibalangala yakuchita akulemeka ziyandwa abulumbu;
- (b) bachita milimu eeyo njibakapegwa luzutu aKkata Lyamulawu eeli naakuti aMulawu upangwa aPalyamenti;
- (c) kuchita milimu yabo munzila itakolonganyi akunjilila mumabelekelo azimwi zibela zyafulumende;
- (d) babelekela aamwi azimwi zibela zyafulumende munyika, kapati kwiinda munzila—
 - (i) yakuzibisyania akugwasizyania mumizeeo aatala azimwi zintu nzibeede kubelekelaamwi;
 - (ii) kuchita milimu yabo ipa kuti kube kubelekelaamwi akumvwanana;
- (e) kukwabilila luuumno, lukamantano lwachisi abugodobiime bwanyika yaZimbabwe

- (f) kubona kuti bulumbu buleledwe akweendelezegwa kabotu; kabiyo
- (g) kubona kuti bulumbu bwayimkililwa munzila ibukkutya muzintu nzibuyanda mumasena aabo.

(2) Boonse bayiminini mumakkansili amadolopo amabbooma kweelede kabasalwa aabantu balembesezye kuvoota mumasena aayo;

(3) Mulawu upangwa aPalyamenti uyelede kupandulula mbukweelede kuchitwa kuti kube kubekelana kuli kabotu akati ka fulumende mupati wanyika abafulumende bamumakkansili.

266 Kulijata kwababelesi bafulumende wachilikiti mumadolopo mapati amumabbooma

(1) Babelesi bamukkansili yachilikiti, mumadolopo mapati amumabbooma beelete kulijata munzila yaambidwe muKkata Lyamulawu eeli antoomwe ayimwi milawu.

(2) Taakwe mubelesi wamukkansili yamuchilikiti, mudolopo pati amubbooma uyelede kuti naachita milimu yakwe—

- (a) wanjizya zyakamwi kabunga kakweendezya nyika;
- (b) wazuzikizya mpalamo zyakabunga kakweendezya nyika;
- (c) wadyaamizya ziyanda kuchitwa akabunga kazyanyika zili mumulawu;
- (d) watyola akutalemeka zyeelelo angwangunuko zyaampandamunsaka zyanikuba uuli muntu.

(3) Babelesi bamukkansili yachilikiti, mudolopo pati amubbooma tabeelede pe kunjila muzyuuno zyatubunga twazyakweendelezya nyika naakuti imwi mbungano biyo.

(4) Mulawu upangwa aPalyamenti ukonzya kwaamba zimwi zinga zilagwasizya mukuchita kuti babelesi bamukkansili yachilikiti, mudolopo pati amubbooma tabanoonjili munchito amilimu yazyatubunga twakweendelezya nyika.

CHIBAKA 2

ZILIKITI AMAKKANSILI AAZILIKITI AMADOLPO-MAPATI

267 Zilikiti amabbooma amuZimbabwe

(1) Zilikiti mwigaanwidwe nyika yaZimbabwe nzezi-

- (a) Chilikiti chaDolopo pati lyaBulawayo
- (b) Chilikiti chaDolopo pati lyaHarare
- (c) Chilikiti chaManicaland
- (d) Chilikiti chaMashonaland Central
- (e) Chilikiti chaMashonaland East
- (f) Chilikiti chaMashonaland West
- (g) Chilikiti chaMasvingo
- (h) Chilikiti chaMatabeleland North
- (i) Chilikiti chaMatabeleland South; kabiyo
- (j) Chilikiti chaMidlands

migaano yazyo zilikiti eezi ilipandulwidwe muMulawu upangwa aPalyamenti.

(2) Mulawu upangwa aPalyamenti—

(a) weelede kupandulula kugaanunwa kwazilikiti kakuchitwa migaano yamabooma; kabiyo

(b) kupandulula mbukunga migaano yazilikiti amabooma ilabambululwa; kwiinda mukupana mizeeo aKkomishini yaNsaluuzyo muZimbabwe abantu bajanika muzilikiti amumabooma alaamigaano iyanda kubambuululwa.

268 Makkansili amuZilikiti

(1) Kuli kkansili yachimwi achimwi chilikiti, aanze kwa dolopo pati, ibumbidwe boobu—

(a) sichuuno wakkansili, usalwa kwiinda muchibeela 272;

(b) maseneta bakasalwa bakkala muchilikiti eecho;

(c) maseneta obile baami bakasalwa kuzwa muchilikiti eecho kwiinda muchibeela 120(1)(b);

(d) muzulwidi awutobelwa muzulwidi waKkansili Yabaami Yanyika Yoonse oomo muzilikiti mubajanika;

(e) boonse bayiminini bamuNg'anda Yaansi Yamilawu balaamakkonsitichwensi ajanika muchilikiti eecho;

(f) banakazi bayiminini muNg'anda Yaansi Yamilawu basalwa kwiinda muchibeela 124(1)(b) bazwa muchilikiti eecho;

(g) mameya abasichuuno bamadolopo mapati amabooma aajanika muchilikiti eecho; kabiyo

(h) bantu balikkumi basalwa kwiinda mukwiimikililwa kwabantu kaziya abwiingi bwabo mbuuli mbuzyaambidwe mukabeela (3).

(2) Muntu uyelela kusalwa kunjila muKkansili yachilikiti kwiinda mukabeela (1)(h) kuti kakonzya kusalwa kuba mwiiminini wakuNg'anda Yaansi Yamilawu.

(3) Nsaluuzyo zyakusala banjila mukkansili yachilikiti zyeelede kuchitwa kakutobelegwa Mulawu waNsaluuzyo, uyelede kubona kuti bantu baambwa mukabeela (1)(h) basalwa kabalaansi kwatubunga twazyanyika kakulangwa buvule abwiingi bwabantu bweelanisigilwe (*proportional representation*).

(a) eezyo zizwa mukulangisisya mavooti abayiminini bayiminina tubunga twazyanyika muchilikiti eecho munsaluzyo zyakusala kwabazulwidi basiyenesiyene abayiminina masena muNg'anda Yaansi Yamilawu; kabiyo

(b) aawo banakazi abachaalumi bayiminini kabalemedwe kabatobelana akwiinzyaania mumalembe kabiyo amwi awamwi malembe kaazulwidwa aamazina abanakazi.

(4) Chuuno chamwiiminini wamukkansili yachilikiti waambidwe mu—

(a) fuka (b), (c), (e) naakuti (f) lyakabeela(1) ngachasyaala kachitachikwe muntu kuti muntu ooyo wasiya chuuno chakwe muPalyamenti;

(b) fuka (g) lyakabeela (1) chuuno chisyaala kachitakwe muntu kuti muntu waleka kuba Meya naakuti sichuuno wakkansili yabooma muchilikiti eecho;

(c) fuka (h) lyakabeela (1) chuuno chisyaala kachitakwe muntu kuti zyaambidwe muchibeela 129 aanga muntu wakali mwiiminini wamuPalyamenti.

269 Makkansili aMadolopo Mapati

(1) Muli limwi alimwi dolopo pati kujanika kkansili yadolopo pati, eeyo iijisi bantu batobela—

- (a) mudolopo lyaBulawayo, Meya wadolopo eeli ngusichuuno wakkansili yadolopo pati eeli;
- (b) mudolopo lyaHarare—
 - (i) Meya wadolopo lya Harare, ngusichuuno wakkansili yadolopo pati lyaHarare; kabiyo
 - (ii) meya naakuti sichuuno wadolopo pati litobela Harare kukomena muchilikiti, ngu mutobezezi wasichuuno wakkansili yadolopo pati lyaHarare;
- (c) boonse bayiminini bamuNg'anda Yaansi Yamilawu balaamakkonsitichwensi ajanika muchilikiti chadolopo pati eelyo;
- (d) banakazi bayiminini muNg'anda Yaansi Yamilawu basalwa kwiinda muchibeela 124(1)(b) bazwa mumasena achilikiti chadolopo pati eelyo;
- (e) maseneta basalwa muchilikiti chadolopo pati eelyo; kabiyo
- (f) maMeya, batobela mameya abasichuuno ababatobela bamakkansili woosne aajanika muchilikiti chadolopo pati eelyo.

(2) Chuuno chamwiiminini wamukkansili yachilikiti chadolopo pati waambidwe mu—

- (a) fuka (a) naakuti (b) lyakabeela (1) chuuno chisyaala kachitachikwe muntu kuti muntu waleka kuba Meya naakuti mutobeli waMeya naakuti sichuuno wakkansili, fumbwa zili nzizyo;
- (b) fuka (c), (d) naakuti (e) lyakabeela(1) ngachasyaala kachitachikwe muntu kuti muntu ooyo wasiya chuuno chakwe muPalyamenti;
- (c) fuka (f) lyakabeela (1) chuuno chisyaala kachitakwe muntu kuti muntu waleka kuba Meya naakuti mutobeli waMeya naakuti sichuuno amutobeli wasichuuno wakkansili, fumbwa zili nzizyo, wabooma/dolopo lijanika mukati kachilikiti chadolopo pati;

270 Milimu yamaKkansili muzilikiti zyamadolopo mapati

(1) Ikkansili yachilikiti naakuti dolopo pati ilaamulimu wakubona kuti busena bwayo bulookujana lusumpuko lwabantu mubukkale amubuvubi bwabo, kubikkilizya-

- (a) kuchita mabambe akwaayendelezya mukusumpula bukkale abuvubi bwabantu muchilikiti;
- (b) kweendelezya mabambe alusumpuko aafulumende wanyika mbiizulwa mubusena bwayo;
- (c) kuchita mabambe akwaayendelezya alatala akukwabilila kubotya akujata kabotu zilengwaleza zijanika muchilikiti eecho;
- (d) kusungwaazya kuswaya kwabantu bayanda kubona masena aswaayilwa muchilikiti antoomwe akwaasumpula masena aayo;
- (e) kuchita ndangemusule akulangisisya mabeleseyo azibelesyo zijanika muchilikiti; kabiyo
- (f) kuchita nuuba uuli mulimu , kubikkilizya kupanga milawu, iinga ilapegwa makkansili kwiinda muMulawu upangwa aPalyamenti;

(2) Mulawu upangwa aPalyamenti uyelede kupandulula zyakupangwa, bwiime ababelesi bajanika mukkansili yachilikiti amukkansili lyadolopo pati antoomwe ambubanga baleendelezya milimu yabo.

(3) Bantu bajanika mukkansili yachilikiti amudolopo pati balaabulambe, kabalaamwi naakuti umwi awumwi, bwakubelekela bulumbu bukkala muchilikiti mbubelede kuchitilwa akuchitila fulumende wanyika mbiizulwa nzyayelete kuchitilwa.

271 Makkomiti aamakkansili amuzilikiti

Kuchitila kuti abeleke kabotu milimu yavo, makkansili aamuzilikiti amumadolopo mapati akonzya kubumba makkomiti pesi makkomiti aayo ayelete kuzulwidwa abantu baambidwe muchibela 268(1)(h) naakuti 269(1)(h) mbuuli mbukwelede.

272 Basichuuno bamakkansili amuzilikiti

(1) Kumuswaangano mutaanzi nikwazwa aakuchitwa nsaluuzyo zyakusala bazulwidi basiyenesiyene nyika mbiizulwa, ikkansili yachilikiti yeelede kusala sichuuno kuzwa kumazina ngibapegwa aayinda aabiliaabantu bakonzya kusalwa:-

- (a) akabunga kazyakweendelezya nyika kakajana mavooti manji kwiindila mukusalwa kwabayiminini baNg'anda Yaansi Yamilawu bamuchilikiti eecho; naakuti
- (b) kuti kakutakwe kabunga kakweendelezya nyika mbuuli mbukwaambidwe mufuka (a), kabunga kakweendelezya nyika kakajana mavooti manji mukusalwa kwabazulwidi bayiminina Ng'anda Yaansi Yamilawu.

(2) Muntu ukonzya kusalwa kuba sichuuno wakkansili yachilikiti kuti kakuli ukonzya kusalwa kuba mwiiminini wamuNg'anda Yaajulu Yamilawu (Seneti).

(3) Wofesi yaSichuuno wakkansili yachilikiti njakubelekela luundu pesi lwakwe sichuuno teensi mubelesi wafulumende.

(4) Katana talika kubeleka, sichuuno wakkansili yachilikiti uyelede kuchita chikonke kunembo kwaMulembi wakkanisli yachilikiti, chikonke chakulibombya achamulimu wakwe mbuuli mbukwaambidwe muMpampikwa Yatatu.

(5) Sichuuno wakkansili yachilikiti ukonzya kusiya mulimu kwiinda mukuzibisyaa kkansili yachilikiti lwakwe.

- (6) Sichuuno wakkansili yachilikiti uyelede kusiya chuuno chakwe—
 - (a) buzuba kkansili niyaswaanana kwalutaanzi nikwazwa kusalwa bazulwidi basiyenesiyene munsaluuzyo zyanyika yoonse;
 - (b) kuti katachikonyi kuba umwi wabayiminini bakkansili yachilikiti;
 - (c) kuti kkansili yachilikiti yazuminana kuti agwisigwe kuzwa muwofesi kwiinda mukuzuminana kwabantu basika kuntompa-chaala kwabantu bajanika mukkansili yachilikiti; naakuti
 - (d) wagwisigwa muwofesi akabunga kakasalwa kuti kalangelange mabelekelo aakwe mbuuli mbukwaambidwe mukabela (7).

(7) Mulawu upangwa aPalyamenti uyelede kupandulula zyakupangwa kwakabunga kalyiimkilide kakonzya kugwisa basichuuno bamakkansili aamuzilikiti kuzwa mumawofesi, pesi kugwisigwa kwabasichuuno muzyuuno zyabo kwelede kuchitwa kakutobelezegwa zezi zitobela—

- (a) kutakonzya kuchita milimu yakwe nkaambo kakusondoka naakuti kulemana;

- (b) kutakonzya mulimu wakwe munzila iiyindilide;
- (c) kusunda mulandu mupati loko;
- (d) kujanwa kalaamulandu ankuta, mulandu ulaachakuchita akuubula bulemu bwakwe, buboli akutabelesya kabotu chuuno chakwe; naakuti
- (e) kutyola mulawu achaali kubikkilizya tulawulawu twakabikkwa akkansili.

(8) Sichuuno wakkansili yachilikiti takonzyi kuzwa achuuno domane kwiinda mumalayilile awambidwe muchibela eechi.

273 Zimwi zinga zilaambwa aatala amakkansili amuzilikiti amumadolopo mapti

(1) Mulawu upangwa aPalyamenti weelede wapandulula, kazyeeendelana aChaandaano eechi, zyakupangwa antoomwe amilimu yamakkansili yamuzilikiti amumadolopo mapati, kapati aatala—

- (a) akweendelezegwa kwamakkansili aazilikiti amadolopo mapati;
- (b) milimu yabasichuuno bamakkansili aamuzilikiti amumadolopo mapati;
- (c) mifolo amabelekelo abantu bajanika mumakkansili aamuzilikiti amumadolopo mapati; kabiyo
- (d) kunjizigwa milimu, mifolo, mabelekelo akugwisigwa milimu kwababelesi bamukkansili yachilikiti amudolopo pati.

(2) Mulawu waNsaluuzyo uyelede kupandulula, kazyeeendelana aazili muChaandaano eechi, kuzuzikizigwa kwazimanga zyachitika kubantu batanooli bazwa mumakkansili aazilikiti zyaambwa muchibela 268(1)(f) akunjila muchuuno chasichuuno kuti wazwa sichuuno, kabiyo chuuno chasyala kachitachikwe mutu chikonzya kuzuzikizigwa—

- (a) amuntu uzwa kukabunga kazyakweendelezya nyika kakabikkide ooyo wasiya chuuno naakuti wofesi; kabiyo
- (b) aanze kwabusichuuno, zimwi zyuuno zyeelede kutolwa amuntu ukozyania awakasiya chuuno eecho, kuti wakali mwaalumi ngakunjizigwe mwaalumi kabiyo kuti wakali mwanakazi ngakunjizigwe mwanakazi.

CHIBAKA 3

FULUMENDE WADOLopo/WABBOOMA

274 Fulumende/kkansili yadolopo

(1) Kuli makkansili amadolopo aakwiimikilila akweendelezya bukkale bwabantu bajanika mumadolopo munyika yoonse yaZimbabwe.

(2) Makkansili amadolopo ayendelezegwa amakkansili aajisi makkansela basalwa abantu balembesezye kuvoota mumasena aayo mubakkala mumadolopo kaazulwidwa abaMeya basalwa naakuti basizyuno, fumbwa zina ndibapegw.

(3) Misyobo yamakkansili yamumadolopo asiyenesiyene ikonzya kupangwa kabiyo madolopo aabili naakuti kwiinda aabili akonzya kubikkwa mubweendelezi bwakkansili yomwe.

(4) Ziyandikana azyeelede kutobelezegwa mukuchita nsaluuzyo yabantu baambidwe mukabeela (2) zyeelede kudondomekwa muMulawu wazyaNsaluuzyo.

(5) Mulawu upangwa aPalyamenti ukonzya kupa nguzu kumaMeya abasichuuno bamakkansili amadolopo, pesi fumbwa Meya naakuti sichuuno wapegwa nguzu eezi weelede kusalwa abantu bakalebesya kuvoota mubusena mujanika kkansili eeyo.

275 Kkansili yabbooma yamumyuunzi

(1) Kuli makkansili amumyuunzi apangwa kwiinda muchibela eechi, kuchitila kuti ayiminine akwendelezya bukkale bwabantu bamuluzeva.

(2) Mulawu upangwa aPalyamenti uyelede kupandulula zya—

- (a) kupangwa kwamakkansili amumyuunzi;
- (b) kusalwa, abantu bakalembesa kuvoota mubbooma limwi alimwi, kwamakkansili beeletee kweendelezya bukkale bwamabbooma awambidwe mufuka (a) aajulu;
- (c) kusalwa kwabasichuuno, naakuti zimwi zyuuno nzibitwa aazyo, kuti bazulwide makkansili awambwa mufuka (b); kabiyo
- (d) ziandikana kuti muntu asalwe kuba umwi wamakkansili awambwa mufuka (b).

(3) Misyobo isiyenesiyene yamakkansili ikonzya kupangwa yamasena asiyenesiyene amumyuunzi, kabiyo aabili naakuti aayinda aabili makkansili akonzya kubikkwa mubwendelezi bwakkansili yomwe.

276 Milimu yamakkansili amumabbooma/mumyuunzi

(1) Kwiinda muKkata Lyamulawu eeli amuMulawu upangwa aPalyamenti, kkansili ilaanguzu zyakwendelezya busena, ayilikke, amakkalilo abantu bajanika mubusena muyakapangwa, kabiyo ijisi wonse manguzu akuchita mulimu ooyu.

(2) Mulawu upangwa aPalyamenti ukonzya kupa nguzu amilimu kukkanisili yabbooma, kubikkilizya—

- (a) manguzu aakuchita milawu, ayimwi miteto-teto igwasizya kwendelezegwa kwamasena ngiyakabumbilwa kkansili eeyo;
- (b) nguzu zyakwaamba mali zyeelede kubbadalwa abantu bakkala mubusena oobo (taxes/rates) kuchitila kuti ijane mali zyakwendelezya akusumpula busena oobo.

277 Kusalwa kuba kkansela

(1) Kusalwa kwamakkansela kweelede kuchitwa—

- (a) munsaluuzyo zyakusalwa bazulwidi basiyenesiyene munyika yoonse nikusalwa maMeya amakkansela abayiminini bakuPalyamenti antoomwe aMuzulwidi waNyika;
- (b) amukusalwa kkansela nikutali chiindi chakusalwa bazulwidi basiyenesiyene kuzuzikizya chuuno chasiigwa awumwi kkansela/bamwi makkansela basiya zyuuno achakufwambaana.

(2) Nsaluuzyo zyamaMeya abasichuuno bamakkansili aamabbooma amadolopo, aanze kwamaMeya abasichuuno bapegwa nguzu mpati kwiinda muchibela 274(5), zyeelede kuchitwa mumuswaangano mutaanzi wamakkansili aayo nikwazwa kuchitwa nsaluuzyo zyakusalwa bazulwidi basiyenesiyene nyika yoonse.

(3) Aanze kwawaawo mpukwambidwe mukabeela (2) naakuti muMulawu upangwa aPalyamenti, maMeya, basichuuno amakkansela bamadolopo amabbooma beeletee kutilika mulimu wabo mubuzuba bwamusana amazuba aane kuzwa buensi nikwaambilizigwa bakazunda munsaluuzyo zyakusalwa kwabazulwidi basiyenesiyene mubakasalwa abalabo.

278 Bulamfu bwachiindi nchibanga balakkala muzyuuno makkansela

(1) Chuuno chaMeya, sichuuno naakuti kkansela wadolopo naakuti bbooma chisyaala kachitachikwe mutu luzutu kwiinda mumalayilile awambidwe muchibeela 129, aanga mwiiminini waNg'anda Yamilawu (Palyamenti), fumbwa kwaamba Sichuuno waNg'anda Yaansi Yamilawu naakuti Muzulwidi waSenenti muchibeela 129(1)(k), zinooli kakwaambwa Silutwe waMutabi waFulumende uubona zyabafulumende bazilikiti madolopo amabooma.

(2) Mulawu upangwa aPalyamenti uyelede kupandulula kubumbwa kwakabunga kalyiimkilide kakonzya kuchita milimu yakugwisya aazyuuno maMeya, sichuuno amakkansela, pesi kugwisigwa kwabantu aaba muzyuuno kweelede kuchitwa kwiinda muli zeezi zyaambidwe aansi—

- (a) kutakonzya kuchita milimu yakwe nkaambo kakusondoka naakuti kulemana;
- (b) kutakonzya mulimu munzila iiyindilide;
- (c) kusunda mulandu mupati loko;
- (d) kujanwa kalaamulandu ankuta, mulandu ulaachakuchita akuubula bulemu bwakwe, buboli akutabelesya kabotu chuuno chakwe; naakuti
- (e) kutyola mulawu achaali kubikkilizya tulawulawu twakabikkwa akkansili.

(3) Meya, sichuuno naakuti kkansela wakkansili yadolopo naakuti bbooma takonzyi kuzwa achuuno domane kwiinda mumalayilile awambidwe muchibeela eechi.

279 Meendelezyo aaKkansili yabbooma mumyuunzi

Mulawu upangwa aaPalyamenti uyelede kupandulula zyameendelezyo ayelede kuchitwa amakkansili amuluzeva.

CHAANDAANO 15

BAZULUZI BABULONGO

280 Buzuluzi bwabulongo

(1) Bube bwabuzuluzi bwabulongo, bwiime bwabo amilimu yabo kwiinda mumilawu yansiku /chintu buzibikene zili mumulawu.

(2) Muzuluzi wabulongo ulaabulambe bwakweendelezya tunsiyansiya, milawu yansiku yabulongo amilimu yaMwaami.

281 Ndemeko zyelede kulangisisigwa abazuluzi babulongo

- (1) Bazuluzi babulongo beeled—
 - (a) kuchita milimu yabo kabatobeleyza Kkata Lyamulawu eeli antoomwe amilawu yamuZimbabwe yoonse;
 - (b) kulemeka tunsiyansiya tulangene abuzuluzi bwabulongo akuchita milimu yabo izuzikizya bube bwabo mbuuli mbubazibikene bazuluzi babulongo muKkata Lyamulawu eeli; kabiyo
 - (c) kujata bweelene bantu boonse bali mumasena alaansi lyabo.
- (2) Bazuluzi babulongo tabeelede pe—
 - (a) kunjila mutubunga twakweendelezya nyika naakuti kunjilingana mumilimu yatubunga twazyanyika;
 - (b) kuchita zyakabunga kakweendelezya nyika;

- (c) kuzuzikizya mpalamo zyakabunga kakweendelezya nyika; naakuti
- (d) kutyola akutalemeka zyeelo angwangunuko zyaampandamunsaka zyanikuba uuli muntu.

282 Milimu yabazuluzi babulongo

- (1) Bazuluzi babulongo bajisi milimu itobela mumasena aabo mubajanika—
 - (a) kusungwaazya akubona kuti tunsiyansiya twaluundu tulookutobelezegwa, kapati kusungwaazya kwiiimikila akujatwa kabotu kwampuli;
 - (b) kutola ntaamo zyakukwabilila akusungwaazya kutobelezegwa kwatunsiyansiya, zyansiku, ngano, azyakatusila bensiku zijanika muluundu kubikkilizya malende aatondwa;
 - (c) kubona kuti lusumpuko lulookuchitika mibusena bwabo;
 - (d) kwiiinda muMulawu upangwa aPalyamenti, kweendelezya busena anyika yamumaluzeva akukwabilila zituzyungulukide azilengwa-leza zyamibusena bwabo;
 - (e) kumana mpyopyongano zichitika akati kabantu mbibazulwida kakutobelezegwa milawu atunsiyansiya twaluundu lwabo; kabiyo
 - (f) kuchita imwi milimu njibapegw aMulawu upangwa a Palyamenti
- (2) Aanze kwazyaambidwe muMulawu upangwa aPalyamenti, bazuluzi babulongo bajisi nguzu zyakweendelezya maluzeva/ nyika yamuluzeva naakuti masena ngibapegw kuti beendelezye antoomwe aboonse bantu bujanika mumasena aayo.
- (3) Mukuchita milimu yabo, bazuluzi babulongo tabeelede kunjililwa aabamwi bantu pe naakuti tumwi tubunga nikuba twafulumende, aanze kwawaawo mpukwaambidwe aMulawu upangwa aPalyamenti.
- (4) Mulawu upangwa aPalyamenti uyelede kupandulula mbubelede kulijata bazuluzi babulongo.

283 Kunjizigwa akugwisigwa kwabazuluzi babulongo muzyuno

Mulawu upangwa aPalyamenti uyelede kupandulula zitobela kawutobelezya tunsiyansiya abukkale bujanika mibusena bumwi abumwi—

- (a) kunjiziga muzyuno, kujana bwiimikizya kubeleka kwabazuluzi babulongo, kusalwa kwabazuluzi nikwaba chimanga antoomwe akugwisigwa achuuno kwabazuluzi babulongo;
- (b) kupangwa akubusilizigwa kwabwaami; kabiyo
- (c) kumana mpyopyongano zyeendelene akunjizigwa muzyuno kwabazuluzi babulongo, kwiiimikizigwa kubeleka kwabo, kusalwa kwabazuluzi babulongo akugwisigwa achuuno kwabazuluzi babulongo;

pesi—

- (i) kunjizigwa muzyuno kwabazuluzi babulongo, kugwisigwa achuuno akwiimikizigwa kubeleka kwabo baami kweelede kwachitwa aMuzulwidi waNyika kuuli muzeeso wazwa kuNkamu Yabaami Yamuchilikit (*Provincial Assembly of Chiefs*) kwiiinda muNkamu Yabaami Yanyika Yoonse (*National Council of Chiefs*) kiibelekela aamwi aSilutwe waMutabi waFulumende ubona zyabazuluzi babulongo. Zyoonse eezi zyelede kuchitwa kakutobelezegwa tunsiyansiya abukkale bwamuluundu mwajanika mwaami ooyo;

- (ii) mpyopyongano zilaatala akunjizigwa muzyuno kwabazuluzi babulongo, kwiimikizigwa kubeleka kwabo antoomwe akugwisigwa milimu kwabazuluzi babulongo zyeede kumaninsigwa aMuzulwidi waNyika kwiinda muNkamu Yabaami Yamuchilikiti *Provincial Assembly of Chiefs*, aNkamu Yabaami Yanyika Yoonse (*National Council of Chiefs*) kiibelekela amwi aSilutwe waMutabi waFulumende ubona zyabazuluzi babulongo;
- (iii) Mulawu upangwa aPalyamenti uyelede kupandulula kabotu ntaamo zyeede kutolwa kubona kuti zyoonse zyaambo zyajatwa kabotu munzila itakwe lusaluulo kabiyo itanjizyi zyaambo muli zyakweendelezegwa kwanyika pe;
- (iv) Mulawu upangwa aPalyamenti uyelede kupandulula ntaamo zitolwa mukukwabilila bwiime abuntususu bwazyuuno zyabazuluzi babulongo antoomwe akulyiimikilila akulisanta kwabo kuzwa kuli zyakweendelezegwa kwanyika mumabelekelo aabo.

284 Mifolo alumwi lugwasyo lupegwa bazuluzi babulongo

(1) Mulawu upangwa aPalyamenti uyelede kupandulula zyaatala amifolo antoomwe alumwi lugwasyo lweelede kupega bazuluzi babulongo kazili zyazumininwa aMuzulwidi waNyika muzeeo ooyo kuuli wazwa kuli Silutwe waMutabi waFulumende ubona zyabazuluzi babulongo.

(2) Mifolo yabazuluzi babulongo iyelede kuzwa kuNkomo Mpati yaFulumende (*Consolidated Revenue Fund*).

(3) Mifolo yabazuluzi babulongo tiiyelede kuselusigwa pe kuti kabachili achuuno naakuti kabachijatilide chuuno eecho.

285 Kkansili Yabaami Yanyika Yoonse aNkamu Yabaami Yamuchilikiti

(1) Kuli Kkansili Yabaami Yanyika Yoonse ijisi bantu mbuuli mbukwaambidwe muMulawu upangwa aPalyamenti, kiili njakwimikilila baami boonse muZimbabwe.

(2) Mulawu upangwa aPalyamenti uyelede kupanga Nkamu Yabaami Yamuchilikiti, muzilikiti zyoonse aanze kwazilikiti zyamadolopo mapati. Nkamu yabaami eeyi ijisi baami bamuchilikiti eecho.

(3) Kweelede baami bamuzilikiti zyoonse bayimikilwa muKkansili Yabaami Yanyika Yoonse.

(4) Kusalwa kwaMuzulwidi aWumutobela, baKkansili Yabaami Yanyika Yoonse abamwi bajanika mukkansili eeyi kweelede kwachitwa aKkomishini yaNsaluuzyo muZimbabwe.

(5) Imwi ayimwi Nkamu Yabaami Yamuchilikiti iyelede kusala, kakutobelezegwa Mulawu waNsaluuzyo, baami bayiminina chilikiti muNg'anda Yamilawu Yaajuli kwiinda muchibeela 120(1)(b).

(6) Muzulwidi aWumutobela, baKkansili Yabaami Yanyika Yoonse basalwa kuti bakkale muzyuno eezi kwachiindi chisika kuminyaka musanu kabiyo bakonza kusalwa kwachibili kwaminyaka iyelene pesi muntu wanjila tubili muchuuno chakuba Mutobeli waMuzulwidi waKkansili Yabaami , ukonza kwiimikila kuti asalwe kuba Muzulwidi waKkansili Yabaami Yanyika Yoonse.

(7) Mulawu upangwa aPalyamenti uyelede kupandulula zyaatala—

- (a) akusalwa kwabaami kuti banjile muKkansili Yabaami Yanyika Yoonse antoomwe anzibeelede kuba aazyo azinga zilabakachizya aabo bayanda kusalwa kunjila;

- (b) achikonke cheelede kukonkwa abaabo baami banjila muKkansili Yabaami Yanyika Yoonse antoomwe amuNkamu Yabaami Yamuzilikiti;
- (c) abulamfu bwachindi nchibeelede kukkanla muzyuno zyamuKkansili Yabaami Yanyika Yoonse antoomwe amuNkamu Yabaami Yamuzilikiti;
- (d) amifolo, pencheni alumwi lugwasyo Iweelede kupegwa Muzulwidi aWumutobela, baKkansili Yabaami Yanyika Yoonse abamwi baami bajanika mukkansili eeyi;
- (e) nzila zyeede kutobelezegwa mukuchita miswaangano yaKkansili Yabaami Yanyika Yoonse amuNkamu Yabaami Yamuzilikiti;
- (f) akunjizigwa milimu babelesi bagwasizya Kkansili Yabaami Yanyika Yoonse aNkamu Yabaami Yamuzilikiti;

286 Milimu yaKkansili Yabaami Yanyika Yoonse aNkamu Yabaami Yamuchilikiti

(1) IKkansili Yabaami Yanyika Yoonse kabiyo muli chimwi chilikiti, Nkamu Yabaami Yamuchilikiti ilaamilimu itobela—

- (a) kukwabilila, kusungwaazya akusumpula bukkale atunsiyansiya twanyika yaZimbabwe;
- (b) kwimikilila ziyeeywa abazuluzi babulongo antoomwe akubona kuti buntususu abwiime bwabazuluzi babulongo bulizikitide;
- (c) kukwabilila akusungwaazya ziyandwa abazuluzi babulongo;
- (d) kutambula ntongawuko azyaambo zyeetwa kuli mbabo kazizwa kubazuluzi babulongo;
- (e) kudondolola akubona kuti zilookutobelwa nchito akulijata kwabazuluzi babulongo antoomwe akubagwasizya zyabuzuluzi bwabo;
- (f) kugwasizya kumana mpyopyonganu akati kabazuluzi babulongo naakuti zilaatala abazuluzi babulongo;
- (g) kuchita milimu isiyenesiyene njibatanooli bapegwa aMulawu upangwa aPalyamenti wabikkwa.

(2) Mulawu upangwa aPalyamenti uyelede kubona kuti—

- (a) Kkansili Yabaami Yanyika Yoonse aNkamu Yabaami Yamuzilikiti zyakonzya kuchita milimu yazzo kazilyiimikilide;
- (b) bantu babelekela Kkansili Yabaami Yanyika Yoonse amuNkamu Yabaami Yamuzilikiti bachita milimu yabo kabotu kabatakwе lusaluulo;

287 Kkomiti yazyabuntususu akulijata kwaBaami

Mulawu upangwa aPalyamenti uyelede kupandulula zyaatala akupangwa kwa kkomiti yazyabuntususu akulijata, bantu beeleder kunjila mukkomiti ambiyeede kubeleka kkomiti yazyabuntususu akulijata kwabaami kuti ichite milimu itobela—

- (a) kupanga akubona kuti zilokutobelezegwa zyabuntususu akulijata kwabazuluzi babulongo;
- (b) kumana kutamvwanana akati kwabazuluzi babulongo;
- (c) Kulangisisya ntongawuko/nyontooko zilaatala abazuluzi babulongo.

CHAANDAANO 16

NYIKA YAKULIMA

288 Bupanduluzi bwaChaandaano 16

Muchaandaano eechi—

“ nyika yakulima’ iwamba mbuuli mbukupandulwidwe muchibeeela 72

289 Ndemeko zitobelwa mumabeleseyo aanyika yakulima

Kuchitila kululamika bulewusi bwakaliwo mukupana nyika yakulima muchiindi nyika niyakaleledwe aamakuwa, kabiyo kweeta masandu mumabeleseyo anyika yakulima akuchita kuti banaZimbabwe bobelesye zilengwa-leza bweelene, milawu yamabeleseyo akupana nyika yakulima yeelede kutobeleyza ndemeko eezi—

- (a) nyika yakulima nchilengwa chaleza chibumba chipanzi chalukono lwabana banyika yaZimbabwe;
- (b) kwiinda muchibeeela 72, woonse munaZimbabwe ulacheelo chakujana, kujata, kukkala, kubelesya, kupa bamwi bantu, nyika yakulima kakutalangwi kuti musyobo nzi pe;
- (c) kupana kwanyika yakulima kweelede kuchitwa kakutakwe lusaluulo, kuchitwe bweelene kakutalangwi kuti mwanakazi naakuti mwaalumi sikupewga antoomwe azyiingi zilangililwa aluundu mukupana nyika;
- (d) nzila yakupana nyika yakulima yeelede kusungwaazy azyiingi zilangililwa aluundu mukupana nyika munzila igwasya luundu antoomwe anyika yaZimbabwe mbiizulwa;
- (e) kubelesewga kwanyika yakulima kweelede kusungwaazy kujanika kwachakulya munyika, bulondozi buzwide akupanga milimu kabiyo kakukwabililwa akujata kabotu zituzyungulukide kuchitila kuti zyalane lyajuunza lizoobelesye alilayo;
- (f) taakwe muntu uunga uliimwa cheelelo chakubelesya nyika yakulima naakuti kuyaka aanyika njaapegwa.

290 Kwiinkilila nembo kwazyeelo zyafulumende kunyika yakulima

(1) Yoonse nyika yakulima yakali—

- (a) yalembwa muMpampikwa Yamusanu Atubili muKkata Lyamulawu Lyachiindi; naakuti
- (b) kalitana beleka pe Kkata Lyamulawu eeli, yakabonwa kuti kwiinda muchibeeela 16B(2)(a)(ii) naakuti (iii) muKkata Lyamulawu Lyachiindi;

Iya kunembo kiili mumaanza afulumende.

(2) Fumbwa kuteendelana akati kazijanika mu—

- (a) chizibisyo chijanika muMpampikwa Yamusnau Atubili muKkata Lyamulawu Lyachiindi; naakuti
- (b) chizibisyo chilaachakuchita anyika yakulima kabiyo chakadindwa kwiinda muchibeeela 16B(2)(a)(ii) naakuti (iii) muKkata Lyamulawu Lyachiindi;

Kabiyo mapepa atondeezya kuti ngwani mweni nyika yakulima eeyo naakuti uyelede, kabiyo fumbwa bulewusi bwakachitwa muchizibisyo eecho, tazikachizyi kubeleka kwakabeela (1) pe naakuti kugwisya cheelelo chafulumende mukuba mweni nyika yakulima eeyo kwiinda mukabeela aako.

291 Kwiinkilila nembo kwazyelelo zyabantu bakkede aanyika yakulima

Kwiinda muKkata Lyamulawu eeli, fumbwa muntu wakakkede aanyika yakulima naakuti wakali kubylesya nyika yakulima naakuti wakajisi mapepa atondeezya kuti njiyakwe nyika yakulima kwiinda mumapepa akubylesya kwachiindi chisyoonto naakuti kwiinda muli chimwi chizuminano afulumende, uliinkilila nembo kabelesya naakuti kakkede aanyika yakulima eeyo kuzwa buunsi nilitalika kubeleka Kkata Lyamualwu eeli.

292 Kukwabililwa kwanzila njibakapegwaa aayo bantu bakkede aanyika yakulima

Fulumende weelede kutola ntaamo, kubikkilizya kupanga mulawu, kuchitila kuti bantu bapegwa nyika yakulima bajane lukwabililo luchita kuti balimvwe kabali beni nyika yakulima akwiibelesya munzila yakazuminanwa afulumende.

293 Kupambula kwafulumedne nyika yakulima

(1) Fulumende ukonzya kupambula fumbwa nyika, kwiinda mukupa umwi muntu nyika yakulima kuti ibe yakwe naakuti ajane bubelesya, pesi nyika eeyo yapambulwa kweelede yachitwa booboo kwiinda mundemeko zyaambidwe muchibeela 289.

(2) Fulumende takonzyi kupambula akupa uumwi muntu naakuti bana bakwe, nyika zyakulima zyiinda yomwe.

(3) Mulawu upangwa aPalyamenti yeelede kupandulula mpambrido amapedo aanyika yakulima kumuntu afulumende, pesi fumbwa mulawu uwamba booboo uyelede kweendelana andemeko zyaambidwe muchibeela 289.

294 Kupambulwa kwanyika yakulima abeni nyika naakuti bakkede mpawo

Kwiinda munzila zyaambidwe aayimwi milawu, mweni nyika yakulima naakuti uukkede aanyika yakulima ulachelelo chakupa umwi muntu chipanzi chanyika, kupa muntu kuti ajane bubelesya naakuti kuuzya cheelelo chakwe chakubelesya nyika yakwe yakulima.

295 Kubbadalwa kwabantu bakanyangwa nyika yakulima afulumende muchiindi chakiinda

(1) Fumbwa munaZimbabwe wakanyangwa nyika yakulima afulumende kalitana tanguna kubeleka Kkata Lyamulawu eeli ulachelelo chakubbadalwa, kabbadalwa nyika antoomwe azimwi nzyatanooli wakayaka akuchita aanyika yakulima eeyo njaakanyangwa;

(2) Fumbwa muntu ulaanyika yakulima yakatolwa afulumende kalitana tanguna kubeleka Kkata Lyamulawu eeli kabiyo kakuli cheelelo chakuba mweni nyika yakulima chakali kwabilidwe azizuminano zyakachitwa aakati kaFulumende waZimbabwe aFulumende wayimwi nyika, ulachelelo chakubbadalwa, kabbadalilwa nyika antoomwe azimwi nzyatanooli wakayaka akuchita aanyika yakulima eeyo njaakanyangwa;

(3) Fumbwa muntu, aanze kwawooyo uwambidwe mukabeela (1) naakuti (2), ulaanyika yakulima yakatolwa afulumende kalitana talika pe kubeleka Kkata Lyamulawu eeli ulachelelo chakubbadalwa afulumende, kabbadalwa zintu nzyaakayaka akuchita aanyika yakulima muchiindi niyakatolwa.

(4) Miliyo iliigwa aansi kwazibela (1)(2) a(3) iyelede kulangisisigwa kwiinda muMulawu upangwa aPalyamenti.

296 Kupangwa antoomwe abwiime bwa Kkomishini yaNyika yakulima muZimbabwe

(1) Kuli kkomishini itanootegwa Kkomishini yaNyika yakulima muZimbabwe ijisi bantu batobela—

- (a) sichuuno awutobel a sikuuno; kabiyo
- (b) bantu bibili naakuti bayinda bibili pesi kabatayindi musanu ababili; basalwa aMuzulwidi waNyika.

(2) Bantu bajanika muKkomishini yaNyika yakulima muZimbabwe beeleder kuti—

- (a) bakasalwa nkaambo kabuntususu bwabo, kukonzya mulimu aluzibo, kumvwsisisya akuziba kwiindilide muli zyakwendelezegwa akubambwa kwazintu; kabiyo
- (b) kutondeezya kusiyana kwamisyobo yabantu bajanika munyika yaZimbabwe, kapati ziyandwa azipanzi zisiyenesiyene zyanyika yaZimbabwe akusiyana kwamilimu ichitwa abaalumi abanakazi.

(3) Chibela 237 chilabeleka mukugwisigwa kuzwa muzyuuno kwabantu bali muKkomishini yaNyika yakulima muZimbabwe mbuuli kuti nikkomishini ilyiimikilide yakapangwa kwiinda muchibela 12.

297 Kkomishini yaNyika yakulima muZimbabwe

(1) Milimu yaKkomishini yaNyika yakulima muZimbabwe njeeyi iitobela-

- (a) kubona kuti takukwe lusaluulo, kuli kubalangala mukwendelezegwa kwanyika yakulima yafulumende;
- (b) kuchita ndangisisyo yamabeleseyo aanyika yakulima chiindi achiindi;
- (c) kupa mizeeo kuli fulumende aatala-
 - (i) akutolwa kwanyika yakulima ili mumaboko abantu kuti ibe mumaboko afulumende igwasizye bulumbu;
 - (ii) kubona kuti nyika yakulima ilajanika abantu boonse bayanda kwijjana , kapati-
 - A. kugwisigwa kwamisyobo yalusaluulo yoonse mukupana kwanyika yakulima, kapati lusaalulo lulaatala akuti mwanakazi naakuti mwaalumi uyanda kupegwa nyika yakulima;
 - B. kubona kuti mulawu wabeleka ukasya kupegwa kwamuntu uumwi naakuti mpuli iimwi nyika yakulima iyindilide;
 - (iii) kubona mabeleseyo anyika yakulima abukomene bwanyika yakulima bweelede kupegwa bantu basiyenesiyene;
 - (iv) kuubya machitilo akulonzya nyika yakulima kuzwa mumaboko aawumwi mutu kuya kuluumbi;
 - (v) kubona nzila zisiyenesiyene zyakubelesya nyika yakulima antoomwe akubona kuti mutu uyipedwe kwachiindi chilamfu biyeni nyika yakulima (systems of land tenure);
 - (vi) kubbadalwa kuli kabotu kweendelene anzyeelede kubbadalwa mutu aansi kwamilawu isiyenesiyene ilaatala anyika yakulima antoomwe azitanooli zyakachitwa akuyakwa aanyika yakulima mutu njaakatolelwa;

- (vii) kupegwa kwabantu antoomwe akupambulwa kwanyika yakulima;
- (d) kulangisisya akupokoola aatala antongawuko/nyontooko ampyopyongano zilaatala akubona mabeleseyzo, kweendelezegwa akupergwa kwabantu nyika yakulima.

(2) IKkomishini yaNyika yakulima muZimbabwe, kwiinda mukupergwa mvumo aSilutwe waMutabi waFulumende wazyanyika yakulima, ikonzya kuchita fumbwa miteto igwasizya kuzuzikizya mpalamo zyaambidwe mukabeela (1).

(3) IKkomishini yaNyika yakulima muZimbabwe iyelede kuchita milimu yayo kwiinda mukutobeleyza malembe aamiteto atanoolembwe aSilutwe waMitabi yaFulumende ubona zyanyika yakulima.

(4) Mukubeleka kwayo Kkomishini yaNyika yakulima muZimbabwe iyelede kutobeleyza ndemeko zyaambidwe muchibeeala 289.

(5) Fulumende atumwi tubunga ambungano zyafulumende muzibeela zyoonse zyanyika, kwiinda mukupanga milawu naakuti kutola zimwi ntaamo, uyelede kugwasizya Kkomishini yaNyika yakulima muZimbabwe mukubeleka kwayo antoomwe akukwabilila kulyiimkilila akulisanta kwayo mumabelekelo aayo alaabuntususu.

(6) Fulumende uyelede kuchita zyoonse nzyakonzya, kwiinda mukupanga milawu naakuti kutola ntaamo zisiyenesiyene, kubona kuti—

- (a) Kkomishini yaNyika yakulima muZimbabwe yakonzya kubeleka kabotu munzila ilisantide akulyiimkilila; kabiyo
- (b) babelesi baKkomishini yaNyika yakulima muZimbabwe babeleka munzila ilaantanganana kabiyo itakwe lusaluulo.

CHAANDAANO 17

ZYAMALI

CHIBAKA 1

MABELESEZYO AAMALI

298 Ndemeko zilaatala amabeleseyzo aamali yabulumbu

(1) Ndemeko zitobela zyelede kutobeleyegwa mukubelesegwa kwamali yabulumbu munyika yaZimbabwe—

- (a) kweelede kwaba bubalangale mumabeleseyzo aamali;
- (b) zyamali yabulumbu zyelede kugwasizya lusumpuko lwanyika, kapati—
 (i) mukuli wakuliya tekisi (tax) yanyika yeelede kwaabanwa abantu boonse;
 (ii) mali yajanwa kuzwa kutekisi yanyika yoonse yeelede kwaabanwa akati kafulumedne wanyika yoonse abafulumende bazilikiti abamabbooma; kabiyo
 (iii) kubelesegwa kwamali kweelede kulanzigwa kulusumpuko lwanyika yoonse, kapati kugwasizya baabo badyamizidwe mubuumi amumasena aabo;
- (c) mukuli antoomwe amabeleseyzo aazilengwaleza kweelede kwaabanwa bweelene akati kamazyalane aasunu amazyalane ajuunza;
- (d) mali yabulumbu yeelede kubelesegwa kabotu, munzila iibalangala kabiyo iizikitide;

- (e) kubelesegwa kabotu kwamali ngakuchitwe munzila ilaantanganana kiibangala; kabiyo
- (f) kuchenkwa kwamali yabulumbu antoomwe akubelesegwa kwamali yaluundu ngazichitwe munzila ibangala munzila iswaanizya akulemeka njando zyachisi chaZimbabwe.

(2) Taakwe tekisi yeelede kuliisiga pe aanze kwakuti nguzu zyakuliisa bantu zyazwa muKkata Lyamulawu eeli naakuti muMulawu upangwa aPalyamenti.

299 Kubayila kwaPalyamenti kumabelesesyo akujanwa kwamali afulumende

(1) Palyamenti iyelede kubayila akulangisisya mabelesezyo aamali afulumende antoomwe amaKkomishini, tubunga ambunga zyafulumende zisiyenesiyene muzibela zyanyika zyoonse, kubikkiliza tubunga twakaanzwa kwiinda muKkata Lyamulawu, bafulumende bamuzilikiti, mumabooma, kuchitila kuti—

- (a) mali zyoonse zibelesegwe kabotu;
- (b) mabelesezyo amaliwoonse aachitwa aleelede kuchitwa; kabiyo
- (c) eezyo ziyanda kubelesegwa bunonooono zichtwe mbubo mbuuli mbukwelede.

(2) Mulawu upangwa aPalyamenti uyelede kuchita kuti Palyamenti ibayile antoomwe akulangisisya mabelesezyo amali mbuuli mbukwaambwa mukabeela (1) aajulu.

300 Kuganunwa kwanguzu zyaFulumende zyakucheneka mali achikwelete chabulumbu

(1) Mulawu upangwa aPalyamenti uyelede kubikka mugaano a—

- (a) kucheneka mali kwaFulumende;
- (b) chikwelete chaFulumende;
- (c) chikwelete amukuli wakuliya chikwelete zyeelede kuchitwa aFulumende; mugaano ooyo tuyelede kwiindwa pe kakutakwe mvumo yazwa kuNg'anda Yaansi Yamilawu.

(2) Mulawu upangwa aPalyamenti uyelede kwaamba nzila azeezyo zyeelede kupa kuti Fulumende akwelete.

(3) Mukati kamazuba makumi musanu alimwi kali watola chikwelete fulumende naakuti wachita chizuminano chachikwelete, Silutwe waMutabi waFulumende uubona zyamali uyelede kumwaya akudinda zyaambo eezyo mupepa lyaluundu (Gazeti).

(4) Silutwe waMutabi waFulumende uubona zyamali uyelede kuti-

- (a) tubili naakuti kwiinda tubili amunyaka, wapa lipoti kuPalyamenti aajulu amabelekelo—
 - (i) achikwelete chakatolwa afulumende; kabiyo
 - (ii) achikwelete chakazuminanwa afulumende;
- (b) achiindi chimwi nikwaambilwa Palyamenti aatala amali iliwo amali yakabelesegwa kwiinda muchibela 305, kwelede kwaapegwa lipoti iizwide aatala abwiime bwachikwelete chanyika.

301 Kupegwa mali kwabafulumende bazilikiti abamabooma.

(1) Mulawu upangwa aPalyamenti uyelede kupandulula kabotu—

- (a) kwaabanisigwa kweelene kwamali yakubelesya mulusumpuko akati kazilikiti amakkansili amadolopo mapati antoomwe amabooma;
 - (b) fumbwa zimwi mali zyaabanisigwa kuzilikiti akumabooma , antoomwe anzila zisiyenesiyene zyakwaabanisa mali eezi.
- (2) Mulawu upangwa aPalyamenti waambwa mukabeela (1) uyelede kutobeleyza zintu zitobela akati kazimwi zyiingi—
- (a) njando zyachisi choonse;
 - (b) fumbwa chaabilo chabikkwa abba zu cheelede kubel esegwa kubbada la chikwelete chanyika azimwi zintu ziyanda kubbadalwa anyika;
 - (c) njando zyafulumende wanyika yoonse zilangisisya mpalamo zyanyika;
 - (d) chiyandisy o chakugwasizya bantu munzila zisiyenesiyene, kubikkilizya zyalwiiyo, bulondozi, maanzi, migwagwa, magesi kumasena adyaamikizidwe;
 - (e) majanino aamali kuli ba fulumende bazilikiti, mumadolopo mapati amumabooma;
 - (f) ziyanda kusumpulwa azimwi zintu ziyanda mali muzilikiti , mumadolopo mapati amumabooma; kabiyo
 - (g) kusiyana kwalusumpuko lujanika mumasena asiyenesiyene atoomwe aakati kazilikiti zyanyika.
- (3) Mali ipegwa zilikiti amabooma munyaka amunyaka tayeelede kuba aansi kwachibela musanu kuzwa mumwaanda (5%) kumali yabulumbu yajanwa anyika yoonse.

CHIBAKA 2

NKOMO MPATI YAFULUMENDE

302 Nkomo Mpati Yafulumende

Kuli Nkomo Mpati yaFulumende iyelede kunjila mali zyafulumende zyoonse mbuuli zijanwa kutekisi, fumbwa nkuyazwa, aanze kwakuti Mulawu upangwa aPalyamenti:-

- (a) uzumizya kuti mali ibikkwe muliimbi nkomo yakaanzilwa kuti ibeleke umwi mulimu; naakuti
- (b) wazumizya kuti nkamu eeyo yatambula mali ibelesye mali yoonse naakuti chipanzi chamali yatambulwa kuti izuzikizye mpalamo yazzo.

303 Kugwisigwa kwamali kuzwa muNkomo Mpati yafulumende

(1) Taakwe mali inga ilagwisigwa pe muNkomo Mpati yaFulumende aanze kwakuti iyanda kugwasizya kubbada la mulimu wazumininwa kwiinda muKkata Lyamulawu naakuti aMulawu upangwa aPalyamenti.

(2) Mali yagwisigwa kuzwa muNkomo Mpati yaFulumende iyelede kubbadalwa kumbungano, kabunga naakuti muntu uyelede kwiipegwa mali eeyo.

(3) Mulawu upangwa aPalyamenti uyelede kupandulula nzila aatala:-

- (a) ambiyelede kugwisigwa mali kuzwa muNkomo Mpati yaFulumende antoomwe azimwi nkomo zyamali yaluundi; kabiyo
- (b) mali ili muNkomo Mpati yaFulumende mbiyelede kubambwa akubelesegwa kuti izyale iimbi.

304 Zibbadalwa zilangene aNkomo Mpati yaFulumende

(1) Zyonse mali zibbadalwa zikwelete zyafulumende zyelede kuzwa kuNkomo Mpati yaFulumende

(2) Ililiyo luswaananwa aalo mukubungilizya mali injila muNkomo Mpati yaFulumende nduulumwi luliyo lutaanzi lweelede kuzwa muNkomo Mpati yaFulumende.

(3) Kuchitila zeezyo zyaambwa mukabeela (1)—

“luliyo lulangene aachikwelete’ lubikkilizya mali yakazyalwa, kuliigwa kwamali akubbadalwa kwachikwelete antoomwe azimwi mbeleseyo zyamali mukujana chikwelete ibayilwa aNkomo Mpati yaFulumende antoomwe akubbadalwa kwachikwelete.

CHIBAKA 3

KUZUMIZIGWA KWAMABELESESYO AMALI IZWA MUNKOMO MPATI YAFULUMENDE

305 Kwaabanisya mali iizwa muNkomo Mpati yaFulumende

(1) Munyaka amunyaka Silutwe waMutabi waFulumende uubona zyamali weelede kupa lipoti/ngambo, kuNg’anda Yaansi Yamilawu, ilaatala amali zilangilwa kujanwa ambuzitazoobelesegwe afulumende mumunyaka uuza.

(2) Malangililo akujanwa antoomwe ambeleseyo zyamali zyafulumende kweelede kuyoomwa muNg’anda Yaansi Yamilawu kwiinda mukabeela (1) mubuzuba Ng’anda Yaansi Yamilawu mbuyakkala kakutaniinda mazuba aasika makumi musanu alimwi kawuli watalika munyaka mupya wazyakubelesegwa kwamali. Pesi kuti Palyamenti kiitalookuswaanana mazuba aayo kweelede malembe aayo aayoomwa aPalyamenti mukati kamazuba aali makumi aatatu kuzwa buzuba mbuyataanguna kuswaanana Ng’anda Yaansi Yamilawu kuzwa mpuyakamwayidwe.

(3) Malangililo aamali itazoojanwe amalangililo amabeleseyo amali ayelede kujanwa kuzwa kuzibeela zisiyenesiyene zitobela—

- (a) kuliimwi ayimwi Kkomishini yakaanzwa kwiinda muKkata Lyamulawu eeli;
- (b) ku wofesi ya Auditor General;
- (c) Nabbatule waBasikusosela Milandu Munkuta;
- (d) Kkansili yaBaami Yanyika Yoonse; kabiyo
- (e) atumwi tubunga twaambidwe muMulawu upangwa aPalyamenti.

(4) Kuti Ng’anda Yaansi Yamilawu yazumizya akutambula malembe alaatala azilangilila mumbeleseyo zyamunyaka uuza, aanze kwaliliyo luchitwa kuNkomo Mpati yaFulumende kwiinda muKkata Lyamulawu aMulawu upangwa aPalyamenti, Silutwe waMutabi waFulumende uubona zyamali uyelede kuchita mabambe aBill Lyakwaaba Mali litegwa ni Appropriation Bill lyeelede kunjizigwa muNg’anda Yaansi Yamilawu, kabiyo iBill eelyo lyeelede kuti—

- (a) lyapandulula aatala amali ijanwa kuNkomo Mpati yaFulumende kiiliya luliyo lweelede kuchitwa;
- (b) kupa mali kuti eezyo ziyanda kuliigwa ziliigwe kabotu kwiinda muzintu zyelede kuti ziliigwe.

(5) Kuti kakuli mali yabikkwa abbazu kwiinda muMulawu wakwaaba Mali Appropriation Act kiili yacheya naakuti kuyandikana kuti kuliigwe mali kuchintu

chakata bambilidwe mali pe, Silutwe waMutabi waFulumende uubona zyamali uyelede kuchita aambi mabambe aanjiliko atondeezya mali ilangililwa kuti iyilikwe mpawo kuliigwe. Mpawo mabambe aayo ayelede kutolegwa kuNg' anda Yaansi Yamilawu. Kuti Ng' anda Yaansi Yamilawu yazitambula zyaambwa, Silutwe waMutabi waFulumende uubona zyamali uyelede kupanga limbi Bill Lyakwaaba Mali - Appropriation Bill lyeelede kunjizigwa kabiyo muNg' anda Yaansi Yamilawu likayoomwe kalipandulula bwiime bwamali iimbi iyelede kuzwa kuNkomo Mpati yaFulumende.

306 Kuzumizigwa kubelesya mali kiitana kwaabanisigwa

(1) Mulawu upangwa aPalyamenti ukonzya kupa nguzu kuMuzulwidi waNyika kuti azumizye kugwisigwa kwamali kuzwa kuNkomo Mpati Yafulumende kuti ibeelesegwe kuliya ziyanda kuliigwa zyakatali kulangililwa kuti zizooyanda mali chakufwambaana naakuti zyakatalangilidwe kabiyo zyakatabambilidwe mali yazzo, pesi—

- (a) Mulawu upangwa aPalyamenti ooyu tuuyelete kuzumizya kugwisigwa kwamali pe iyinda kamwi achisela kuzwa mumwaanda (one and half percent) yayeeyo yakaabanisidwe mumulawu wakachitidwe chiindi chayinda;
- (b) fumbwa mali yagwisigwa kwiinda muMulawu waambwa iyelede kwiilikizigwa kumali yanjiliko ilangililwa kubelesegwa kabiyo yeelede kubikkwa kunembo lyaNg' anda Yaansi Yamilawu kuchitila kuti iyoomwe. Kuti Ng' anda Yaansi Yamilawu yazumina njiliko ilaangililwa, mali eeyo ikonzya kugwisigwa kuzwa kuNkomo Mpati yaFulumende kwiinda mumabambe anjiliko naakuti njiliko yaMulawu waKwaaba Mali-*Appropriation Act*.

(2) Kuti mMulawu waKwaaba Mali-*Appropriation Act* yamunyaka wakubelesegwa kwamali kiitana beleka kumatalikilo kwamunyaka wakubelesegwa kwamali, Mulawu upangwa aPalyamenti ukonzya kuzumizya Muzulwidi waNyika kuti ape mvumo yakugwisigwa kwamali kuzwa muNkomo Mpati yaFulumende kuchitila kuti kuliigwe chiyanda kuliigwa chamulimu wafulumende mukati kamyezi iine yakutaanguna kwamunyaka wamabeleseyo aamali, pesi—

- (a) Mulawu upangwa aPalyamenti ooyu tuuyelete kuzumizya kugwisigwa kwamali pe iyinda one third yakaabanisidwe muzilangililo zyakubelesegwa kwamali zyakachitidwe munyaka wayinda;
- (b) fumbwa mali yagwisigwa kwiinda muMulawu waambwa iyelede kwiilikizigwa kumali yanjiliko ilangililwa kubelesegwa kabiyo yeelede kubikkwa muzintu ziyanda kuliigwa zisiyenesiyene zyamabeleseyo aamali.

(3) Kuti Palyamenti yamwayigwa kakutana chitwa mabambe akuti fulumende akonzye kuchita milimu yakwe, Mulawu upangwa aPalyamenti ukonzya kupa Muzulwidi waNyika nguzu kuti azumizye kugwisigwa kwamali kuzwa muNkomo Mpati yaFulumende kuti kuliigwe kuchitila kuti milimu yafulumende iye nembo kusikila myeezi itatu kakuli Ng' anda Yaansi Yamilawu yaswaanana kuzwa niyakamwayidwe. Pesi fumbwa mali yagwisigwa kwiinda muMulawu upangwa aPalyamenti ooyu iyelede kunjizigwa muMulawu wakwaaba Mali muAppropriation Act kazili nzintu ziyanda kuliigwa zilyiimvwilidi mumabeleseyo aamali.

307 Kubelesegwa kwamali kutapedwe mvumo

(1) Kuti kakuli kwaboneka kuti yavula mali yakabelesegwa aachintu kutali mbuuli mbukwakaambidwe kwiinda mumabambe awambidwe muchibaka eechi, naakuti mali yabelesegwa achintu chakatapedwe mali kwiinda muchibaka eechi, Silutwe waMutabi waFulume nde uubona zyamali uyelede kunjizya *Appropriation Bill* muNg'anda Yaansi Yamilawu kakuyandwa kunyontooka aatala amabeleseyo akatapedwe mvumo.

(2) IBill yaambidwe mukabeela (1) iyeelede kunjizigwa muNg'anda Yaansi Yamilawu achakufwambaana kakutaniinda mazuba makumi musanu akkumi limwi (60 days) kuzwa nikwakabelesegwa mali yakatapedwe mvumo.

CHIBAKA 4

KUKWABILILWA KWAMALI ANTOOMWE AMBONO ZYABULUMBU

308 Milimu yabantu bakwabilila mali ambono zyabulumbu

(1) Muchibeela eechi—

‘mali yabulumbu’ zibikkilizya fumbwa mali yafulumende naakuti iibambidwe afulumende naakuti fumbwa kabunga /mbunga yafulumende, kubikkilizya zijanika muzilikiti, mumabbooma amutubunga twafulumende;

‘mbono zyabulumbu’ zyaamba fumbwa lubono lwafulumende naakuti lubambidwe afulumende naakuti fumbwa kabunga /mbunga yafulumende, kubikkilizya zijanika muzilikiti, mumabbooma amutubunga twafulumende;

(2) Mukuli wamubelesi woonse uubelesya mali yabulumbu kuti akwabilile mali yabulumbu antoomwe akubona kuti yabelesegwa kabotu kabiyo yabelesegwa kuzintu nzyiyelede kubelesegwa mali yakazuminanwa.

(3) Mukuli wawoonse muntu uubambinde lubono lwafulumende kukwabilila mbono kuchitila kuti tazisweeki, kujeegwa, kupwachuulwa naakuti kunyonyonwa akutabelesegwa kabotu.

(4) Mulawu upangwa aPalyamenti uyelede kupandulula mbukunga kulafwambaanwa kubonwa kuti tubeela (2) a (3) twatyolwa kabiyo ntaamo zyakuzyotola muntu ooyo watyola mulawu zyachitwa, mpukweelede sikusunda ukonzya kutegwa aluboozye lubono lwatakanika.

CHIBAKA 5

MUPATI UULANGA MABELESESYO AAMBO NO AMALI ZYALUUNDU/ MUPATI UULANGA MABELESESYO AAMBO NO AMALI ZYALUUNDU

309 Mupati uulanga mabeleseyo aambo no amali zyaluundu/ Mupati uulanga mabeleseyo aambo no amali zyaluundu antoomwe amilimu yakwe

(1) Kweelede kwaba Auditor General/ Mupati uulanga mabeleseyo aambo no amali zyaluundu, ujisi wofesi yabulumbu pesi tali uumwi waBabelesi Bafulumende.

(2) Milimu yaAuditor General/ Mupati uulanga mabeleseyo aambo no amali zyaluundu—

(a) kulangisisya mabeleseyo antoomwe anzila zyakubambwa kwamali muzibeela amitabi yoonse yafulumende, kuzilikiti, mumadolopo mapati amabbooma woonse.

- (b) kuti wakumbilwa afulumende, kulangisisya mabeleseyo amali aakabunga nikaba kali kafulumende;
- (c) kupa malayilile akuti kuzyotololwe bulewusi abubeya mukweendelezegwa, kukwabililwa kwamali ambono zyabulumbu;
- (d) kuchita fumbwa mulimu njanga ulapegwa aMulawu upangwa aPalyamenti;

(3) Bantu babelekela bulumbu naakuti luundu beeled e kutobeelezya zeezyo zyaambwa aMupati uulanga mabeleseyo aambono amali zyaluundu Mupati uulanga mabeleseyo aambono amali zyaluundu mbuuli mbuyaambidwe mukabeela (2)(c).

310 Kunjizigwa mulimu kwaMupati uulanga mabeleseyo aambono amali zyaluundu/ Mupati uulanga mabeleseyo aambono amali zyaluundu

(1) *Mupati uulanga mabeleseyo aambono amali zyaluundu* unjizigwa mulimu aMuzulwidi waNyika kazuminana aPalyamenti.

(2) *Mupati uulanga mabeleseyo aambono amali zyaluundu*/Mupati uulanga mabeleseyo aambono amali zyaluundu kwelede kali muna Zimbabwe wasalwa nkaambo kabuntususu bwakwe kabiyo kwelede kali mutu ukonzya kuchita mulimu wazyakulangalanga akulangisisya mabelekelo amabeleseyo amali kwaminyaka isika kkumi naakuti kwiinda.

(3) Chiindi ncchelede kukkanachuuno *Mupati uulanga mabeleseyo aambono amali zyaluundu* nchiindi chitayindi minyaka musanu awumwi kabiyo tayelede pe kusalwa kuba *Mupati uulanga mabeleseyo aambono amali zyaluundu*/Mupati uulanga mabeleseyo aambono amali zyaluundu kuti kakuli wakali wabeleka mulimu ooyu kale, kakutobelene naakuti muzidyunku zyaminyaka zisika kukkumi ayibili.

(4) Katana kutilika kubeleka mulimu, *Mupati uulanga mabeleseyo aambono amali zyaluundu*/Mupati uulanga mabeleseyo aambono amali zyaluundu, weeledge kukanke zikonke kunembo lyaMuzulwidi waNyika naakuti umwi mutu wagalwa aMuzulwidi waNyika, zyamulimu akulipeda kunyika yaZimbabwe mbuuli mbukwaambidwe muMpampikwa Yatatu.

311 Kulyiimkilila akulisanta kwaMupati uulanga mabeleseyo aambono amali zyaluundu

Mukweendelezya milimu yakwe *Auditor General*/Mupati uulanga mabeleseyo aambono amali zyaluundu 1 ulilyiimkilide akulisanta, pesi uyelede kutobeelezya mulawu mumabelekelo aakwe.

312 Mufolo waMupati uulanga mabeleseyo aambono amali zyaluundu/ Mupati uulanga mabeleseyo aambono amali zyaluundu

(1) Mulawu upangwa aPalyamenti uyelede kupandulula mufolo alumwi lugwasyo ndwayelede kujana *Mupati uulanga mabeleseyo aambono amali zyaluundu*/Mupati uulanga mabeleseyo aambono amali zyaluundu, zyoonse eezi zyelede kuzuminanwa aMuzulwidi waNyika kwiinda mumizeezo izwa kuli Silutwe waMutabi waFulumende ubona zyamali.

(2) Mali yamufofo wa*Auditor General*/Mupati uulanga mabeleseyo aambono amali zyaluundu iyelede kuzwa muNkomo Mpati yaFulumende kabiyo tayielede kuchesegwa pe kuti kwachiindi choonse nachili aamulimu wakwe.

313 Kugwisigwa mulimu kwaMupati uulanga mabeleseyo aambono amali zyaluundu/ Mupati uulanga mabeleseyo aambono amali zyaluundu

(1) *Auditor General*/Mupati uulanga mabeleseyo aambono amali zyaluundu ukonzya kugwisigwa mulimu wakwe kuti kakuli wa—

- (a) wakachilwa kubeleka mulimu wakwe nkaambo kakusondoka naakuti kulemana;
- (b) kukachilwa mulimu wakwe zyiindilide; naakuti
- (c) kusunda kwiindilide.

(2) Silutwe waMutabi waFulumende uubona zyamali, kabeleka aamwi akkomiti yaPalyamenti ibona zyamali yabulumbu, uwambila Muzulwidi waNyika kuti kuli zyaambo zyakuyanda kugwisigwa *Mupati uulanga mabeleseyo aambono amali zyaluundu* amulimu wakwe kabiyo zyeedele kulangisisigwa kabotu. Muzulwidi waNyika uyeede kugala kabunga keelede kulangisisya kabotu mabelekelo aAuditor General/Mupati uulanga mabeleseyo aambono amali zyaluundu;

(3) Kabunga kagalwa, kwiinda mukabeela (2), keelede kuba abantu batatu bagalwa aMuzulwidi waNyika, kakuli kuti—

- (a) uumwi wabo naakuti bayinda uumwi wakali Jaji; kabiyo
- (b) uumwi naakuti uyinda uumwi kubantu batatu naakuti bayinda batatu bagalwa akabunga kali mumulawu kayiminina bantu bachita milimu yakulangisisya mabeleseyo akubambwa kwamali.

(4) Kabunga kaambwa mukabeela (3)(b) keelede kugala bantu banga baambidwe mukabeela aako kuti bakumbilwa kuti bachite boobo aMuzulwidi waNyika.

(5) Kabunga kagalwa kwiinda mukabeela (2) keelede kulangisisya kabotu zyaambo zyakugwisigwa kwaAuditor General/Mupati uulanga mabeleseyo aambono amali zyaluundu kuzwa amulimu, kuti bachita boobo ,kweelede bapa zeezyo nzibajana mubulangisisi bwabo kuMuzulwidi waNyika mpawo akupa muzeezo wakuti agwisigwe naakuti tagwisigi Auditor General/Mupati uulanga mabeleseyo aambono amali zyaluundu kuzwa achuuno.

(6) Kabunga kagalwa kwiinda mukabeela (2) kalaacheelol anguzu zyamakkomishini kwiinda mumulawu waCommission of Inquiry Act [Chapter 10:07], naakuti fumbwa mulawu uunjila mubusena bwawooyu uliwo.

314 Babelesi mbabeleka aabo Mupati uulanga mabeleseyo aambono amali zyaluundu

Mulawu upangwa aPalyamenti weelede kupandulula aatala akugalwa kwa Bboodi linjiza milimu bantu babeleka aMupati uulanga mabeleseyo aambono amali zyaluundu/Mupati uulanga mabeleseyo aambono amali zyaluundu mumilimu yakwe, kabiyo kweelede kwaamba aatala—

- (a) anzibeelede kubaazyo bantu aabo;
- (b) mifolo alugwasyo ndubelede kupegwa babelesi aaba ambubelede kulijata amulimu;
- (c) kulyiimkilila akulisanta abuntususu mbubelede kubaabo bantu aaba; kabiyo
- (d) bwiime, mabelekelo mabotu bwa wofesi yaMupati uulanga mabeleseyo aambono amali zyaluundu/Mupati uulanga mabeleseyo aambono amali zyaluundu.

CHIBAKA 6

BWIIME BWACHIBAKA

315 Mawulilo aazintu antoomwe azimwi zizuminano zyafulumende

(1) Mulawu upangwa aPalyamenti uyelede kwaamba nzila zyeelede kutobelezegwa mukuyanda kuula zintu zyafulumende amitabi, tubunga ambunga zyafulumende muzibela zyoonse zyafulumende zijanika mumasena aandene kuchitila kuti mawulilo azintu abe antanganana, kakutakwe lusaluulo pesi kakuli muzundano usungwaazya kuti bantu bawuzye akuula kabotu zintu.

(2) Mulawu upangwa aPalyamenti uyelede kwaamba ntaamo zinga zilatolwa mukwaambulilana mukujanwa zizuminano zyakuulwa akuuzigwa kwazintu zyafulumende—

- (a) zizuminano zibikkilizya banji;
- (b) zizuminano zilaatala akuyakwa kwamayake; kabiyo
- (c) zizuminano zyaatala akusyigwa kwazilengwaleza zijanika aansi kwanyika kuchitila kuti kakuli bubalangale, buntususu mukuchita akweendelezya zintu eezi munzila isumpula zyaluzundano.

316 Kweendelezegwa kwatubunga twakabumbwa kwiinda mumulawu

Mulawu upangwa aPalyamenti kweelede wapandulula aatala ambukweelede kweendelezegwa tubunga twakabumbwa kwiinda mumulawu, kapati kweelede kwabonwa kuti basilutwe batubunga ooto bapegwa myeenya yakubelekela tubunga ootu iyendelana amabelekelo aabo. Kupegwa uumbi mweenya kuti babe basilutwe batubunga ooto kweelede kweendelana akukonzya naakuti kukachilwa kwabo mumweenya mutaanzi ngubakapedwe kukweendelezya tubunga ooto.

317 Bbenki Pati IyaNyika yaZimbabwe

(1) Kuli bbenki pati lyeelede kutegwa ndi Bbenki Pati IyaNyika yaZimbabwe, lilaampalamo zitobela:-

- (a) kubayila bweendelezegwe amabeleseyo aamali munyika;
- (b) kukwabilila mali yanyika akubona mbiinga ilagwasizya kusumpula buvubi bwanyika; kabiyo
- (c) kupanga akubona mabelekelo amilawu ibona mabeleseyo aamali.

(2) Mulawu upangwa aPalyamenti ukonzya kupandulula zyaatala abwiime amabelekelo aaBbenki Pati IyaNyika yaZimbabwe antoomwe akupa iimbi milimu yalyo bbenkipati eelyo.

CHAANDAANO 18

ZYABIYOBIO AZIMWI NJILIKIZYO

CHIBAKA 1

ZYABIYOBIO ZILANGENE AMAKKOMISHINI

318 Mabeleseyo aaChibaka 1

Zili muChibaka eechi zilaatala amaKkomishini akaanzwa kwiinda muKkata Lyamulawu eeli antoomwe abantu bajanika mumakkomishini aayo.

319 MaKkomishini tube tubunga tulyiimvwilidi atulikke

MaKkomishini ntubunga tulyiimvwilidi atulikke tulaabantu banjila antoomwe akuzwa muli ntuto, tukonzya kwaanziga akwaanza muntu muzina lyato.

320 Bajanika mumakkomishini amabelekelo aabo

(1) Aanze kwawaawo mpukwaambidwe muKkata Lyamulawu eeli, boonse banjila mumakkomishini banjjizigwa kuti babeleke kwaminyaka musanu ikonzya kuyungizigwa ayimbi minyaka musanu luzutu.

(2) Bajanika mumakkomishini, aanze kwa—

- (a) maKkomishini alyiimkilide
- (b) Kkomishini yaBubetes
- (c) Kkomishini yaNkaka Buboli muZimbabwe; kabiyo
- (d) Kkomishini yaNyika yakulima muZimbabwe;

bakkala muzyuuno zyamulimu kuti Muzulwidi waNyika kachiyanda kuti babewo nkaambo ukonzya kubagwisya mpaayandila.

(3) Kwiinda muKkata Lyamulawu eeli, Bayiminini bamuPalyamenti abayiminini bajanika muKkansili yazilikiti amadolopo mapati, mumabbooma amutubunga twafulumende boonse tabakonzyi kusalwa kuti banjile mumakkomishini.

(4) Aawo Kkomishini mpijisi sichuuno awutobela sichuuno, bantu aaba kweelede umwi kali mwanakazi umwi kali mwaalumi.

(5) Kabatana talika pe kubeleka, bantu banjila mumakkomishini beelederukonke zikonke kunembo IyaMuzulwidi waNyika naakuti umwi muntu wagalwa aMuzulwidi waNyika. Zikonke zyabo chimwi nichamulimu antoomwe achakulemeka nyika mbuuli mbukwaambidwe muMpampikwa Yatatu.

(6) Bantu bajanika mumakkomishini beelederukonke kujana mufolo, alumwi lugwasyo lwaamulimu lupegwa babelesi mbuuli mbukutanoowambwe chiindi achiindi muMulawu upangwa aPalyamenti kabiyo mifolo yabo tiyelede kuselusigwa kuti kabachili aamulimu.

(7) Mifolo alumwi lugwasyo lupegwa babelesi aamulimu zipegwa bantu banjila mumakkomishini zizwa muNkomo Mpatis yaFulume.

321 Milimu ameendelezezyo aamaKkomishini

(1) Mulawu upangwa aPalyamenti ukonzya kupa iimbi milimu kumaKkomishini kabiyo ukonzya kupa malayilile ambaayelederukonke kubeleka makkomishini fumbwa kulyiimkilila akulisanta kwavo kwalemekwa.

(2) Mulawu upangwa aPalyamenti waambwa mukabeela (1) ukonzya kuzumizya Kkomishini kuti ipe umwi muntu naakuti kabunga nguzu zyakuchita milimu yayo, pesi Kkomishini tiikonzyi kupa manguzu aayo uumbi muntu naakuti kambi kabunga mukuli wayo wakunjizya bantu milimu babelesi bayo naakuti kupa mizeeo aatala akamwi kaambo.

(3) Kwiinda muKkata Lyamulawu eeli, fumbwa chizuminano chachitwa aKkomishini cheelede kuti chazuminanwa amaKkomishina banji baliwo nikuchitwa chizuminano eecho.

(4) Mulawu upangwa aPalyamenti ukonzya kwaamba aatala anzila zinga zilatobelwa aKkomishini mukuchita umwi mulimu wayo, pesi aawo aatakwenzila

zyaambidwe Kkomishini ikonzya kupanga nzila zyayo. Nikuba boobo, zyoonse nzila zyakuchita mulimu wayo nziyapanga Kkomishini zyelede kubalangala mumachitilo, kazitakwe lusaluulo mukubeleka kwaKkomishini.

322 Kupegwa mali kwaKkomishini

Palyamenti iyelede kubona kuti mali iizulide yapegwa kumaKkomishini nkukuti akonzye kweendelezya milimu yawo mbuuli mbukwelede.

323 MaKkomishini ayelede kupa lipoti kuPalyamenti lumwi amunyaka

(1) Woonse maKkomishini kwelede apa Palyamenti lipoti lumwi amunyaka, kwiinda muli Silutwe waMutabi waFulumende ngubabeleka aawe. Lipoti eeyi iyelede kusika kuPalyamenti kutana mana mweezi waMiyoba wamunyaka uli nembo kwamunyaka walipoti eeyo.

(2) Mulawu upangwa aPalyamenti ukonzya kwaamba kuti Kkomishini ilembe aambi malipoti aajulu kwayeeyo lipoti njiiyelede kulemba kumamanino kwamunyaka mbuuli mbukwaambidwe mukabeela (1), kabiyo mulawu ooyo ukonzya kwaamba bwiime bwamalipoti aalembwa akati kamunyaka.

CHIBAKA 2

ZYABIYOBYO

324 Kubelekwa chalusinizyo kwamilimu yaambidwe muKkata Lyamulawu

Yoonse milimu amikuli yaambidwe muKkata Lyamulawu eeli iyelede kubelekwa munzila izikitide achakufwambaana.

325 Kupegwa kwamali kwatubunga twakalengwa kwiinda muKkata Lyamulawu antoomwe atumwi tubunga

- (1) Fulumende kwelede wabona kuti kuli mali iizulide ipewga:-
- (a) kuma Kkomishini antoomwe atumwi tubunga twakalengwa aKkata Lyamulawu eeli, kuchitila kuti tukonzye kubeleka milimu yato zizikitide;
- (b) kuPalyamenti, kuchitila kuti lwayo antoomwe amakkomiti ikonzye kuswaanana fumbwa chili chiindi mpukwayandikana kuti iswaanane; kabiyo
- (c) kutubunga toonse twafulumende, kuchitila kuti tukonzye kuchita milimu amikuli yato yaambidwe muKkata Lyamulawu eeli.

(2) MaKkomishini antoomwe atumwi tubunga twakapangwa kwiinda muKkata Lyamulawu eeli, kwelede twapegwa mweenya wakuyooma aKkomiti yaPalyamenti aatala amali njikayanda kamwi akamwi kabunga munyaka amunyaka.

326 Mulawu wachintu wamanyika aandeene

(1) Mulawu wachintu wamanyika aandeene ubumba chipanzi chamulawu wamuZimbabwe, aanze kwakuti kawudinkaana aKkata Lyamulawu naakuti Mulawu upangwa aPalyamenti.

(2) Kuti kakupandululwa mulawu, nkuta zyoonse atubunga twabumbwa twalubeta kwelede twatola nzila ili mbubombubo mukupandulula mulawu kakweendelana amulawu wachintu wamanyika aandeene uyendelana amulawu wamuZimbabwe, kakulangwa akutola bbazu zimwi zinga zilalangisisigwa mukupandululwa kwakutayendelana kwamulawu ooyo.

327 Zizuminano zyamanyika aandeene

(1) Muchibeela eechi—

“Kabunga kamanyika aandeene” chaamba kabunga kajisi manyika aabili naakuti aayinda aabili aamanyika alilelede naakuti kabunga mujanika bantu bayimvwilidi manyika akalilela aabili naakuti aayinda aabili.

“Chizuminano Chamanyika aandeene” chaamba fumbwa zizuminano zisiyenesiyene zyakachitwa aakati kamanyika naakuti bafulumende bamanyika aandeene naakuti atubunga twamanyika aandeene.

(2) Chizuminano Chamanyika aandeene chakachitwa aMuzulwidi waNyika naakuti amuntu wakapedwe mvumo aMuzulwidi waNyika:-

- (a) tachaangilili nyika yaZimbabwe pe domane chazuminwa aPalyamenti; kabiyo
- (b) tachibi chipanzi chamulawu wamuZimbabwe pe domane chanjizingwa mumulawu waZimbabwe kwiinda muMulawu upangwa aPalyamenti.

(3) Chizuminano chitali Chizuminano Chamanyika aandeene pesi:-

- (a) chakachitwa aMuzulwidi waNyika naakuti amuntu wakapedwe nguzu aMuzulwidi waNyika akati katubunga twaanze kwaZimbabwe komwe naakuti twiingi; kabiyo
- (b) chiyanda kuti nyika yaZimbabwe kiiliya mali;
tachaangilili nyika yaZimbabwe pe kusikila chazuminwa aPalyamenti.

(4) Mulawu upangwa aPalyamenti ukonzya kwaamba kuti zyaambidwe mutubeela (2) a (3)—

- (a) tazichitiki pe kuchizuminano chamanyika aandeene wamusyobo nikuba uuli;
- (b) zichitike kakuli kwaba kubambilulwa kwamalembe kuli chimwi chizuminano chamanyika aandeene nikuba chili chizuminano chakachitwa.

(5) Palyamenti ikonzya, kwiinda muchizuminano, kwaamba kuti fumbwa chizuminano chamanyika aandeene tachiyandi kuzuminwa aanjiyo pe mbuuli mbukwaambidwe mukabeela (2), pesi chizuminano eecho tachijatikizyi zizuminano ziyanda kuti—

- (a) kugwisigwe mali kuzwa muNkomo Mpati yaFulumende; naakuti
- (b) kubambilulwe fumbwa mulawu wamu Zimbabwe.

(6) Kuti kakupandululwa mulawu, nkuta zyoonse antoomwe atubunga twakabumbilwa kubeteka kweelede twatola bupanduluzi bwamulawu bweendelena achizuminano chamanyika aandeene chaangilila nyika yaZimbabwe, kakulangwa akutola bbazu zimwi zinga zilalangisisigwa mukupandulula kweendelana kwachizuminano eecho.

328 Kubambilulwa kwaKkata Lyamulawu

(1) Muchibeela eechi—

“Malembe aZiyanda kubambilulwa muKkata Lyamulawu” chaamba malembe aalatala akubambilulwa kwachipanzi chaKkata Lyamulawu eeli;

“term-limit provision” chaamba malembe aali muKkata Lyamulawu atondeezya kufwiinsya kwachiindi muntu nchayelede kukkala muchuuno eecho chilookwaambwa.

(2) Mulawu upangwa aPalyamenti ubambulula Kkata Lyamulawu eeli uyelede kuchita mulimu ooyo munzila ifwambaana.

(3) Malembe aZiyanda kubambululwa muKkata Lyamulawu taakonzyi kuyoomwa muNg'anda Yaansi Yamulawu amuNg'anda Yaajulu Yamilawu mbuuli mbukwaambidwe muchibeeala 131 adomane Sichuuno waNg'anda Yaansi Yamilawu wapa chizibisylo chamazuba ali makumi musanu amakuni aane mupepa lyaluundu (Gazeti) aatala aZiyanda kubambululwa muKkata Lyamulawu.

(4) Mbatape chizibisylo luzutu Sichuuno waNg'anda Yaansi Yamilawu aatala aZiyanda kubambululwa muKkata Lyamulawu mbuuli mbukwaambidwe mukabeela (3), Palyamenti kweelede yatamba bulumbu kuti buzoope mizeeza yabo aatala azilookuyanda kubambululwa , kwiinda mumiswaangano yabulumbu, kwiinda mumalembe kabiyo miswaangano iyelede yachitwa aPalyamenti kuchitila kupa bulumbu mweenya wakwaamba nzibuyanda bulumbu aatala amasandu ayanda kuchitwa.

(5) Malembe aZiyanda kubambululwa muKkata Lyamulawu ayelede kuzuminwa, buunsi naabalwa kwakumaninsizya muNg'anda Yaansi Yamilawu amuNg'anda Yaajulu Yamilawu, abantu basika kuntompa-chaala yabantu bajanika muliimwi ayimwi ng'anda yamilawu.

(6) Aawo malembe aZiyanda kubambululwa muKkata Lyamulawu mpaayanda kubambulula zilemedbedwe muChaandaano 4 naakuti Chaandaano 16:-

- (a) mukati kamyeesi yotatwe kaali azuminwa, aNg'anda Yaansi Yamilawu antoomwe aNg'anda Yaajulu Yamilawu, malembe masandu alookubambululwa mbuuli mbukwaambidwe mukabeela (5), ayelede kutolwa kulefelendamu yanyika yoonse.
- (b) kuti azuminanwa masandu aayo abantu banji kubantu batanooli bavoota boonse mulefelendamu, Sichuuno waNg'anda Yaansi Yamilawu, uyelede kutola malembe aZiyanda kubambululwa muKkata Lyamulawu kuMuzulwidi waNyika, ooyo uyelede kuzumina akusayina mpawaawo.

(7) Katutalangi zimwi zyaambidwe muchibeeala eechi, kuti katulanga kubambululwa kwachiindi cheelede kukkalwa amuntu muchuuno chaamulimu mwabede (term limit provision), kuti kakuli kubambululwa ooko nkwalansya bulamfu bwachiindi cheelede kukkalwa amuntu muchuuno chakwe aamulimu, zibambululwa eezyo tazimujatijati pe muntu wajanika kali muchuuno kale naachitwa mabambe akubambulula mulawu.

(8) Tubeela (6) a (7) tatweelede kubambululwa chiindi chomwe pe mumalembe aZiyanda kubambululwa muKkata Lyamulawu naakuti tatweelede kubikkwa kunembo lyabulumbu pe kuti kuchitwe lefelendamu muchiindi chomwe.

(9) Chibeela eechi chikonya kubambululwa luzutu kuti kwatobelezegwa nzila zyaambidwe mutubeela (3), (4), (5) a(6) mbuuli kuti chibeela eechi chijanika muChaandaano 4.

(10) Kuti malembe aZiyanda kubambululwa muKkata Lyamulawu apegwa Muzulwidi waNyika kuti awazumine akwasayina, ayelede kwiinka a:-

- (a) setifiketi izwa kuli Sichuuno waNg'anda Yaansi Yamilawu, itondeezya kuti nikwakali kuvootwa muNg'anda Yaansi Yamilawu, malembe aZiyanda kubambululwa muKkata Lyamulawu akazuminanwa abantu basika kuntompa-chaala yabantu bajanika muNg'anda Yaansi Yamilawu; kabiyo
- (b) setifiketi izwa kuMuzulwidi waNg'anda Yaajulu Yamilawu, itondeezya kuti nikwakali kuvootwa muNg'anda Yaajulu Yamilawu, malembe

aZiyanda kubambululwa muKkata Lyamulawu akazuminanwa abantu basika kuntompa-chaala yabantu bajanika muNg’anda Yaajulu Yamilawu

329 Kutaanguna kubelesegwa kwaKkata Lyamulawu azitobelwa mukuzubuka

Mpampikwa Yamusanu Akamwi ilaatala akutaanguna kubeleka kwaKkata Lyamulawu eeli, kusweegwa kwaKkata Lyamulawu Lyansiku abweendelezegwe bwakutaanguna kubelesya Kkata Lyamulawu Pya eeli.

CHIBAKA 3

BUPANDULUZI

330 Mbeleseyo yaChibaka 3

Chibaka eechi chibeleka mukupandulula Kkata Lyamulawu eeli aanze kwawaawo malembelo mpaawambide zisiyene.

331 Ndemeko zyabiyobiyo zyabupanduluzi bwaKkata Lyamulawu

Chibeela 46 chilabeleka, aamwi akubambululwa kunga kulachitwa, mukupandulula Kkata Lyamulawu eeli aanze kwaChaandaano 4.

332 Mpandululo

MuKkata Lyamulawu eeli—

“Mulawu upangwa aPalyamenti” chaamba—

- (a) malembe amulawu azuminanwa aPalyamenti mpawo azuminwa akusayinwa aMuzulwidi waNyika kuti ube mulawu kwiinda muli zyaambwa aKkata Lyamulawu eeli; naakuti
- (b) malembe amulawu aakaliwo kale muZimbabwe kaali Mulawu upangwa aPalyamenti buzuba nilyakatalika kubeleka Kkata Lyamulawu eeli, kubikkilizya—
 - (i) malembe amilawu yakabambululwa muZimbabwe mu1996 aansi kwa Statute Law Compilation and Revision Act [Chapter 1:03]; kabiylo
 - (ii) malembe amilawu, akatabambululwa nikwakabambululwa imwi milawu yaambwa mufuka (i), pesi yakali kubeleka kale kiili milawu; kabiylo
 - (iii) malembe akazuminanwa aPalyamenti yaZimbabwe nikwakamana kubambululwa kwamilawu yaambilidwe mufuka (1) pesi kalitana talika pe kubeleka Kkata Lyamulawu eeli;

“nchito yabweendelezi” chaamba nchito zyachitwa mukweendelezya mulimu, kukachilwa kweendelezya mulimu naakuti kukaka kweendelezya mulimu kwamubelesi wafulumende.

“kubambulula” kubikkilizya kusandula bwiime, kusandula bube, kuyungizya, akuchitola mbuchibede;

“nsaluuzyo yachitwa kuzuzikizya chimanga” chaamba nsaluuzyo zyachitwa kuti kubikkwe uumbi mwiiminini wabusena nkaambo wakaliwo wakazwa aachuuno.

“Mwaami” chaamba mwaami mbuuli mbukwaambidwe muChaandaano 15;

“Babelesi baFulumende” zyaambwa zilipedwe muChibela 199;

“Kkomishini” chaamba kkomishini yabumbwa kwiinda muKkata Lyamulawu eeli;

“Kkomiti yaNzila Zyakweendelezya muPalyamenti” chaamba kkomiti yazina eeli yabumbwa aansi kwaChibela 151;

“Nyika yaluundu” chaamba nyika yakabikkwa kubbazu kwiinda muMulawu upangwa aPalyamenti kiiyendelezegwa kwiinda mumiteto atunsiyansiya twachiindi kabiyo kiibelesegwa abantu bazulwidwa aMwaami.

“Malembe aZiyanda kubambululwa muKkata Lyamulawu” chaamba malembe amulawu ayanda kubambulula zili muKkata Lyamulawu eeli.

“Nkuta yazyakata Lyamulawu” chaamba Nkuta yazyakata Lyamulawu yakaanzwa kwiinda muchibela 162(a);

“Makani alaachakuchita azyakata Lyamulawu” chaamba makani alaachakuchita aatala akupandululwa kwaKkata Lyamulawu naakuti kukwabililwa kwazili muKkata Lyamulawu;

“Mulawu watunsiyansiya” chaamba mulawu watunsiyansiya wafumbwa nikuba uuli musyobo wabantu bajanika muZimbabwe;

“mulawu wakulijata” chaamba mulawu ugwasizya basilumamba kuti balijate kabotu aamulimu wabo. Mulawu ooyu ubikkilizya baabo banga bagwasizya basilumamba kwachiindi chifwiifwi mumulimu wabusilumamba;

“basikukwabilila nyika” chaamba:-

- (a) basilumamba bamumaanzi, basilumamba naakuti balwanina kujulu (naval , airforce);
- (b) bakapokola;
- (c) aabo babamba baange; naakuti
- (d) fumbwa chipanzi chalengwa kugwasizya luundu kwiinda muMulawu upangwa aPalyamenti kabiyo choompololwa amulawu ooyo kuti mbaasikukwabilila nyika;

“buzuba bwakatalika kubeleka kwaKkata Lyamulawu” chaamba buzuba nilitalika kubeleka Kkata Lyamulawu eeli lyoonse kwiinda mufuka 3(2) lyaMpampikwa Yamusanu Akamwi;

“Mulawu waNsaluuzyo” chaamba Mulawu upangwa aPalyamenti ugwasizya kweendelezegwa kwansaluuzyo mbuuli mbukwaambidwe muKkata Lyamulawu eeli;

“Munyaka wamabeleseyo amali” chaamba myeezi kkumi ayibili kusika kuli Nalupale 31;

“milimu” zibikkikizya nguzu, mibeleko azimwi zichitwa;

“Gazette” chaamba pepatwaambo lyakuzibisya luundu libelesegwa afulumende;

“Nsaluuzyo zyakusala bazulwidi banji” chaamba nsaluuzyo zyakusala bazulwidi banji bazibeela zyoonse zyachisi bali mbuuli:-

- (a) Muzulwidi waNyika, Mutobeli waMuzulwidi waNyika, Bayiminini bamuNg’anda yaPalyamenti;
- (b) maKkansela bamumabbooma;

“fulumende” chaamba fulumende waZimbabwe

“Kabunga kalaansi kwafulumende” chaamba kabunga kalyiimikile kajisi milimu yafulumende kabiyo kakalaansi kwafulumende naakuti muntu uyiminina fulumende.

“Ng’anda” aanze kwawaawo mpukwaambidwe chaamba Ng’anda Yaansi Yamilawu naakuti Ng’anda Yaajulu Yamilawu;

“Kkomishini Ilyiimikilide” chaamba kkomishini mbuuli mbukwaambidwe muchibeeela 232;

“Jaji” chaamba Jaji waNkuta yazyakata Lyamulawu, Nkuta Yaajulujulu, Nkuta Yaajulu, Nkuta Yazyambelekelano aNkuta Yanjendelezyo;

“Kkomishini yaBubetesi” chaamba Kkomishini yabubetesi yakaanzwa kwiinda muchibeeela 189;

“Mulawu” chaamba:-

(a) nichiba chili chipanzi chaKkata Lyamulawu eeli naakuti Mulawu upangwa aPalyamenti;

(b) nikuba chili chipanzi chamulawu watulawulawu (statutory instrument);

(c) fumbwa mulawu utalembedwe pesi uubeleka muZimbabwe kubikkilizya mulawu watunsiyansiya;

kabiyo zili mumulawu zyeede kumvwika akuzibikana mbuboobo;

“Simulawu” chaamba muntu ulaamvumo yakubeleka mbuuli simulawu munyika yaZimbabwe;

‘Bbooma” chaamba Kkansili mbuuli mbukwaambidwe muChibaka 3 chaChaandaano 14;

“umwi wabo” kakwaambwa:-

(a) muKkomishini naakuti mbunga yakaanzwa aKkata Lyamulawu eeli kazibikkikizya Sichuuno awutobela Sichuuno muKkomishini;

(b) kabunga kalyiimikilide mumulawu, kkansili yachilikiti, yadolopo pati naakuti umwi muntu wagalwa kuti abe umwi wakabunga;

(i) kabunga kalyiimikilide mumulawu, kkansili yachilikiti, yadolopo pati naakuti yabooma;

(ii) ukonzya kweendelezya kabunga kalyiimikilide mumulawu kkansili yachilikiti, yadolopo pati naakuti yabooma;

“Mwiiminini wamuPalyamenti” chaamba Seneta naakuti Mwiiminini wamuNg’anda Yaansi Yamilawu;

“Kkansili yaDolopo pati” chaamba Kkansili yakaanzwa kwiinda muChibeela 269 yadolopo pati libumba chilikiti alilikke mbuuli Bulawayo naakuti Harare;

“Silutwe waMutabi waFulumende” chaamba muntu uzulwida mutabi wafulumende;

“Mulawu wachisi” chaamba Mulawu upangwa aPalyamenti naakuti atulawulawu;

“chikonke” chibikkikizya nzumino;

“mulandu” chaamba mulandu/criminal offence;

“chiindi chalupyopyongano” chaamba aawo nikoompololwa chiindi chalupyopyongano kwiinda muChibeela 113;

“muntu” chaamba muntu lwakwe naakuti mubili wamuntu, muntu uli muchiimo chakabunga;

“Muzulwidi waNyika” chaamba Muzulwidi waNyika yaZimbabwe;

“Muzulwidi waNg’anda Yaajulu Yamilawu” chaamba Muzulwidi waNg’anda Yaajulu Yamilawu kwiinda muchibela 122;

“Kkansili yachilikiti” chaamba kkansili yakaanzwa kwiinda muChibela 268 yachilikiti chitali chadolopo pati;

“Wofesi yabulumbu” chaamba wofesi ilaamuntu ubbadalwa afulumende;

“Mubelesi wafulumende” chaamba muntu ujisi wofesi yafulumende;

“Bazyakukwabilwa kwanyika” chaamba baabo babeleka mukukwabilila nyika kwiinda muChibela 207;

““Mwami kali Seneta” chaamba mwaami uyimikilila bamwi baami muNg’anda Yaajulu Yamilawu;

“Kuswaanana muNg’anda Yamilawu’ chaamba kuswaanana kwabayiminizi bamasena mumaanda aamilawu yaansi ayaajuulu;

“Buunsi bwakuswaanana” chaamba buunsi nikuba buli bwamvwiki bayiminini bamumaanda amilawu nibaswaanana mumaanda amilawu obile naakuti yomwe;

“Sichuuno waNg’anda Yaansi Yamilawu” chaamba Sichuuno waNg’anda Yaansi Yamilawu;

“Nzila Zyameendelezyo aPalyamenti” (Standing Orders) kuti kazyambwa aazimwi ziyanda kuchitwa zyaamba:—

- Ng’anda Yaajulu Yamilawu zyaamba Nzila Zyameendelezyo aPalyamenti;
- Ng’anda Yaansi Yamilawu zyaamba Nzila Zyameendelezyo aPalyamenti zyamuNg’anda Yaansi Yamilawu;
- maanda obile kasweenene yaajuulu ayaansi zyaamba Nzila Zyameendelezyo aPalyamenti zyakachitwa kwiinda muChibela 139;

“Kabunga kalyiimikilide mumulawu” chaamba:-

- kkomishini yakaanzwa kwiinda muKkata Lyamulawu eeli; naakuti
- kabunga kali mumulawu kakaanzwa aMulawu upangwa aPalyamenti keendelezegwa abantu bagalwa aMuzulwidi waNyika, Uutobela Muzulwidi waNyika, Silutwe waFulumende waNyika Uutobela Silutwe waMutabi waFulumende, naakuti kkomishini yakaanzwa aKkata Lyamulawu eeli;

“Statutory Instrument” chaamba tulawulawu twakaliwo atuchiliwo atuchibumbwa aMuzulwidi waNyika;

Uutobela Muzulwidi waNyika naakuti Silutwe waMutabi waFulumende;

“Muzulwidi wabulongo” chaamba muntu wakagalwa kwiinda muChibela 283;

“Zimbabwe” chaamba nyika yakalilela yaZimbabwe;

“Kkomishini yaNsaluuzyo muZimbabwe” chaamba Kkomishini mbuuli mbuyakaanzwa muChibela 238;

“Kkomishini yaZyeelo zyaBantu muZimbabwe” chaamba Kkomishini mbuuli mbuyakaanzwa muChibela 242;

333 Aawo mpukwadomwa zyaandaano, zibeela, azimwi

Mukkata Lyamulawu eeli, aawo mpukwaadomwa kakutaambidwe zimwi, kakwaambwa—

- (a) Chaandaano, Chibeela naakuti Mpampikwa, aawo kweelede kwazibikana kuti kwaambwa Chaandaano, Chibeela naakuti Mpampikwa zyaKkata Lyamulawu eeli;
- (b) kaboola, aawo kweelede kwazibikana kuti kwaambwa kaboola kachiboola chilokudomwa;
- (c) fuka, aawo kweelede kwazibikana kuti kwaambwa fuka lya Mpampikwa, chibeela, kaboola naakuti mbuuli mbukupandulwidwe;
- (d) mwaneefuka (subparagraph) aawo kweelede kwazibikana kuti kwaambwa mwaneefuka wafuka naakuti mwaneefuka wadomwa.

334 Mabala aali mubuche awamba bwiingi kabiyo aali mubwiingi awamba mubuche

MuKkata Lyamulawu eeli, mabala aali mubuche awamba bwiingi kabiyo aali mubwiingi awamba buche.

335 Malembe aazili mukati antoomwe amitwe yamakani

Malembe akumataangunino atondeezya Zili Mukati antoomwe amitwe yamakani yazyandaano, zibaka, ziboola azimwi zilembedwe muKkata Lyamulawu eeli teensi nziizimwi zyaKkata Lyamulawu eeli pesi zibikkilidwe kuti kuube kubelesya Kkata Lyamulawu eeli luzutu.

336 Kudomwa kwachiindi

(1) MuKkata Lyamulawu eeli, aawo mpukwaambwa chiindi chibikkidwe mumazuba—

- (a) mpukutegwa chiindi chitalika buunsi buteedenene, oobo buunsi tabweelede kubalizigwa pe mukubala mazuba aawambwa;
- (b) mpukutegwa chiindi chimana buunsi buteedenene, oobo buunsi bweelede kubikkilizigwa mukubala mazuba aawambwa;

(2) Kwiinda muKkata Lyamulawu eeli aawo chiindi chakuchita mulimu wategwa uchitwe kwiinda muKkata Lyamulawu eeeli, kuti chiindi eecho kachimana muMugibelo, Sondo naakuti mubuzuba bwakulyookezya, chiindi chakuchita mulimu ooyo ngachalomponoka kuyoosika mubuzuba butobela buteensi muGibelo, Nsondo abuunsi bwakulyookezya.

(3) MuKkata Lyamulawu eeli aawo mpukwaambwa mweezi, kunooli kwaamba mweezi wamazuba ngituzi wakkalenda kabiyo chiindi chategwa chitola myeezi yongane kubalwa kwamyeesi eeyo kweelede katalika buunsi nikwaambwa kuyoosika zuba naazulila mazuba apanga mweezi/myeezi yaambwa.

(4) MuKkata Lyamulawu eeli aawo mpukwaambwa munyaka, kunooli kwaamba munyaka ulamyeesi kkumi ayibili.

337 Kudomwa kwababelesi bamumawofesi

Woonse aawo Kkata Lyamulawu mpuliyanda ngambo/lipoti naakuti fumbwa malembe kuti atolwe kuPalyamenti, lipoti eeyo naakuti malembe aayo anooli ayelede kupegwa ng'anda zyobile zyamilawu (yaansi ayakujulu).

338 Kudomwa kwaPalyamenti

Woonse aawo Kkata Lyamulawu mpuliyanda ngambo/lipoti naakuti fumbwa malembe kuti atolwe kuPalyamenti, lipoti eeyo naakuti malembe aayo anooli ayelede kupegwa ng'anda zyobile zyamilawu (yaansi ayakujulu).

339 Kuyanduula akujana busongo

(1) Woonse aawo Kkata Lyamulawu mpuliyanda fumbwa nabani muntu kuti ayanduule lugwasyo Iwamizeeo kuzwa kuli bamwi bantu/tubunga, muntu /mubelesi ooyo weelede—

- (a) kwaambila umwi wakwe, kwiinda mumalembe, eezyo nzyayanda kuchita kabiyo ape mweenzinyina luzibo loonse ndwanga ulayanda kuchitila kuti mweenzinyina amvvisisizye eezyo ziyanda kuchitwa; kabiyo
- (b) kupa mweenzinyina chiindi chizulide chakuti ape mizeeo amaboneno aakwe;

kabiyo ooyo sikupegwa mizeeo uyelede kwiitobeleyza mizeeo njaapegwa awumwi wakwe.

(2) Woonse aawo Kkata Lyamulawu mpuliyanda muntu /kabunga kuti kakumbile busongo kuzwa kuluumwi muntu/kabunga, ooyo sikuyanduula busongo uyelede—

- (a) kwaambila umwi wakwe, kwiinda mumalembe, eezyo nzyayanda kuchita kabiyo ape mweenzinyina luzibo loonse ndwanga ulayanda kuchitila kuti mweenzinyina amvvisisizye eezyo ziyanda kuchitwa; kabiyo
- (b) kupa mweenzinyina chiindi chizulide chakuti ape mizeeo amaboneno aakwe aatala azilokwaambwa; kabiyo;
- (c) alangisisyse kabotu mizeeo abusongo mbwaapegwa awumwi wakwe aatala aziyanda kuchitwa;

pesi muntu/kabunga kayanda busongo takaangilwi pe kutola mizeeo/busongo bwazwa kumuntu wali kukumbilwa busongo.

340 Kugalwa kwabantu kuti banjile muzyuuno zyamilimu

(1) Aanze kwawaawo mpukwaambidwe muKkata Lyamulawu ooyu, manguzu ngapedwe muntu kwiinda muKkata Lyamulawu eeli, aakugala bantu kuti banjile muzyuuno zyamilimu zibikkilizya manguzu aakozyania aaku:-

- (a) gala lubo muntu ooyo kuti ayendelele nembo kachibelekela muchuuno eecho;
- (b) kugala muntu antoomwe akumusumpula kuzwa achiuno eecho naakuti kumugwisya kumutola kuli chimbi chuuno;
- (c) kugala muntu kuti ajane bujatila umwi muchuuno eecho;
- (d) kugala muntu kuti abeleke muchuuno eecho kuti mweni chuuno wajana busosolosegwa kuti kulangwelangwe mabelekelo aakwe;
- (e) kudondomeka akusianisa kuzwa chiindi achiindi mufolo alumwi lugwasyo lupegwa babelesi nalaamulimu anaasiya mulimu;
- (f) kwiinda muKkata Lyamulawu eeli, kugwisya muntu achiuno chakwe naakuti kujana bumwiimikizya mulimu.

(2) Aawo bantu babili naakuti biinda babili mpubagalwa kuti babeleke mulimu womwe nkaambo kakuti umwi naakuti bamwi bakayimikizigwa mulimu, muntu wasyalila kubeleka muchuuno eecho nguwe mweni chuuno.

(3) Kwiinda muKkata Lyamulawu eeli, Mulawu upangwa aPalyamenti ukonzya kupandulula manjizizyo abantu babeleka kabatobela umwi muntu kabiyo mulawu ooyo uyelede kwaamba aatala amufolo antoomwe alumwi lugwasyo lupegwa babelesi balaamulimu.

(4) Aawo mpukwagalwa muntu kuti abeleke kali mutobeli wawumwi muntu, ooyo ubeleka kali mutobeli wawumwi muntu ukonzya kuchita milimu yoonse njachita ngwatobela aawo mupati wakwe mpatachikonyi kuchita mulimu naakuti mpaamukumbila kuti achite mulimu.

(5) Kwiinda muKkata Lyamulawu eeli likonzya kufwiinsya chiindi nchanga ulabeleka muntu mumulimu, muntu utanooli wasiya chuuno chakabikkwa kwiinda muKkata Lyamulawu eeli, kuti kachikonya ulabona wagalwa lubo kuti anjile muchuuno chakwe.

341 Kusiya mulimu

(1) Fumbwa muntu wagalwa kuti anjile mulimu muchuuno chakaanzwa aKkata Lyamulawu eeli ukonzya kusiya mulimu kwiinda mukulemba chizibisyoo chiya kumuntu wakamugala kuti anjile mulimu ooyo naakuti kuli baabo bakamusala kuti anjile muchuuno eecho—

- (a) kuMuzulwidi waNyika chizibisyoo chakwe chakusiya mulimu uchilanzya kuli Sichuuno waNg'anda Yaansi Yamilawu;
- (b) Muzulwidi waNg'anda Yaajulu Yamilawu naakuti Umutobela chizibisyoo chakwe chakusiya mulimu uchilanzya kuMulembi Mupati waPalyamenti (Clerk of Palyament) naakuti kwaambila Bayiminini bamuNg'anda Yaajulu Yamilawu;
- (c) Sichuuno waNg'anda Yaansi Yamilawu naakuti Umutobela chizibisyoo chakwe chakusiya mulimu uchilanzya kuMulembi Mupati waPalyamenti (Clerk of Palyament) naakuti kwaambila Bayiminini bamuNg'anda Yaansi Yamilawu;
- (d) Seneta chizibisyoo chakwe chakusiya mulimu uchilanzya kuMuzulwidi waNg'anda Yaajulu Yamilawu;
- (e) Mwiiminini wamuNg'anda Yaansi Yamilawu chizibisyoo chakwe chakusiya mulimu uchilanzya kuli Sichuuno waNg'anda Yaansi Yamilawu;
- (f) umwi wabekkansili yachilikiti chizibisyoo chakwe chakusiya mulimu uchilanzya kuli sichuuno wakkansili;
- (g) umwi wabekkansili yadolopo pati chizibisyoo chakwe chakusiya mulimu uchilanzya kuli Meya wadolopo pati eelyo;
- (h) Umwi wakkansili yabbooma chizibisyoo chakwe chakusiya mulimu uchilanzya kumupati wakkansili (*chief Executive officer*).

(2) Kusiya mulimu kwamuntu kuzwa muchuuno chakalengwa aKkata Lyamulawu eeli kutilika buunsi bwaambidwe mumalembe akusiya mulimu kwakwe pesi aawo buzuba achiindi mpuzitaambidwe, kusiya mulimu kwakwe kutilika aawo naatambulwa malembe aakwe sikusiya mulimu.

342 Kuchita milimu, azimwi

(1) Nguzu zyakuchita mulimu zipedwe muKkata Lyamulawu eeli zyeede kubelesegwa aawo mpuzyeelede kubelesegwa.

(2) Toonse tubunga twakalengwa kwiinda muKkata Lyamulawu eeli tujisi nguzu zyeede kuti tuchite milimu yato mbuuli mbukwelede.

(3) Aawo manguzu mpaapedwe aKkata Lyamulawu eeli kuti muntu achite mulimu ngwaapegwaa, zyoonse zyeede kubawo kuti kubelekeke nga azilazyo muzili mumanguzu ngapedwe.

343 Aawo mutnu mpategwa tachibeleki

Kwiinda muKkata Lyamulawu eeli, bantu tabayelete kutegwa tabachibeleki aawo nibanga bachita chakutambula ndyabukkede (mpencheni) iyendelana amulimu ngubakali kuchita.

344 Bwiingi bwabantu bweenzya muswaangano azimanga zijanika mutubungabunga twakalengwa aKkata Lyamulawu

(1) Fumbwa kabunga kakalengwa kwiinda muKkata Lyamulawu eeli kakonzya kuchita milimu yako nikuba kuti bantu bakabunga aako tabazulide fumbwa aabo baliwo bakonzya kweenzya muswaangano zili mumulawu.

(2) Aanze kwakuti Kkata Lyamulawu eeli naakuti imwi milawu iibona mabelekelo aakabunga aako yaamba zisiyene, pesi kwaambidwe kuti fumbwa kakuli bwiingi bwabantu busika chisela chabantu bajanika mukabunga aako, kakaanzwa kwiinda muKkata Lyamulawu, bantu baliwo bakonzya kweenzya muswaangano mbuuli mbukuyandikana.

(3) Fumbwa mpukwaambidwe muKkata Lyamulawu eeli aatala amavooti aa:-

- (a) chisela chabwiingi bwabantu pesi kabunga koonse kakajisi bwiingi busika kumweelo unjilwa amweelo wabili (*whose membership is not a multiple of two*).
- (b) ntompachaala pesi kabunga koonse kakajisi bwiingi bwabantu busika kumweelwe unjilwa a3 (*whose membership is not a multiple of three*).
- (c) buvule bwamavooti asika ku three quarter yabantu bajanika mukabunga whose membership is not a multiple of four.

zyeelede kupandululwa kazyamba kuti bwiingi bwamavooti taayelede kuba aansi kwameelwe iyinda chisela , ntompachaala naakuti *three quarters*.

(4) Fumbwa kwaamba bwiingi bwabayiminini bamung'anda zyamilawu (Palyamenti) zyaamba bwiingi bwabayiminini boonse bajanika muPalyamenti kwachiindi eecho.

345 Kuteendelana kwazyambwa aamabala muKkata Lyamulawu

Kuti kwaba kuteendelana kwazyambwa aamabala aKkata Lyamulawu, eezyo zyaambwa aamabala achikuwa nzizyo zyeelede kutobelezegwa.

MPAMPIKWA NTAANZI (Chibela 4)

NDEMBELA YACHISI, LWIIMBO LWACHISI, PANDE LYACHISI A CHIDINDO CHACHISI

CHIBAKA 1

NDEMBELA YACHISI


**CHIBAKA 2**

LWIIMBO LWACHISI

1. Amunyampule Ndembela
Yesu yaZimbabwe
Yakazyalwa aNkondo yaLwaangunuko
Abulowa bunji bwabasilumamba
Tuyitabilile kuli basinkondoma
Ngayilongezegwe nyika yaZimbabwe

2. Amulange Zimbabwe
Yo iidobeedwe
Amalundu Amilonga iiyebeka
Ngayiwe
Mvula ngayiwe ziliimwa zivule
Babeleki Bajane, Abantu Bakkute
Ngayilongezegwe Nyika yaZimbabwe

3. Mwami longezya nyika
Yesu yaZimbabwe
Nyika yabaMataata besu Iswe Toonse
Kuzwa kuli Zambezi kuya kuli Limpopo
Bazulwidi Babe chitondeezyo
Ngayilongezegwe Nyika yaZimbabwe



CHIBAKA 2

LWIIMBO LWACHISI



CHIBAKA 3

PANDE LYACHISI

CHIBAKA 4

CHIDINDO CHACHISI

MPAMPIKWA YABILI (Chibela 87)

KUTYOLWA KWAZYEELELO MUCHIINDI CHAMPYOPYONGANO

Bupanduluzi muMpampikwa Ntaanzi

1. MuMpampikwa eeyi—

“mwaange” chaamba mutu waangwa muchiindi champyopyongano kwiinda
mumulawu uubelesegwa kwaanga bantumuchiindi champyopyongano;

“mulawu wachiindi champyopyongano” chaamba mulawu ulaatala azyeelede
kuchitwa muchiindi chalupyopyongano;

“zyeelelo zyaampandamunsaka naakuti ngwangunuko” chaamba zyeelelo
angwangunuko zyaambidwe muChibaka Chabili muChaandaano 4;

“Kabunga kakulangalanga” chaamba kabunga kaambidwe mufuka 3(1)

Mbuzinga zilaleka kuzuzikizigwa zyeelelo angwangunuko zyaampandamunsaka

2. (1) Mulawu wachiindi champyopyongano ukonzya kuzumizya kuleka
kuzuzikizigwa kwazyeelelo angwangunuko zyaampandamunsaka pesi kakutobelezegwa
akusimatizya zyaambidwe muchibeela 87.

(2) Kuti koopololwa chiindi champyopyongano kwiinda muchibeela 113
kuchipanzi chimwi chanyika yaZimbabwe, kuleka kuzuzikizigwa kwazyeelelo
zyaampandamunsaka antoomwe angwangunuko takweelede pe kuchitwa munyika
yoonse yaZimbabwe, ikapati kwatawompololwa lupyopyongano.

Kabunga kalangalanga zyabaange muchiindi champyopyongano

3.(1) Mulawu wamuchiindi champyopyongano uuzumizya kwaangwa kwabantu
muchiindi eecho kweelede wapandulula kubumbwa kwakabunga katanolangisisye
milandu yabaange baangwa muchiindi eecho.

(2) Kabunga kalangalanga zyabaange muchiindi champyopyongano keelede
kugalwa aMuzulwidi waNyika kapegwa busongo aKkomishini yaBubetesi antoomwe
akumvwa maboneno aKkomiti ibona Nzila Zyameendeleyo aPalyamenti.

(3) Kabunga kalangalanga zyabaange muchiindi champyopyongano keelede
kubumbwaaabantu batobel—a—

(a) sikuuno unooli nguJaji naakuti wakali Jaji; kabiyo

(b) abambi babili bantu, kakuli umwi wabo:-

(i) nguJaji naakuti wakali Jaji naakuti ukonzya kuchita mulimu
wabuJaji;

(ii) wakali waba Mejasitiliti muZimbabwe kwaminyaka ili musanu
ayibili naakuti iyinda waawo; naakuti

(iii) wakabeleka zyabusimulawu kwaminyaka ili musanu ayibili naakuti
iyinda waawo muZimbabwe.

Zyeelelo zyabaange

4. (1) Boonse baange bajalilidwe—

(a) beelede kwaambilwa, chakufwambaana mukati kamazuba musanu
awabili, eecho chapa kuti baangwe akujalilwa;

(b) beelede kuzumizigwa achakufwambaana—

- (i) kababelesya mali yabo kuti bazuwe mukavwindi asimulawu/loya wabo ngubalisilila; naakuti
 - (ii) kuzuwa mukavwindi asimulawu ngubapegwfa afulumende kabiyo simulawu ooyo kabbadalwa afulumende;
- kabiyo beeleda kwaambilwa achakufwambaana zyeelelo zyabo eezi zyaambidwe mufuka eeli; kabiyo
- (c) mubwaange bwabo kweelede bajatwa mululemko kabiyo kazitondeezya kuti mbantu.
- (2) Aawo fuka mpuliyanda kuti baange bapegwe luzibo oolu—
 - (a) luzibo oolo lweelede kupegwfa kubaange mumulaka ngubamvwisisisya; kabiyo 130
 - (b) kuti mwaange katakonzyi kubala akulemba ,fumbwa malembe ngaapegwfa ayelede kupandululwa kabotu kulinguwe kuchitila kuti amvwisisisye zyaambwa.

Kulangwalangwa kwamilandu yabaange

5.(1) Umwi awumwi mulandu wabaange bajalilidwe uyelede kweetwa kuKabunga kalangalanga zyabaange muchiindi champyopyongano mukati kamazuba kkumi kuzwa buzuba mbubaangwa kabiyo kabunga akaa keelede kwaambilwa zina lyamwaange, busena nkwaajalilidwe achecho chakapa kuti ajalilwe/awangwe.

(2) Mulandu wawoonse mwaange uujalilidwe uyelede kweetwa lubo kukabunga kalangalanga zyamilandu yabaange muchiindi champyopyongano nikwiinda mazuba makumi otatwe kuzwa buzuba nuwakalangidwe mulandu umwi awumwi naakuti mukati kamazuba mache kuti kakuli kabunga kalokulangalanga milandu kaamba boobo.

(3) Kabunga kalangalanga zyabaange muchiindi champyopyongano keelede kulangisisya milandu yeetwa kuli nkako kakatanonoki pe.

(4) Mukulangalanga milandu yoonse kuchitwa aKabunga kalangalanga zyabaange muchiindi champyopyongano, boonse baange beeleda kuzumininwa kulyaambwiida lwabo beni, naakuti kabayanda—

- (a) kwaambwidwa asimulawu ngubapegwfa afulumende kabiyo kabbadalwa afulumende; naakuti
- (b) kwaambwidwa asimulawu ngubalilangwiida akulibbadalila lwabo beni.

(5) Eezi zyaambwa mumwanefuka (1) zyamazuba asika kukkumi zilaamba kabiyo kuchiindi chisyoonto chakujalilwa chitasiki kumazuba kkumi. Eezi zilaamba kulaabo baange banga bagwisigwa kaatana mana mazuba kkumi kabali baangwa mpawo baangwa lubo akujalilwa lubo mukati kamazuba kkumi kuzwa nibagwisigwa.

Eeyo zyaambwa aKabunga kalangalanga zyabaange muchiindi champyopyongano

6. Kabunga kalangalanga zyabaange muchiindi champyopyongano keelede kulemba maboneno aako kakapa malembe aayo kuli baabo bakawanga akujalila baange. Malembe aaya aleelede kwaamba kuti mwaange umwi awumwi uyelede kuyanembo kajalilidwe na naakuti agwisigwe mubwaange. Aabo bapegwa malembe azwa kuKabunga kalangalanga zyabaange muchiindi champyopyongano beeleda kutobeleyza zyaambwa amalembe aachitwa akabunga akaa.

Mwaange wagwisigwa tayeleda kwaangwa lubo pe kaangilwa mulandu ngwaagwisilwa kale

7. (1) Mwaange wagwisigwa kuzwa mubwaange/mukujalilwa nkaambo kakuti kwajanika kuti malembe aKabunga kalangalanga zyabaange muchiindi

champyopyongano awamba kuti ngagwisigwe nkaambo taakwe bukamboni pe bwakwaangwa akujalilwa kwakwe, tayeled e kujalilwa lubo pe kakubelesegwa mulandu ngwaagwisigilwa.

(2) Kuchitila kuti fuka eeli limvwisisike kabotu, mwaange uwambwa kuti wajalilwa mulandu ngunguwo
ngwaajalilidwe do mane Kabunga kalangalanga zyabaange muchiindi champyopyongano kaamba kuti, mukubona kwako, kubaanga kuluumbi mulandu ngwanga ulaangilwa mwaange ooyu.

Kuzumizigwa kwamwaange kuti abelesye nkuta

8. Mpampikwa eeyi tiiyelede kubonwa aanga itolela mwaange cheelelo chakubelesya nkuta kukaka kwaangwa antoomwe amulandu wakwe muchiindi kuutana langwalangwa aKabunga kalangalanga zyabaange muchiindi champyopyongano naakuti kuuli walangwalangwa kale akabunga aaka.

MPAMPIKWA YATATU

(Zibeela 94, 104, 114, 122, 123, 126, 127, 128, 185, 259, 272, 310a 320)

ZIKONKE ANZUMINO

Malayilile

1. Woonse mutu uyelede kuchita chimwi chazikonke, kuti kayanda, ukonzya kuchita nzumino aleke kuchita chikonke kabelesya mabala aapedwe.
2. Kuti mutu wachita chimwi chazikonke eezi naakuti kuchita imwi yanzumino eezi wabelesya mabala asiyene achikonke anzumino, musiyano wamabala aabelesegwa tuukonzyi kuubula bulemu bwachikonke anzumino yachitwa nkaambo zichinoomusungilide sikukonka/sikuzumina eezyo nzyaakonka/zumina.

CHIKONKE ANZUMINO YAKULIPEDA AKUSWIILILA

Mebo ndakonka [naakuti ndazumina] kuti njoosyomeka akulipeda kunyika yaZimbabwe antoomwe akulemeka milawu yaZimbabwe.

Nkaako ndigwasye Leza. [*zilasotokwa kuti kakuchitwa nzumino*]

Chikonke eechi naakuti nzumino eeyi iyelede kuchitwa kunembo lyamuntu uuwambidwe mumulawu uyendelana aanzizeezi.

CHIKONKE NAAKUTI NZUMINO CHAWOFESI

Mebo ndakonka [naakuti ndazumina] kuti ndizooyibelekela Zimbabwe, akulipeda mu wofesi yabu.

Nkaako ndigwasye Leza. [*zilasotokwa kuti kakuchitwa nzumino*]

Chikonke eechi naakuti nzumino eeyi iyelede kuchitwa kunembo lyamuntu uuwambidwe mumulawu uyendelana aanzizeezi.

CHIKONKE NAAKUTI NZUMINO YAMUZULWIDI WANYIKA NAAKUTI BAMUTOBELA

Mebo ndakonka [naakuti ndazumina] kuti mbuuli Muzulwidi waNyika [naakuti Utobela Muzulwidi waNyika] yaZimbabwe, njoosyomeka kabiyo njooswiilila, kusumpula akukwabilila Kkata Lyamulawu antoomwe ayimwi milawu yaZimbabwe, kabiyo—

njoosumpula zyoonse zigwasya nyika yaZimbabwe antoomwe akukaka zitagwasyi nyika yaZimbabwe;

- njookwabilila akusumpula zyeelelo zyabantu bamuZimbabwe;
- njoochita milimu yangu munguzu zyangu zyoonse aluzibo ndundaalo loonse.
- ndal ipeda lwangu mukugwas izya bukkale bwanyika yaZimbabwe abantu bayo.

Nkaako ndigwasye Leza. [*zilasotokwa kuti kakuchitwa nzumino*]

Chikonke eechi naakuti nzumino eeyi iyelede kuchitwa kunembo lyaDuundumuntule waBabtesi naakuti kuti katawo, kunembo lyawumwi mubetesи utobela Duundumunutle waBabtesi.

CHIKONKE NAAKUTI NZUMINO YASILUTWE WAMUTABI WAFULUMENDE

Mebo ndakonka [*naakuti ndazumina*] kuti njoosyomeka kunyika yaZimbabwe , mu wofesi yaSilutwe waMutabi waFulumende (Minista) njooswiilila, kusumpula akukwabilila Kkata Lyamulawu antoomwe ayimwi milawu yaZimbabwe, kabiyo; njoogwasizya Muzulwidi waNyika kumupa luzibo abusongo Muzulwidi waNyika yaZimbabwe mbuuli mbuntanoozibone aawo mpuntanookumbilwe kupa mizeeo yangu kuchitila kuti kweendelezegwa kwanyika yaZimbabwe kuchitwe kabotu, kabiyo nsikoyoobbonganona nsiswa zyaambuulwa muKkabbineti naakuti niiba ili nsiswa njindapegwa mukuchita mulimu wangu mbuuli Silutwe waMutabi waFulumende, kabiyo njoochita milimu yangu mukuziba kwangu koonse.

Nkaako ndigwasye Leza. [*zilasotokwa kuti kakuchitwa nzumino*]

Chikonke eechi naakuti nzumino eeyi iyelede kuchitwa kunembo lyaMuzulwidi waNyika naakuti katawo, kunembo lyaDuundumuntule waBabtesi naakuti kunembo lyawumwi mubetesи utobela Duundumunutle waBabtesi.

CHIKONKE NAAKUTI NZUMINO YAWUTOBELA SILUTWE WAMUTABI WAFULUMENDE

Mebo ndakonka [*naakuti ndazumina*] kuti njoosyomeka kunyika yaZimbabwe , mu wofesi yaMutobeli waSilutwe waMutabi waFulumende njooswiilila, kusumpula akukwabilila Kkata Lyamulawu antoomwe ayimwi milawu yaZimbabwe, kabiyo; njoogwasizya Muzulwidi waNyika kumupa luzibo abusongo Muzulwidi waNyika yaZimbabwe mbuuli mbuntanoozibone aawo mpuntanookumbilwe kupa mizeeo yangu kuchitila kuti kweendelezegwa kwanyika yaZimbabwe kuchitwe kabotu, kabiyo nsikoyoobbonganona nsiswa zyaambuulwa muKkabbineti naakuti niiba ili nsiswa njindapegwa mukuchita mulimu wangu mbuuli Silutwe waMutabi waFulumende, kabiyo njoochita milimu yangu mukuziba kwangu koonse.

Nkaako ndigwasye Leza. [*zilasotokwa kuti kakuchitwa nzumino*]

Chikonke eechi naakuti nzumino eeyi iyelede kuchitwa kunembo lyaMuzulwidi waNyika naakuti katawo, kunembo lyaDuundumuntule waBabtesi naakuti kunembo lyawumwi mubetesи utobela Duundumunutle waBabtesi.

CHIKONKE NAAKUTI NZUMINO YAMWIIMININI MUNG'ANDA YAPALYAMENTI

Mebo Ndakonka [*naakuti ndazumina*] kuti njoosyomeka kunyika yaZimbabwe, njoosumpula Kkata Lyamulawu antoomwe ayimwi milawu yaZimbabwe, kabiyo ndiloochita milimu yangu nkindi Seneta/ Mwiiminini muNg'anda Yaansi Yamilawu [fumbwa zili nzizyo] mukulipeda kwangu kabiyo muluzibo loonse ndundaalo.

Nkaako ndigwasye Leza. [*zilasotokwa kuti kakuchitwa nzumino*]

Chikonke eechi naakuti nzumino eeyi iyelede kuchitwa kunembo lyaMulembi Mupati waPalyamenti.

CHIKONKE NAAKUTI NZUMINO YABUBETESI

Mebo ndakonka [naakuti nzumina] kuti njoosyomeka kunyika yaZimbabwe kabiyo nkindi muwofesi ya Ndiloosumpula akukwabilila Kkata Lyamulawu kabiyo ndiyoooyendelezya bululami kubantu boonse munzila ikozyania kakutakwe kuyoowa naakuti kufwida luse bamwi bantu mbuuli mbuuyaambidwe muKkata Lyamulawu antoomwe ayimwi milawu.

Nkaako ndigwasye Leza. [zilasotokwa kuti kakuchitwa nzumino]

Aawo muntu uchita chikonke eechi naakuti nzumino eeyi kali Jaji kweelede wachita kunembo lyu Duundumuntule waBubetesi naakuti uutobela Duundumuntule wabubetesi. Muli zyoonse zimwi kweelede chikonke eechi chachitwa kunembo lyamuntu uwambidwe amulawu uyendelana amulimu wakwe.

CHIKONKE NAAKUTI NZUMINO YAMWIIMININI MUKKANSILI YACHILIKITI/DOLOPO PATI

Mebo ndakonka [naakuti nzumina] kuti njoosyomeka kunyika yaZimbabwe , mu wofesi yakuba umwi waKkansili yaChilikiti [naakuti yaDolopo Pati], kkansili yachilikiti cha [wamba zina lyachilikiti] njoosumpula akukwabilila Kkata Lyamulawu antoomwe ayimwi milawu yaZimbabwe, kabiyo; Njoogwasizya kumizeeo Sichuuno waKkansili yaChilikiti [naakuti Meya] wa [wamba zina lyachilikiti] mbuuli mbuntanoozibone aawo mpuntanookumbilwe kupa mizeezo yangu kuchitila kuti kweendelezegwa kwachilikiti/dolopo pati kuchitwe kabotu, kabiyo nsikoyoobbongonona nsiswa ziyoomba mukkansili yachilikiti [dolopo pati] naakuti niiba ilii nsiswa njindapegwa mukuchita mulimu wangu mbuuli umwi wakkansili yachilikiti , kabiyo njochita milimu yangu mukuziba kwangu koonse.

Nkaako ndigwasye Leza. [zilasotokwa kuti kakuchitwa nzumino]

Chikonke eechi naakuti nzumino eeyi iyelede kuchitwa kunembo lyamuntu uwambidwe mumilawu ilangene aamulimu ooyu.

MPAMPIKWA YANE

(Zibeela 92, 121, 124, 125 a 158)

NZIBEELEDE KUBAAZYO KUTI BANTU BALEMBESYE KUVOOTA

Nzuweelede kubaazyo kuti ulembesye kuvoota

1.(1) Kwiinda mumwanefuka (2) kabiyo afuka (2), muntu ukonzya kulembesyaa kuvoota mumalembe abasikuvoota bajanika mibusena bwaakagalwa (kkonsitichwensi) kuti kakuli—

- (a) ujisi minyaka isika naakuti iyinda kkumi lilaamusau atutatu; kabiyo
- (b) ujisi bwenichisi bwaZimbabwe.

(2) Mulawu waNsaluuzyo ukonzya kuyungizya zimwi ziyandikana zili mbuuli bukamboni bwampokkala kuchitila kuti bantu balembesye mumalembe aabusena bwabonchobeni, pesi fumbwa eezyo zyayungizigwa kweelede kazyeedelana aziyandwa aKkata Lyamulawu eeli, kapati chibeela 67.

Kukasigwa kulembesya kuvoota

2. Muntu ukonzya kukasigwa kulembesya kuvoota—

- (a) kuti kakuli ubambilidwe muchibbadela chabantu basondokede zili mumulawu upangwa aPalyamenti uubona zyabulondozi bwamuboongo;
- (b) kuti kakuli wakoompololwa ankuta kuti tachikonyi kweendelezya zintu zyakwe, fumbwa moompololo ooyo kuchibeleka; naakuti

- (c) kuti kakuli muntu wakali wajanika kalaamulandu ujanika muMulawu waNsaluzyo kabiyo wakoompololwa aNkuta Yaajulu kuti akasigwe kulembesya kuvoota naakuti wakakasigwa kuvoota kwachiindi chaambidwe pesi chiindi eecho chakukasigwa kuvoota tacheede kwiinda minyaka musanu pe.

MPAMPIKWA YASANU

(Sections 130 and 131) (Zibela 130 a131)

ZITOBELEZEGWA MUKUCHITA MABILLS AZIMWI ZYAAMBO MUPALYAMENTI

KUBAMBWA KWAMAFUKA

CHIBAKA 1

KUNJIZYA MABILLS, MITWE YANJOOMO AMA PETISHINI

Ifuka

1. Bupanduluzi muMpampikwa Yasanu.
2. Ng'anda Yamilawu nkuyazwa Bill.
3. Bayiminini bang'anda bayeta maBills aMitwe Yanjoomo (Motions).
4. Palyamenti tiikonzyi kuzuwa aatala azyaMoney Bills naakuti Fiscal motions or petishin aanze kwakuti zyakumbilwa aMutobeli waMuzulwidi waNyika, Silutwe waMutabi waFulumende naakuti Utobela Silutwe waMutabi waFulumende.

CHIBAKA 2

MEENDELEZEZYO AMA BILL

5. Kweenzegwa kwama Bill akati kaMaanda amilawu.
6. Kukazyania kwaMaanda aaMilawu.
7. Ma Bill alaatala azyamali.

CHIBAKA 3

MALIPOTI ALEMBWA AKKOMITI YAZYAKULANGALANGA MILAWU MUPALYAMENTI

8. Malipoti alembwa a Kkomiti Yazyakulangalanga Milawu muPalyamenti.
9. Malipoti alembwa aKkomiti Yazyakulangalanga Milawu muPalyamenti aatala amStatutory Instruments.

CHIBAKA 1

KUNJIZYA MABILLS, MITWE YANJOOMO AMA PETISHINI

Bupanduluzi muMpampikwa Yasanu

1. Mumpampikwa eeyi—

“Bill yaMali” chaamba Bill lilaachakwaamba aatala a—

- (a) kubikka, kuyungizya naakuti kuchesyia mali yatax ibbadalwa kuchitila kuti fulumende agwasikane;
- (b) kujana mali kuzwa, naakuti kubikka, kuyungizya naakuti kuchesyia mali iyanda kuzwa kuNkomo Mpati Yafulumende naakuti zimwi nkomo zyafulumende;
- (c) kuliya chikwelete chiya kuli fulumende;
- (d) kusola kukachilwa kutolwa kwatax iyelede kuti iye kuli fulumende

- (e) kusola mabeleseyo aamali atazumizigwe pe afulumende.

Ng'anda yamilawu kwazwa Bill

2. (1) Fumbwa Bill likonzya kutaanguninwa muNg'anda Yaansi Yamilawu.

(2) Fumbwa Bill, aanze kwaMoney Bill, likonzya kutaanguninwa muNg'anda Yaajulu Yamilawu

Bakonzya kutaanguna njoomo yamaBill

3. Kwiinda muKkata Lyamulawu eeli aNzila Zyameendelezyo aPalyamenti—

- (a) fumbwa Seneta ukonzya kunjizya Bill muNg'anda Yaajulu Yamilawu naakuti kukosola njoomo yaatala aBill muNg'anda Yaajulu Yamilawu naakuti kweeta petishini muNg'anda Yaajulu Yamilawu;
- (b) fumbwa Mwiiminini wamuNg'anda Yaansi Yamilawu ukonzya kunjizya Bill muNg'anda Yaansi Yamilawu naakuti kukosola njoomo yaatala aBill muNg'anda Yaansi Yamilawu naakuti kweeta petishini muNg'anda Yaansi Yamilawu;
- (c) fumbwa Mutobeli waMuzulwidi waNyika, Silutwe waMutabi waFulume naakuti Uutobela Silutwe waMutabi waFulume ukonzya kunjizya Bill, naakuti kukosola njoomo yaatala aBill naakuti kweeta petishini muNg'anda Yaajulu Yamulawu naakuti Ng'anda Yaansi Yamulawu;
- (d) Fumbwa mutnu wanjizya Bill muliimwi Ng'anda Yamilawu ukonzya kuti, nilyazuminwa Bill eelyo ang'anda eeyo mwaalinjizya walitola kuliimbi Ng'anda Yamilawu,

Palyamenti tiikonyi kuzuwa aatala azyaMoney Bills naakuti Fiscal motions or petishini aanze kwakuti zyakumbilwa aMutobeli waMuzulwidi waNyika, Silutwe waMutabi waFulume naakuti Uutobela Silutwe waMutabi waFulume.

4. (1) Aanze kwakuti bakumbilwa aMutobeli waMuzulwidi waNyika, Silutwe waMutabi waFulume naakuti Uutobela Silutwe waMutabi waFulume, taakwe ng'anda yamilawu iinga—

- (a) ilayooma Bill, nikuba liyanda kubambululwa, lilaachakuchita azyaMoney Bill mumeso aMuzulwidi waSeneti naakuti Sichuno waNg'anda Yaansi Yamilawu;
- (b) yooma mutwe wanjoomo , nikuba mutwe wanjoomo wakabambululwa, ulaachakuchita azintu zitobela mumeso aMuzulwidi waSeneti naakuti Sichuno waNg'anda Yaansi Yamilawu:-
 - (i) kubikka, kuyungizya naakuti kuchesya mali yatax ibbadalwa kuchitila kuti fulumende agwasikane;
 - (ii) kujana mali kuzwa, naakuti kubikka, kuyungizya naakuti kuchesya mali iyanda kuzwa kuNkomo Mpatis Yafulume naakuti zimwi nkomo zyafulumende;
 - (iii) kuliya chikwelete chiya kuli fulumende;
 - (iv) kusola kukachilwa kutolwa kwatax iyelede kuti iye kuli fulumende
 - (v) kusola mabeleseyo aamali atazumizidwe pe afulumende naakuti
- (c) ilatambula petishini inga mumeso aMuzulwidi waSeneti naakuti Sichuno waNg'anda Yaansi Yamilawu, iyanda kuti kuchitwe nikuba chinzi chaambidwe mumwanefuka (b).

(2) Mwaneefuka (1) takonzyi kubelesegwa kuBill lyanjizigwa, mutwe wanjoomo naakuti petishini yeetwa aMutobel i waMuzulwidi waNyika, Silutwe waMutabi waFulumende naakuti Uutobela Silutwe waMutabi waFulumende.

CHIBAKA 2

MEENDELEZYO AMABILL

Kweenzegwa kwama Bill akati kaMaanda amilawu

5. (1) Bill lyataangunwa akuzuminwa muliimwi ng'anda yaPalyamenti lyeelede kutolwa kuliimbi ng'anda yaPalyamenti achakufwambaana kabiyo buunsi nilyatolwa kuliimbi ng'anda yaPalyamenti kweelede kwalembwa mumalembe ang'anda nkulyazwa Bill.

(2) Bill lyeetwa mung'anda yamilawu lyeelede kutaangunwa kuyoomwa achakufwambaana mpawo balizumine mbuuli mbulibede naakuti balibambulule nibatalizumine.

(3) Bill lyakatumizigwa kuliimbi ng'anda yamilawu kwiinda muli zyaambilwe mufuka eeli, kuti lyaakubambululwa kung'anda eeyo lyeelede lyaboozegwa nkung'anda nkulyakazwide kabiyo eezyo zyakabambululwa muBill kazili zyazuminanwa aMulembi Mupati waPalyamenti. Nikuba boobo ng'anda yamilawu yakatumizizye Bill lyakabambululwa ikonzya kukaka, kuzumina naakuti kubambulula lubo eezyo zyakaakubambululwa kuliimbi ng'anda yamilawu.

(4) Kuti Bill lyaboozegwa kung'anda yamilawu yakalitaanguna, kwiinda mulizyambwa amwaneefuka (3), mpawo eezyo zyakali zyabambululwa ayimbi ng'anda yamilawu zyakakwa naakuti zyabambululwa lubo ang'anda yamilawu yakataanguna Bill, imwi ng'anda yakali yabambulula Bill ikonzya kutumizya mulumbe kung'anda yamilawu yakataanguna Bill kakugwisigwa eezyo zyakali zyabambululwa ang'anda yakatali taanguna Bill naakuti kakuzuminwa zyakabambululwa ang'anda yakataanguna Bill.

Kukazyania kwaMaanda aaMilawu

6. (1) Kwiinda mufuka eeli, kuti—

- (a) Ng'anda Yaajulu Yamilawu aNg'anda Yaansi Yamilawu teezyazuminana aatala aziyanda kubambululwa muBill lyakataangunwa aNg'anda Yaansi Yamilawu mukati kamazuba makumi musanu alaamakumi aane (90 days) Bill kalili lyanjizigwa muNg'anda Yaajulu Yamilawu;
- (b) Ng'anda Yaajulu Yamulawu aNg'anda Yaansi Yamilawu teezyazuminana aatala aziyanda kubambululwa muBill lyakataangunwa aNg'anda Yaajulu Yamilawu mukati kamazuba makumi musanu alaamakumi aane (90 days) Bill kalili lyabweedezegwa kuNg'anda Yaajulu Yamilawu; naakuti
- (c) Bill lyakataangunwa muNg'anda Yaansi Yamilawu lyakakwa naakuti teelyazuminwa aNg'anda Yaajulu Yamilawu mukati kamazuba ali makumi musanu amakumi aane (90 days) Bill kalili lyanjizigwa muNg'anda Yaajulu Yamilawu;

Bill eelyo likonzya kutumizigwa kuMuzulwidi waNyika kuti likazuminwe akusayinwa muchiimo mbulyakabede nilyakazuminwa aNg'anda Yaansi Yamilawu, aanze kwaziyandikana kubambululwa ziche/ziniini mukuya kwachiindi antoomwe azimwi zyakabambululwa zyakazuminanwa amaanda aamulawu obile.

(2) Kuti, mukubona kwaSichuuno waNg'anda Yaansi Yamilawu, Bill lya:-

- (a) kataanguninwa muNg'anda Yaansi Yamilawu; kabiyo

- (b) lyakanjizigwa muNg'anda Yaansi Yamilawu mukati kamazuba makumi musanu amakumi aane (90 days) kuzwa limwi Bill lyakataangunwa muNg'anda Yaajulu Yamilawu lyakanjizigwa muNg'anda Yaajulu Yamilawu;

kalijisi malembe aakozyania awaayo aali muBill lyakaliwo kale, aanze kwamasandu maniini loko ayandikana mukuya kwachiindi, mwaneefuka (1) ulabeleka kuBill aali boobo kwabaanga chiindi chamazuba aasika kumakumi musanu amakumi aane (90 days) zyaambidwe mubanabefuka (a) a (c) bamwaneefuka zyaamba chiindi nchaswaanana maanda aamilawu amazuba musanu awatatu.

(3) Bill lyamzibidwe mubanabefuka (1) a (2) talikonzyi kutolwa kuMuzulwidi waNyika kuti likazuminwe akusayinwe aanze kwakuti, nikwayinda chiindi chamazuba makumi musanu amakumi aane (90days) naakuti mazuba musanu awatatu chiindi chaambidwe mumwaneefuka wakkona, mpawo Ng'anda Yaansi Yamilawu yazuminana kuti Bill litumizigwe kuMuzulwidi waNyika kuyoozuminwa akusayinwa.

(4) Bill lyatumizigwa kuMuzulwidi waNyika kuti likazuminwe akusayinwa kwiinda mulizyaambidwe mufuka eeli lyeelede kusindikilwa asetifiketi kuzwa kuli Sichuuno waNg'anda Yaansi Yamilawu iiwamba kuti Bill eeli ndelimwi lyakeendelezegwa kwiinda mufuka eeli kabiyo eezyo ziyandikana kuchitwa afuka eeli zyakachitwa mbuuli mbukweelede.

(5) Bill lyatumizigwa kuMuzulwidi waNyika, kwiinda muli zyaambidwe mufuka eeli, nga lyabwezegwa aanga lyakazuminwa aPalyamenti muchiimo mulyatumizigwa kuMuzulwidi waNyika.

(6) Kuchitila fuka eeli—

- (a) Bill lyakataangunwa aNg'anda Yaansi Yamilawu ngalyatolwa mbuuli Bill lyakanjizigwa muNg'anda Yaajulu Yamilawu mpawompawo mubuunsi mbwiiswaanana Ng'anda Yaajulu Yamilawu kuzwa buunsi nilyakatumizigwa kuya kung'anda eeyi yamulawu mbuuli mbukulebedwe mumalembe aNg'anda Yaansi Yamilawu kwiinda muli zyaambidwe mufuka 5(1);

- (b) Bill lyakataangunwa aNg'anda Yaajulu Yamilawu ngalyatolwa mbuuli Bill lyakaboozegwa kuNg'anda Yaajulu Yamilawu mpawompawo mubuunsi mbwiiswaanana Ng'anda Yaajulu Yamilawu kuzwa buunsi nilyakaboozegwa lutaanzi kuza kuNganda Yaajulu Yamilawu kwiinda muli zyaambidwe mufuka 5(3);

(7) Fuka eeli talitobelezegwi pe kukwendelezegwa kwaConstitutional Bills naakuti Money Bills.

Ma Bill alaatala azyamali (Money Bills)

7.(1) Ng'anda Yaajulu Yamilawu tijisi manguzu aakubambulula Money Bill pesi ikonzya kukumbila Ng'anda Yaansi Yamilawu kuti ibambulule ziyanda kubambululwa.

(2) Mulembi Mupati waPalyamenti uyelede kubona masandu alokukumbilwa aNg'anda Yaajulu Yamilawu kuti achitwe kuMoney Bill kabiyo uyelede kwaatumizya masandu ayanda kuchitwa kuNg'anda Yaansi Yamilawu.

(3) Ng'anda Yaansi Yamilawu iyelede kwalangalanga masandu ngiyakakumbilwa kuti iwachite akatumizigwa kuli njijo kwiinda mufuka eeli kabiyo ikonzya kwaanjizya muMoney Bill masandu aayo.

(4) Kuti Ng'anda Yaajulu Yamilawu teeyazumina Money Bill mukati kamazuba musanu awatatu (8 days) kiwsaanana kubalwa kuzwa buunsi Bill nilyakanjizigwa muNg'anda Yaajulu Yamilawu, iNg'anda Yaansi Yamilawu ikonzya kuzuminana

kuti Bill eelyo ngalitumizigwe kuMuzulwidi waNyika nkaako Bill eelyo likonzya kutumizigwa kuMuzulwidi wa Nyika muchiimo mulyakabede nilyakazuminanwa muNg'anda Yaansi Yamilawu.

(5) Money Bill lyatumizigwa kuMuzulwiid waNyika kalili lyazuminanwa kwiinda muli zeezyo zyaambidwe mumwanefuka (4)—

- (a) ngalyatolwa mbuuli kuti lyakazuminanwa aPalyamenti muchiimo mulyakabede nilyakazuminanwa muNg'anda Yaansi Yamilawu; kabiyo
- (b) kuti lyatumizigwa kuMuzulwiid waNyika kuti likazuminwe akusayinwa, lyeede kusindikilwa asetifiketi lizwa kuli Sichuno waNg'anda Yaansi Yamilawu lyaamba kuti Bill eelyo lyakazuminanwa kwiinda mufuka eeli.

CHIBAKA 3

MALIPOTI ALEMBWA AKKOMITI YAZYAKULANGALANGA MILAWU MUPALYAMENTI

Malipoti alembwa a Kkomiti Yazyakulangalanga Milawu muPalyamenti

8.(1) Kwiinda muli zyaambidwe mufuka eeli, taakwe ng'anda yamilawu ikonzya kumaninsizya meendelezezyo aBill ilipoti izwa kuKkomiti Yazyakulangalanga Milawu muPalyamenti kiitana balwa mung'anda eeyo yamilawu.

(2) Mwaneefuka (1) tabelesegwi pe—

- (a) kuConstitutional Bill; naakuti
- (b) fumbwa Bill lyakalembelwa lipoti kale aKkomiti yaZyakulangalanga Milawu muPalyamenti aanze kwakuti Bill eelyo lyakazoobambululwa kuzwa niyakali kulangalanga Kkomiti yaZyakulangalanga Milawu muPalyamenti.

(3) Kuti Kkomiti yaZyakulangalanga Milawu muPalyamenti yakachilwa kulemba lipoti aatala aBill mukati kachiindi chaambidwe muNzila Zyameendelezyo aPalyamenti naakuti mukati kachiindi chayungizigwa kachili chazuminwa kwiinda muNzila Zyameendelezyo aPalyamenti, nga kwayeeyelwa kuti Kkomiti yakabona kuti taakwe bubi budinkaana aKkata Lyamulawu pe bujanika muBill eelyo kuti lyaba mulawu nkaako eeyo ng'anda yamulawu iyeede kwiinkilila nembo akuzumina Bill eelyo mbolibede aanga Kkomiti yakapa lipoti yayo.

(4) Kwiinda mubanabefuka (5) a (6), kuti Kkomiti yaZyakulangalanga Milawu muPalyamenti yaamba kuti zimwi zipanzi zyaBill zidinkaana aKkata Lyamulawu, eeyo ng'anda yamilawu ilokweendelezya Bill eelyo iyeede kubweza mizeeo yazwa kuKkomiti yaZyakulangalanga Milawu muPalyamenti akuchita mbuuli mbuyaambilwa mulipoti. Ng'anda yamulawu eeyo tiikonzyi kuzumina Bill eelyo lyategwa lijiszi zipanzi zidinkaana aKkata Lyamulawu kusikila zyabambululwa zipanzi eezyo zitalomene.

(5) Kuti ng'anda yamilawu yajana lipoti lizwa kuKkomiti yaZyakulangalanga Milawu muPalyamenti mbuuli mbukwaambidwe mumwanefuka (4) aatala aBill lyakanjizigwa Mutobela waMuzulwiid waNyika, Silutwe waMutabi waFulumende naakuti Uumutobela, muntu wakeeta Bill mung'anda yamulawu uyeede kupegwa chiindi chakuti asandule zyaambidwe mulipoti yaKkomiti yaZyakulangalanga Milawu muPalyamenti.

(6) Kuti ng'anda yamilawu yazuminana, kwiinda mulizyaambidwe amumwanefuka (4), kuti nchobeni zimwi zipanzi zyaBill zidinkaana aKkata Lyamulawu, Mutobela waMuzulwidi waNyika naakuti Silutwe waMutabi waFulumende kuti kayanda ukonzya kutola kaambo kakwe kuNkuta yaZyakkata Lyamulawu mukati kamazuba kkumi amazuba aane (14 days) kuzwa buunsi ng'anda yamulawu niyakakaka kuzumina Bill eelyo. Pesi kuti Nkuta yaZyakkata Lyamulawu yatzumina

tupanzi twaBill twali kutegwa tudinkaana aKkata Lyamulawu, ng'anda yamilawu yalikweendelezya Bill eelyo ikonzya kuzumina Bill eelyo kalijisi tupanzi twakali kutegwa tudinkaana aKkata Lyamulawu.

Malipoti alembwa aKkomiti Yazyakulangalanga Milawu muPalyamenti

9. (1) Kkomiti Yazyakulangalanga Milawu muPalyamenti ikonzya kugwisya lipoti lyayo mung'anda yamilawu kuti yabona kuti zipanzi zidinkaana aKkata Lyamulawu zyabambulwa, iStatutory Instrument kiitana langwalangwa pe aMaanda aMilawu obile.

(2) Kuti, Maanda aMilawu obile alangalanga lipoti yakazwa ku Kkomiti Yazyakulangalanga Milawu muPalyamenti iwamba kuti muli zipanzi zidinkaana aKkata Lyamulawu muStatutory Instrument , Mulembi Mupati waPalyamenti uyelede kwaambila baabo bakeetede Statutory Instrument mung'anda yamilawu kuti Statutory Instrument ijisi zipanzi zidinkaana aKkata Lyamulawu nkaako tiikonzyi kuzuminwa. Mutabi wakeetede statutory instrument eeyo uyelede kuti mukati kamazuba makumi obile alimwi kali waambilwa, wachita chimwi chazeezi—

- (a) walembela kuNkuta yaZyaKkata Lyamulawu kakumbila kuti ilangelange kuti nichobeni na kuli zipanzi zidinkaana aKkata Lyamulawu muStatutory Instrument; naakuti.
- (b) Ayibambulule Statutory Instrument yakwe

(3) Aawo mutabi wakeetede Statutory Instrument kuti walembela kuNkuta yaZyakkata Lyamulawu kakumbila kuti ilangwelangwe mbuuli mbukwaambidwe mumwanefuka (2)(a), statutory instrument eeyo ngayabikkwa kumbali kakwiimikililwa mazembe atazwe kuNkuta yaZyaKkata Lyamulawu.

(4) Kuti nikwamana kulangwalangwa lipoti ya Kkomiti Yazyakulangalanga Milawu muPalyamenti kakuli kwajanwa kuti zimwi zipanzi zyaStatutory Instrument zidinkaana aMulawu uzyala Statutory Instrument, Maanda aMilawu obile akonzya kuzuminana kuti zipanzi eezyo zidinkaana aMulawu uzyala Statutory Instrument nkaako—

- (a) zipanzi zidinkaana aMulawu uzyala Statutory instrument nga tazichibelevi pe; kabiyo
- (b) Mulembi Mupati waPalyamenti ulalemba chizibisyu muGazeti achakufwambaana kazibisyu bulumbu eezyo zyakazuminanwa aMaanda aMilawu obile anchizyaamba chizuminano chawo maanda.

MPAMPIKWA YAMUSANU AKAMWI

(Zibeela 329 a332)

KUTALIKA KUBELEKA KWAKKATA LYAMULAWU EELI AKUTAMBIKIZYANIA NGUZU
KWAMAWOFESI

BWIIME BWAMAFUKA

CHIBAKA 1

NTALISYO

Fuka

1. Katalika kubeleka kwaKkata Lyamulawu eeli.
2. Kusweegwa Kwakkata Lyamulawu Lyachiindi.

CHIBAKA 2

KUTAANGUNA KUBELEKA KWAKKATA LYAMULAWU EELI ANTOOMWE AKUGWISIGWA
KWAKKATA LYAMULAWU WACHIINDI

3. Katalika kubeleka kwaKkata Lyamulawu eeli.
4. Kusweegwa Kwakkata Lyamulawu Lyachiindi.

CHIBAKA 3

Nsaluuzyo Ntaanzi

5. Kubelesya migano iiliwo kale yazilikiti amakkonsitichwensi.
6. Kulembesegwa kwabasikuvoota.
7. Kukazya masalilo aMuzulwidi waNyika kunsaluuzyo zyakutaanguna.
8. Mulawu wansaluuzyo.
9. Kutambikizyania nguzu kwafulumende.
10. Kuyanembo kwamilawu iliwo kale.

CHIBAKA 4

KUTAMBIKIZYANIA NGUZU KWAFULUMENDE

11. Bupanduluzi bwamilawu iliwo kale.
12. Nzila Zyameendelezyo aPalyamenti.
13. Babelesi bajanika muzyuno.
14. Zyaambo zyaatala ansaluuzyo antoomwe abulamfu bwachiindi Muzulwidi waNyika nchayeledede kukkanla muwofesi.
15. Kweendelela nembo kwamawofesi amwi.
16. Mukwabilili waBulumbu.
17. Kulonzegwa kwamali ili muNkomoMpati Yafulumende yachiindi.
18. Nkuta ameendelezyo azyamulawu.
19. Zyaambo zyaMupati waBasikusosela Milandu Munkuta.
20. Zyeelo zyabantu kulizya Ndyabukkede (Pension benefits).

CHIBAKA 1

Ntalisyoy

Bupanduluzi muMpampikwa Yamusanu Akamwi

1. Mumpampikwa eeyi, aanze kwakuti kazisiyene azyaambidwe mumalembe alokwaambwa—

“buunsi bwakatalika” chaamba buunsi Kkata Lyamulawu eeli mbuli talika kubeleka kwiinda muli zyaambidwe mufuka 3(2);

“milawu iliwo kale” chaamba mulawu uli mumalembe wakali kubeleka kale muZimbabwe buunsi mbulyakatalika kubeleka Kkata Lyamulawu eeli, kuuli muchiimo chaMulawu upangwa aPalyamenti naakuti Statutory Instrument;

“mulawu iliwo kale” chaamba mulawu wakaliwo kale naakuti umwi mulawu, fumbwa muchiimo muwakabede, pesi kuuli wakali kubeleka muZimbabwe buunsi mbulyakatalika kubeleka Kkata Lyamulawu eeli;

“Nsaluuzyo zyakutaanguna” chaamba—

- (a) nsaluuzyo zyakutaanguna zyakusala Muzulwidi waNyika kakubelesegwa Kkata Lyamulawu eeli;
- (b) nsaluuzyo zyakutaanguna zyakusala biiminini bamung’anda yaPalyamenti kakubelesegwa Kkata Lyamulawu eeli; kabiyo

- (c) nsaluuzyo zyakutaanguna zyakusala bantu banjila mumakkansili aamuzilikiti, mumadolopo mapati amumabbooma;

“Kkata Lyamulawu Lyachiindi” chaamba Kkata Lyamulawu lyaZimbabwe lyakatalika kubeleka mu18 Mukubwekaangala 1980 ambambululo zyamulawu ooyu zyakachitwa zisiyenesiyene;

“zuba lyakudindwa” chaamba buzuba mbulyakadindwa Kkata Lyamulawu eeli mupepa lyaGazeti kwiinda muli zyaambidwe muchibeela 51(5) chaKkata Lyamulawu wachiindi.

Manguzu aMpampikwa Yamusanu Akamwi

2. Mpampikwa Yamusanu Akamwi eeyi ilaamanguzu kuli zyoonse zibeela zijanika muKkata Lyamulawu eeli, kapati aawo mpukutamvwisisiki kabotu zyaambwa achimwi chibeeela.

CHIBAKA 2

KUTALIKA KUBELEKA KWAKKATA LYAMULAWU EELI AKUSWEEGWA KWAKKATA LYAMULAWU LYACHIINDI

Kutalika kubeleka kwaKkata Lyamulawu eeli

3. (1) Mpampikwa eeyi, antoomwe a—

- (a) Chaandaano 3, chilaatala azyabunichisi bwaZimbabwe;
- (b) Chaandaano 4, kakuli Nzyeelelo Zyaampandamunsaka;
- (c) Chaandaano 5, chilaatala akusalwa kwaMuzulwidi waNyika akutalika kwakwe mulimu;
- (d) Chaandaano 6, chilaatala akusalwa kwaBiiminini bamung’anda yaPalyamenti antoomwe akwiitwa kwaPalyamenti nikwazwa kuchitwa nsaluuzyo akuzumina kwaMuzulwidi waNyika Milawu ipangwa aPalyamenti;
- (e) Chaandaano 7, chilaatala ansaluuzyo, aanze kwazibeela 158, 160 a161;
- (f) Chaandaano 8, chilaatala amulimu antoomwe amanguzu aNkuta yaZyakkata Lyamulawu;
- (g) Chaandaano 9, chilaatala andemeko zyameendelezyo abulumbu antoomwe abuzuluzi;
- (h) Chibeela 208, chilaatala akulijata kwaBasikukwabilila Nyika;
- (i) and Chaandaano 12, chilaatala aKkomishini yaNsaluuzyo muZimbabwe; kabiyo
- (j) Chaandaano 14, chilaatala abafulumende bamuzilikiti amumabbooma.

zitaanguna kubeleka buunsi lyakudindwa kwaKkata Lyamulawu;

(2) Aanze kwawaawo mpukwaambidwe muMpampikwa eeyi, zipanzi zyoonse zyaKkata Lyamulawu zitalika kubeleka buunsi Muzulwidi waNyika wakasalwa kwiinda muKkata Lyamulawu eeli naatalika mulimu.

(3) Aakati kabusuni bwakudindwa abuunsi bwakutalika kubeleka kwaKkata Lyamulawu eeli, zipanzi zyaKkata Lyamulawu eeli zyaambidwe mubanabefuka (a) kuloosika ku (j) zyamwanefuka (l) zitola busena bwazipanzi zikozyania zijanika muKkata Lyamulawu lyachiindi.

Kusweegwa kwaKkata Lyamulawu Lyachiindi

4. Kwiinda muMpampikwa eeyi, Kkata Lyamulawu wachiindi lyasweegwa kuzwa buunsi nilyatalika kubeleka Kkata Lyamulawu eeli pya.

CHIBAKA 3

NSALUUZYO ZYAKUTAANGUNA

Kubelesya migano iiliwo kale yazilikiti amakkonsitichwensi

5. Migano yazilikiti, makkonsitichwensi amawaadi zilasiigwa mbuuli mbuzyakabede kalitana beleka pe Kkata Lyamulawu eeli kabiyo migano eeyi njiyo itazoobelesegwe munsaluuzyo zyakutaanguna kalili lyatalika kubeleka Kkata Lyamulawu eeli.

Kulembesya kwabasikuvoota

6. (1). Woonse mutu wakalembesezye kuvoota mumalembe akuvoota kalitana talika kubeleka Kkata Lyamulawu eeli unoochilembedwe mumalembe kuchitila nsaluuzyo zyakutaanguna.

(2) Kuchitila nsaluuzyo zyakutaanguna, Mulembi Mupati waZyakuvoota (Registrar General of Voters) ngutanoolembembe mazina abasikuvoota antoomwe akubamaba malembe abasikuvoota kalangwalangwa aKkomishini yaNsaluuzyo muZimbabwe.

(3) Registrar-General of Voters kalangwalangwa akkomishini yaNsaluuzyo muZimbabwe uyelede kuchita jendengano lyakulembesya bantu basikuvoota antoomwe akubona kuti bantu basika kuzoobona kuti mazina aabo mpaali mumalembe kwamazuba makumiaatatu kuzwa buunsi nilyadindwa Kkata Lyamulawu eeli.

Kukazya zyakazwa munsaluuzyo zyakusala Muzulwidi waNyika munsaluuzyo zyakutaanguna

7. Fumbwa wakazyania azyakazwa munsaluzzyo zyakusala Muzulwidi waNyika kunsaluuzyo zyachitwa kutaanguna, kaambo aaka kweelede kamaninsigwa akupetwa kwiinda muli zeezyo zyaambidwe muchibela 93 chaKkata Lyamulawu eeli.

Mulawu wansaluuzyo

8. Nsaluuzyo zyakutaanguna zyelede kuchitwa kwiinda mumulawu wazyansaluuzyo uyendelana azyaambidwe muKkata Lyamulawu eeli.

CHIBAKA 4

KUTAMBIKIZYANIA NGUZU KWAFULUMENDE

Kutambikizyania nguzu kwafulumende

9. Fulumende uubumbwa kwiinda muKkata Lyamulawu eeli nguwe utola chibaka chafulumende wakaliwo kale.

Kuyanembo kwamilawu iiliwo kale

10. Kwiinda muMpampikwa eeyi, yoonse milawu iliwo kale ileendeleta nembo kiibeleka pesi yeelede kulangisisigwa kwiinda muKkata Lyamulawu pya eeli.

Bupanduluzi bwamilawu iiliwo kale

11. (1) Aanze kwakuti zilisiyene azyaambidwe chiindi achiindi, zyaambwa mumilawu iliwo kale aatala a—

- (a) Muzulwidi waNyika nga zyaamba Muzulwidi waNyika uubikkidwe kwiinda muli zyaambidwe muKkata Lyamulawu eeli;
- (b) Palyamenti kwaambwa:
 - (i) Ng'anda Yaajulu Yamilawu, aawo mpukwaambwa milimu iichitwa ang'anda eeyi yamilawu ayilikke mbuuli mbukwaambwa muKkata Lyamilawu;

- (ii) Ng'anda Yaansi Yamilawu, aawo mpukwaambwa milimu iichitwa ang'anda eeyi yamulawu iteensi yeeyo iwambidwe mu mwaneefuka
 - (1) naakuti mumulawu umwi wapangwa;
- (c) Ng'anda Yaansi nga kwaambwa Ng'anda Yaansi Yamilawu;
- (d) Babelesi baBulumbu kwaambwa Babelesi baFulumende;
- (e) Kkomishini yaBubelesi bwaBulumbu kwaambwa Kkomishini yaBabelesi baFulumende;
- (f) Zyamajele kwaambwa Zyamajele aKuzyotololwa Kwabaange;
- (g) Kkomishini yaZyamajele kwaambwa Kkomishini yaZyamajele aKuzyotololwa Kwabaange;
- (h) Nabbatule waZyamajele kwaambwa Nabbatule wazyamajele aKuzyotololwa Kwabaange;
- (i) Comptroller aAuditor General kwaambwa Auditor General
- (j) Attorney General kwaambwa Mupati waBasikusosela Milandu Munkuta (Prosecutor General).

(2) Aawo Kkata Lyamulawu eeli mpulipa nguzu kumuntu kuti naakuti kabunga kuti kapange milawu aatala azimwi zintu, kakuli zintu eezyo zilaambidwe kale mumilawu iiliwo kale yakachitwa abamwi bantu/tumwi tubunga, milawu iiliwo kale ijisi nguzu zikozyania amilawu yakaanzwa kwiinda muKkata Lyamulawu pya eeli.

Nzila Zyameendelezyo aPalyamenti

12. Nzila Zyameendelezyo aPalyamenti zyakaliwo kale kalitana talika kubeleka Kkata Lyamulawu eeli yamuNg'anda Yaajulu aNg'anda Yaansi Yamilawu kusikila zyabambululwa naakuti kugwisigwa kwiindila muKkata Lyamulawu eeli.

Babelesi bajanika muzyuuno

13. Fumbwa muntu wakajisi chuuno mumulimu wafulumende, kalitana talika pe kubeleka Kkata Lyamulawu eeli, uyanembo kajisi chuuno chakwe naakuti kubeleksya limbi zina lyawofesi lyakabumbwa amulawu mupya pesi kalyelene awofesi yakwe yansiku. Mufolo alumwi lugwasyo lupegwa babelesi aamulimu zinookozyania anzyaakali kujana kale kusikila bulamfu bwakukkala muwofesi eeyo bwasika mpubumana, kusikila wasiya mulimu, naakuti kwaandwa mulimu.

Zyaambo zyaatala ansaluuzyo antoomwe abulamfu bwachiindi Muzulwidi waNyika nchayelededukkala muwofesi

14. (1) Katutalangisisyi zyaambidwe muchibela 92, munsaluuzyo zyakutaanguna kuzwa kutilika kwakubeleka kwaKkata Lyamulawu eeli, antoomwe amunsaluuzyo zitobela zyakusala Muzulwidi waNyika mukati kakkumi lyaminyaka kuzwa kunsaluuzyo zyakutaanguna, basikuvootelwa kuba Muzulwidi waNyika tabeelede kusalauumwi muntu kuti avootelwe kuba Mutobeli waMuzulwidi waNyika.

(2) Achakufwambaana, muntu wasalwa kuba Muzulwidi waNyika munsaluuzyo zyaambidwe mumwaneefuka (1) ueyelede kugala bantu batayindi bobile pe kuti babe Batobelis baMuzulwidi waNyika, bakkala muzyuuno eezi kwiinda muluse lwaMuzulwidi waNyika.

(3) Aawo—

- (a) uumwi Mutobeli waMuzulwidi waNyika mpaagalwa kwiinda mumwaneefuka (2), ooyo muntu uba Mutobeli waMuzulwidi waNyika Mutaanzi kakutobelwa zyaambidwe muKkata Lyamulawu eeli;

(b) Babili Batobeli baMuzulwidi waNyika mpubagalwa kwiinda mumwaneefuka
 (2), Muzulwidi waNyika ukonzya kuti kuzwa chiindi achiindi wagala umwi
 kuti abe Simujatila Chuuno chaMuzulwidi waNyika aawo Muzulwidi
 waNyika natawo munyika naakuti natachikonzyi kuchita milimu yawofesi
 yakwe kwiinda mukuchiswa azimwi zinga zilachitika mbuumi.

(4) Katutalangisisyi zyaambidwe muchibela 101 pesi katulanga zili
 mubanabefuka (5) a (6), kuti muntu wakasalidwe kuba Muzulwidi waNyika
 munsaluuzyo zyaambidwe mumwaneefuka (1), wafwa, wasiya chuuno naakuti
 wagwisigwa achuuno—

- (a) Uutobela Muzulwidi waNyika naakuti aawo mpukuli Batobela Muzulwidi
 waNyika babili, ooyo Uutobela Muzulwidi waNyika wakamaninsizya
 kugalwa kuti ajane bujatila chuuno chaMuzulwidi waNyika kwiinda
 mumwaneefuka (3(b)), nguwe ujana bujatila chuuno chaMuzulwidi
 waNyika kusikila Muzulwidi waNyika mupya watalika mulimu mbuuli
 mbukwaambidwe mumwaneefuka (5); kabiyo
- (b) Chuuno chaMuzulwidi waNyika chasyala kachitakwe muntu cheelede
 kupega uumbi muntu wagalwa kuzwa kukabunga kakweendelezya
 zyanyika kakalaamuzulwidi waNyika wakafwa, wakasiya naakuti
 wakazwa achuuno.

(5) Kabunga kakweendelezya zyanyika keelede kugala muntu utanjile
 muchuuno chaMuzulwidi waNyika kwiinda mumwaneefuka (4)(b), keelede kuzibisyia
 Sichuuno waNg'anda Yaansi Yamilawu izina lyamuntu ngukagala mukati kamazuba
 makumi musanu amakumi aane (90 days) kuzwa buensi chuuno chaMuzulwidi
 waNyika nichasyala kachitachikwe muntu. Mpawo muntu wagalwa utalika mulimu
 naamana kuchita chikonke chawofesi eeyi kwiinda muchibela 94. Sikunjila muchuuno
 chaMuzulwidi waNyika ueyelede kuchita chikonke chawofesi eeyo mukati kamahola
 makumi aane alaamasanu aatutatu (48 hours) naakuti kakutana yinda mazuba obile
 kuzwa nikwakazibisigwa zina lyamuntu ooyo Sichuuno waNg'anda Yaansi Yamilawu.

(6) Kuti muntu wali Muzulwidi waNyika wakasalidwe kwiinda mumwaneefuka
 (1) wafwa, wasiya naakuti waandwa achuuno, kakuli muntu ooyo taakalikwe kabunga
 kakweendelezya zyanyika nkaakanjide, Uutobela Muzulwidi waNyika naakuti
 kabali babili ooyo wakamaninsizya kujatila chuuno chaMuzulwidi waNyika kwiinda
 mumwaneefuka (3)(b), nguwe uutola chuuno chaMuzulwidi waNyika.

Kweendelela nembo kwamawofesi amwi

15. Katutalangi zimwi zipanzi zyaKkata Lyamulawu Lyachiindi, ma
 wofesi aatobela aakaliwo kale buunsi lyakudindwa kwaKkata Lyamulawu kwiinda
 muMpampikwa Yamusanu Atutatu ijanika muKkata Lyamulawu Lyachiindi, kaali
 ngaaya—

- (a) Muzulwidi waNyika aWutobela Muzulwidi waNyika;
- (b) Nabbatule waBasilutwe baMitabi yaFulumende awutobela Nabbatule
 waBasilutwe baMitabi yaFulumende; kabiyo
- (c) Silutwe waMutabi waFulumende aWumutobela;

Beendelela nembo kabaliwo kusikila buunsi Muzulwidi waNyika mutaanzi aansi
 kwaKkata Lyamulawu eeli watalika mulimu wakwe kabiyo aabo bakajisi zyuuno
 zyaambwa aajulu balasyaala kabali muzyuno zyabo mbuuli mbukweelede.

Mukwabilili waBulumbu

16. (1) Mulawu waMukwabilili waBulumbu (Public Protector Act [Chapter
 10:18]) wagwisigwa akusweegwa.

(2) Fumbwa zyaambo zyakali kujatwa aMukwabilili waBulumbu kalitana talika kubeleka Kkata Lyamulawu eeli zyelede kutolwa kuKkomishini yaZyelelo Zyabantu muZimbabwe kuti zikamaninsigwe nkooko.

Kulonzewa kwamali iili muNkomoMpati Yafulumende yachiindi

17. Imali zyakeelede kubikkwa muNkomo Mpati yaFulumende, yakabikkidwe kwiinda muKkata Lyamulawu Lyachiindi, iyelede kubikkwa muNkomo Mpati yaFulumende yakaanzwa kwiinda muKkata Lyamulawu eeli.

Nkuta ameendelezyo azyamulawu

18. (1) Mufuka eeli—

“kaambo katanamana kalaachakuchita aKkata Lyamulawu” zyaamba:-

- (a) kaambo kalaachakuchita aatala akutyolwa kwazyelelo zyaampandamunsaka mbuuli mbukwaambidwe muKkata Lyamulawu Lyachiindi; naakuti
- (b) fumbwa kaambo kalaachakuchita azyaKkata Lyamulawu mbuuli mbukupandulwidwe muchibela 332 chaKkata Lyamulawu eeli pya;

kakuli buunsi nilyakadindwa Kkata Lyamulawu eeli kaambo aako kakachili muNkuta Yaajulujulu yaZimbabwe yakaanzidwe kwiinda muKkata Lyamulawu Lyachiindi;

(2) Katutalangi zili muchibela 166, kwaminyaka musanu ayibili kuzwa buunsi nilyadindwa Kkata Lyamulawu eeli, iNkuta yazyakata Lyamulawu ijisi bantu aaba:-

- (a) Duundumuntule waBubetes aWumutobela; kabiyo
- (b) maJaji aali musanu awabili bakuNkuta Yaajulujulu;

beelede kukkala kabali boonse kuti baswiilizye kaambo keetwa muNkuta yazyakata Lyamulawu.

(3) Kuti chuuno chawumwi Jaji wakuNkuta yazyakata Lyamulawu chasyala kachitakwe muntu mukati kaminyaka musanu ayibili kuzwa buunsi nilyakadindwa Kkata Lyamulawu, chuuno eecho cheelede kuzuzikizigwa kwiinda mukunjizya uumbi Jaji, naakuti kubikka Jaji uujatilide chuuno eecho pesi Jaji ooyo kazwa kuNkuta Yaajulujulu. Pesi kuti chuno cha Wutobela Duundumuntule waBubetes chayanda muntu, muntu ooyo uyelede kunjizigwa kakutobelezegwa chibela 180(2)(3).

Fumbwa kakuli mweenya wabawo muwofesi ya Mutobeli waDuundumuntule waBubetes muchiindi eecho weeledes kuzuzikizigwa kwiinda muchibela 180(2) a (3).

[Kabeela kakasekkewa akabeela 8 ka Mulawu 10 wa2017]

(4) Kusikila kwalembwa zyaambo zisiyene kwiinda muMulawu upangwa aPalyamenti—

- (a) miteto ikonza kupangwa kwiinda mumulawu waSupreme Court Act [Chapter 7:13] kuti miteto eeyo igwasizye kuubya meendelezyo azintu muNkuta yazyakata Lyamulawu;
- (b) miteto yaNkuta Yaajulujulu ilabeleka, nikuba kuti masandu akonzya kuchitwa aayeledes, mumeendelezyo azintu muNkuta yazyakata Lyamulawu kuzyaambo zitavumbidwe amiteto yachitwa kwiinda mumwanefuka (a);

pesi miteto eeyo iyelede kubeleka muNkuta yazyakata Lyamulawu, iyelede kweendelana azyaambidwe muchibela 85 aChaandaano 8.

(5) Nkuta Yaajulujulu yaZimbabwe , Nkuta Yaajulu yaZimbabwe, Nkuta Yambelekelano, aNkuta Yanjendelezyo, mbuuli mbuzyakabede muchiindi kalitana

talika kubeleka Kkata Lyamulawu eeli, zyakabambululwa boobu Nkuta Yaajulujuju (Sureme Court), Nkuta Yaajulu (High Court), Nkuta Yambelekelano (Labour Court), Nkuta Yanjendelezyo (Administartive Court) aansi kwaKkata Lyamulawu eeli. Pesi fumbwa mizeezo njiyakapa kumilandu atwaambo musule kwakatalika kubeleka kwaKkata Lyamulawu eeli mizeezo eeyo ichibeleka kabiyo ichilaamunse.

(6) Woonse muntu wakali kubeteka milandu muNkuta Yambelekelano amuNkuta Yanjendelezyo kalitana talika kubeleka Kkata Lyamulawu eeli waba Jaji waNkuta Yambelekelano naakuti Nkuta Yanjendelezyo uujana mufolo azimwi zipegwa bableesi zyeelene aJaji waNkuta Yaajulu. Kabiyo bulamfu bwakukkala muwofesi yamulimu kali Muzulwidi waNkuta Yambelekelano naakuti Nkuta Yanjendelezyo kabukozyania aboobo bwaJaji wakuNkuta Yaajulu.

(7) Inkuta zyaba Mejasitiliti, nkuta zyabaami azimwi nkuta zyakapangwa kwiinda mumulawu upangwa aPalyamenti kalitana talika kubeleka Kkata Lyamulawu eeli, zyeedele zyeendeleta nembo kazibeleka mbuuli zyakabikkwa aMulawu upangwa aPalyamenti kwiinda muchibeela 174, kabiyo zyakaambwa ankuta eezi kalitana talika kubeleka Kkata Lyamulawu eeli zichibeleka kabiyo zichilaamunse.

(8) Fumbwa kaambo katalina maninsigwa keendelana azyaKkata Lyamulawu—

- (a) kakatana kubetekwa buunsi kalitana dindwa Kkata Lyamulawu eeli, kaambo aako ngakatolwe kuNkuta yazyakata Lyamulawu yakabumbwa kwiinda mumwaneefuka (2);
- (b) kuti kakuli kaambo kakali katalika kubetekwa buunsi nilyakadindwa Kkata Lyamulawu, kaambo aako keeletee kutolwa kuNkuta Yaajulujuju, aanze kwakuti aabo beni twaambo bazuminana kukatola kuNkuta yazyakata Lyamulawu yakabambwa kwiinda mumwaneefuka (2), nkaako kuti kwaboobo Nkuta Yaajulujuju ilakatola kuNkuta yazyakata Lyamulawu kaambo aako.

(9) Yoonse milandu, aanze kwayeeyo ilaachakuchita azyaKkata Lyamulawu, yakatalina maninsigwa munkuta buunsi nilyakatalina dindwa Kkata Lyamulawu eeli ikonzya kwiinkilila nembo kilookubetekwa munkuta eezyo naakuti azimwi zyeelene nkuta zyakabikkwa aKkata Lyamulawu pya eeli kakunga yakali yatalika kubetekwa milandu eeyo, pesi—

- (a) meendelezyo atwaambo/milandu eeyo ayelede kuba ngawo akali kubelesegwa kale kalitana dindwa Kkata Lyamulawu eeli; kabiyo
- (b) meendelezyo amilandu/twaambo aawambwa mumwaneefuka (a) alabeleka kumilandu ilaachakuchita azilemedwe muChaandaano 4 chaKkata Lyamulawu eeli pya.

(10) Kuchitila zyaambidwe mumwaneefuka (9)—

- (a) mulandu ulaachakuchita azya criminal case uwambwa kuti wakali watalika kubetekwa kuti kakuli sikutamizigwa wakali watalika kuzumina mulandu wakwe;
- (b) mumulandu wa civil case uwambwa kuti wakali watalika kubetekwa kuti kakuli mapepa akwiita sikusunda kunkuta akali atumizigwa kuli nguwe, naakuti mulandu wakali waba mumalembe eenkuta.

Zyeendelana aMupati waBasikusosela Milandu Munkuta (Prosecutor-General)

19. (1) Fumbwa zyakaambwa akuchitwa aAttorney General musule kwabuunsi kalitana talika kubeleka Kkata Lyamulawu eeli aatala amilandu yacriminal zitolwa kuti zyakachitwa kazichitilwa awofesi mpya yaMupati waBasikusosela Milandu Munkuta (Prosecutor General).

(2) Muntu wakajisi chuuno cha Attorney General musule kalitana talika kubeleka Kkata Lyamulawu uyendelela nembo muwofesi kali waba Mupati wa Basikusosela Milandu Munkuta kuzwa buunsi mbolitalika kubeleka Kkata Lyamulawu.

Zyelelo zyabantu kuli zyaNdyabukkede (Pension benefits)

20. Cheelelo chakujana penshini chakaliwo kale kalitana talika kubeleka Kkata Lyamulawu kabiyu kachili cheelelo eecho chakali kwabilidwe a Kkata Lyamulawu lyachiindi, eecho cheelelo cheelede kuya nembo kachizuzikizigwa kuzwa buunsi nilitalika kubeleka Kkata Lyamulawu eeli.

